





West Virginia University Libraries



3 0802 102289815 4




2136

3

a


•2
770

DO NOT CIRCULATE



ARTIS MEDICÆ
PRINCIPES.

TOMUS II.



Digitized by the Internet Archive
in 2011 with funding from
LYRASIS members and Sloan Foundation


ARTIS MEDICÆ PRINCIPES

HIPPOCRATES, ARETÆUS,
ALEXANDER, AURELIANUS,
CELSUS, RHAZEUS.

RECENSUIT, PRÆFATUS EST

ALBERTUS DE HALLER.

TOMUS II.



LAUSANNÆ,

Sumptibus FRANC. GRASSET & SOCIOR.

M. D. CC. LXX.

R 111
. H 35
v. 2
1770

T A B U L A


T O M I S E C U N D I.

1 HIPPOCRATES DE CORPORUM RE- SECTIONE.	pag. 1.
2 DE CARNIBUS SEU PRINCIPIIS.	3
3 DE OSSIUM NATURA.	19
4 DE CORDE.	35
5 DE GLANDULIS.	40
6 DE GENITURA.	50
7 DE NATURA PUERI.	60
8 DE SEPTIMESTRI PARTU.	90
9 DE OCTIMESTRI PARTU.	99
10 DE SUPERFETATIONE.	103
11 DE DENTITIONE.	123
12 DE PRÆDICTIONIBUS.	125
13 COACÆPRÆNOTIONES. Sectiones III.	142
14 DE JUDICATIONIBUS.	205
15 DE DIEBUS JUDICATORIIS.	215

T A B U L A.

16	DE MORBIS POPULARIBUS.	Lib. II.	222
17	.	Lib. IV.	247
18	.	Lib. VI.	268
19	.	Lib. V.	293
20	.	Lib. VII.	319
21	DE AFFECTIONIBUS.	Sect. II.	366
22	DE INTERNIS AFFECTIONIBUS.		
	Sect. III.		401





HIPPOCRATIS

LIBER DE

CORPORUM RESECTIONE.

P R Æ F A T I O A D L I B R U M D E A N A T O M E .

*B*Revis libellus, ad cor pertinens, hepar, alia abdominis viscera: vera omnia, & bona, & ex homine sumta, ut ex quinque pulmonis lobis, & ex mensura intestini conjicias. MERCURIALIS ultimo loco reponit.

ARteria ex utraque faucium/ parte exortum faciens, in summitatem pulmonis desinit, circulis composita confimilibus, rotundis, in superficie se mutuo contingentibus. Ipse autem pulmo testudinem coadimplet, in sinistram conversus, quinque apices habens, quos lobos, & summitates vocant, cinereo colore præditus, notis cavernosis compunctus, naturaque antrosus existens. Ad medium vero ipsius cor situm est rotundius, ac oblongius, quam in omnibus ani-

Princip. Art. Med. Tom. II. A

malibus. A corde vero ad hepar multa cartilaginosa arteria procedit, & cum ipsa vena magna appellata, per quam totum corpus nutritur. Hepar autem similitudinem quidem cum omnibus aliis habet, verum sanguinolentius, quam alia existit, apices habens duos, quos portas appellant, in dextris locis sitas. Ab hoc vero obliqua vena inferne ad renes tendit. Renes autem consimiles colore, malorum speciem præ se ferunt. Ab his canales obliqui, ac ferme triangulares, in summum vesicæ apicem tendunt. Vesica autem tota nervosa est, magnaque, ac late se extendens capacitas intra eam a natura disposita est. Et has sex partes intus per medium corpus natura disposuit. Gula autem a lingua principium faciens, in ventrem desinit, quam sane græci etiam œsophagum, & stomachum, id est os, ventris significanter appellant. Cæterum a spina retro hepar, septum transversum productum est. Ex latere vero notho, sinistro videlicet, lien initio sumpto extentus est ad humani vestigii similitudinem. Ventriculus autem hepatis adjacens juxta sinistram partem, totus quidem est nervosus. A ventriculo vero extat intestinum ventri consimile, longum cubitorum non minus duodecim, pampini formiter in sinibus involutum, quod aliqui colum vocant, per quod alimenti delatio contingit. A colo autem situm est rectum, ac princeps intestinum postremum, carnem copiosam habens, & in summum anum desinens. Reliqua porro natura ipsa ordinavit, ac disposuit.

HIPPOCRATIS

DE

CARNIBUS, SEU PRINCIPIIS LIBER:

P R Æ F A T I O.

*T*ertiae suae classi tribuit MERCURIALIS, quae deterioris ipsi est ordinis quam secunda. Acuti ingenii auctor, systema continet, in quo quantum video, HERACLITEUM cum Peripateticis opinionibus mistum est. Calidum immortale, & omnia intelligit. Ejus pars secessit in aethera, & una reliqua tria elementa secesserunt. In terra relictum calorem: ex ea tuniculas fuisse in putredine. Ossa ex pingui & frigido coacta esse: glutinosum in nervos venasque: frigidum a calore secutum abiisse in humores animalis. Ex ejusmodi compositione calidi, frigidi, humidi & sicci, viscera omnia nata esse, quae auctor per singula persequitur. Cor calidissimum esse, cerebrum humidi metropolin. Anatomica monumenta non minimi momenti hic latent, fibrae lienis, membrana tympani, os cribrosum, nervi optici & oculi tunica & lens crystallina. Putes Herophileis temporibus scriptum, quando anatomica corporis humani cognitio haecenus adoleverat. Nam & arteriae nomen habet, pro aorta significanda. Non vocales esse, quibus guttur praefectum. IDEM.

ARGUMENTUM LIBRI.

De singularum partium principiis, generatione, & formatione; de visus, odoratus, & auditus organis; de septenarii numeri facultate in partu, morbis acutis, ulceribus, atque inflammationibus, dentiumque complemento.

CAPUT I.

Quid sit dicturus: de calido innato: de Elementorum secretionem, sedibus, & qualitatibus: de partibus ex ipsis procreatis: de ossium, nervorum, ac membranarum generatione.

EGO ad hunc usque sermonem communibus sententiis utor cum aliorum, qui ante me fuerunt, tum etiam meis. Necessario namque est eum, qui hanc de arte Medica tractationem suscipere velit, commune sententiis principium supponere. De sublimibus autem rebus differere mihi opus non est, nisi quod quantum conferunt ad hominem, & reliqua animantia quæ sunt, & procreata sunt, demonstrabo: & quid anima sit, & quid sanitas, & quid morbus, quidque in homine pravum ac bonum, & unde moriatur. Nunc autem ipse meam sententiam proferam. Quod calidum vocamus, id mihi immortale esse videtur, & cuncta intelligere, & videre, & audire, & scire omnia tum præsentia, tum futura. Hujus igitur plurima pars, quum omnia perturbata essent, in supernum ambitum secessit, ac ipsum mihi veteres videntur æthera no-

minasse. Altera pars inferior, terra quidem vocatur, frigidum & siccum (elementum,) multasque motiones habens; in eoque multum sane calidi inest. Tertia vero pars, medium aeris locum occupavit, calidum quid existens. Quarta (pars) terræ proximum (locum obtinet) humidissimum quid & craissimum. Quum antea in orbem hæc circumvolverentur ac turbata essent, multa calidi pars in terra conclusa est, partim quidem magna, partim vero minor, alias etiam valde parva, sed multitudine copiosa. Et temporis successu a calido hæ partes conclusæ in ipsa terra, veluti in tunicis quibusdam, putredines pariunt. Ac longo tempore incalescens, quantum quidem ex terræ putredine pingue fuit & minimum humidi habens, id citissime exustum ac in ossa mutatum est. Quæ vero glutinofiora fuerunt, & frigidi communionem habuerunt, ea calefacta exuri non potuerunt, neque etiam humida fieri; ideo formam magis diversam ab aliis acceperunt, & nervi solidi facti sunt, cum non multum in iis frigidi inesset. At venæ frigidi multum habebant, atque hujus frigidi quod circumcirca erat glutinosissimum, a calido exassatum, membrana evasit; quod vero erat frigidum a calido superatum, dissolutum est; ideoque fluidum evasit.



CAPUT II.

De cavarum partium, stomachi, ventriculi, intestinorum, tunicarum, vesicæ & ossium procreatione; de cerebro, cur liquari nequeat, ac de spinali medulla.

AD eandem autem rationem, fauces, gula, venter, & intestina ad podicem usque cava facta sunt. Frigido enim semper incalcescente, quod in ejus ambitu glutinosum erat, exassatum est, & ambiens membrana tunica evasit. Quod vero frigidum intus erat, quoniam in ipso neque pingue, neque glutinosum multum inerat, colliquatum est, & fluidum exstitit. Eadem quoque ratio vesicæ: frigidum multum conclusit in ejus ambitu, a calido calefactum & dissolutum, liquidum factum est. In eo namque non erat pingue, neque glutinosum. Quod vero superfuit, tunica evasit. Sed & alia, quæ cava sunt, ad eundem habent se modum. Ubi enim plus glutinosi quam pinguis erat, membrana in tunicam evasit. Et ubi pingue supra glutinosum abundavit, ossa facta sunt. Ossium vero eadem est ratio. Ubi enim glutinosum minime inerat, sed pingue & frigidum abundavit, id celeriter propter pinguedinem exustum fuit, ossaque durissima & maxime solida facta sunt. Ubi vero pingue & glutinosum simili portione respondent, hæc ossa sunt cavernosa; ac de his quidem hæc videtur esse ratio. Frigidum quidem densat; calidum vero diffundit; longo etiam interposito tempore exsiccat. Quod si quid pinguedinis adfuerit, citius exurit & exsiccat. Verum ubi glutinosum cum frigido adfuerit, citra pinguedinem, exuri

non solet, sed temporis successu incalescens condensatur. At vero cerebrum frigidi & glutinosi sedes est & matrix; calidum vero pinguedinis sedes & matrix. Quod enim dum incalescit, primum omnium diffunditur, pingue fit. Atque idcirco cerebrum; quod minimum pinguedinis, plurimum vero glutinosi habeat, a calido exuri nequit, sed temporis spatio tunicam, membranam crassam, accipit; circa membranam vero ossa, ex eo quod calidum superavit, & in quo pingue inerat. Medulla etiam, quæ dorsalis appellatur, a cerebro ducitur, & non in ipsa est pinguis, vel glutinosi multum, quemadmodum & cerebro: eamque ob causam neque medullæ nomine jure donatur. Neque enim reliquorum ossium medullæ similis est, quum sola membranas habeat, quas alia medulla non habet. Atque horum manifesta sunt indicia, quod, si quis nervosa & glutinosa, itemque alia assare volet, cætera quidem cito assentur; nervosa tamen & glutinosa assari nequeant, quum minimum pinguedinis habeant; quod vero pinguißimum & unctuosum est, celerrime assatur. At vero viscera hoc modo mihi constare videntur. Et de venis quidem antea a nobis dictum est.

C A P U T III.

De cordis structura, situ, temperamento, & functione; de vene cava, & arterie magnæ ortu, distributione, cavitatibus, ac fetum in utero alimentum trahere.

COr autem multum glutinosi ac frigidi obtinet, quod a calido calefactum, caro dura

& viscosa evasit, ipsumque membrana involutum, cavum factum est, non quemadmodum venæ; & ad venæ maxime cavæ caput annexum est. Duæ enim sunt a corde venæ cavæ, alteri nomen quidem arteria; alteri vero vena cava est, juxta quam cor situm habet. Arteria vero calidi plus continet, quam vena cava, & spiritum condit ac asservat. Verum præter has duas venas, aliæ quoque in corpore sunt. Maxime autem cava vena, ad quam cor situm est, septum transversum & ventrem totum, pervadit, & in utrumque renem alias scinditur, & in lumbis finditur, tumque in partes, cum in utrumque crus fertur. Sed & supra cor ad cervicem, partim quidem in dextram, partim etiam in sinistram (tendit) tuncque ad caput adscendit, & in tempora utraque scinditur. Possunt autem & maximæ venæ numero recenseri; sed ut uno verbo comprehendam, a vena cava, & ab arteria, reliquæ venæ in totum corpus dispersæ sunt. Sunt autem maxime cavæ, quæ ad cor, cervicem & caput tendunt; & infra cor ad coxendices usque. Calidumque plurimum in venis & corde inest; eamque ob causam spiritum cor in se continet, quod sit omnium, quæ in homine sunt, membrorum calidissimum. Quod autem spiritus sit calidus, facile est intelligere. Cor & venæ cavæ semper moventur, calidique plurimum in venis inest: & quia ex omnibus hominis membris cor sit maxime calidum, eam ob causam spiritum attrahit. Id vero & aliter cognoscere licet. Si quis ignem in domo, quum ventus non inspirat, accendere velit, flamma modo minus, modo magis movetur. Sed & lucerna accensa, ad eundem modum modo magis, modo minus agitur, nullo, quem quidem spirare sentiamus.

vento mota; frigidumque calido alimentum est. At vero puer dum in utero est, compressis labris ex matris utero fugit, tum alimentum, tum etiam spiritum, qui in puero calidissimus est, ubi sane mater respirat, in cor attrahit. Quin etiam hoc calidum reliquo corpori, & omnibus aliis partibus motum præbet. Quod si quis roget, quomodo hoc quis noscit, quod puer in utero trahat & fugat: hoc illi respondere licet. Pueri quum nascuntur, stercus in intestinis habent, ac in lucem editi, tum homines, tum pecora celerime ventrem exonerant. Atqui stercus non haberent, nisi in utero fuxissent; neque utprimum puer natus est, ubera sugere nosset, nisi in utero fuxisset. Ac de cordis quidem & venarum motione, ad hunc se res habet modum.

C A P U T IV.

De pulmonis, jecoris, splenis, tunicarum, articularum, nervorum, muci, & unguinum generatione.

Pulmo autem juxta cor sic factus est. Quod in humido glutinosissimum erat, cor calefaciens, celeriter exsiccavit, veluti spumam, & cavernosum fecit, multasque in eo venulas. At venulas eam ob causam condidit. Quod in glutinoso inerat frigidi, id ipsum a calido colliquatum, fluidum est redditum; a glutinoso vero ipsa tunica facta est. Jecur vero sic constitutum est. Humido multo cum calido concluso, absque glutinoso & pingui, frigidum superavit calidum, & condensatum est. Certum autem id

mihi indicium est. Quum quis victimam jugulat, quamdiu sanguis calidus est, liquidus manet; ubi vero perfrixit, concrefcit. Quod si quis ipsum agitet, minime concrefcit; fibræ namque frigidae ac glutinosæ sunt. At lien hunc in modum constitutus est. Cum calido & glutinoso, calidi quidem plurimum, frigidi vero minimum (remanfit) tantum solummodo, quantum ipsum glutinosum cogat; sunt autem id fibræ in liene existentes, & propter has fibras splen mollis & fibrosus est. At renes hoc modo compacti sunt. Glutinosi parum, parumque calidi, plurimum frigidi; & ab hoc condensatum est, & viscus durissimum evasit, & minime rubrum, quod non multum calidi simul coierit. Eadem quoque de carnibus ratio est; frigidum quidem carnem constituit, condensavit, & fecit, glutinosum autem in foramina abiit; in foraminibus autem, velut in magnis venis, humidum inest. Calidum autem in universo corpore est, plurimum vero humidi in corpore, & multum frigidi in humido inest, tantum autem est frigidi, quantum humidum condensare queat; verum a calido superatur, quare etiam ab eo diffunditur. Hæc autem humidi, quod sit calidum, demonstratio est. Si quis corpus hominis secare velit, ubicumque voluerit, sanguis calidus effluet, & quamdiu quidem calidus fuerit, liquidus erit. Ubi vero, tum ab insito, tum ab externo frigido perfrixerit, pellicula & membrana obducitur; qua detracta, si quis pauco tempore sinat, aliam enatam pelliculam videbit; eamque si quis semper auferat, alia a frigido pellicula producet. Sed hujus rei gratia plura dixi, ut ostendam corporis summum aeri obversum, a frigido & ventis ingruentibus necessario pelliculam contrahere. Ar-

ticuli vero sic producti sunt. Quum ossa constituta sunt, quæ quidem ex his pingua fuerunt, celerrime exusta sunt, quemadmodum superiore oratione dictum fuit. Quod autem ex his glutinosum erat, id quum peruri nequiret, medio loco inter ustum & exsiccatum comprehensum, a calido in nervos, & mucum transit. In mucum vero, quatenus quod ex glutinoso liquidissimum erat, calefactum crassius evasit, quum liquidum esset, indeque mucus exstitit. Ex hoc ipso autem glutinoso ungues producti sunt. Quod enim in eo maxime est fluidum, ab ossibus & articulis semper secedens, glutinosum redditur, & a calido siccatum, arefactum foras in ungues abit.

C A P U T V.

De dentibus, venis maxilla, ossibus, venis mesaraicis, pilis, ac eorum generatione.

DEntes autem postremi istam ob causam gignuntur. Ex capitis & maxillarum ossibus glutinoso incrementum accedit, & pingue quod inest, a calido exsiccatum exurit, & dentes fiunt reliquis ossibus duriores, quia nihil frigidi inest. Ac primi quidem dentes ex victu in utero nascuntur, & ubi in lucem editus est puer, ex lacte, dum mammam sugit. Quum vero hi exciderint, ex cibo & potu. Excidunt autem, ubi ad primi alimenti annos devenerint; quibusdam etiam prius, si ex morbo alimento pullularint; plurimis vero quum ad annos septem pervenerint. At qui postea nascuntur, simul consenescent, nisi ex morbo corrumpantur. Istam vero

ob causam dentes reliquis partibus posteriores nascuntur. In maxilla venæ sunt, exque huic ossi inter omnia ossa ex ventre inferiore alimentum exhibent. Ossa autem, qualia quidem sunt, tale dant incrementum: ut & reliqua omnia tale exhibent incrementum, qualia ipsa sunt. Venæ enim ex ventre & intestinis, in quibus cibi & potus coacervantur, ubi hi incaluerint, tenuissimum & humidissimum attrahunt; crassissimum autem isthic relictum, in inferioribus intestinis in sterqus abit. Tenuissimum vero venæ trahunt ex ventre & intestinis, quæ supra jejunum sunt, ubi cibi incaluerint. Qui, quum jejunum transierint, in inferiora intestina collecti, sterqus fiunt. At postquam alimentum eo pervenerit, unumquodque eam, quam habuerat formam, cuique reddit. Irrigata namque alimento singula incrementum accipiunt, calidum, frigidum, glutinosum, pingue, dulce, amarum, & ossa, & reliqua omnia, quæ in homine insunt. Ideoque posterius dentes producantur. Dictum autem a me etiam est antea, maxillas solas inter ossa venas in se se habere, ut proinde copiosius ad ipsas alimentum, quam ad reliqua ossa trahatur. Et quæ copiosius habent alimentum & uberiorem affluxum, ea tale ex se incrementum pariunt, qualia sane ipsa sunt, quamdiu homo integer crescit. Crescit autem ubi conspiciue (adolescere) cernitur: conspiciue autem adolescit maxime a septennio ad decimum quartum annum. Atque eo tempore tum maximi, quum cæteri omnes dentes producantur, postquam exciderint hi, qui ab alimento in utero capto orti sunt. Crescit autem & ad tertium annorum septenarium, in quo adolescens evadit, ad quartum usque & quintum septenarium. Quin etiam hominibus

plerisque quarto septenario duo dentes enascuntur, qui dentes sapientiæ nominantur. Capilli autem ad hunc modum oriuntur. Ab ossibus & cerebro ejusmodi incrementum provenit, ab eo videlicet glutinoso, quod circumcirca est, in quo pinguis nihil inest, quemadmodum & nervis accidit. Si quid enim pinguis inesset, a calido exureretur. Ac fortasse mirabitur aliquis, quod etiam in axillis & pube, & reliquo corpore pili multi succrescant. Cujus rei hæc est ratio, quod ubicunque in corpore glutinosum inest, ibi pili a calore gignantur.

C A P U T VI.

De auditu, odoratu, visu ac eorum organis, objectis, causis.

HAnc vero ob causam auditio fit. Aurium foramina ad os durum & siccum lapidi simile perveniunt, huic autem ossi cavitas fistulata inest. Soni autem in durum impingunt, & os cavum per ipsum durum resonat. Pellicula vero in ipso meatu auditorio juxta os durum tenuis est, ut aranei tela, cæterarum pellicularum siccissima. Quod autem siccissimum est, id maxime resonare, multa signa sunt. Cum ergo plurimum resonaverit, tunc maxime audimus. Etsi nonnulli naturæ historiam scriptis mandantes, cerebrum ipsum sonum edere dixerunt, quod tamen nullo modo fieri potest. Cerebrum enim ipsum humidum est, & ipsum ambit membrana humida & crassa, eamque ossa circumdant. Nullum igitur humidum resonat, sed quæ sicca sunt. Quæ vero resonant, auditionem faciunt. Olfacit

autem cerebrum, quum humidum sit, aridorum odorem cum aere per cartilaginosa corpora, quæ sicca sunt, attrahens. Cerebrum enim ad nasi cavitatem progreditur, hacque parte nullum ei os obtenditur, sed mollis cartilago, spongix instar, quæ neque caro, neque os est. Et quum quidem nasi cavitas sicca fuerit, ipsemetipso exactius arida olfacit. Non enim aquam olfacit, nam cerebro humidior est, nisi computruerit. Putrefacta namque aqua crassior evadit, & reliqua omnia. At quum nares humidæ fuerint, olfacere nequit; non enim ad se cerebrum ipsum aerem attrahit. Ea quoque ratione quum cerebrum ipsum eliquet plurimam materiam ex se in palatum, & fauces, & pulmonem, reliquumque ventrem; id percipiunt homines, & ex capite destillare dicunt, sed & in reliquum corpus destillat, idque cum calore quodam contingit. Visionem autem obit eas ob res. A cerebri membrana vena ad utrumque oculum per os descendit. Per has duas venas ex glutinoso, quod tenuissimum est, ex cerebro percolatur, atque ideo ipsam circum se tunicam quæ aeri obversatur, & ad quam venti ingruunt, talem facit, quale est ipsum oculi pellucidum, eadem plane ratione quam de cæteris diximus. Sunt autem multæ hæ tuniçæ; quæ oculi pellucido prætenduntur, ipsique sunt similes. In hoc enim pellucido lumen & splendida cuncta lucem reflectunt. Per hoc igitur, in quo lumen reflectitur, visio fit. Quod vero minime est splendidum, neque relucet, per illud visio non fit. Reliquum circum oculos album, caro est. Pupilla autem oculi nominata, nigra ob id apparet, quod in profundo collocata sit, & tuniçæ eam ambientes nigre existant. Tunicam vero appellamus id, quod velut pellicula inest,

quæ neutiquam conspectui nigra apparet, sed alba, & pellucida; oculi vero humidum glutinosum est. Sæpe enim conspeximus oculo rupto, prodiisse humorem glutinosum, qui quamdiu calidus fuerit, liquidus est; ubi vero perfrixit, siccus evadit, veluti thus pellucidus: quod in hominibus & feris ad eundem modum se habet. At oculo infestum est, quicquid in eum incidit, & venti irruentes, & quæcunque splendiora quam ipse est. Idque quis forte dijudicet fieri, quod superficie lævitas in causa sit; quemadmodum os, & lingua, & reliquus venter, humida sunt.

C A P U T VII.

De sermonis formatione, facultate, organis; causis; & quare ii, quibus guttur abruptum, sonum seu vocem nullam edere possint.

Sermonis autem causa est, quod totum corpus spiritum intro trahit, eumque plurimum in cavitates sibi ipsi abducit. Is vero per inane foras pulsus, strepitum facit. Caput enim resonat; lingua vero occurrens articulatur, inque faucibus obruens & impingens ad palatum ac dentes, claritatem ejus facit. Quod nisi lingua suo appulsu sermonem formaret, non distincte homo loqueretur, sed singula unam natura vocem ederent. Cujus rei indicio sunt muti ab ortu, qui distincte loqui nequeunt, sed solam vocem edunt. Neque vero si quis spiritu foras emisso loqui conetur, id facere queat; quod hinc constat. Qui homines magnam volunt vocem edere, ii attractum

externum spiritum foras propellunt, & quamdiu perdurat spiritus, magnam vocem fundunt: quæ postea deficit. Sed & citharædi, quum ipsos magna voce uti opus sit, spiritum intro summopere attrahunt, & plurimum emittunt, ac vociferantur, vocemque, quamdiu spiritus suffecerit, magnam edunt. Ubi vero spiritus defecerit, desinunt. Ex quibus manifestum est, spiritum vocem edere. Vidi præterea quosdam, qui, cum seipsos jugulassent, guttur in totum sibi præsecuerant. Atque hi vivunt quidem, verum nullam vocem edunt, nisi quis guttur constringat, ac tum ii vocem edunt. Quin & hoc patet, quod præfecto summo gutture, spiritus in cavitates internas adtrahi nequit; sed per præfectam partem foras effertur. Ita sane de voce ac sermone simili modo se res habet.

C A P U T VIII.

Vitam hominis septem dierum esse; de conceptionis affectibus; de lethali jejunio; ac de fetu vitali, & non vitali.

Hominis autem vita septem dierum est. Ac primum quidem, ubi genitura ad uteros pervenerit, habet intra septem dies, quæcunque ex corpore ei accedere necesse est. Id vero quomodo noverim, fortasse quis mirabitur; verum multa ad hunc modum vidi. Meretrices publicæ, quæ in se ipsis sæpius id expertæ sunt, ubi cum viro congressæ fuere, noscunt, quando conceperint, moxque conceptum intra se perdunt. Quo postea jam perduto, veluti caro excidit. Eam carnem in aquam coniectam si accuratius inspexeris,

ſpexeris, in aqua invenies, membra omnia habere deprehendas, & oculorum loca, & aures, & brachia. Quin & manuum digiti, & crura, & pedes, & pedum digiti, & pudendum, & reliquum totum corpus in conſpectu eſt. Liquido autem conſtat harum rerum peritis, quod mulier, ubi concepit, ſtatim inhorreſcit, & incaleſcit, ac dentibus ſtridet, & (coxæ) articulum, reliquumque corpus convulſio prehendit, & uterum torpor, idque iis, quæ puræ ſunt, accidit. Quæ vero craſſæ & mucoſæ iſtud experiuntur, earum mulierem pleræque hoc non ſentiunt. Ac ſane quantum illæ mihi indicarunt, tantum etiam me ſcire profiteor. Quod vero hominis vita ſeptem dierum ſit, hoc quoque manifeſtum eſt. Plerique quidem ex his, qui ſeptem diebus nihil edere aut bibere volunt, in his moriuntur; quod ſi qui eos ſuperaverint, nihilominus tamen moriuntur. Nonnulli etiam ne per inediam a vita diſcederent, ſed ut comederent & biberent, perſuaſi ſunt, verum veſter non amplius admittit. Jejunum enim inteſtinum in his diebus co hæreſcit, quin etiam illi moriuntur. Quin & illud ipſum ex his conſpicere licet. Puer ſeptimo menſe natus, certa ratione in lucem prodiit & vitalis eſt, quum is rationem & numerum exacte ad hebdomadas reſpondentem habeat. Octimeſtris autem natus, nullus unquam vixit. Novem autem menſium & decem dierum foetus editur, & vitalis eſt, numerumque ad hebdomadas exacte reſpondentem habet. Quatuor nempe decades hebdomadum, dies ſunt ducenti & octoginta. Hebdomadum autem decurias dies ſeptuaginta conſtituunt. At ſeptimo menſe editus partus tres hebdomadum decurias obtinet, & ad unamquamque decuriam dies concurrunt ſeptua-

ginta. Tres itaque hebdomadam decuriæ, in totum dies ducentos decem faciunt.

CAPUT IX.

Morbos acutissimos septimo die judicari, ut & magna ulcera, & inflammationes sedari; & septimo anno dentes absolvi.

Sic & morbi acutissimi hominibus contingunt, voluentibus diebus, quibus judicantur, & moriuntur, aut convalescunt. Et tertianæ diebus undecim, una & dimidia hebdomade. Quartanæ duabus hebdomadibus. Quintanæ duodeviginti diebus, hoc est, duabus hebdomadibus & dimidia. In cæteris vero morbis, quoto tempore homines sani evadent, certa sententia pronunciari non potest. Ad eundem autem modum, ulcera quoque magna in capite & reliquo corpore, quarto die inflammatione tentari incipiunt, septimo vero inflammatio sedatur, aut decimo quarto, aut duodevigesimo. Quod si quis diligentem curam adhibeat, neque ulcera capitis magna hoc tempore sedentur, homines moriuntur. Ac forte quis harum rerum imperitus, mirabitur foetum septimo mense nasci; atque id quidem certe, & sæpius vidi. Quod si quis velit, id facile deprehendet, obstetrices, quæ parturientibus præsunt adeundo & percontando. Est vero & aliud argumentum. Pueri sæpius septimo anno exacto dentes explent. Et septem annos pleno & justo numero exacte quinquaginta & trecentæ hebdomades conficiunt. Quod autem horum singula septenariis a natura regantur, alias declarabo.

HIPPOCRATIS

DE OSSIUM NATURA LIBER:

P R Æ F A T I O.

*A*GALENO pro HIPPOCRATICO opere habitus est, & mochlici nomine veteribus innotuit. Ejus pars prior titulo respondet, brevis omnino, neque nimis digna principe medico, tamen ut agnoscas recentia ossa ab auctore esse contemplata. Neque ignorarit, nervum secundum cubitum descendere, qui adlissus stuporem faciat.

Pars posterior, quæ de venis in nuperis quibusdam editionibus audit, enigmatica mihi farrago videtur. Aliis enim locis illam quatuor venarum inemendabilem descriptionem tradit, quæ in aliis non genuinis operibus redit: alibi veriores venas habet, epigastricam, mammarias, venam sine pari, venam cavam, artuumque venas. Sic etiam paris vagi & nervi intercostalis veram historiam hic tradi ostendi, tamen ut vera falsis misceantur, & ipsa arteriarum a venis distinctio, atque venarum nomen sanguis sue subtiliorem anatomen & posteriora post HEROPHILUM nervorum inventorem, tempora exigat. Versio hic præter modum aberrat. Lienis etiam cellulosam fabricam habet: & alternam venarum (nempe micantium) repletionem & inanitionem. Hæc cate-

rum quatuor venarum paria MERCURIALIS pro spuris & ARISTOTELICI ævi scriptis habet. Noli vero separare & monuisse putavi sufficere.

ARGUMENTUM LIBRI.

De quarundam corporis partium natura, situ, & numero, ac usu; de venis quamplurimis, earumque in corporis partes propagatione, atque progressu.

CAPUT I.

Ossium enumeratio, ac partes in ventre imo, ac medio conclusæ.

OSSA manus septem & viginti (numerantur) pedis quatuor & viginti; cervicis ad magnam (vertebram) usque septem; lumborum quinque; spinæ viginti; capitis una cum oculorum ossibus octo: omnia unum & nonaginta, cum ungibus vero centum & undecim. Quæ vero nos ipsi ex hominis ossibus dicimus (sic habent). Vertebrae supra claviculam una cum magna, septem numerantur. Ad costas vero (totidem) quot & costæ duodecim. Ad ilia exteriore parte, ubi coxendices, in lumbis quinque. Semen vero velut favus, ab utraque vesicæ parte (fertur.) Ex his autem locis venæ ab utraque ureteris parte in pudendum tendunt. Potus per fauces & gulam (larynx in pulmonem & arteriam) ab his in summam vesicam. Hepatis quinque lobi sunt; fel au-

tem quarto adhærescit, quod osculum ad septum transversum, cor atque pulmones fertur. Cor membrana circumvestit. Homo intestina crassa majora, quam canis habet; appendent autem ex mesocolo: id vero ex nervis a spina sub ventre (procedentibus) renes ex nervis de spina & arteria.

CAPUT II.

Venarum ac nervorum distributio.

COrdis cognati scaturigo vena per septum transversum fertur, hepar, lienem, renes, ad coxendicem, circa furam, ad tarsum. Altera autem ex corde sub alas, clavículas, jugula, caput, nasum, frontem, juxta aures, humeros, dorsum, pectus, ventrem, per cubitum. Alia vero per alas ad cubitum, in summam manum. Nervorum exortus ab occipitio adusque spinam juxta coxendicem fertur in pudenda, in femora, pedes, tibias, & manus; quin & ad brachia; partim quidem in carnes; partim vero juxta fibulam in magnum digitum; partim etiam ex carnibus ad reliquos digitos. Quin & ad scapulas, pectus, ventrem, ossa, ligamenta. A pudendo vero juxta podicem ad coxendicis cavitatem; partim quidem supra femur; partim vero infra ad genua: deinceps ad genu extentus, ad tendinem, calcis os, pedes; alius vero ad fibulam; alii etiam ad renes.

CAPUT III.

Alia venarum, arteriarum distributio.

AT vero venæ ipsæ utraq; ex parte bifariam maxime dividuntur; partim quidem ab ipsa utriusque renis parte; partim vero ab altera, & in renes foraminibus sunt perviæ. Atque cordis formam renes habent, pariterque ventriculos. Ren autem cavitatē suā ad magnas venas situs est, unde procedunt ex ipso venæ in vesicam, qua parte potus per venas ad renes trahitur; deinde per renes aqua velut excolatur, & per ipsa intestina, per quæ simul emittitur. Spongix enim est simile, quod ab his ad vesicam (tendit) illicque urina a sanguine percolatur & secernitur, eamque ob causam sane rubra est. Neque enim in renes aliæ venæ feruntur, quam quæ dictæ sunt, neque quantum ego sentio, alius locus, ubi potus colliquetur. Venæ, quæ ad costas porriguntur, sub unaquaque costa sunt, non ad caput, sed inferius, & ab arteria. Igitur arteria quidem subtermeans in costas (propagines suas) distribuit. A crassa autem vena ex corde recurrit una in sinistram partem inclusa. Deinde hæc quidem per medias vertebrae ad summas usque costas incedit, non ex æquo sua segmenta costis dextris ac sinistris distribuens; sed æquas quidem, superne vero in dextris scinditur. Juxta vero claviculam utramque duæ quidem venæ sursum, duæ etiam sub pectore feruntur, & partim in dextram, partim quoque in sinistram propagines discinduntur; ad cervicem hæc quidem magis, duæ vero ad cor magis: partim quidem ad dextram, partim vero ad sinistram, ex utraque parte

ad costas tendunt; & ab his velut quæ infra sunt scinduntur, donec ei, quæ infra a corde recurrit, commisceantur.

CAPUT IV.

Vene cavæ distributio.

AT vero, quæ sanguinem fundit, ab arteria hac ideo scinditur, quod hic sublimis est, per cor procedens. Sed infra costas, quæ sanguine fluit, & crassa vena est appellata, rursus vertebris sese transmittit, & illic adhærescit, neque amplius pendet, velut supra, quum per jecur fertur. Ad lumbos autem supra quidem est arteria; infra vero, quæ sanguinem fundit, quæ de jecore per septum transversum sublimis procedit, & ad cordis dextram partem ad claviculas usque, simplex fertur, præterquam quantum cum ipso corde communicat, partim quidem juxta ipsum leviter scissa, partim vero cordis ventriculum penetrans. Deinde a corde in sinistram ad spinam simplex demittitur, & ad superiora quidem corporis ad summas usque costas recurrit, & propagines habet a seipsa, juxta unamquamque costam, ad pectoris commissuram usque, tum in dextram, tum in sinistram, naturaliter protensas, ipsiusque rectitudo magis ad vertebra[m] vergit, quam arteriæ extensio, & venæ, quæ ex hepate proficiscitur. Ad inferiorem vero cordis partem, recta ipsius extensio magis ad vertebra[s] est, quam quæ arteriæ. Altera autem juxta cor est, & ad inferiores septi transversæ partes ad spinam appensas convertitur. Hinc vero propa-

gines in rectum singulæ feruntur , per ossa & carnes sese invicem trajicientes.

CAPUT V.

Quatuor paria venarum, & quas venas secandas partes affectæ indicent.

VENÆ autem crassæ sic natura comparatæ sunt. Ex oculo juxta supercilium per dorsum secundum pulmonem, sub pectore; altera quidem ex dextra in sinistram fertur, altera vero ex sinistra in dextram. Quæ quidem ex sinistra (procedit,) per hepar in renem ac testem (descendit) quæ vero ex dextra in lienem, renem, & testem. His autem osculum pudendum est; a dextra vero mamma in coxendicem sinistram, & in crus (fertur,) & ex sinistra in dextram. Oculus vero dexter ex sinistro recipit, ad eundemque modum testis sinister ex dextero. At venæ crassissimæ hoc modo naturaliter se habent. Quatuor paria sunt in corpore, & quædam ex ipsis quidem a capitis parte posteriore per cervicem, parte externa juxta spinam ex utraque parte ad coxendices & crura perveniunt; deinde per tibias ad malleolos exteriores & pedes appellunt. In dorfi igitur & coxendicum doloribus, ex poplitibus, & malleolis exterioribus venæ sectiones facere oportet. Alteræ autem venæ e capite juxta aures per cervicem, jugulares appellatæ, parte interiore secundum spinam, juxta lumbos utraque ex parte in testes, & femora tendunt, & poplites interiores; deinde per tibias ad malleolos & pedes interiore ex parte. Ad lumborum igitur & testium dolores

ex poplitibus, & malleolis interioribus venæ sectiones facere oportet. Tertiæ venæ ex temporibus per cervicem in scapulas; deinde in pulmonem simul feruntur, perveniuntque una quidem a dextris in sinistras sub mammam, & in splenem & in renem. Altera vero a sinistris in dextras ex pulmone sub mammam, in jecur & in renem: hæ autem ambæ in rectum intestinum desinunt. Quartæ vero venæ ex anteriore capitis parte & oculis, sub cervicem & claviculas feruntur; deinde ex brachiorum superiore parte sub flexuras; mox per cubitos in primas palmæ partes & digitos. Postea rursus ex digitis per manuum volas & cubitos ad flexuras; per brachia vero inferiore etiam ex parte ad axillas, & ex costis superiore parte, una quidem ad lienem pervenit, altera vero ad jecur: deinde supra ventrem ambæ in pudendum desinunt. Et crassissimæ quidem venæ ad hunc modum a natura se habent. Multæ autem & cujusvis generis venæ ex ventre per corpus feruntur, per quas alimentum corpori adfertur. Tendunt autem & a crassis venis in ventrem & reliquum corpus, tum ab exterioribus, tum ab interioribus, & inter se mutuo internæ foras, & externæ intro, distribuunt. Ad eos igitur modos venæ sectiones faciendæ: danda est autem opera, ut quam maxime procul a locis, in quibus dolores fieri, & sanguis colligi solet, sectiones faciamus. Sic enim minime magna repente mutatio continget, & translata consuetudine efficiet, ut ne amplius in eundem locum colligatur.

CAPUT VI.

De vena jecoraria, septo transverso, ac nervis.

JEcoraria autem per lumbos ad magnam usque vertebram deorsum fertur, & vertebris se adjicit, indeque subblata (per jecur) & per septum transversum cor petit; & hæc quidem recta ad claviculas (tendit). Hinc vero partim ad cervicem, partim ad scapulas, quædam etiam inferius paulo reflexæ juxta vertebrae & costas declinant: a sinistris quidem una prope claviculas, a dextris vero in aliquem ibidem locum. Alia vero utrinque reflexa, alia paulo inferius deflexa, ubi illa quidem deficit, costis se adjicit, donec ei, quæ ab ipso corde procedit, ad sinistra deflexa se adjunxerit. Deorsum vero demissa secundum vertebrae descendit, donec eo perveniat, unde se sublimem erigit, costis adhærescens, & reliquis omnibus, utrinque singulis per se sola propagines mittens; a corde quidem in aliquem locum, ad sinistra magis deflectit: postea arteriæ se submittit, quousque consumpta fuerit, eoque pervenerit, unde jecoraria sublimis emerfit. Quo antequam perveniat, ad extremas duas costas bifariam scinditur, & altera pars hinc, altera inde ad vertebrae progressa consumitur. Altera vero recta ex corde claviculas petens, supra arteriam evadit, indeque quemadmodum quæ ad lumbos arteriæ subtenfa est, in jecur insilit, & modo quidem ad portas & lobum, modo vero in reliquum deinceps excurrit, paulo infra septum transversum. Septum autem transversum ita hepati adhærescit, ut facile non separetur. Duplices au-

autem venæ a claviculis, alteræ hinc, alteræ inde, sub pectus ad pectinem tendunt. Quoniam vero inde (ferantur) nondum novi. At septum transversum ad vertebram infra costas situm habet ea parte, qua renes ex arteria utrinque conflunt. Arteriæ vero ex his enascuntur, quæ utraque ex parte nervum habent: eaque in parte cum ea, quæ a corde recurrit, jecoraria desinit. A jecoraria autem per septum transversum duæ maximæ (venæ) hinc una, illinc altera, sublimes feruntur; multifidæ autem per septum transversum sunt, eamque complexæ adhærent. Supra vero septum quodammodo magis conspicuæ cernuntur. Duo autem crassi nervi ex cerebro sub magnæ vertebræ os superne, & ad gulam magis, ab utraque arteriæ parte uterque progressus, in se velut in unum coeunt. Deinde vertebræ, & septum transversum ibi, exoriuntur, ubi desinunt. Quidam tamen ambigui, & ab hac communione ad jecur & lienem ferri videntur. Alius nervus utrinque a vertebris ad claviculam secundum spinam, ex obliquo vertebrarum ostenditur, & costis distribuitur. Atque ii, non secus ac venæ ipsæ, per septum transversum ad mesenterium pertendere mihi videntur. Ubi autem hæ deficiunt, rursus ab eo loco unde septum exoritur, ab eo continui ac coherentes, per medium infra arteriam, quod est reliquum ad vertebrae, quemadmodum venæ, emittunt, quoad os sacrum totum percurrentes, ibi consumpti condantur.

CAPUT VII.

De ossium, nervorum, carnis, venarum, & cutis usu; ac de distributione venarum.

Ossa corpori stabilitatem, & rectitudinem; atque formam præbent; nervi flexionem, contractionem, & distentionem: carnes autem, & cutis omnium colligationem, ac connexionem. Venæ per corpus diffusæ spiritum, & fluxionem, atque motum exhibent, ab una multæ surgunt propagines. Atque hæc una unde oriatur, & ubi desinat, non scio. Circulo enim facto, principium non invenitur. Ipsius autem rami, unde pendeant, & qua corporibus parte desinant, & quod una illa his consentiat, & in quibus corporis locis extensi sint, ego declarabo. Enimvero circum caput ad medium, ex obliquo vena, lata ipsa & tenuis, non multi sanguinis circumfusa est; in cerebrum enim ad futuras, multæ & tenues venulæ radices egerunt, & circum caput totum ad frontem usque, & tempora dilatantur. Ipsa vero retro caput, exteriori parte, secundum spinæ cutem recta tendit; inde autem juxta anteriorem & posteriorem venam, ex his quæ in singulis sunt, demittitur; ultra aures vero divisa, a gena extrinsecus fertur, crassa quidem. Ab hac multæ & tenues ad linguam procedunt, præter eam, quæ sub linguam, aut sub maxillares dentes fertur: ipsa autem crassa per claviculam, subter scapulas descendit; eaque parte ab ipsa pullulat, vena humeralis appellata, per nervum, qui summo humero supponitur. Hæc autem sanguine fluit, & redundat, ruptaque & divulsa ægre curatur: altera liqui-

dem ex parte nervo lato connectitur; altera vero cartilago est. Medium vero horum locum ipsa continet, & pellicula spumosa. Quum igitur locus non sit carnosus, facile rumpitur & carnem circum nasci non contingit. Quod si hanc in partem sanguis suffundatur, locum amplum nactus, non discedit, sed indurefcit; induratus vero morbum & dolorem creat, hæc quidem, qua prius dixi, permeat; illa vero sub scapulis, crebris & tenuibus, ac implicatis inter se venis, sub mammas propagines emittit, & per humeralem venam, cartilaginem declinans, ipsa subter distributa, ad brachium tendit, musculum ad sinistram habens. Dextra autem ipsa circa humerum scinditur, & cubiti superiorem partem; inde vero cubitum utrinque penetrans; postea rursus ad carpum manus fertur; indeque jam defluens, per totam manum errabunda radices agit.

CAPUT VIII.

De vena principe, ac pulmonis affectibus.

AT vero vena princeps, quæ secundum spinam sparsa, per dorsum, jugulum, & guttur, in cor inseritur, ex sese venam insignis magnitudinis & multa oscula habentem circa cor emittit; inde vero ad os procedens, fistulam facit, quæ arteria per pulmonem permeans nominatur, paucum quidem sanguinem, sed multum spiritum continens. Nam propter visceris amplitudinem & raritatem, multis quidem locis per pulmonem derivatur; cætera vero cartilaginea facta est. Quare si quid sane vel in potu, vel in

spiritus, ac sanguinis transitu, non consuetum ad has pulmonis vias delatum fuerit; nimirum quum venæ ejusmodi sint, & viscus ad instar spongiæ, multum humorem capere possit, ac sursum natura procedat; hæc enim lex est humoribus ingredientibus constituta: prætereaque non multus sanguis per has venas constringitur, neque cito procedens, ea, quæ illabuntur educit; his autem non subductis, sed intus remanentibus, callosa durities concrescit. Sic autem deperit alimenti accessus, quum hac parte laryngis aditus, etiam ad externas partes sit. Atque interceptis a callosa duritie transitibus, velox & difficilis spiratio corripit: quum hi spiritum neque per hanc viam emittere, neque facile attrahere queant; ex talibus sane hi morbi oriuntur, quales sunt anhelationes, & tabes siccæ. Si vero consistens in his humoris copia superet, ita ut crassatus humor foras resolvi haud possit, & putridum pulmonem vicinasque partes facit, evaduntque suppurati & tabidi. Hujusmodi autem morbi ex aliis etiam causis oriuntur. Inde autem vena hæc pulmonem occupat, & per duas magnas fibras intro conversas, sub septo transverso ad spinam extenditur, alba & nervosa, per reliquum condensatum corpus venulas emitens; indeque per vertebrae crebris venulis in spinalem medullam hederæ in modum convoluta inferitur.

CAPUT IX.

Venas omnes ad spinam tendere, earumque distributionem in renes, intestina, & pudenda fieri; unde voluptas, ac titillatio.

ATque aliæ quidem venæ in corpus distributæ, ex omnibus partibus ad spinam contendunt, quarum una quæque, quod tenuissimum est, & purissimum colligens, huc effundit. Ipsa vero, quæ super extenditur per demissos cirrhos in idem cogitur; indeque in renes tenuibus ac fibrosis venis juxta spuriam costam radicibus firmatur; & hinc contendens condensatur: postea etiam ad podicem in nervum abit, musculosque adducentes comprimens, ipsi inferitur; & in vesicam, testes, & adstites, multiplicibus intextis tenuibus & solidis ac fibrosis venis, radices mittit. Inde crassissima & rectissima ipsius pars, retroversa, in caulem abiit, quod est pudendum. In flexione autem in eadem ipsa adaptatur; & per pectinem supra, sub ventris & venæ ipsius cute, prorumpit ad eas, quæ deorsum feruntur, quæque in sese mutuo derivantur: per pudendum autem penetrant venæ crassæ & tenues, & densæ & incurvæ. In feminis vero, ipsa ad uteros tendit vesicam & urinæ meatum; indeque recta procedit, & mulieribus quidem circa uteros suspensa est; masculis vero circa testes convolvitur. Ob eam ipsam naturam hæc vena plurimum genituræ comprehendit. A plurimis enim & maxime sinceris partibus nutrita, quum paucum sanguinem contineat, cava, & nervi instar crassa, spirituque referta sit, sub pudendoque contenta pertingentes ad spinam venulas

vi adducit. Hæc vero vi adductæ, tanquam cucurbitula in seipsas coactæ, omnia in superiorem venam emittunt. De cæteris autem corporis partibus in hanc confluit, ejus vero pars multo maxima de medulla (velut dictum est) colligitur. Ad id vero voluptas accedit, quod vena ista genituræ sit plena. Quum ergo per reliquum tempus aliquo sanguine & spiritu abundare soleat, ea plena & calefacta, deorsumque conflente semine, quæ in se habet, constringit. Spiritus autem, qui inest, præfensque vis & caliditas, venularumque undique contentio, titillationem facit. Illa vero, quæ ex se propaginem deduxit, & per dorsum & jugulum secundum spinam distribuitur, venulis multis costas involvit, & vertebrae per carnes alternatim condensat, ita ut bene nutrita & sanguine referta sit. Ipsa autem juxta nates progreditur, per musculum sub femore submersa, a natibus vero in coxæ acetabulo juxta caput in venam perforatur, quæ femori spiritum præbet, & ultra femur, flexuram versus, quæ est ad genu, fertur.

CAPUT X.

De distributione venarum ab inguinibus ad usque pedum extrema, & aliarum ad hepar.

Alteram vero ad inguina demittit, crebris radicibus, & quæ non facile convertitur. Hæc autem per musculum tendit, & circum genu convolvitur, & per ossis tibiæ summam partem venam in fistulam cavat, quæ medullam nutrit, & per infernam tibiæ juxta pedis connexionem deducitur. Ipsa vero per genu patellam,

lam, ad interna per tibiæ musculum submersa extenditur, & implicatur per malleolum, intus crassa & sanguine referta, hicque circum malleolum & tendinem, ægre discretas venas convolvit. Ipsa vero ad inferiorem pedem sub primam plantam decurrit; hicque implicata, & ad magnum digitum innixa; duplicem venam sanguine refertam, superiore parte sub cute ex prima planta reflectit, & ad malleolum externum crassa apparet, supraque distribuitur juxta oppositum anteriori tibiæ radium. At juxta suram velut fundam facit; inde juxta internam genu partem extenditur. Immittit etiam & in patellæ genu venas, & ad interiorem patellæ partem, quæ cava est, venam involvit; quam si quis doleat, celerrimè biliosum serum colligit; ipsa vero juxta internam genu cavitatem prorumpit. In poplites vero multas implicatas venas velut furculos progignit, quæ inde juxta nervos femoris inferiores extensæ, etiam in testes & in pedicem radices emittunt, & circa os sacrum attenuatæ, conjunctim circumtenduntur. Quæ vero ad interiorem genu partem pervenit, sursum juxta internam femoris partem, ad inguen tendit, & per coxendicem ultra ad spinam & lumbum foras procedens, crassa & lata, sanguineque referta, sursum porrigitur ad hepar, & bifidam producens sanguine plenam, dextrum hepatis lobum ad renem continet. Ipsa vero subter hepatis regionem subiens, in crassam venam scinditur; reflexa vero in partem hepatis crassiorem inseritur; & altera quidem ipsius pars in visceris superficie adhærescens, ubi fel est, multis radicibus (tanquam cirrhis) per hepar est implicata; altera vero per internam ejus partem, velut per rivos deducta.

CAPUT XI.

*De caterarum venarum, tum infra tum supra
distributione, ac de mutatione coloris in vultu.*

DUæ vero venæ, inter duos latos lobos se explicant; quarum una quidem per vertices & cutem penetrans ex umbilico emergit; altera vero suo appressu spinam & renem adtingens, in vesicam, pudendumque anchoræ in modum insita est. De coxendice autem adscendere incipiens, ad imum ventrem multas errabundas venas deduxit, costasque & vertebrae ad spinam annulorum modo connexuit, & propagines in multas venas transmisit, intestinaque ac ventrem inferiorem involvit. Et hæc quidem ex imo ventre ad mammas, & supra mentum ac summos humeros exporrectæ, connexæ sunt. Quæ vero juxta hepatis crassitudinem pervenit, ubi superius bilem in fistulam coegit, sub spinam distribuitur, via per septum transversum facta. At vero vena, quæ ex sinistris tendit, cætera quidem juxta eandem naturam non secus ac ea, quæ de dextris prodit, radicibus firmatur. Ex sinistris (tamen) adscendens, in hepar non se ingerit, sed in lienem inseritur ad caput, quod in ipsius parte crassa est. Inde intro subit, & lienem sanguinolentis venulis, tanquam aranæ telis intexit. Totus autem ex omento elevatur, ipsum venulis de se sanguine explens. At quæ de lienis capite ad spinam impingunt, per septum transversum procedunt. Inde vero sursum, tum dextra, tum sinistra, sub pulmonem extenduntur. Quæ autem sanguine refertæ sunt, sub ipsum & in

ipsum velut rivi deducuntur. Pauci vero sanguinis & tenues venæ a pulmone intrinsecus exortæ, quum rarus natura sit, in cor, nimirum ab ipso emulstæ, circa ejus auriculas velut frena injiciuntur, & in cavitates internas desfluunt. Quin & hæ priores in ipsum propagines immittunt. In angustia enim transitus intus collocatum est, velut ex omni corpore fibras habens. Quamobrem ex omni corpore potissimum circa thoracem sensus inest, colorumque mutationes contingunt, hoc venas constringente & laxante. Laxante igitur, colores rubicundi fiunt, vividi, & pellucidi; constringente vero, ex virore pallidi & lividi. Verum tales evariant, prout cuique colores adsunt.

HIPPOCRATIS

LIBER DE CORDE.

P R Æ F A T I O.

Spurius omnino, neque GALENI ævo adgnitus, & ERASISTRATEA continens effata. Hic liber inter omnes HIPPOCRATICOS plurimam anatomes cognitionem demonstrat. Ventriculos cordis, situm eorum, diversam magnitudinem, valvulas, verum earum usum, liquorem pericardii describit: experimenta interponit, quæ omnia ab HIPPOCRATICI ævi simplicitate longe re-

mota sunt. Spiritum per arterias adtrahi, potum deglutitum ad pulmones pertingere. Inter manifesto spurios à MERCURIALI refertur; cum quo hæcenus consentio, ut tamen addam esse ex optimis, qui in collectione Hippocratica continentur. Mirum experimentum est, guttur resectum ejus liquoris colore tinctum reperiri, quo tinctum propinaveris. Arteriam magnam sanguine destitui ex scholæ sententia docet.

Cum libro de carnibus conjungit Foesius.

COR figura velut pyramis est; colore autem abunde puniceum, & tunicam levem circumdatam habet, & est in ipsa humor modicus, velut urina, ut putare possis in vesica cor diversari. Facta est autem ea gratia, ut sanum in custodia florescat. Habet autem humiditatem tantam, quanta satis est æstuant in medelam. Cæterum hunc humorem cor emingit, bibendo ipsum assumens, ac consumens, pulmonis nimirum potum lambens. Etenim homo multo maximam partem in ventrem bibit. Gula enim, sive stomachus velut infundibulum potus copiam, & quæcumque volumus, excipit. Bibit autem & in guttur, ac arteriam, minus vero, & quantum latere possit per rimam illapsus. Operculum enim exactum epiglottis, lingula, sive minor lingua appellata, ne permiserit quidem aliquid amplioris potus penetrare. Signum autem hujus rei hoc est. Si quis enim aquam cæruleo colore, aut rubrica temperatam, sitienti valde bibendam dederit, maxime sui; hoc enim pecus non est curiosum, neque munditiei deditum. Deinde dum adhuc bibit, ipsius guttur rescecet, hoc colore

ipsum tinctum reperiet: sed non est cujusvis hæc chirurgiæ aggressio. Nequaquam igitur fides nostra suspecta esse debet de potu, quod homini in guttur vergat. Sed quomodo aqua acervatim irruens, turbationem, ac tussim multam exhibet? propterea inquam, quod contra respirationem fertur. Quod enim per rimam illabitur, tamquam juxta parietem delabens, aeris elationi non instat, sed levem, ac lubricam quamdam viam humectatio ipsi præbet. Hunc itaque humorem cor de pulmone una cum aere abducit. Aerem quidem igitur, ubi in medelam cessit, necessario oportet retro per eandem viam, qua adduxit, rejicere. Verum humorem partim in culeum, ac vaginam suam expuit, partim rursus una cum aere foras propellit. Quapropter etiam palatum elevat, quum spiritus recurrit. Merito autem recurrit. Non enim humanæ naturæ alimenta hæc sunt. Quomodo enim hominis alimentum sint ventus, & aqua cruda? sed sunt magis cognatæ affectionis castigatio, & medela. Porro ut ad institutum sermonem revertamur. Cor musculus est valde fortis, non nervo, sed densitate, ac constrictione carnis, & duos ventriculos habet discretos in uno amiculo, ab utraque parte unum. Nihil autem inter se similes sunt. Alter enim in dextris ad osculum situs est, contingens alteram venam. Alter in sinistris. Totum enim cor in his sedem suam firmavit. Sed ille etiam omnino amplioris ventris, & magis inanis, quam alter est, neque extremitatem cordis attingit, sed caudam ejus ambit; solidus item est, veluti extrinsecus assutus. Alter autem subter sinistram mammam maxime in directum situs est, ubi etiam saltus ipsius significationem sui præbet. Amiculum autem habet crassum, itemque fo-

veam. Foveæ enim speciem præ se fert similena mortario. Sed enim hic etiam pulmonem subit cum mansuetudine, & circumjectu ipsius, caloris intemperantiam castigat. Etenim pulmo natura frigidus est, sed & inspiratione perfrigeratur. Ambo autem densi, ac asperi sunt interna sui parte, & velut subcorrosi, magisque sinister, quam dexter. Nam insitus a natura ignis non est in dextro. Quare mirum est sinistram asperiores fieri, ubi intemperatum aerem inspiraverit. Quapropter etiam roboris caloris custodiendi gratia crassius intus constrictus est. Oscula autem ipsis non sunt aperta, nisi si quis cordis aurículas præsecet, aut caput cordis præcidat. Si autem quis præsecet, apparebunt duplicia oscula in duobus ventriculis. Crassa enim vena ex altero excurrentis visum decipit, si fuerit resecta. Hi fontes sunt humanæ naturæ, & hic flumina sunt, quibus totum corpus irrigatur: atque hi etiam vitam homini conferunt, & ubi resiccati fuerint, homo moritur. At vero prope exortum venarum corpuscula circum ventriculos confurgunt, mollia, cavernosa, quæ auriculæ appellantur. Non sunt autem foramina aurium; non enim clamorem exaudiunt; verum sunt organa, quibus natura aerem rapit. Et sane videtur mihi boni, ac præstantis artificis opificium esse. Quum enim considerasset figuram solidam futuram ipsius visceris propter sanguinis ex venis effusi collectionem, ac concretionem, deinde attractorium ipsum esse totum vidisset, folles ipsi apposuit, quemadmodum fabri ferrarii fornacibus solent; quo per ipsos spiritum apprehenderet. Signum autem sermonis hoc est. Etenim cor videas ex toto ventilari; aures vero privatim tum inflari, tum confidere, ac contrahi. Et propter hoc etiam dico,

quod venæ quidem operantur respirationem in sinistrum ventriculum: arteriæ autem in alterum. Molle enim magis adtrahit, & incrementum capit. Oportebat autem nobis magis incumbentia cordis tegmina perfrigerari. Est enim calor non in dextris: quare propter hanc affectionem non acceperunt amplum organum, ut ne in totum ab ingrediente acre superarentur. Restant dicendæ cordis pelliculæ latentes, opus dignissimum cognitione. Sunt enim & aliæ quædam in ventriculis pelliculæ, velut araneorum telæ extentæ, quæ undiquaque oscula cingunt, & strias, ac segmenta in solidum cor inserunt. Hæ mihi nervi ipsius visceris, & vasorum principia aortis esse videntur, est autem ipsarum par unum. Cæterum osculis singulis tres pelliculæ subornatæ sunt, rotundæ in summo, velut circulus semisectus. Et qui rei intelligentes sunt, admirantur, quomodo oscula, & aortarum fines claudunt. Et si quis uteris eximendi cor mortui, moris gnarus aliam auferat, aliam reclinet, neque aqua, neque flatus immixtus in cor penetrarit, atque hæ magis in sinistri ventriculi osculi exactius, & merito sane subordinatæ sunt. Mens enim hominis in sinistro ventriculo insita est, & reliquæ animæ imperat. Nutritur autem neque cibus, neque potibus a ventre, sed pura & illustri substantia ex sanguinis discretione nata. Adsumit autem alimentum ex proxima sanguinis cisterna radios suos eo immittens, & depascens, velut ex ventre intestinorum alimentum non naturale existat. Quo vero non in mora sit, qui in arteria est in fluctuatione constitutus cibus, viam in ipsam concludit. Magna enim arteria ventrem depascitur ac intestina, plenaque est alimento non principali. Quod autem

non nutritur sanguine apparente, & quem videmus, arteria ipsa magna, ex hoc manifestum existit. Mactato enim animali, & sinistro ventriculo dissecto, tota desolata apparet, modico feroso humore excepto, flavaque bile, ac pelliculis, de quibus jam mihi dictum est. Arteria autem altera sanguine non est destituta, neque ventriculus dexter. Hoc quidem igitur vas causata fuit, mea sane sententia, ut pelliculæ producerentur. Id vero, quod ex dextro fertur ventriculo, etiam ipsum quidem commissura pellicularum clauditur, verum non valde salit præ imbecillitate. Sed aperitur quidem in pulmonis vasa, sanguinem exhibens ipsis in alimentum: clauditur autem in cor, non tamen confestim, quo ingrediatur quidem aer, non autem multus. Debilis enim est hic calor, frigiditatis facultate superatus. Sanguis enim non est natura calidus, neque enim alia aliqua aqua, sed calefcit: multis autem videtur natura calidus esse. Et de corde sane talia dicta sint.

HIPPOCRATIS DE GLANDULIS LIBER.

P R Æ F A T I O.

ET hoc scriptum equidem ab Hippocratica simplicitate alienum, etiam GALENO auctore, catensum non inelegans, neque recedit ab HIPPO-

CRATIS de catarrhis theoria, quam in libro de locis in homine proposuit. De glandulis parum docet, sed satis vera. Invenias hic glandulas intestinorum humiditatem recipientes, quæ sunt mesenterii: (id HIPPOCRATES omentum vocat) tum glandulas renales, inde glandulas in articulis positas, quas tamen putes esse subaxillares, inguinales.

Neque inutiles sunt adnotationes de mucedine, de pectoris morbis, qui mammarum amputationi superveniunt.

ARGUMENTUM LIBRI.

De Glandularum in corpore consistentium natura, substantia, usu, & differentiis ac passionibus; de plerisque item corporis affectionibus, & morbis.

CAPUT I.

De glandularum natura, structura, affectibus, tuberculis, strumis, phlogosi, situ in cavis locis & articulis, & usu.

NATURA universa glandularum sic se habet: natura quidem ipsis est spongiosa; raræ siquidem & pingues, & neque carnem habent reliquo corpori similem, neque aliud quicquam corpori simile; sed friabilem, & multis venis refertam. Quam si disseces, sanguis copiosus, specie albus, & velut pituita effunditur;

tangenti vero tanquam lana apparet. Ac si multa vi digitis contrectaris, oleosum humorem glandula emittit; ipsaque plerumque conteritur ac dissolvitur: neque vero admodum ægrotant, sed una cum reliquo corpore. Quum autem proprio morbo laborant (raro namque etiam cum corpore laborant) morbi suboriuntur, tubercula, & strumæ resultant, febrisque corpus detinet. His autem afficiuntur, ubi humore ad eas ex reliquo corpore confluyente, impletæ fuerint. Ex reliquo autem corpore influit per venas, quæ per eas multæ & cavæ extenduntur, ita ut ad eas humor, quemcunque tandem traxerint, facile consequatur. Quod si copiosa & morbosæ fluxio fuerit, glandulæ etiam reliquum corpus in se distendunt, eoque modo febris accenditur, glandulæ adtolluntur, & inflammationem concipiunt. Glandulæ autem in corpore subsunt plures, & majores in ipsius cavitatibus, quam in articulis, & quæcumque in aliis humectis, & sanguine redundantibus locis continentur: atque illæ quidem, ut id, quod ex superioribus locis in cavitates influit, exceptum ad se trahant; perpetiuntur autem hæc, ubi humiditate repletæ fuerint ex reliquo corpore in ipsas influente, (&) sic superflua humiditas in corpore minime prohibeatur. Si quid enim statim suboriatur, non tamen postea succedet nimia corporis humectatio; etenim tum multa, tum pauca, in glandulas expenditur. Eoque modo reliqui corporis abundantiam, glandulæ suo lucro adtrahunt, & iis est alimentum accommodatum.

CAPUT II.

In locis humectis glandulas esse, & ubi glandulae, ibi pilos generari, si humor non exsuperet.

QUare ubi uliginosae corporis partes, ibi etiam glandulae sunt. Hoc indicio, quod ubi glandula, ibi etiam sunt pili. Natura siquidem glandulas & pilos creat, utraque (enim) eadem utilitate participant; illas quidem, ut quod influit (quemadmodum ante dictum est) excipiant: pilos vero, ut ex glandulis oportunitatem nacti, producantur & augeantur, quodque in extremas partes redundat & exæstuat, colligant; ubi autem corpus siccum, ibi neque glandula, neque pilus inest. Tenerae vero & labore agitatae ac humectae partes, glandulas & pilos habent. Glandulae vero etiam sunt ad utramque aurium partem, circa jugulares colli venas; pili quoque ibidem. Sub alis utraque ex parte & glandulae & pili sunt. Inguina & pubes similiter ac alae glandulas, & pilos habent. Hæ quidem inter corporis partes cavæ sunt, & facile humoris redundantiam excipiunt; ex omnibus enim corporis partibus, hæ maxime laborant & moventur. Reliquæ autem, quæ glandulas tantum habent, velut intestina, (habent enim & hæc glandulas ad omentum majores) pilos (enim) non habent. Neque enim in uliginosis & humectis terræ locis semen nascitur, neque supra terram adscendere conatur, sed (humoris) redundantia, quæ vim semini infert, putrescit & suffocatur. Quin etiam in intestinis redundantia, & humoris copia vim infert; neque pilos exoriri sinit. Glandulae vero ibi majores

sunt, quam in alia corporis parte, & expressam ex intestinis redundantem humiditatem depascuntur. At intestina ex vasis ad omentum pertinentibus, humiditatem excipiunt, & emittunt: omentum autem his glandulis transmittit. Sed & renes glandulas habent; hi siquidem multa humiditate redundant. Sunt autem hac parte majores, quam aliæ quævis glandulæ. Neque enim qui influit humor, in renes imbibitur, sed infra ad vesicam defluit. Quare quicquid ex ductibus lucrifaciunt, id ad sese attrahunt. Sunt & aliæ in corpore glandulæ admodum parvæ. Verum nolo mea oratione longius aberrare, quum ad insignes tantum hæc nostra scriptio instituta sit.

C A P U T III.

De colli, aurium, axillarum, inguinum, & intestinorum glandulis, & earum affectibus.

Nunc igitur ut ad institutum sermonem revertar, de integra glandularum colli natura dicendum. Collum utraque ex parte, hinc & hinc glandulas habet, quas tonsillas vocant, in hunc usum comparatas. Caput cavum & rotundum superiore parte situm est, & humiditatem ex reliquo corpore circum se complectitur, simulque corpus vapores cujusvis generis sursum ad caput transmittit, quos rursus caput retro dimittit. Neque enim, quod influit, quum illic sedem non habeat, immorari potest; nisi sane caput ægrotet. Tunc (enim) non remittit, sed illic retinet. Ubi vero, quod adtractum est, remiserit, fluxio vergit in glandulas, quæ nullam adfert molestiam, donec pauca & moderata fue-

rit, eamque glandulæ retineant. Si enim copiosa & acris fluxio fuerit, & acris & biliosa perseveret, inflammatur & intumescit, collumque distenditur, sicque ad aurem procedit: & si quidem ad utramque partem; utraque auris: sin vero ad alteram; altera dolet. Quod si pituitosa, copiosa, ac lenta fluxio fuerit, sic etiam inflammationem concipit; ex qua, cum humor sit stabilis, strumæ generantur, iique pessimi colli morbi numerantur. In alas autem tunc quidem etiam quid confluit; verum ubi copiosi & serosi humores fuerint, ad hunc modum in ipsis quoque tubercula oriuntur. Quin & in inguinibus glandula ex superioribus partibus humiditatem attrahit; alioqui si magna copia fuerit, inguina in bubones tument, & suppurantur, & inflammantur, similiter ut alæ, ac collum. Atque hæc tum bona, tum mala præstare videntur; & de his quidem hætenus. At vero intestina multum a cibis & potibus explentur; quin & humiditatem sub cute continent, quæ tota, veluti prior, absumitur. Morbos vero non plerumque facit, quemadmodum etiam in articulis contingit: frequentes siquidem glandulæ & expassæ, neque cavæ sunt, neque admodum altera alterius copia fruitur; quando si qua plus abundare velit, neque tunc copiam continere queat. Sed quod in articulum influit, in singulas paucum; & in multas partes divisum, æqualitatem ipsis præbet.

CAPUT IV.

De cerebri glandulis, ipsumque esse glandulam, unde fluxiones & affectus minores & majores, ut apoplexia, mania.

CAput quoque ipsum glandulas habet, cerebrum nempe glandulæ simile: cerebrum enim, ut & glandulæ, album est, ac friabile, iisdemque commodis, quibus glandulæ sunt præditæ, caput afficit; quum id humiditate, quæ, ob prædictas a me causas inest, cerebrum, velut auxilium adferens, defraudat, & ad extremitates magna ex parte fluxiones foras emittit. Majus autem est cerebrum, quam reliquæ glandulæ, & capilli etiam majores, quam reliqui pili. Majus enim est cerebrum, & in amplo capitis spatium situm habet. Morbos autem & minores & majores parit, quam reliquæ glandulæ; parit vero, quum ad inferiores corporis partes copiam, qua redundat, amandarit. De capite autem fluxus, veluti secretiones, contingunt, per aures secundum naturam, per oculos, per nares, atque hæ tres sunt: & aliæ per palatum in fauces, in gulam: aliæque per spinalem medullam, in sanguinem, omnes numero septem. Eæ si discedunt, cerebri purgamenta sunt; & nisi discedant, ipsi morbum creant; non secus ac reliquo corpori, si intro, & minime foras discesserint. Ac rursus multa turbatio affatim sequitur, siquidem cerebrum acrem fluxionem emittat, quæ cæteras fluxiones corrodit, & adtrahit. Et siquidem quod influit magna copia fuerit, descendens fluxio minime cessabit, quoad

defluentem copiam exhauserit: & id quidem, quod affluit, foras emittens: alterum vero excipiens, semper eodem statu consistens, tum humores trahit, tum morbos creat. Ambo enim magna molestia naturam debilitant, quæ si affecta fuerit, intolerabilis erit ærumna. Affectiones siquidem naturæ sunt prædictæ fluxiones, quæ copiam moleste admodum ferunt, & pruritus cident; ex eo, quod præter rationem & consuetudinem est. At cerebrum noxiam sentit, ipsumque etiam non bene habet. Sed si quidem mordeatur, multam turbationem habet, & mens non intelligit, cerebrumque convulsionem sentit, totumque hominem trahit, neque a se vocem edit, sed suffocatur, huicque affectioni apoplexiæ nomen est. Sin vero acris non sit fluxio, sed copiosa (in cerebrum) irruat, ipsum affligit, & mens conturbatur, & (homo) obambulat varia cogitans, & diversa videns, morbi indolem perferens effuso risu, & peregrinis imaginationibus.

CAPUT V.

Ab externis fluxionibus, ophthalmia, narium pruritus, aurium purulenta; ab internis diarrhæa, volvulus, tabes pulmonica, & dorsalis.

FLuxio alia in oculos, ophthalmia appellatur, in qua oculi intumescunt. Quod si ad nares defluxio fiat; mordentur nares, nihilque aliud gravius accidit: earum etenim amplæ sunt viæ, & quæ sibi auxilium ferre possint, præterea vero minime coacervatum est, quod per illas fertur. At vero aurium meatus tortuosus quidem & an-

gustus, cerebrum vicinum habet, ipsis appretsum. Laborans vero hoc morbo plurima excernit: & auris cum tempore a frequenti fluxione fodicatur, effluitque pus graveolens. Sic se habent fluxiones ad exteriores partes oculis conspicuæ, neque omnino lethales. Quod si fluxio posteriore parte procedat, aut per palatum pituita ad ventrem perveniat: iis quidem ventres fluunt, non tamen ægrotant. Resistente autem in alvo pituita, volvuli, morbi diuturni. Aliis per palatum ad fauces multa & frequens fluxio plurumque morbos tabificos facit: pituita enim pulmones implentur, indeque pus gignitur, quod pulmones exedit, neque ægroti facile evadunt, & medicus sua prudentia, (si vir bonus industriusque fuerit), ut plurimum causam intelligit. Alius morbus ex defluxione capitis per venas in spinalem medullam, cum inde ad os sacrum impetu fertur, spinali medulla eo fluxionem deducente, & in coxendicum acetabula deponente; quod si tabem fecerit, & utroque modo homo contabescit, neque vivere expetit: confestim enim scapulæ dolent, simulque ambo pedes & crura consequuntur, tandemque pereunt longo tempore curationem trahentes, neque viribus homo defecit, & moritur. Atque hæc mihi de fluxionibus capitis dicta sint. Sunt etiam cerebri affectiones & alii morbi, deliria, mania, periculique plena omnia, & dolet cerebrum, & reliquæ glandulæ: habet enim & tonum, & alius est hic rursus consensus corporis.

CAPUT VI.

De pectoris glandulis, seu mammis; quæ in mulieribus, non in viribus lactescunt; & affectibus, qui ereptis mammis enecant.

Quia & glandulæ in pectoribus mammæ vocantur, & adtolluntur, & lac faciunt, quibusdam vero minime. Et mulieres quidem lac habent, viri autem minime: mulieribus quidem rara est etiam glandularum natura, quemadmodum reliquum corpus, & alimentum, quod ad se trahunt, in lac convertunt. Et ex utero ad mammas accedit, ad pueri post partum alimentum, quod sane exprimit, aut etiam sursum mittit cumentum ad superiores partes, ab ipso fetu compressum. At viribus & locorum angustia, & corporis densitas, ad hoc, ut ne glandulæ magnæ sint, plurimum confert; mas enim confertim plenus est, ac vestis instar tum visu, tum contactu, densus. Femina vero rara & laxa, ac veluti fluida, tum ad visum, tum ad contactum. Quare humiditatem non remittit, id quod est rarum; & molle. Mas vero non suscipit, quum densus sit, & humoris parum amicus, laborque ejus corpus roborat, ut non sit, quo superflua excipiat. Sicque hæc ratio fateri cogit, & pectora, & mammas, reliquumque corpus mulieribus laxa esse & mollia, tum ob vitam desidem, tum ob prædicta; viris vero contra. Mammæ etiam tubercula, & inflammationes pariunt, lac ipsum putrefacientes. Comoda vero superioribus similia obtinent, (&) reliqui corporis abundantiam intervertunt. Cujus rei testimonium præbent mulieres, quibus, per

morbum, aut aliam quandam calamitatem mamma aufertur, & vox gravis efficitur, humoresque ad gulam deferuntur, multa sputatione vexantur, caput dolent, & ex iis ægrotant. Lac enim ab utero veniens & influens, quemadmodum etiam antea ad superiora vasa trans mittebatur, quum ea propria non habeat, in principes corporis partes incidit, cor videlicet, ac pulmonem, & suffocantur.

HIPPOCRATIS DE GENITURA LIBER.

P R Æ F A T I O.

EX commistione seminis utriusque parentis nasci puerum. Semen ex omni parte maris & femine decidere, maxime a capite, per medullam spinalem in renes perque medios testes, indeque ductos meatus ad pudendum, diversa quidem via ab ea per quam urina effluit. Utrumque semen masculinum esse aut femininum: illo dominante mares gigni, hoc eccellente feminas. Eas partes similiores aut patri fieri, aut matri, a quibus aut ex patre aut ex matre plus seminis deciderit. Ut nascantur mutili homines expressione quam in utero passi sunt. Sic coherens omnino hypothesis hic traditur, nimis subtilis & a prima artis gravitate aliena, quam ut HIPPOCRATI tribuas.

A R G U M E N T U M L I B R I.

De his, quæ ad venerem, conceptumque pertinent, de voluptate in coitu, de spuma in semine, de pollutionibus, & ludibriis nocturnis, qui semen non profundant, liberorum ad parentes similitudo, & dissimilitudo unde?

C A P U T I.

Semen inde, & quia derivetur; unde venerea voluptas; cur semen spumescat; cur validissimum venere excernatur; sanguis interdum in genitalia profluit; alius seminis, alius urinae meatus; unde pollutiones per somnum?

LEX quidem omnia sibi subjicit; at genitalia viri excrementum validissimum est, quod ab universo, quod in corpore continetur, humido proficiscitur. Hujus autem rei istud argumentum est, validissimum nempe excerni, quod quum rem veneream egimus, tam paucò semine emissò, imbecilles simus. Res autem ita se habet; venæ & nervi ab universo corpore ad pudendum producuntur, quibus dum subteruntur, & calefcunt, & implentur, veluti prurigo incidit; unde universo corpori tum voluptas, cum calor oboritur. Quum vero pudendum confricatur; & homo movetur, humidum in corpore concalescit, ac diffunditur, & ex motu agitur, & spumat, atque ad eundem modum, quo reliqua omnia humida, quum vehementius

dimuventur, spumescunt; sic autem & in homine valentissima, & pinguißima portio a spumante humido secedit, & ad spinalem medullam progreditur (ad eam namque ex universo corpore viæ concurrunt, & ex cerebro in lumbos, & in universum corpus, & spinalem medullam diffunditur) & ex ea viæ procedunt, ut & ad ipsam humidum adeat, & ex ea secedat. At ubi ad spinalem medullam genitura pervenerit, procedit ad renes; huc enim via patet per venas. Quod si renes exulcerati fuerint, interdum etiam sanguis una defertur. A renibus autem per medios testes ad pudendum pervenit; neque qua via urinae est, prodit, sed alia ipsi via est, huic proxima. Qui per somnum semen effundunt; ideo venerem somniant, quum humor in corpore diffusus, & excalesfactus, sive ex vehementi exercitatione, sive ex alia quavis causa spumescit; dumque ab ipso excernitur, veneris imaginem quandam exhibet. Patitur namque per se id humor, sicut in coeunte præstat. Verum non mihi de his, qui per somnum semen emittunt, ac de toto morbo, quid sit, & quæ molietur, & curante coitum semen emittatur, sermo est: sed de his ista quidem a me dicta sint.

C A P U T II.

Cur eunuchi, & pueri, & juniores virgines venerem non exercent, & cur, quibus juxta aures vena secta sunt, ii infecundi sint?

AT eunuchi propterea venerem non obeunt, quod ipsis geniturae transitus aboleatur, per ipsos enim testes ei via est, & nervi tenues, &

crebri ex testibus in pudendum tendunt, quibus erigitur, ac demittitur; iique in exsectione rescinduntur, proindeque eunuchi ad venerem inepti sunt. Qui vero istorum adtritionem passi sunt, iis genituræ via obstructa est; occalescunt enim testes, ac nervi a callo duri, hebetesque (redditi,) penem neque intendere, neque laxare possunt. Quibuscunque vero juxta aures (venæ) sectæ sunt, hi coeunt quidem, & emittunt semen; sed paucum, imbecillum, & infecundum. Plurimum siquidem seminis a capite secundum aures in spinalem medullam procedit; ipse vero transitus, cicatrice sectioni inducta, solidus evasit. Quum autem pueris venæ exiles, ac repletæ sint, genituram ferri prohibent; & prurigo non eodem modo excitatur, & propterea neque in corpore humidum ad seminis excretionem concutitur: virginibus quoque eandem ob causam, priusquam adoleverint, menses minime prodeunt. Ubi vero incrementum ceperint, tum virgo, cum puer, venæ quæ ad pueri pudendum, & virginis uterum feruntur, incremento ampliores evadunt, & aperiuntur, atque via, transitusque per illarum angustias patet, tuncque humidum agitari incipit: nam & spatia ampliora, in quibus concutiatur, habet, pueroque (semen) quum adultus fuerit, ob eam causam, & virgini menstrua prodeunt; atque hæc mihi sic demonstrata sunt. At genitura ab universo corpore, & a solidis, & a mollibus, & ab universo totius corporis humido secerni adsevero; sunt autem quatuor humidi species, sanguis, bilis, aqua, & pituita. Tot enim species sibi congenitas habet homo, ex quibus tum morbi fiunt, cum dijudicantur. Atque hæc mihi quidem de genitura dicta sunt, & unde; & quo-

modo, & quam ob causam procreetur, quibus genitura non sit, & quare non sit, simulque de virginum menstruis.

C A P U T III.

Quod mulier ad liberorum generationem semen conferat.

CEterum quando mulieribus cocuntibus pudendum confricatur, & commovetur uterus, huic quidem accidit velut quædam prurigo, ac reliquo corpori voluptas una cum calore adsciscitur. Emittit autem & mulier e corpore (genituram) interdum quidem intra uterum, & ex eo uterus madefcit; nonnunquam vero foras, si plus æquo hiarit uterus. Et oblectatur mulier, ubi coire ceperit, toto tempore, quoad vir ipsum semen emiseric. Verum si coitum mulier vehementius appetat, (semen) prius quam vir emittit, & de cetero non similiter delectatur: sin vero venere non concitetur, simul cum viro delectari desinit. Atque ita (se res) habet, quemadmodum, si quis in aquam ferventem alteram frigidam affundat, (illa) fervere cessat: sic etiam viri semen in uterum illapsum, mulieris calorem, & voluptatem exstinguit. Exilit autem voluptas, & calor, simul ac semen in uterum decidit, deinde desinit; quemadmodum, si quis flammæ vinum adfundat, primum quidem contingit flammam adtollī, ac paulatim ad vini adfusionem increfcere, deinde cessare: eodem modo, & in muliere calor ad viri semen adtollitur, postea desinit. At multo minus mulier, quam vir

in concubitu oblectatur, sed vir tempore diuturniori. Propterea vero quod vir magis oblectatur, ei derepente (semen) ab humore concussu vehementiori, quam mulieri secernitur. Sic autem se res habent mulierum, si quidem (ipsæ) cum viris coeant, magis sanæ sunt; si non, minus. Siquidem cocundo uteri humidiores fiunt; qui, si plus æquo siccescant, maxime convelluntur; vehementer vero contracti, toti corpori dolorem creant; simul autem coitus sanguinem calefaciens, & humectans, viam mensibus faciliorem efficit; menstruis vero non prodeuntibus, mulierum corpora morbis obnoxia redduntur. Quare autem morbis obnoxia fiant, in morbis mulierum a me differetur; atque hæc quidem mihi hæcenus dicta sunt.

C A P U T IV.

Quomodo cognoscat mulier, quum in utero concepit? & quod in viro, & in muliere imbecillius, ac robustius sit semen.

QUum autem coierit mulier, siquidem minime conceptura sit, pro more foras prodiit semen ab utroque (emissum) quum mulier voluerit. Si vero conceptura sit, foras non exit, sed in utero manet semen. Uterus namque exceptum, ac conclusum semen in se continet, tanquam contracto ob humiditatem ejus osculo, simulque miscentur, cum quod a viro, tum quod a muliere prodiit: quod si mulier partum experta fuerit, & animadverterit, quando genitura non exciderit, sed intus remanserit, sciet, qua die in se conceperit. Sic quoque se res habet. In-

terdum quidem validius est (semen) quod a muliere emittitur, quandoque vero imbecillius; similiter quoque, quod vir ejaculatur. Et in viro tum muliebri, cum masculum semen est; similiter quoque in muliere. Masculinum vero femineo validius est; marem itaque a validiori femine procreari necesse est. Hoc quoque modo se res habet. Si ab utroque semen validius prodierit, mas partu edetur; si imbecillum, femina. Utrum vero copia prævaluerit, illi & (simile) procreatur, si namque multo majore copia imbecillius semen sit validiori, vincetur validum, & debili permixtum in feminam transit. Si vero validum imbecillo uberius fuerit, superatur imbecillum, ac in marem transfertur. Quemadmodum si quis ceram sebumque simul miscuerit, plusque sevi adjecerit, eaque ad ignem liquefaciat, dum quidem liquida fuerint, utrum horum superet, manifestum non est; ubi vero concreta fuerint, tunc, quod sebum ceram copia superet, conspicuum est. Sic maris, & feminae se habet genitura. Quod autem & in muliere, & in viro tum femineum, cum masculum semen sit, ex his, quæ manifeste contingunt, conijcere licet. Multæ enim mulieres ex propriis viris filias jam pepererunt; verum cum aliis viris congressæ, filios genuerunt. Et viri illi ipsi, ex quibus mulieres filias peperere, aliarum mulierum congressum adeuntes, masculam prolem genuerunt, & quibus mascula soboles procreabatur, ii cum aliis mulieribus congressi feminei sexus sobolem susceperunt. Sic ratio declarat tum virum, cum feminam, & femineum, & masculum semen habere. Nam qui femineam sobolem suscipiebant, in iis, quod erat validius (semen,) ab imbecillioris copia supera-

batur, & feminæ generabantur. Qui vero filios pariebant, in iis superabatur imbecillius, maresque procreabantur. At semen non semper ab eodem viro validum procedit; imo neque imbecillum perpetuo, sed alias aliud. Et in muliere ad eundem modum se habet; ut minime mirum videatur, easdem mulieres, eosdemque viros, & masculam, & feminæ sobolem gignere. Atque eodem modo in brutis, quæ de femineo, & masculo semine dicta sunt, sese habent. Et quod ad semen ipsum spectat, tum feminæ, cum viri, id ab universo corpore prodit, & ab imbecillis imbecillum, & a validis validum, eodemque modo fetui distribui necesse est.

CAPUT V.

Cur, & unde liberi parentibus similes, ac dissimiles; tenues ac imbecilles; majores, & minores nascantur?

Cumque plus ex viri quam mulieris corpore ad genituram accesserit, fetus ille patri magis erit similis; quandocunque vero ex mulieris corpore plus prodierit, ille manifestius matri adsimilabitur. Neque vero fieri potest, partum in omnibus matri similem esse, patri vero nulla in re; aut contra, neque alteri in aliquo similem esse, sed utrique aliqua in re similem esse, necesse est, siquidem ab utriusque corporibus semen ad fetum (procreandum) procedit. Uter autem plus, & ex pluribus corporis partibus ad similitudinem contulerit, illi fetus pluribus in rebus similis erit. Ac interdum contingit, ut filia genita majori ex parte patri, quam

matri multo sit similior, & filius natus nonnunquam matri, quam patri magis similis existat. Atque hæc mihi tamque multa sunt superioris sententiæ argumenta tum in muliere, cum in viro, & masculam, & femineam genituram inesse. Quin etiam istud contingit interdum, tennes ac imbecilles fetus ex patre, & matre crassiss ac robustis procreari. Quod si multis jam editis liberis id ejusmodi accidat, fetum in utero ægrotasse perspicuum est, vel etiam a matre aliquid ejus incrementi foras prodiiisse, utero nimirum dehiscente, proindeque debilem editum esse. Unumquodque animal autem respectu proprii roboris ægrotat. At si omnes liberi imbecilles exstiterint, uteri in causa sunt quum plus æquo angustiores sunt. Si namque amplum non habeant spatium, in quo fetus nutriatur, ipsum tenuem fieri necesse est, quippe qui satis amplo ad incrementum spatium non sit donatus. Si vero amplius habeat spatium, neque ægrotet, consentaneum est ex magnis parentibus, magnam sobolem procreari. Ita vero se res habet, quemadmodum si quis cucumerem qui defloruerit, parvulum tamen exortu, & adhuc in cucumerario jacentem, in vas aliquod angustum imposuerit, is æqualis ac similis haustri ipsius cavitati evadet. At si quis in vas amplum imponat, quod & commode cucumerem capere possit, sed non multo admodum majus, quam pro cucumeris natura sit, æqualis etiam, ac similis vasis amplæ cavitati erit cucumis: adæquat enim incremento vasis capacitatem. Et fere omnia nascentia hoc proveniunt modo, quo quis ipsa coegerit. Sic sane, & in puero se res habet; si loci vero amplitudo ipsi in incremento contigerit, major; si loci angustia, minor evadit.

CAPUT VI.

Cur, & unde mutilati, & ex mutilatis hominibus sani & integri, etiam mutilati liberi nascantur.

AT vero mutilatum in utero puerum censeo mutilari, aut collidi, si circa fetum mater percussa fuerit, vel in eum ceciderit, vel quamcunque aliam vim perpessa sit. Qua vero parte colliditur, ea mutilatur puer. Si vero vehementius collidatur fetus, rupta ea, quæ ipsum complectitur membrana, foetus abortivus perit. Quin & alia hujuscemodi causa mutilantur pueri; quum uteri locus, qua parte mutilati sunt, angustior fuerit; necesse est corpus, quod angusto in loco movetur, illic mutilum fieri. Quemadmodum etiam arbores quæcunque in terra sunt, neque satis amplum spatium habent, sed a lapide, vel alia quapiam re detinentur, quum exoriuntur, tortuosæ evadunt, aut parte una crassæ, altera vero tenues: sic certe in puero fieri contingit, si in utero partium corporis spatium alterum altero angustius fuerit. Quod autem ex mutilatis hominibus sani pueri nascantur, ut plurimum accidit; habet enim mutilatum numero omnia, perinde ac fanum. Verum ubi ipsis aliquis morbus, ut humido ipsorum acciderit, ex quo semen generatur, (species quatuor, quæ naturæ insunt) genituram non totam exhibent, sed imbecillio rem ad mutilatam partem; haud mirum mihi videtur, si ut parens, (ita & fetus) mutiletur. At hæc mihi ea de re dicta sunt; rursus autem ad eam, quam differere proposui, quæstionem postea revertar.

HIPPOCRATIS

DE NATURA PUERI LIBER.

PRÆFATIO.

*E*tiam hunc veteres habuerunt pro Hippocratico, qui manifesto spurius sit, non dissentiente MERCURIALI. Systema continet aptissime coherens, plenum subtili naturæ cognitione, post THEOPHRASTUM & HEROPHILUM scriptum. Hinc ob insignem, quam exigit, anatomæ cognitionem: inde ob experimenta anatomica de generationis negotio, & de ovis incubationi permittendis.

Hic etiam occurrit iurijurando contraria historia psaltrie, quæ auctore imperante, cum vehementius subsiliisset, ovum peperit, non quidem septem dierum, non tamen veri ovi humani dissimile.

Ceterum mechanicas tradit phenomenorum explicationes, per spiritum & adtractionem.

Semen utriusque parentis commissum ait calefieri, hinc respirare; spiritum trahere frigidiorē; eum calefactum iterum erumpere, sic generari umbilicum, deinde denuo adtrahi spiritum, & pelluculam nasci: a spiritu fetum articulari, intra sex dierum hebdomadas; adtrahere per umbilicum alimentum: à sanguine adlabente placentam generari:

tandem fetum ob alimenti defectum calcitrare, pellicula rumpere, & capite præeunte in lucem prodire. Hæc omnia ex generatione arborum & pullorum illustrantur.

Idem posset esse auctor, qui libri de genitura, nam etiam ibi duæ statuuntur seminis species, ex quarum varia, intra diversos uteri sinus, receptione, sexus in fetu discrimen & gemellorum partus deducitur. MERCURIALIS etiam partem facit libri prioris. Citat librum de morbis muliebribus.

ARGUMENTUM LIBRI.

De fetus, seu pueri procreatione ac principiis; ac de omnibus tum ad fetum, cum ad fetam pertinentibus; de tempore formationis, de motu in utroque sexu, de mensibus & lactis generatione, quæ omnia cum terræ plantis & ovis conferuntur; de gemellis, ac diverso sexu,

CAPUT I.

Genituram in utero spiritum trahere, & calidum frigido nutriri; & quod calefcit, id spiritum emittere; & alium frigidum adtrahere.

SI genitura ab utrisque in mulieris utero manferit, primum quidem miscetur simul, utpote muliere non quiescente, & coarervatur, & calefacta crassescit: deinde spiritum concipit, quip-

pe quæ in calido est, postea matre spirante. Deinde vero, quum spiritus plena fuerit, viam ipse sibi facit, & per mediam genituram spiritus exit. Ubi vero spiritui via facta fuerit, quod in calido loco rursus alterum frigidum a matre ad se adtrahit, idque toto tempore facit. Incalescit enim, utpote in calido existens; frigidum vero concipit a matre spirante. Omnia vero, quaecumque calefcunt, spiritum habent; spiritus autem erumpit, viamque sibi facit, & foras excedit. Id vero, quod calefcit, ad sese rursus alium spiritum frigidum per scissuram, quo nutriatur, adtrahit. Hoc autem fit & in lignis, & in foliis, & cibus, & potibus, quaecumque vehementer incalescunt. Id vero intelligendum præbent ligna ardentia; omnia enim ligna id facient, maxime vero, quæ subviridia sunt; transmittunt enim per sectionem spiritum: spiritus vero, ubi foras prodierit, circa fissuram convolvitur, idque semper fieri videmus. Perspicua igitur est ratiocinatio, quod spiritus in ligno calidus quum sit, alium frigidum, a quo nutriatur, ad se trahat, & a seipso dimittat: (nisi enim vicissim traheret, spiritus foras prodians non convolveretur:) omne namque calidum frigido moderato nutritur. Et ubi percalefactum fuerit humidum; quod in ligno est, in spiritum conversum foras prodit; eademque via, qua exit calor ille, qui in ligno est, alium frigidum, quo nutriatur, adtrahit. Hoc etiam faciunt & folia viridia; quum autem uruntur, spiritum concipiunt, deinde erumpit spiritus, & via sibi facta foras prodit sese volutans; prodians autem strepitum edit, qua parte inspirationem facit. Et legumina, & triticum, & arborei fructus, dum calefcunt, spiritum concipiunt, qui rima facta,

foras prodit; quæ si humida fuerint, uberiores spiritum emittunt, & rimam majorem efficiunt. Et quid pluribus opus est? Nam quæcunque calefiunt, spiritum emittunt, & alium frigidum ob id vicissim trahunt, a quo nutriuntur. Atque eæ mihi necessariae rationes productæ sunt, quod genitura in utero calefscens spiritum habeat, & emittat.

CAPUT II.

De genitura spiritu, de tunicarum fetus procreatione & incremento; & gravidis sano fetu menstrua non fluere.

SImul autem, & a matre spirante, spiritum habet genitura; quum enim mater frigidum in se ipsam traxerit ab aere, eo genitura fruitur: calida autem est, utpote quæ in calido sit, tuncque sane spiritum habet, & emittit, & genitura, quum inflatur, membrana obducitur. Eidem enim exteriore parte quiddam obtenditur, quod cum viscidum sit, undique sibi cohæret, & non secus ac in pane, dum torretur, tenue quippiam instar membranæ in superficie existat (nam quum calefcit, & inflatur, adtoillitur) qua vero parte inflatur, illic pelliculæ species exoritur. At toti genituræ calenti, & flatu tumentis exteriore parte membrana circumducitur; verum per membranam ad mediam genituram intro, & foras spiritui transitus fit, eaque parte membranæ tenue quiddam a genitura recedit, quæ in his locis paucissima inest; ipsa vero reliqua genitura rotunda est in membrana. Equidem genituram sex diebus in utero retentam, & foras

prolapsam ipse vidi, & qualis tunc meo iudicio visa est, ex eo reliquorum conjecturam facio. Ut autem genituram sex dierum existentem viderim, ego narrabo. Mulieri nobis familiari perelegans erat cantrix, quæ cum viris versabatur, & quam minime decebat gravidam esse, ne viliori loco haberetur. Hæc autem cantrix audierat, quæ mulieres inter se narrant; si quando conceptura sit, genituram intus manere, neque foras egredi. Quibus auditis & intellectis, ea semper in animo habuit, quumque aliquando genituram non exire percepisset, dominæ exposuit, sermoque ad me pervenit. Quo audito, ego, ipsa ut in terram desiliret, iussi; & quum jam septies exsilisset, genitura in terram cum sonitu defluxit, quam illa videns non sine admiratione spectavit. Ego vero, qualis erat, referam: ut si quis ovo crudo externam testam undique auferat, in quo interiore membrana contentus humor pelluceat; modus quidem talis erat (ut abunde dicam) ruber erat liquor, & rotundus. In membrana autem fibræ albæ, & tenues inesse videbantur cum cruore crasso, & rubro contentæ, & circum membranam exteriore parte cruenta vestigia instar sugillatorum: in cujus medio tenuæ quiddam eminebat, quod mihi umbilicus esse videbatur, & per illum primum spiritum intro, & foras facere; ex eoque protendebatur tota membrana, genituram complectens. Talem equidem ego vidi genituram sex diebus conceptam. Adducam autem paulo post aliam cognitionis rationem, his omnibus, qui horum desiderio tenentur, manifestam, quæ, quantum homini de re ejusmodi dicere conceditur, omnem orationem meam probabit: ac de his quidem hactenus. Quod vero genitura contineatur membrana, spiratio-

rationem intro, & foras habeat; & sanguine a matre in uterum delapso incrementum accipiat. Menstrua namque haud prodeunt, ubi mulier in se conceperit, si puer sanus futurus sit (nisi quibusdam primo mense modicam sui indicationem faciant;) sed promanans ab universo muliebri corpore sanguis, in orbem foris membranam circumstat; simulque cum spiritu sanguis per membranam, qua perforata est & extat, adtrahitur, condensatur, & in futuri animalis augmentum cedit. Succedente autem tempore rursus aliæ multæ tenues membranæ, eo modo, quo prima, intra primam protenduntur, æque ex umbilico extentæ mutuis inter se vinculis connexæ sunt. Quum vero jam hoc factum est, ex delapso, & concreto materno sanguine caro gignitur; sed ex carnis medio umbilicus extat, per quem spirat, & incrementum recipit.

C A P U T III.

Unde menstrua gravidis non aque, ac iis, quæ uterum non gerunt, molesta sunt; unde fetus spiraret ac nutriatur: quando fiat conceptio; & quæ menstruorum suppressionem symptomata sequantur.

AT vero mulier, quum uterum gerit, a mensibus minime prodeuntibus idcirco non laborat, quod sanguis singulis mensibus cumulate exire solitus non agitetur; sed sensim, paulatimque quotidie in uterum citra dolorem secedat, ex quo augetur, quod intus in utero continetur. Singulis autem diebus, & non semel per mensem

Princip. Art. Med. Tom. II. E

idcirco defertur, quod genitura, quæ in utero continetur, semper aliquid e corpore pro virium ratione trahit, ad eundemque modum etiam spiratio habet. Ac primo quidem parva est spiratio, & modicus sanguis ex matre fertur. Quum vero amplior sit spiratio, plus quoque sanguinis adtrahit, & majore copia in uterum descendit. Iis vero, quæ minime uterum gerunt, ubi menses non prodierint, eas ob causas dolor oboritur. Primum quidem quolibet mense sanguis in corpore ex eo necessario agitatur, quod menses multum inter se frigore, & calore differant, idque mulieris corpus sensu percipit; humidius enim est, quam viri. Ubi autem agitated est sanguis, & venas implevit, ab ipso deorsum fertur, id quod ei quodammodo ab initio a natura insitum est. Quare, si illo quidem sanguine vacuetur mulier, in utero concipiet; si vero eo plena fuerit, minime. Uteris enim, & venis sanguine vacuis, mulieres in se fetus concipiunt. Hæ namque mulieres post menstruam purgationem in utero concipiunt; causa vero dicta est. Quum autem agitated, & secretus sanguis, minime foras, sed in uteros feratur, uteri autem non hiauerint, tum sane diutius immorante sanguine uteri incalescentes calorem reliquo corpori excitant. Quandoque etiam sanguinem in venas corporis transfundunt, ut & venæ impletæ dolent, & tumores excitent. Nonnunquam vero ex eo claudicationis periculum impendet; quin etiam interdum vesicam obsident, premuntque, & claudunt, urinæque stillicidium adferunt. Quandoque vero uteri sanguine redundantes, aut ad coxendicem, aut ad lumbos procidunt, doloresque exhibent; aliquando vero, ubi sanguis quinque, aut sex menses in utero immoratus est,

putrescens in pus vertitur, & quibusdam pus per pudendum exit. Nonnullis etiam in inguine velut tuberculum oboritur, ibique pus factum foras prodit, & pleraque alia ejusmodi mala mulieribus contingunt, quum menstrua non expurgantur. Sed quid ea hic recensere opus est? De his siquidem in morbis muliebribus dicetur.

CAPUT IV.

De secundinis, ac mirabili, primaque partium conformatione, quomodo fiat.

Verum eum, unde digressus sum, sermonem absolvam. Cum autem genita fuerit caro, tunc sanguine in utero crescente, etiam ipse membranae augentur, ac sinuantur, præcipueque externæ. Et sanguis a matre descendens, quem sane caro spirando adtraxerit, in incrementum cedit, quodque utile non fuerit, in membranarum sinus secernitur; quæ ubi in sinus excavatæ fuerint, & sanguinem exceperint, tunc jam secundie appellantur. At hæc hætenus mihi dicta sint. At vero caro augetur a spiritu articulatur, in eaque abit unumquodque simile ad sui simile, densum ad densam, rarum ad rarum, humidum ad humidum, & unumquodque in propriam regionem abit, ad id, cum quo cognitionem habet, & ex quo etiam ortum est. Et quæcunque ex densis orta sunt, densa sunt, & quæcunque ex humidis, humida, reliqueque ad eandem rationem in incrementum cedunt; atque ossa calore condensata durescunt. Ac sane, ut arbor, in ramos etiam dividuntur, multoque melius mem-

bra tum corporis interna, cum externa articulantur; ipsumque caput ab humeris distans exoritur; brachia item, & cubiti a lateribus; & crura inter se separantur; nervique circum naturas articulorum volvuntur; & os per se conformatur, & nasus & aures in carne eminent, ac perforantur, oculique humore puro implentur, & pudendum utrum sit, manifestum sit; & viscera ipsa formantur. Ac sane superioribus etiam partibus, tum ore, cum naribus, spirationem facit, & venter spiritu inflatur, eoque inflata intestina ex superioribus per umbilicum insuper spiritum accipiunt, & absumunt; & a ventre, ac intestinis in podicem, similiterque in vesicam via foras patet; atque horum singula a spiritu effinguntur: spiritu namque perflata omnia pro generis affinitate separantur. Etenim si vesicæ fistulam alligare velis, & per fistulam in vesicam, terram, arenam, & tenuia plumbi ramenta immittere, insuperque aqua per fistulam affusa inflare vesicam; primum quidem illa aquæ permiscebuntur, deinde vero temporis progressu, flatu agitata secedent, plumbumque ad plumbum, arena ad arenam, & terra ad terram abibit. Ac si quis ea arefcere permittat, disruptaque vesica contempletur, simile ad sui simile se contulisse comperiet. Sic sane etiam genitura, & caro discernuntur, in eaque simile quodque ad sui simile secedit. Atque ista quidem ea de re a me dicta sunt.

CAPUT V.

De tempore conformationis pueri, & puella, & purgationis lochiorum mulieribus necessariae, cuius suppressio periculosa.

JAm vero formatus est infans, eoque pervenit; ut femina quidem primam concretionem duobus & quadraginta diebus, ut longissime accipiat; masculus vero triginta diebus, ut longissime. Ut plurimum enim hoc tempore, aut paulo breviori, aut paulo longiori, ipsis articulatione contingit. Nam & purgatio a partu fit mulieribus, ut plurimum, in puella quidem concepta duobus & quadraginta diebus, eaque ut maxime diuturna, ita perfecta est, (extra tamen periculum fuerit, si etiam quinque & viginti diebus purgetur). In masculo vero purgatio diebus triginta contingit, sicque hæc longissima, perfecta est; extra tamen periculum fuerit, si diebus viginti purgetur. Postremo vero tempore quam paucissima purgatio procedit. Quin etiam juniores paucissimis diebus, seniores vero pluribus repurgantur. In partu autem, & puerperii purgamentis maxime laborant, ac dolent mulieres primiparæ, & quæ minus sæpe, quam quæ sæpius peperere, magis cruciantur. At vero purgationes a partu ea de causa mulieribus contingunt, quod primo tempore ad duos & quadraginta dies in femina, in masculo vero ad dies triginta paucissimus sanguis in pueri incrementum descendat; ab eo vero tempore ad partum usque copiosior. Ac sane purgationem in partus purgamentis reddi, & foras exire pro dierum ratione oportet.

Principium autem in ejusmodi muliere tale est. In partus doloribus sanguis mulieri commovetur, & a valido pueri motu vehementer incalescit. Commotus vero is quidem primus foras prodit (deinde puer), post puerum vero sanies crassa, & cruenta, itque huic ductus quidam, non secus ac aquæ in mensam effusæ. Deinceps post illum per omnes dies, ad usque prædictum tempus, purgatio procedit; primo quidem, quantum hemina attica una & dimidia, vel paulo plus aut minus, pro ejus ratione, dum cesset. Prodit autem, velut a victima sanguis, si sana sit, & sana futura sit mulier, citoque concrescit. Si vero sana non sit mulier, neque sana futura, purgatio tum parcius, tum specie deterior prodit, neque cito concrescit. Sic autem se res habet. Si mulier uterum gerens morbum habuerit, qui non sit puerperii purgationibus affinis, perit; si vero uterum gerens prioribus diebus non statim repurgetur, sive bene valeat, sive minus, eique derepente purgatio sive sponte, sive a medicamento commoveatur, pro ratione dierum, quibus semel non profluxit, procedet. Nisi enim a partus purgamentis mulier repurgetur, magno morbo corripietur, vitæque periculum incurret, nisi cito curetur, & aliquis convenientem ipsi purgationem promoveat. Hæc propterea a me adducta sunt, quo demonstrarem membrorum distinctionem in pueris fieri: feminae quidem intra duos & quadraginta dies, ut longissimam; masculo vero intra dies triginta. (argumentum est e partu purgatio, quæ quidem in puella duobus & quadraginta diebus contingit; in masculo vero, quæ longissima, triginta diebus.) Ac sane denuo idem perspicuitatis gratia repetam. Assevero enim, quod femine

in utero contento sanguis ille, qui a muliere in utero femineam genituram gerente paucissimus venit, duobus & quadraginta diebus vicissim redditur. Puerorum enim membra his diebus distinguuntur. Ex eo vero tempore copiosior sanguis affluit, quod rursum in masculo pro ratione triginta dierum accidit. Quæ quidem ita se habere, & vera esse, hoc altero argumento constat. Posteaquam in uteros genitura delapsa est, primis diebus paucissimus sanguis a muliere in uterum fertur; deinde vero copiosior. Si enim confertus, multusque unico impetu accederet, genitura spirationem habere non posset, sed sanguinis irruentis copia suffocaretur; contra vero in purgatione vicissim redditur; a partu enim purgatio primis diebus plurima prodit, deinde paucior, donec penitus desinat. Multæ autem jam mulieres fetum masculum paulo ante trigesimum diem abortione perdidere, sed non articulatus conspectus est; qui vero paulo post, aut eo ipso die rejecti sunt, omnes articulati apparuerunt. Sic etiam in puella pro ratione duorum & quadraginta dierum, si quando abortu perierit, membrorum articulatio apparet. Sive autem prius, sive posterius puer abortione pereat, sic se habere membrorum articulatio, & ratio, & necessitate conspicitur: in puella quidem duobus & quadraginta diebus; in puero vero triginta. Hujus siquidem rei fidem faciunt fetuum abortiones, & puerperii purgationes. Quod autem femina posterius conformetur, & articuletur, hæc causa est; quod ipsius genitura imbecillior sit, & humidior, quam mascula, eaque ratione feminam tardius, quam masculum conformari necesse est; & in puella diuturniorem

esse purgationem, quam in masculo. Nunc vero ad id, unde digressus sum, revertar.

CAPUT VI.

De mirabili partium formatione, quomodo, & quando fiat: de ossium venarum, nervorum, miguum, pilorum, & cuticulæ formatione.

POsseaquam vero articulatus puer fuerit, speciebus membrorum ipsius augeſcentibus, tum etiam ossa duriora evadunt, & excavantur, atque hæc a spiritu efficiuntur. Cava autem quum sunt, ad sese a carnibus, quod in sanguine pinguiſſimum est, adtrahunt, & temporis successu extrema ossa in ramos diducuntur; sicut enim arboris summa postremo ramos spargunt; ita & in puero manuum, & pedum digiti inter se dissident; in ipsis autem partibus extremis ungues nascuntur. Venæ enim omnes corporis humani in pedum, & manuum digitos desinunt. Et crassissimæ quidem sunt venæ in corpore, & in capite; deinde in cruribus, & brachiis, & cubitis. At in pedibus & manibus tenuissimæ, densissimæ, & plurimæ venæ sunt; itemque nervi tenuissimi, densissimi, & plurimi, ossaque magnitudine minima; eaque præcipue in manuum ac pedum digitis. Ex digitis autem, nimirum quum ossa densa (&) parva habeant, venas etiam ac nervos itidem parvos ac densos; ita ex ipsis ungues tenues, & densi oriuntur, qui extremas venas comprehendunt, adeo ut nec amplius augeſcant, neque alia aliam excedat; ut minime mirum sit, si ungues exterioris corporis parte densissimi sint, quum ex densissimis consent. Simul

autem cum unguibus etiam pili in capite radices agunt. Ac pilorum natura sic se habet. Hi siquidem maximi, & plurimi nascuntur, quæ summa corporis cuticula rarissima est, & ubi pilus moderatum humorem in alimentum habet. Ac ubi summa cuticula postea rara fit, ibi deinceps quoque pili nascuntur, veluti in mento, pube, & alio quovis loco. Nam simul, ac genitale semen oritur, caro, & extrema cuticula rarior evadit, venulæque magis quam antea aperiuntur. Quum enim adhuc puer est, venulæque tenuēs sunt, per eas genitura ferri non potest; eademque ratio est in virginibus circa menstrua. Simul autem in virginibus aperitur via mensstruis, & genituræ, & puero ac virgini, extrema cuticula rarefcente, pilus in pube nascitur, simulque moderatum, neque minorem in alimentum humorem habet. Sic vero, & in viri mento se res habet; rarefcit enim summa cuticula, delata in eam a capite humiditate. Simul siquidem & in coitu, simulque intermedio tempore, moderatam humiditatem in alimentum pilus habet; tuncque maxime, quum humiditati, quæ in coitu a capite in mentum (utpote) a pectore diffitum descendit, longior mora contingat. In rarissimis autem summæ cuticulæ partibus pilos enasci indicio est; quod si quis velit inurere cutem, & pustulam solum facere, eamque sanare, cutis densa reddita nullum prorsus ex cicatrice pilum emittet. Qui vero ætate adhuc puerili eunuchi fiunt, eamque ob causam neque in pube, neque in mento pilos producant, lævesque toti sunt, quod nondum genituræ via facta sit, nusquam rarefcit summa superficiei cuticula. Nam quemadmodum paulo ante a me dictum est, intercepta est genituræ via. Mulieres autem mento, & toto cor-

pore glabræ sunt, quod ipsis in actu venereo non perinde agitatus humor, ac viris, summam cuticulam raram non efficiat. At qui calvescunt, ii sane pituitosi sunt, & pituita per coitum in eorum capite agitata, & incalescens, in summam cuticulam illapsa, pilorum radices exurit; ita ut pili excidant. Eunuchi autem eam ob causam non calvescunt, quod illis non sit vehemens motus, neque pituita in coitu incalescens pilorum radices exurat. Cani autem ob id fiunt, quod longo tempore pertranseunte humore in homine, id, quod candidissimum est, secernitur, & in summam cuticulam illabitur, ita ut adtracta candidiore humiditate pilus quam antea candidior evadat, ipsaque summa cuticula, eo præsertim loco, ubi cani sunt, quam quovis alio, candidior sit. Quicumque ex nativitate canum quid habent in capite, illis summa cuticula, ubi cani sunt, quam alia quævis, candidior sit, quod illic albilissima humiditas insit. Sic autem se res habet. Qualem humorem caro attraxerit, sive flavum, sive nigrum, talem etiam colorem capillus imbuat. Ac de his quidem hæcenus.

CAPUT VII.

De fetus motu, lactis generatione, ejusque ad uterum, & ad mammas aditu.

AT vero rursus ad id, quod est reliquum orationis, accedam. Quum autem summæ corporis pueri partes ramos foras emisserint, unguesque ac capilli radices egerint, tunc sane etiam moventur; ad idque masculo trium mensium tempus est, feminæ vero quatuor. Sic enim ut

plurimum contingit, etsi etiam quidam pueri ante hoc tempus moventur. Prius autem mas movetur, quod femina sit robustior: prius quoque conformatur masculus; nam ex validiore, & crassiore genitura fit. Quum autem fetus movetur, tunc sane lac de se significationem matri exhibet; mammae enim adtolluntur, & papillae turgescunt, neque tamen lac prodit. Et mulieribus densam carnem habentibus lac posterius significationem de se praebet, ac prodit; prius vero his, quae raram habent corporis habitum. Lac autem propter eam necessitatem gignitur. Quum uterus fetu tumescens mulieris ventrem comprimit, si eo pleno compressio illa contingat, quod in cibo & potu est pinguisimum, foras in omentum, & carnem profilit. Ac veluti si corium copioso oleo quis perungat, ac eo imbibi sinat, eoque imbibito corium premat, hoc compresso foras oleum exsiliet: sic certe, ubi venter pinguedinem a cibis & potibus continet, & ab utero comprimitur, quod pingue est, in omentum, & carnem transilit. Et si raræ carnis mulier fuerit, hanc exsudationem facilius percipit: sin minus, tardius. Quin & pecora, quum utero gerunt, nisi morbo aliquo laborent, potu, ciboque ob eam causam pinguiora evadunt; itidemque mulier. Pingui namque incalescente, & candido effecto, quod uteri calore edulcatum est, in mammas expressum tendit, & in uteros quoque exigua portio per easdem venas defertur; ad mammas enim & uteros ejusmodi venulae, & consimiles aliae feruntur; quumque ad uterum pervenerit, lactis formam habet, eoque exiguo puer fruitur; mammae vero lac excipiendo implentur, & adtolluntur. Atque ubi mulier pepererit, facto motus initio, lac in ipsas mammas fertur, si (puerum) lactaverit. Sic enim

se res habet: dum mammæ exfuguntur, venæ quæ ad eas tendunt, ampliores redduntur, & ampliores effectæ, quod pingue est, a ventre adtrahunt, & in mammas distribuunt. Vir namque si venerem crebro exerceat, ampliores venæ redditæ semen magis inducunt. Quin etiam hæc se res habet ad hunc modum. Alimentum, & incrementum puerorum fit, ubi ea, quæ a matre veniunt, ad uterum processerint, atque ut mater sana, ac debilis est, ita etiam puer valet.

CAPUT VIII.

De plante fetui comparata ortu, nutritione, incremento, radicibus, ramis, foliis, fructibus, seminibus, germinatione, causis externis, aqua, celo, sole, & anni tempestatibus.

Quemadmodum etiam, quæ e terra gignuntur, e terra nutriuntur, & prout terra habuerit, sic quoque e terra nascentia se habent. Semen enim, quum in terram dejectum fuerit, humore quodam ab ipsa impletur. Habet enim cujusvis generis humorem terra in se, quo, quæ ex ea nascuntur, nutrire possit. At semen humoris plenum indatur, & intumescit, & vis, quæ in semine levissima est, ab humore condensari cogitur; condensata autem a spiritu facultas, & humore in folia verso, semen rumpit, & primum folia foras emergunt. Quum vero emerferint, ubi amplius ab humore, qui in semine inest, nutriri non possunt, rumpitur inferne semen, itemque folia, ipsumque a foliis coactum, vim suam, quæ in eo reliqua est, propter gravitatem ad in-

feriora demittit ; ex foliis oriuntur radices , ex-
iisque dependent. Ubi vero planta firmas radices
in terram jecerit, ex eaque alimentum fumpferit,
tum fane totum (femen) evanescit, & in plantam,
excepto cortice, qui solidissimus est, absumitur.
Rursus autem cortex in terra putrescens progressu
sine temporis evanescit, & folia quædam in ra-
mos finduntur. Ex semine igitur, utpote quod
ex humido ortum, quamdiu quidem molle, &
aquosum fuerit, ad incrementum tum inferne,
cum superne procedens, nullum fructum edere
potest. Neque enim facultas valida, & pinguis ei
inest, ut ex eo semen condensari queat. Ubi vero
temporis successu soliditatem majorem acceperit,
& firmiores radices egerit, tunc jam etiam venas
amplas, cum superiore, tum inferiore parte ob-
tinet : tuncque fane ex terra non amplius aquo-
sum adtrahit, sed crassius, pinguius ac copiosius ;
quodque a sole calefactum, in extremitates effe-
vescit, & fructus nascitur cum eo, ex quo ortum
est, cognationem habens ; multusque ex modico
propterea fit, quod, quæ e terra nascuntur, sin-
gula copiosiore ex ea vim trahant, quam ex
quo orta sunt, neque secundum unum, sed se-
cundum multa effervescent ; quo ex fervore pro-
diens fetus planta sua nutritur, quæ, quicquid
ex terra trahit, in fructum transfert. Sol autem
ab ipso aquosum ad se alliciens, fructum coquit,
& solidiorem reddit ; atque hæc a me quidem di-
cta sunt de his, quæ ex semine de terra, & aqua
producuntur. At de plantatis in terram furculis
ex arboribus, aliæ arbores hunc in modum pro-
ducuntur. Ramus in infima ad terram parte,
qua ab arbore evulsus est, vulnus habet, & unde
radices prodeunt, quod hoc fit modo. Quum
planta in terram defixa, ab ea humorem acceperit

rit, tumescit, & spiritum concipit, quod non facit pars terræ supereminens. Spiritus autem & humor, collecta in inferiore plantæ parte, vi efficiunt, ut quod gravissimum est, deorsum erumpat, ex eoque teneræ radices oriantur. Quod quum inferiore parte acceperit, tunc sane ex radice attractum humorem ei parti, quæ supra terram eminet, transmittit; tuncque certe superiore parte intumescit, & spiritum concipit, & collecta facultas, quantumcunque in planta levis inest, versa in folia germinat, jamque tam superiore, quam inferiore parte incrementum capessit. Sic jam contrario modo in germinatione, quæ ex semine, & quæ ex plantariis, contingit, proveniunt; prius enim ex semine folium sursum oritur, deinde radices deorsum demittuntur. At arbor primum radices agit, deinde folia accipit, propterea quod in ipso semine humoris copia inest, & ei, quod terræ mandatur, toti alimentum confert, quod primum folio suppetat, unde folium nutriatur, donec radices jecerit; id autem in ramo non sic contingit. Non enim ex alio nascitur, unde folium primum alimentum habeat; verum ramus ipse est, & velut arbor se habet, ejusque multa pars supra terram prominet; quare quum supra terram emineat, humore repleri nequit, nisi ex inferioribus partibus magna vis quædam procedens ad superiora humorem distribuat. Et primum necesse est plantarium e terra sibi ad radices alimentum subministrare, deinde sic a terra attractum sursum emittere, indeque folia erumpere, & crescere. Quum autem planta increverit, ea, quam referam, causâ necessaria ramos spargit; ubi multum humoris e terra attracti accesserit, præ copia erumpit, qua parte quam plurimus fuerit, illicque planta ramos emit.

tū. Increfcit autem & in latum, tum fupra, cum infra; propterea quod terræ inferiora hyeme quidem fint calida, æftate vero frigida. Id autem ea de caufa contingit; quoniam terra hyeme aquis e cœlo decidentibus madet, & præ humoris gravitate in fe fe comprimitur; ideoque denfior evadit, & nullam prorfus transpirationem habet. Non enim amplius magna raritas adeft, ideoque terræ inferior pars hyeme calida eft. Nam & fimus conftipatus in fe calidior eft, quam qui rarus eft, prætereaque humecta quidem, & compreffa a feipfis concalefcunt, & brevi a calore exufta putrefcunt; non enim, quum denfa fint, per ea fpiritus permeare poteft. Si vero ficca fuerint, ac rara, multo minus incalefcunt, & putrefcunt. Sic vero & triticum, & hordeum humida, & madefacta, intus calidiora funt, quam fi ficca fuerint, & rare pofita. Quin & veltes pelliceæ vehementer colligatæ, & compreffæ, a fe ipsis exuruntur, velut ego vidi, non fecus ac fi igne conflagnarint. Sed & fi quis alia confiderare velit, is ea, quæcunque a feipfis compreffa funt, omnia calidiora comperiet, quam quæ laxius funt compofita; non enim habent, unde frigus a ventis inpirent. Sic autem & pars terræ inferior, quum plena fit, & a fe comprimatur, nimirum gravis, ac denfa cum fit, ab humiditate in hyeme incalefcit, cum nullam prorfus habeat caloris perfpirationem. Verum poftquam de cœlo aqua in ipfam delapfa fuerit, quum fpiritus prodierit ab ipfa in terra, non ulterius penetrat; quippe cum denfa fit terra, fpiritus retro ad aquam abit. Eamque ob caufam & fontes, & mare hyeme, quam æftate, tum calidiores, cum copiofiores funt; namque fpiritus, dum exhalat, retro abit ad aquam, cum terra denfior fit, & per fe spi-

ritum non transmittat; & aqua uberior cum est; quocunque fertur, eo prorumpit, viamque sibi ampliorem facit, quam si modica esset; neque enim aqua in terra consistit, sed semper in declive fertur. At si spiritum ex aqua proveniente terra per hyemem transmitteret, paucior ex ipsa aqua prodiret, neque per hyemem fontes copiosi forent. Atque ista omnia eo a me dicta sunt, quo terræ inferiora hyeme, quam æstate, calidiora esse constet. Nunc autem dicere volo, quod pars terræ inferior æstate, quam hyeme, frigidior esse videatur. Terra æstate rara est, & levis, nimirum quum sol vehementius irruat, & omnem ad se ex ea humorem adtrahat. Aquam autem plus, minusve terra semper in se continet: spiritus vero omnes nobis oriuntur ab aquis; quod ita se habere, ut conjicere possis, demonstrabo. Ab omnibus enim fluminibus, & nubibus semper spiritus prodeunt. Sunt autem nubes aqua in aere continua, ac tunc sane terra per æstatem rara est, & levis, aquamque in se continet, & aqua in declive profluit; aqua vero decurrente, alius ex alio spiritus inde semper exhalat. Qui vero exhalat, per terram levem, & raram fertur, terramque ita refrigerat, ut simul quoque aqua perfrigeretur. Sic autem se res habet. Quemadmodum si quis aquam utre contentam vehementer premat, & per acus puncturam, vel paulo minorem, aque perspiramentum exhibeat, utremque ipsum in sublimi suspendat, spiritus quidem nullus; sed aqua tantum per foramen prodibit, quod amplum satis spatium, quo exhalet, aqua non habeat. Sic sane aqua in terra per hyemem se habet. At si, utre sublimi suspenso, aquæ in eo contentæ amplius spatium conceideris, per foramen spiritus exhibit. Spatium enim amplius, quo per

per utrem exeat, aqua mota habet, eamque ob causam per foramen spiritus pervadit. Sic sane per æstatem in terra aqua se habet. Amplum enim satis locum ob terræ raritatem obtinet, quodque sol ab ea ad se humorem adtrahit, ipsaque terra spiritum frigidum ab aqua excitatum, quum rara sit, & levis, per se transmittit. Ideoque pars ejus inferior æstate frigida est, quin & aqua multo magis, quam spiritus in terra frigidus, ipsaque in sese, & in terram spiritum immittit. Simul quoque aquam, quæ ex puteo hauritur, semper spiritus, velut stabellum agit, qui & aquæ frigiditatem inducit. Quæ vero non hauritur æstate, sed immota manens densatur, ea neque perinde, ut illa, spiritum a terra in sese suscipit, neque ex sese in terram transmittit; simulque a sole, & aere per puteum minime disperso, sed stabili manente, summa ejus superficie primum incalescit: deinde altera pars alteri, ad imum usque, caliditatem communicat. Eaque causa est, cur aqua, quæ æstate non hauritur, ea, quæ hauritur, sit calidior. Quin & fontes multum profundi, æstate semper frigidi sunt: & aqua ex iis per hyemem hausta, quando terra calet, ex illa statim quidem calida est; intercedente vero tempore frigida est, ab aere scilicet frigido refrigerata; a vento quippe raret, & per eam spiritus percolatur. Quemadmodum etiam aqua per æstatem, simul ac hausta fuerit, frigida est; eamque ob causam calefit: refrigeratur siquidem, quod terra rara sit, & spiritum in se contineat. At postquam hausta fuerit, si tempus intercedat, quia immota manet, calida conspicitur. Incalescit siquidem ab aere calido, ut & putealis aqua per æstatem; quæ non hauritur, ob id ipsum calida redditur. Ac ista quidem hac de

re a me dicta sunt. Rursus autem repetam, quod inferior terræ pars ætate frigida est, hyeme vero calida. Superior autem terræ pars contrario se habet modo; neque arbori opus est, si modo valere debeat, geminum simul calorem, aut frigus adesse; verum si ex superiore quidem parte calor accesserit, ex inferiore frigus accedere oportet; contraque, si ex superiore parte frigus accedat, ex inferiore calorem ipsi contingere necesse est. Ac radices quidquid adtraxerint, arbori communicant, arborque radicibus; sicque calidi, & frigidi (mutua) fit dispensatio. Quemadmodum homini, ingestis in ventriculum cibis, qui dum concoquuntur, calefaciunt, refrigerationem a potu reddi oportet; sic & arbori contrarium rependi oportet, ex imis ad summa, & vice versa. Ideoque cum in superiorem, tum inferiorem partem arbor increseit, quod alimentum ex inferiore, & superiore parte capeat. Et quamdiu tenella admodum fuerit (arbor) fructum non profert. Non enim facultas illi pinguis, & crassa inest, quæ ad fructum satis esse possit. Procedente vero tempore, tunc jam in ipsa ampliores venæ effectæ, in eam ex terra pinguem, & crassum (humoris) fluxum moliuntur; sol autem ipsum diffundens, effervesce facit in summa parte, utpote quæ levis sit, fructumque proferre: ac ab eo fructu tenuem quidem humorem deducit, crassiorem vero concoquens sol, & calefaciens edulcat. Quæ vero arbores fructum non ferunt, non tantum habent in se pinguedinis, quantum in fructum est expendendum. Omnis autem arbor, quum per tempus solida facta fuerit, & inferne radices ceperit, jam penitus constanter crescere desit. At vero arbores, quæ ex aliarum inoculatione proveniunt, eæ non illarum similem, in quas insitæ

sunt, fructum ferunt. Id hoc modo fit. Contingit oculo primum quidem germinare: alimentum enim habuit, primum quidem ab arbore, a qua avulsus est; deinde vero ab ea, in quam insitus est. Ubi autem germinaverit, si tenues ex se radices in arborem demittit, primumque arboris humore, in quam insitus est, fruitur. Deinde temporis accessu radices in terram demittit, per eam, in quam insitus est, & adtracto e terra humore fruitur, indeque ipsi alimentum est; ut proinde minime mirum sit, insitas arbores alios fructus ferre; nam a terra vivunt. Hæc mihi de arboribus, & fructibus istam ob causam dicta sunt, quod imperfecta oratio relinqui a me non debuerit.

CAPUT IX.

Ex matris valetudine puerum bene, vel male habere: de fetus in utero situ, respiratione per umbilicum, similitudine cum ovi incubatu, partu decimo mense, & ultra, & non ultra decimum, & cur ante decimum, ac de conceptu a menstrualis purgatione facili.

AT vero ad eam iterum orationem revertar, cujus gratia ista a me dicta sint. Etenim quæ ex terra nascuntur, ea omnia ex terræ humore vivere adfero, & qualem terræ humorem in se ipsa habet, talem etiam nascentia ex ipsa habere. Sic & puer in utero ex matre vivit; & ut valet mater, ita & puer se habet. Quod si quis, quæ de istis dicta sunt, ab initio ad finem usque considerare velit, is eorum, quæ e terra nascuntur, & hominum naturam universam si-

milem esse comperiet. Et hæc mihi hætenus dicta sunt. At vero puer, quum in utero est, manibus ad genas adhæret, caputque pedibus proximum habet; neque certo dignoscere datur, etiam si puerum in utero videas, utrum caput sursum, an deorsum vergat. Verum, quæ cum sustinent membranæ, ex umbilico protenduntur. Nunc vero rationem explicabo, quam paulo antea me demonstraturum dixi, quæ, quantum humanum ingenium consequi potest, aperta est iis omnibus, qui ea de re nosse volent, quod genitura in membrana sit, & in ejus medio umbilicus existet, per quem primum illa spiritum ad se adtrahit, & foras emittit, quodque ex umbilico membranæ protenduntur. Quin & aliam pueri naturam, quam dixi, sic totam se habere ad usque finem comperiet, quomodo a me in his sermonibus declaratum est; si quis his argumentis, quæ a me proferentur, uti volet. Si quis enim ova viginti, aut etiam plura, gallinis duabus, aut pluribus, ut excludantur, supponat; & singulis diebus, a secundo exorsus, ad ultimum usque, quo excludetur pullus ex ovo, subtrahat, frangat, diligenter inspiciat, is eo, quo dixi, modo, omnia se habere deprehendet, ut oporteat avis naturam cum humana conferre. Ex umbilico enim membranas protendi, aliaque omnia, quæ de puero dicta sunt, ab initio ad finem eodem se habere modo in ovo gallinaceo comperies. Quanquam, qui hæc nondum observavit, is in ovo gallinaceo umbilicum inesse mirabitur. Atque hæc sic se habent, eaque sic a me relata sunt. Quando vero mulieri partus instat, tunc se movente puero, & manibus ac pedibus se jactante, membranam quandam internam abrumpi contingit. Rupta autem jam una, etiam ceteræ imbecilliores fiunt,

primumque rumpuntur, quæ illam contingunt; deinde postrema. Ruptis autem membranis, tunc fetus vinculo exsolvitur, & agitatus foras prodit. Neque enim laxatis membranis quicquam amplius virium habet, neque uteri puerum amplius continere possunt, laxatis, uti dixi, membranis, & ab ipsis abruptis. Et membranæ, quæ puerum circumplectuntur, non admodum magna v[er]o utero adhærescunt. Quum vero puer prodit, utero dilatato, qui mollis est, vi sibi viam aperit, & in caput fertur, si secundum naturam prodierit. Gravissimæ enim ei sunt superiores partes, ex umbilico libratae. Quamdiu autem in uteris manet, validior semper evadit adusque membranarum disruptionem decimo mense, quando matri partus instat. Si vero violentum affectum perpetiatur puer, etiam ante præfinitum tempus ruptis membranis foras prodit. Quin etiam si alimento a matre prius destituatur, sic quoque ante tempus matri partio ingruit, & ante decimum mensem puer egreditur. At vero, si quæ ultra decem menses utero gestare sibi visæ sunt, (quod jam sæpe audiivi) ex hoc, quem referam, modo deceptæ sunt. Quum uteri a ventre flatum supeditante spiritu distenduntur, & intumescunt (id enim contingit) tunc mulieres se concepisse existimant. Et si menses minime prodeuntes in uteris collecti fuerint, longioremque moram fecerint subinde alii eo confluunt, interdum quidem flatibus, qui a ventre procedunt, permixti, interdum vero incalcescentes. Tunc quoque sane non prodeuntibus mensibus, & in tumorem sublatis uteris, mulieres utero sibi gestare videntur. Deinde quandoque menses sua sponte erumpunt, aut aliis supervenientibus a corpore in uteros, & priores protrudentibus, etiam flatus egreditur:

ac multis jam statim post menstruam purgationem uteri dehiscunt, & ad pudendum convertuntur, atque eo tempore cum viris congressæ, eodem ipso die, vel paulo post, concipiunt. Atque harum rationum ac rerum ignaræ, eo tempore se concepisse reputant, quo menses suppressi erant, & uteri intumuerant. Cur autem non longiore, quam decem mensium spatio, fetum utero gestari contingat, referam. Post exactos decem menses, ubi fetus grandior est, alimentum & incrementum, quod a matre demittitur, non amplius puero sufficere potest. Quod enim in sanguine dulcissimum est, ad sese adtrahit, simulque aliquantula lactis portione fruitur. Quæ, quum ipsi pauciora fiant, puerque jam plenior factus, plus alimenti, quam adsit, requirat, ipse sese jactans, membranas disrumpens (initium partus matri inducit). Idque frequentius experiuntur mulieres, quæ primum pariunt. Deficit enim pueris alimentum, ut ad decimum usque mensem satis esse non possit. Quod ad hunc modum deficit. Mulieribus quibusdam quidem menstruæ purgationes abundantes, quibusdam pauciores sunt. Quod ipsum si semper fiat, in natura, & in genere, ipsis uterinum est. At quibus pauciora menstrua effluunt, hæc pueris quoque sub postremum tempus, ubi jam auctiores fuerint, cum parcius alimentum suppeditent, eos, ut jactentur, cogunt, & ut ante decimum mensem prodeant, compellunt. Paucus enim sanguis ab ipsis procedit: ut plurimum vero eas mulieres, quæ pauca menstrua demittunt, sine lacte esse contingit; sicciores enim sunt, & densiore corporis habitu. Quod vero deficiente alimento fetus exeat, etiam si nulla violenta affectio ipsi accadat, hoc argumento comprobatur.

CAPUT X.

De avium generatione ex ovi vitello: ovum spiritum transmittere; pullos viginti diebus excludi: de partus avium cum homine analogia: de partu facili, difficili, & laborioso; & umbilicum postremum edi.

A Vis ex ovi vitello nascitur hoc modo: incubante matre, ovum incalescit, & quod in ovo inest, a matre movetur; calefcens autem, quod ovo inest, id spiritum concipit, & alium frigidum ab aere per ovum adtrahit. Ovum enim adeo rarum est, ut adtractum spiritum satis copiosum ei, quod intus est transmittat: & increfcit avis in ovo; & eodem prorsus, consimilique modo articulatur, velut puer, uti jam antea a me dictum est. Procreatur autem avis ex ovi vitello; alimentum vero & incrementum ex eo habet, quod in ovo est candidum. Quod omnibus, qui animum adverterint, conspicuum esse potest. Quum autem alimentum ex ovo pullo deficit, neque satis ei suppetit, unde vivat, copiosius alimentum quærens, vehementer movetur in ovo, & membranz circumcirca disrumpuntur. Et ubi avis pullum vehementer moveri senserit, putamen tundendo excavans, ipsum excludit. Atque hæc intra viginti dies contingere solent, idque ita se habere manifestum est. Nam ubi volucris ovi putamina rostro contuderit; nihil penitus humoris, quod alicujus sit momenti, in eo inest, quod totus in pullum absumptus sit. Sic etiam quum puer increverit, mater ei sufficiens alimentum amplius suppeditare non potest. Plus

itaque alimenti, quam quod adsit, fetus quærens, sese jactando membranas disrumpit, simulque vinculis solutus foras prodit. Atque ista, ut longissime, decimo mense contingunt. Eaque est ratio, cur brutis & feris eo ipso tempore, quo quæque parere consuevit, nec tardius, partus ingruat. Unicuique enim animanti tempus esse necesse est, in quo fetui parcius alimentum suppetat, ac deficiat, tumque partus instet. Et quæ quidem minus alimenti fetui suppetitant, celerius pariunt; quæ vero uberius, tardius. Atque de his quidem hætenus. Puer autem, ubi circumcirca disruptæ sunt membranæ, siquidem suo momento in caput magis inclinæ, facile mulier parit. Quod si in latus, aut in pedes prodeat, (id enim sæpius contingit, si illuc momentum vergat, vel propter uteri amplitudinem, vel si mater in ipso partus dolore primum non quieverit) si sic, inquam, prodeat, difficilem partum mulier sentiet. Jam vero ex his sæpe, vel ipsi fetus, vel una etiam cum suis fetibus matres periere. Ex puerperis autem præcipue laborant, quæ primos partus experiuntur, eo, quod doloribus non affueverint: & totum quidem corpus dolor occupat; præcipue vero lumbos, & coxendices; nam coxendices ipsis diducuntur: quæ vero magis partus expertæ sunt, minores dolores sentiunt, quam quæ primum pariunt. At quæ multoties peperere, omnium minime dolent. Quod si fetus in caput feratur, primum caput foras prodit: deinde alia membra consequuntur; postremus est umbilicus, ex umbilico autem secundinæ dependent. Post hæc humor exit cruentus, a capite, & reliquo corpore vi doloris, & caloris secretus, qui viam partus purgamentis facit. Post exitum autem saniei, purgatio procedit,

quo ante dictum est tempore. Et cum mammae, tum aliae partes humidiores, mulieribus concidunt, minimum quidem in primo partu; ac in aliis deinceps, quo plures partus expertae sunt, eo magis flaccescunt, venis a puerperii purgamentis evacuatione exinanitis. Atque ista a me hac de re dicta sunt.

CAPUT XI.

Quomodo gemelli cum mares, tum feminae, ac fetus multiplices generentur.

Gemelli autem ex uno coitu procreantur ad hunc modum. Uteri sinus plures & incurvos habent, hos quidem longius distantes, illos vero pudendo viciniore. Et ex animalibus, quae plura gignunt, plures sinus habent, quam quae pauca; similiter autem habent & pecora; ferae & volucres. Quum genitura ad duos sinus divisa pervenerit, eamque uteri receperint, neque sinus alter ad alterum hiaverit, ea utroque sinu separata, membrana vestitur, vitamque eo modo accipit, quo & unus fetus, de quo haec diximus. Quod vero ex uno congressu gemini procreentur, hoc argumento constat. Canis, sus, & alia animalia, uno coitu duos & plures fetus pariunt; quorum quisque in utero suo sinu & membrana conditur. Atque haec ipsi contingere cernimus, eosque omnes eodem ut plurimum die parere. Sic autem in muliere, ex uno veneris complexu nati gemelli, uterque suo sinu & involucri conditur, & eadem die in lucem prodit, alterque prius cum suo involucri foras egreditur. Quod autem ex

gemellis unus mas sit, alter femina, (ideo contingere) adsevero. In muliere, & in viro, & in quovis animalium genere, in unoquoque cum imbecillior, tum valentior genitura inest; neque semel ac simul genitura prodit, sed & bis, & ter fervens effunditur: neque fieri potest, ut quæ prius, & quæ posterius exit, ejusdem sint roboris. Quemcunque ergo sinum crassior, validiorque genitura subierit, in eo mas procreatur; quemcunque vero humidior, ac imbecillior, in eo femina generatur. At si in utrumque valida subeat, ambo mares nascuntur: sin debilis in utrumque, ambo femellæ. Atque omnis ista oratio, ad hunc exposita modum, ad finem perducta est.

HIPPOCRATIS

LIBER DE

SEPTIMESTRI ET OCTIMESTRI PARTU.

PRÆFATIO.

*N*Eque GALENI tempore pro duobus libris habebantur, FOESIO teste. Ex hoc cæterum spurio libello, derivatur illa diu dominatrix opinio, fetum robustiorem septimo mense partum moliri vitalem: si non potuerit in lucem eniti, egrotare per quadraginta dies, & post nonum denum

*menſem abſolutum prodire : ſi in eo temporis inter-
vallo naſcatur , debilem eſſe neque vitalem : etiam
novimeſtres vix vitales eſſe , meliores decimeſtres
dari & undecimeſtres. Ita porro graviditatem per
quadrageſaria tempora Auctor dividit : primo ait
abortum maxime fieri , etiam partum optimum eſſe ,
quando fetus in caput enititur , & ante partum
eundem in caput ſe convertere. Secunda claſſi tri-
buit MERCURIALIS , ut quem GALENUS ſa-
pe citet. FOESIUS pro genuino habet , eſſi ERO-
TIANO non eſt dictus.*

ARGUMENTUM LIBRI.

Septimeſtris partus quot dierum numero per-
ficiatur , & cur vitalis ? ſeptenarii numeri
in menſibus ac diebus vis ac præſtantia ;
de octimeſtri partu , nonimeſtri ac deci-
meſtri partu nonnulla ; ac de maſculi &
feminei fetus perfectionis tempore.

CAPUT I.

*De partus ſeptimeſtris diebus ac menſibus ; cur vi-
tales ſeptimeſtres & multi pereant ?*

Septimeſtres naſcuntur diebus centum & octo-
ginta duobus (ac dimidio) & inſuper addita
quadam diei particula. Si enim primi menſis dies
quindecim ſupputaveris , quinque vero menſium
dies centum quadraginta ſeptem & dimidium (ſe-
xaginta namque diebus , uno dempto , fere duo

menes constant) his sic se habentibus, ad septimum mensem supersunt dies. plus quam viginti, quod est anni dimidium, una cum aliquantula parte ad diei partem accedente. Quum fetus ad hoc perfectionis principium devenerit, & robur increverit, ipso jam perfecte aucto magis quam cæteris temporibus, membranæ, in quibus jam inde ab initio nutritus est, claxantur, uti spicarum membranæ, ad id vi impulse, antequam fructus perfecte maturuerit, & fetus quidem robustissimi & plenissimi, vi illata membranas dilacerant, partumque accelerant, & ex his plerique perierunt. Nam quum parvi sint, majorem quam cæteri patiuntur mutationem, & ex utero egressi per quadraginta dies ex necessitate male afficiuntur, quod etiam multos decimo mense natos interemit. Ex his autem, septimo mense natis, supersunt quidam, ex multis pauci, propterea quod ratio & tempus, quo enutriti sunt in utero, effecit, ut ea omnia consequantur, quorum etiam perfectissimi, & qui maxime superstitēs evadunt, compotes fiunt; tum etiam quod permutationem senserunt, prius a matre in lucem emissi, quam octavo mense ægrotarent. Etenim si hos labores superant, ita ut in lucem puer prodeat, is tamen superesse nequit ob commemoratas affectiones, quas octavo mense, multos quoque decimo natos, interimere affirmo. Multi autem fetus ejus ætatis, quæ est septem mensium, quum laxatis membranæ in id, quod cedit, secedunt, ibique alimentum capiunt, primis quidem quadraginta diebus, hi quidem magis, alii minus laborant. Ac propter migrationem ex locis in quibus alebantur, alterationem sentiunt, & quia umbilicum vulsere migrando, tum etiam propter matris labores. Membranæ namque dum tenduntur, & umbilicus vel-

licatur, dolores matri faciunt, fetusque pristino vinculo exsolutus gravior evadit. Pleræque etiam mulieres ex hoc casu insuper febre corripuntur, quedam quoque una cum fetu pereunt: verum omnes hac febre paucis diebus tentantur.

C A P U T II.

De difficili tum fetus octimestris gestatione, tum partus dignotione, & prænotione; fidem de partu mulieribus adhibendam esse, & abortus fieri quadraginta primis diebus plurimos.

AT vero se uteros difficillime gestare octavo mense recte dicunt. Est autem octavus mensis, non solum tempus hoc, verum etiam si dies a septimo mense, & a nono, & ab ipso anno accedunt. Verum dies eodem modo, neque dicunt, neque cognoscunt mulieres. Ex eo enim decipiuntur, quod neque eodem modo se habent, verum etiam, quod quandoque plures dies a septimo ad quadraginta accedunt, quandoque vero a nono. Sic enim pro ratione mensis ac temporis, in quo mulier conceperit, contingere necesse est. At mensis octavus minime ambiguus est. Per hunc enim contingit, ut judicatio facilis sit. Mea sententia partus etiam undecimus mensis est, licet non admodum memoratu dignus; mulieribus autem de partibus fides habenda est. Nam & omnia narrant, semperque dicunt, & semper proferunt. Neque enim aut opere aut sermone se persuaderi sinunt, sed ex eo, quod in suis corporibus contigisse norunt. Etsi vero volentibus aliud dicere licet, quæ tamen decernen-

di, aut de hac sententia pronuntiandi victoriæ potestatem habent, semper proferent & affirmabunt septimo mense, & octavo, & nono, & decimo, & undecimo, partus in lucem prodire, & ex his octavo mense natos minime superesse. Quin & abortus plurimos primis quadraginta diebus contingere asseverabunt, & cætera quæ in quadragenariis ac singulis mensibus evenire conscripta sunt. Quum vero septimo mense pelliculæ disrumpantur, & fetus cesserit, labores, qui circa octavum mensem, & circa sextum quadragenarium fieri traduntur, corripunt. Hoc autem tempore elapso, quibus partus feliciter successurus est, inflammationes tum fetus, tum matris dissolvuntur, adeo ut venter emolliatur, tumorque ab hypocondriis & laterum inanitate in loca inferiora descendat, ad aptam conversionem, quæ facilem partus progressionem faciat. Et septimo quadragenario plurimo tempore fetus illic permanent. Nam & loci ipsis molles sunt, & transmotiones ipsis faciliores & frequentiores contingunt, ideoque ad partum expeditiores redduntur. Et ex toto quadragenario, per ultimos hos dies mulieres facilius uteros ferunt, quoad fetum converti contigerit. Postea vero partus dolores & labores incumbunt, donec puero & secundis mulier liberetur.

CAPUT III.

Octavum mensem, fetum cæcum ac mutilum gerentibus difficiliorem esse; ejusmodi fetum, non autem alios superesse. Qui fetus nono mense ac decimo vivant? unde corporis magnitudo?

QUæ vero mulieres multos pueros pepererunt, in quibus aliquis claudus, aut cæcus, aut

alio quopiam malo affectus fuit, eæ affirmabunt se in his gestandis pueris octavum mensem molestius tulisse, quam in his, quos nullo modo male affectos perpererunt. Mutilus enim fetus octavo mense vehementer ægrotavit, adeo ut etiam morbus abscessum fecerit, quemadmodum & viris morbi gravissimi facere consueverunt. At fetus, qui alio tempore vehementer ægrotarint, ii prius intereunt, quam ipsis ejusmodi abscessus fiat. Octimestres autem fetus, qui non valde ægrotant, sed una quapiam parte propter migrationem male affecti sunt, eorum plerique per quadraginta quidem dies, ob commemoratas causas necessarias, in utero male se habent, verum sani evadunt. Qui vero intra hos quadraginta dies natus fuerit, is superesse nequit, cum huic adhuc in utero ægrotanti, post partum mutationes, & afflictiones præterea accedant. At qui in utero ægrotans ad nonum mensem pervenerit, eoque editus fuerit, is quidem superesse poterit, non minus quam septimestres, quanquam etiam ex his pauci educantur. Neque enim eam habent corpulentiam, quam perfectissimi nati sunt, & laboribus quos in utero non ita pridem pertulerunt, conflictantur, ita ut tenues reddantur. Is vero potissimum fetus servatur, qui nono mense exeunte in lucem editur. Validior autem evadit, plurimumque abest a morbis, qui octimestribus contingere consueverunt. Qui enim septimo quadragenario in lucem eduntur, decimestres appellati, hanc ob causam præcipue educantur, quod validissimi sunt, plurimumque absunt ab commemoratorum puerorum tempore, in quo circa octavum mensem diebus quadraginta ægrotantes, male habent. Quin & nonimestres tenues editi in lucem, eorum qui octavo mense nati sunt,

morbos & affectiones declarant. Quamvis enim pro temporis longitudine corporis magnitudo existit, prodeuntes tamen ex morbosa affectione, neque eduntur carnosi, neque vegetam habent corpulentiam, velut septimestres, qui gestationis tempus in utero sine morbis peregerunt.

CAPUT IV.

De diebus ac mensibus judiciariis, ac decretoriis conceptionis, abortus, partus.

AT vero mulieribus fetuum conceptiones, & abortiones, & partiones, eodem tempore judicantur, quo & morbi; & sanitas, & mors cunctis hominibus contingunt. Sed istorum omnium alia quidem diebus, alia mensibus, alia dierum quadragenariis, alia annuo spatio de se significationem præbent. In his enim omnibus temporibus multa quidem cuique conferentia, multa quoque adversa infunt. Ex quibus quæ conducunt, sanitatem & incrementa; contraria vero morbos & mortem adferunt. Dies igitur inter alios maxime insignes sunt primi & septimi, ac multum quidem in morbis, multum etiam in fetibus possunt. Abortiones enim plurimæ his diebus contingunt; tales vero effluxiones nominantur, non abortus. Reliqui autem dies intra quadagesimum, minus quidem insignes sunt, multi tamen decernunt. In mensibus vero omnia, quæ in diebus contingunt, eadem ratione. Et singulis mensibus bene valentibus mulieribus menstrua comparent, tanquam peculiarem in corporibus vim mensis habeat. Ex quibus sane septimi menses in prægnantibus, fetibus perfectionis initium afferunt.

adferunt. Pueris vero, ubi septem menses adtigerunt, tum alia eximia in corporibus fiunt, tum eo tempore dentes apparere incipiunt. Eadem quoque est ratio dierum judicatoriorum, si quis forte ea quæ a me dicta sunt, quæque cognitionis gratia dicuntur, istis accommodare velit. Etenim Medicini, qui de agrorum salute recte conjectare volet, animadvertere oportet, ut omnes impares quidem dies in contemplationem adhibeat; ex paribus vero decimum quartum, & vigesimum octavum, & quadragesimum secundum. Hic enim terminus pro harmoniæ ratione, & integer perfectusque numerus a quibusdam ponitur: quam vero ob causam, longum foret in præsentia referre. Ad hunc autem modum per terminos aut quaternarios contemplari oportet, ternariis quidem omnibus copulatis, quaternariis vero duobus ad duos connexis; & duobus ad duos conjugatis.

CAPUT V.

De quadragenarii Primi; & Secundi; & Tertii viribus, ac de Morte.

AT vero quadragenariæ primum quidem in fetibus judicant. Qui vero primos quadraginta dies superaverit, is abortiones, quæ ex omni causa contingunt, effugit. Plures autem primis quadraginta diebus, quam aliis omnibus, abortiones fiunt. Quo tempore præterito, fetus valentiores existunt, & singula corporis membra discernuntur. Et in maribus quidem valde manifesta fiunt omnia. In feminis vero per hoc tempus carnes conspicuæ sunt, protuberantias tan-

tum habentes. Longiore enim tempore similia in similibus similiter se habent, & propter familiaritatem ac amicitiam tardius discernuntur. Et si in cæteris, ubi a matre sejunctæ fuerint, puellæ citius quam pueri pubescunt, sapiunt & senescunt, propter corporum imbecillitatem, & victus rationem. Altera vero est quadragenaria, in qua per octavum mensem fetus in utero ægrotant, de quibus hæc tota oratio ad hunc modum est instituta. Tertia vero, in qua, si nascuntur pueri, licet male affecti, si quadraginta dies evaserint, valentiores sane magisque intelligentes esse videntur. Nam & splendorem plenius intuentur, & strepitum audiunt, quum antea non possent, tanquam hoc tempus plurimum conferat, tum ad alia, tum ad intelligentiam, quæ in corpore inesse percipitur. Singularem siquidem intelligentiam in corpore inesse prima sane die constat. Nam & in somnis pueri statim ubi nati sunt, & ridere & plorare conspiciuntur. Quin etiam sponte vigilantes statim rident, ac plorant, etiam priusquam diem quadragesimum attigerint. Neque vero tacti aut irritati ante hoc ipsum tempus rident; hebetantur enim vires mucorum copia. Quin & mors fatali forte contingit. Quod omnibus documento est, omnia quæ existunt, ex iisdem natura constare, & mutationes per congruentia tempora obtinere. Quod ex singulis manifestum sit, quæ partim oriuntur, partim decedunt. Anno porro volvente multi quidem morbi, multæ etiam sanitates contingunt, pro temporis ratione, quam habent menses aut dies singuli ad septenarios. Quin etiam multa alia eximia in corporibus fiunt, pueris vero dentes excidunt, & alii nascuntur. Quæ enim corporibus accidunt, hæc a me scribentur.

HIPPOCRATIS

DE OCTIMESTRI PARTU

LIBER.

ARGUMENTUM LIBRI.

Octimestris partus cur minime vitalis ; decimestris frequentissimus ; fetus quomodo securius alatur ; de umbilico quædam, de mensruis purgationibus , & de undecimo partus mense. Partem proxime prioris esse diximus.

CAPUT I.

Cur octimestris partus non vitalis , sed decimestris ; de multiplici fetus periculo ; ac partum in caput procumbentem securiorem esse.

DE octimestri vero partu , fieri non posse ad-
severo , ut duas continenter consequentes
afflictiones pueri perferre queant proindeque octi-
mestres minime superesse. Hic etenim accidit ,
ut ea quæ in utero est , & ea quæ in partu fit ,
afflictione consequenter laborent , proptereaque
octimestris nullus est superstes. Quin & decime-
stres nuncupatos, septem dierum quadragenariis
potissimum, in lucem edi sentio , maximeque ut
educantur, convenire. Et perfectissimus fetus est
primis quadraginta diebus ; si vero plures accesser-
int , perit. Quum enim multa pro tempore ad-

sumere coguntur, eos multum ægrotare necesse est, ex quibus mors consequitur. Puer autem, quum partus instat, laborare incipit, & in vitam periculum venire, quum in utero vertitur. Producentur siquidem omnes caput habentes sursum; in lucem vero prodeunt in caput multi, ac multo securius liberant, quam qui in pedes eduntur. Neque enim corporis flexiones puerum in caput procedentem impediunt. Verum ubi in pedes erumpit, obturamenta magis contingunt. Quin & conversiones in utero aliud creant periculum, & puerorum umbilici jam sæpe circa colla implicati conspecti sunt. Ad quamcunque enim partem umbilicus in utero se extenderit, per hanc, dum umbilicus vertitur, puer caput potius circumaget; quam si circa cervicem convolvatur. Quod si ad humerum umbilici injectio obnitatur, hoc ubi accidet, etiam matrem magis laborare, & puerum aut interire, aut difficilius exire necesse est. Quare multi jam pueri morbi initium intus nacti, in lucem prodire; ex quo alii quidem perierunt, alii vero morbum trahentes superfuerunt.

C A P U T II.

A partu pueros majores fieri, de alimentorum, locorum, & vestimentorum mutatione periculosa; umbilicum fetus utero adhærere, ac patere; extra uterum connivere ac claudi, & reliquas partes patere.

AT vero qui facilem & tutum exitum nacti, derepente sublata vi, quam in utero pertulerant, in lucem exierunt; ii crassiores & majores

statim, quam ratio postulet, evaserunt: quod cum iis non incremento, sed ex corporis laxo tumore contingat, ex his sane multi perierunt. Nisi enim tumor citius quam tertio die, aut paulo longiore tempore sublidat, ex eo morbi oriuntur: quin & periculose sunt alimenti & respirationis permutationes. Nam si quid morbosum invehunt, per os, & nares induciunt. Et ut tantum alimenti adsumatur, quantum satis sit, ac minime superet, multo plura ingeruntur, ita ut pro ingestorum copia, & pro corporis pueri affectione, alia quidem tum per os, tum per nares rursus exire cogantur; alia vero per intestinum & vesicam inferne transmitti, quum nihil tale antea contingeret. Quin & loco spirituum & tam cognatorum humorum (cum quibus familiaritatem ac amicitiam in utero intercessisse necesse est) externis omnibus utitur, crudioribus, siccioribus, & ad usum humanum minus accommodatis; ex quibus multos suboriri dolores, plerisque etiam mortes necesse est: quandoquidem & plerumque viris, tum locorum, tum victuum mutationes, morbos pariunt. Eadem etiam de vestibus est ratio. Pro eo enim quod carne & succis vestiebantur, tepidis, & liquidis ac cognatis; iisdem quibus viri vestibus, induuntur pueri. Umbilicus autem, per quem pueris (alimenti ac spiritus) ingressus patet, solus ex reliquis corporis partibus utero adhærescit, per quas vias eorum, quæ ingrediuntur, participes fiunt; cum reliquæ clausæ sint, nec prius apertæ, quam puer exitum ex utero tentarit. Quum autem in exitu fuerit, tum reliqua quidem omnia patent, umbilicus vero extenuatur, connivet, & exsiccatur. Quemadmodum enim in his, quæ ex terra oriuntur, fructus turgescunt ad interstitium, ex quo enati sunt, se-

cernuntur ac decidunt : sic etiam adultis pueris & perfectis, umbilicus quidem clauditur, reliqua vero aperiuntur, tum ut ea quæ ingrediuntur, suscipiant, tum exitus secundum naturam habeant, qui ad vitæ usum sunt necessarii. Secedunt enim singula, dum vergunt, quasi turmatim collecta. Sunt autem validissimi fetus, qui sole maxime nutriti sunt.

C A P U T III.

De decimestri & undecimestri partu, mensuram purgationem brevissimam esse trium dierum, a qua purgatione fieri conceptionem.

DEcimestres autem & undecimestres partus septem quadragenariis eduntur, eodem modo, quo & dimidio anno septimestres. Pleraque enim mulieres post menstruas purgationes necessario concipiunt, quum ab his liberatæ fuerint. Mulieri igitur tempus menstruum, in quo purgatio ipsa procedet, concedendum, quod ut brevissimum tres dies implet; plerisque autem etiam multo plures. Sunt etiam & alia multa, quæ in viris conceptiones impediunt & morantur. In his istud vel maxime in considerationem adhibendum, quod novilunium, quum dies unus sit, prope trigesima mensis pars est. Duo autem dies fere decimam quintam mensis partem constituunt, tres vero dies decimam mensis partem; cæteraque ad horum rationem considerata, quodque nec minori spatio mensium solutio contingere potest, neque fetuum conceptio fieri. Ex his igitur omnibus notandum, quod pleraque mulieres circa plenilunium, & non minus utero concipere, ita ut sæpe

videantur ducenti octoginta dies undecimum mensē adtingere. Hi siquidem dies septem quadragenarios complent. Quum enim ultra plenilunium mulier concipit, hoc totum undecimum mensē adtingere necesse est, ut quidem ad extremum circuitum perveniat.

HIPPOCRATIS

D E

SUPERFETATIONE LIBER.

P R Æ F A T I O.

Omnino spurius, ut magis ad Chirurgiam spectet. Habet enim aliquos partus difficilis casus: & unusquisque usum in magno digito adaptati: & de fetu intra matris uterum morte, ejus signis, demum putredine, quæ superveniat. De signis tamen graviditatis aliqua etiam continet, & de sexu pueri, ex majori mamma adgnosendo. Duo uteri cornua admittit, ita superfetationem explicat. Demum hic medica multa repetuntur ex libro de muliebribus.

A R G U M E N T U M L I B R I.

De Superfetatione, fetus motu, signis, vario situ, & extractione; de remediis con-

ceptionem, gestationem, partum, menstrua, secundas, lochia, & uterum juvenibus.

C A P U T I.

De superfetati prolabentis, & minime vitalis prodeuntis, minimeque tumentis, & non statim excidentis, & pereuntis, etiam mulieris superfetantis, & fetum facile, aut difficile parientis causis, signis, symptomatis.

QUUM superfetarit mulier, si primum fetum in uteri medio contineat, superfetatum a priore expulsum prolabitur. Si vero in altero cornu superfetatum habeat, posterum parit minime vitalem, postquam vitali fetu liberatus uterus, laxatus & humectus fuerit. Nisi vero superfetatum quamprimum secedat, dolores excitat, fluxumque graveolentem, & febrem: & facies, tibiæque, ac pedes tument; quod si dissolvatur, cibum averfatur (mulier), quoad exciderit. Superfetant autem mulieres, quarum (uteri) os post primum conceptum non ita valde clauditur, evidentibus signis: clauditur autem, superfetato posterius in lucem edito. Quod si nondum partium distinctionem habeat, sed caro sit, non intumescit quidem, verum putrescit, donec utero exeat. Si cui secundæ pueri in utero exeant, priusquam puer foras prodire incipiat, difficile parit; magisque periclitatur, nisi caput præcedat. At si cui puellus cum secundis foras prodierit, & ad os uteri progressus rupto involucri exierit, ea facilius parit; & fetus quidem fo-

ras procedit, sed secundæ retinentur, & se contrahunt, illicque manent.

CAPUT II.

De fetus editi minime vitalis signis; ac de vitalis fetus partu difficili, manu, aut crure, aut capite, aut alia parte prominente, ejusque curatione.

Quum fetus minime vitalis natus fuerit, hujus ungues caro supereminet; ungues verum in manibus, tum pedibus deficiunt. Quum vitali nascente fetu manus prominet, ea retro impellenda, quoad supra repuleris; & si ambæ (promineant) ambas retrudito. Quod si crus promineat, hoc quoque retro propellendum. Quum vero utraque crura conspicua manserint, neque alio processerint, fomento utendum, a quo humidissimus reddatur uterus; odorem autem hoc fomentum habeat. E quum caput prius apparuerit, reliquum vero corpus intus fuerit, hoc quoque fomento uteris. Quumque pars quidem corporis in utero, pars vero in pudendis, pars quoque extra pudenda intumuerit ac manserit, sic etiam fotu utitor. Et si quidem per fomentum discesserit, (bene habet); sin minus, os uteri medicamento aliquo agitatorio crasso, aqua diluto illinito, quo partus dolores afferat; quin & cibus ac potibus dolores partus promovendi, & pudenda ipsa, si sicciora quam conveniat, tibi esse videantur, cerato inungenda.

CAPUT III.

De pueri in utero capite prominente mortui per unguem extractione; & secundarum non facile excidentium, umbilicique abrupti, aut ante tempus recisi curatione.

QUUM pueri capite extra uteri osculum apparente, corpus reliquum non amplius progredi queat, puer vero mortuus fuerit; digitis aqua madefactis inter uteri osculum & caput insertis, digitum in orbem circumducito; deinde digito mento subdito, in os intruso, foras extrahito. Quum vero reliquum corpus extra pudenda, caput autem intus fuerit (in pedes videlicet fetu prodeunte) circumductis in orbem digitis, manibus aqua madefactas inter uteri osculum & caput immittito, & extrahito. Quod si extra uteri osculum, verum intra pudenda fuerit, manibus immixtis caput apprehensum extrahito. At si fetus intus maneat mortuus, neque sponte, neque per medicamenta secundum naturam excidere queat, manu cerato maxime lubrico uncta, deinde in uterum intrusa, humeros a cervice valido pollicis appressu; quam ad rem unguis (instrumentum) pollicis adaptandus; eaque divisione facta manus educere; deinde rursus immissa manu ventrem discindere, eoque discisso interanea sensim eximere; his deinde exemptis, molles costas conterere, quo concidens corpusculum expeditius reddatur, cumque minime timidum fuerit, facilius exeat. At vero si secundæ non facile excidant, ad fetum quidem maxime propendere sinendæ sunt, puerpera que quemadmo-

dum super lasano collocanda; sit autem quidpiam alte exstructum, ut fetus propendens, suo pondere eas una secum foras extrahat; id autem sensim, non vi, faciendum, ne præter naturam distractæ (secundæ) inflammationem excitent. Supponendæ igitur fetui lanæ quam maxime sublatæ, recens carptæ, quo paulatim cedant; aut utriculi duo copulati aqua pleni, supra quos lanæ imponendæ, & supra lanas fetus collocandus; deinde uterque utriculus stilo pungendus, quo sensim aqua defluat; effluente vero aqua, utres demittuntur ac confidunt; his autem confidentibus, fetus umbilicum adtrahit, umbilicus vero secundas extrahit. Quod si supra lasanum federe nequeat, in sella recubitoria perforata locetur. Si vero præ imbecillitate prorsus federe nequeat, lectum a capite quam erectissimum exstructo, ut deorsum declinet, sicque (fetus) suo pondere quam maxime deorsum simultrahat. Verum puerpera ipsa sub alis supra stragula fascia, aut loro lato & molli ad lectum alliganda, ut ne lectulo erecto, corpus ejus deorsum feratur. Ad eundem quoque modum, abrupto, aut ante tempus abscisso umbilico, convenientibus appensis ponderibus, secundarum eductio molienda. Hæc enim istorum optima est curatio, minimeque lædit.

C A P U T IV.

De fetus in utero mortui symptomatis ac signis.

AT vero si cui puer immortuus fuerit in utero, neque exierit, quum humectus esset uterus; ubi etiam nullum amplius humorem con-

tinebit, sed siccatus fuerit uterus : primum quidem puer intumescit ; deinde colliquefcunt & putrefcunt carnes , ac foras effluunt , postremo vero ossa prodeunt ; fluorque cam aliquando prehendit, nisi prius moriatur. Quum mortuus fetus fuerit, tum aliis signis conijcere licet, tum etiam jubere oportet, ut modo quidem dextrum in latus jaceat, modo etiam in sinistrum convertatur. Dilabitur enim fetus in utero, quocumque se vertat mulier, velut saxum aut aliud quidpiam, si mortuus fuerit ; & pectinem frigidum mulier habet. Quod si vivat, pecten calidus est, & totus quidem venter una cum reliquo corpore extentus concidit, nihilque in eo absque reliquo corpore dilabitur.

CAPUT V.

Fetui hemorrhagiam ante partum periculosam esse, & uteri osculum prope exstare ; partus difficultatem ob venerem ; mulierem gemellos eodem die concipere, ac parere, eosque uno in chorio degere ; in partu difficili quando umbilicus abscindendus.

SI cui parturienti ante fetum multus sanguinolentus citra dolorem fluxus prodeat, periculum est, ne fetus mortuus exeat, aut minime vitalis edatur. Prægnantibus plerisque mulieribus os uteri ante partum prope exstat. Mulier prægnans, si venerem non exerceat, a partu facilius liberabitur. Quæ gemellos gestat, eodem die, velut concepit, parit ; uno autem involucre utrumque fetum continet. Muliere ægre parien-

te, si fetus in naturalibus locis contineatur, neque facile exeat, sed cum labore ac Medici machinamentis, huiusmodi fetus brevis sunt vitæ: his non ante abscindendus umbilicus, quam urinam reddiderint, aut sternutarint, aut vocem ediderint; sed finendi sunt. Mulier vero quam proxime ad fetum accedat, & si sitiât, aquam mulsam bibat. Quod si umbilicus infletur, velut uteri osculum, & fetus moveatur, aut sternutat, aut vocem edat, tunc etiam spirante puero, (umbilicum) secato; si vero non infletur umbilicus, neque moveatur, temporis successu vitalis futurus est.

CAPUT VI.

De prægnantis factæ, ac fetum mortuum, aut valetudinarium, aut interiturum gestantis causis, signis, & curatione; caput pueri terre a matre gravidâ expetite aut carbonis signum gerere.

PRægnantem mulierem si aliter non cognoscas, oculi retracti & magis cavi fiunt; & oculorum candidum albedinem nativam non habet, sed lividius est. Si quæ partui vicina sit, & cavos habeat oculos, faciesque intumescat, ac ipsa tota, pedesque tumeant, tanquam ab alba pituita detenta appareat, & aures albas, & summum nasum album habeat, & labra livida ipsi fuerint; fetus mortuos gestat, quos parit, aut vivos male habentes, neque vitales, & exanguis tanquam ægros; aut prius minime vitales peperit: huic sanguis aquosus evasit. Post partum igitur tali odorata (in vulvam) apponenda sunt, odorata comedenda, ac bibenda,

(ipsaque cibis reficienda.) Primumque in facie summus nasus finis evadit, & colorem recipit. Prægnantibus si terra aut carbones in cibum expetuntur, eaque edant, in fetus capite; ubi in lucem editas fuerit, horum signum apparet.

CAPUT VII.

De fetus in hoc aut illud latus decumbentis, ex mammis & oculis, ut & conceptionis, ex subdititiis, signis; & de prohibita conceptionis causis; & quo tempore uteri osculum magis contrahatur.

Mulierem nosse oportet, utra ei mamma major sit; illic enim fetus erit. Similiter autem & oculum; major enim, & lucidior prorsus erit intra palpebram, qua parte major mamma fuerit. Si cui ex subdititiis non admodum vehementibus, dolores ad articulos obveniant, & dentium stridor occupet, pandiculatioque & oscitatio detineat, eam magis concepisse spes est, quam si nihil tale patiatur. Mulier quæ præter naturam crassa & pinguis evasit, & pituita repleta, eo tempore non concipit; quæ vero natura talis est, horum gratia concipiet, nisi aliud quid ipsam prohibeat. Mulieribus plerisque, quum menses apparituri sunt; ipsum uteri osculum sese magis, quam alias, contrahit.

CAPUT VIII.

De mulieris non amplius concipientis præservatione ; de dolorum post conceptionem desinentium , & post partum redeuntium curatione ; de mulieris & viri ad conceptionem præparatione ; ac concepturæ exploratione.

QUæ crebro mulier concipiebat , si concipere desierit , ei bis in anno manuum & crurum vena secanda. Si cui in coxendicibus dolores , aut capite , aut manibus , aut alia quadam corporis parte fuerit ; & ubi concepit , desinant , quum vero liberatus est uterus , rursus insint ; huic conducit odorata tum bibere , tum ad uteri os apponere. Quum mulieri alicui conceptus gratia medeberis , ubi perpurgata esse , osque uteri bene habere videbitur , lavetur , caputque detergeatur , nullo autem unguento illinatur. Deinde linteo inodoro loto circumdatos ipsos capillos , reticulo mundo , aut nihil olenti obliget , primum imposito (capiti) linteo ; postea galbano cocto & ad ignem , non solem , emollito , ad os uteri apposito , quiescat. Deinde mane exsuto reticulo cum linteo , verticem suum alicui olfaciendum exhibeat ; ac si quidem oluerit , probe purgata est ; sin minus , male ; hæc autem jejuna faciat. Etsi non fecunda fuerit , nunquam olebit , neque purgata , neque alias : & sic prægnanti idem medicamentum apponatur , neque sic probe olebit. Quæ vero crebro prægidans futura est , facile concipit , ac sana est ; etiamsi subdititium non apposueris , neque purgaveris , ejus vertex olebit , aliud vero nihil. Quum vero

probe omnia habere videbuntur, & ad virum accedere oportuerit, mulier quidem jejuna sit; vir autem minime ebrius, frigida lotus, & commodis alimentis nutritus. Quod si noverit se genituram concepisse, tunc temporis virum non adeat; sed quiescat. Cognoscet autem; si quidem vir se semen emisisse dicat, mulier vero praesiccitate ignoret. Si vero uterus rursus genituram ad pudenda reddiderit, & ipsa humecta fuerit, rursus cum viro coeat, quoad concipiat.

C A P U T IX.

De mulieris bimestres aut vetustiores fetiis perditis causis, & curatione.

QUæ mulier concipit quidem, fetus autem bimestres perdit; exacte eodem tempore, neque prius, neque posterius, idque bis terve perpessa fuerit; imo si trimestres, aut quadrimestres; aut etiam majores ad eundem istum modum perdiderit; his uteri in majorem amplitudinem non amplius crescunt, si fetus augeatur; & bimestre aut trimestre spatium, aut quantumcunque tempus superet; si quando etiam alias augeatur, uteri non amplius capiendo fetui esse possunt; sed hac de causa eodem tempore perditur. Huic cucurbitula ad uterum apponenda; qua summoti, eum per hujusmodi subditi-
 tia medicamenta quam maxime instare oportet. Cucumeris agrestis medullam tufam & cribratam, deinde paucam melle copiosiore cocto subigito; parumque laseris (adjicito) mel autem coctum esto. Hoc (medicamento) specillum obductum,
 &

& ea crassitudine redditum, quam uteri osculum suscipiat; subdatur ad os uteri, introque quoad ejus interiora penetret, impellatur. Liquefacto vero medicamento, specillum educatur; & elaterium eodem modo præparatum, similiterque colocynthis sylvestris apponatur. Atque per hoc tempus edat allia quamplurima, & laseris caulem, & quicquid in ventre flatum creat. Tercio vero quoque die subdititium apponatur, quoad probe habere videatur, eâ copia quam recipiet; intermediis (diebus) mollientibus utendum est; postquam vero uteri os emollientibus præparatum fuerit, quum (menses) apparuerint, quiescat; ubi vero sicca fuerit, (viro) commisceatur.

CAPUT X.

De uteri velut a tuberculo post partum, aut ex abortu, aut alia causa, suppurati curatione.

SI cui uterus suppuratus fuerit, aut post partum, aut ex abortu, aut quomocunque alias, neque aliter in alveo ac tunica, velut in tuberculo solet, pus fuerit: huic specillum linitorium in uteri os demittere condunt. Minus enim ustione opus fuerit, si ad specillum processerit: postea erucas a tithymalide colliges; habent autem velut aculeos quosdam; hos sensim excindito, ne pabulum internum ex ipsis effluat; deinde sole siccatas terito. Quin etiam vermes stercorearios eodem modo in sole siccatos, deinde teritos. Et erucæ quidem pondus duorum obolorum Æginensium, vermium autem duplum,

& anisi parum, aut aliquid id genus permisce-
to; mali enim odoris medicamentum evadit. Ita
autem leviter trita, vino albo odorato diluito,
& ubi epota fuerint, succedit gravitas, & ventri
torpor incidit. Quæ si adfuerint, aquam mul-
sam modicam insuper bibat.

C A P U T X I.

*De mulieris conceptum & partum jam experta,
liberorum penuria laborantis, causas ab uteri ad-
fectionibus, & curatione.*

SI qua vero conceptione ac procreatione libero-
rum indiget, orba liberis, & quæ jam præ-
gnans fuit, ac peperit; quum uteri os siccum,
aut summa parte adfectum, aut occlusum fue-
rit, neque recte se habuerit; sed in alteram co-
xendicem, aut ad anum obversum latuerit, aut
sefe contraxerit, aut oris labrum in se incubue-
rit undecunque, aut asperum & callosum fuerit
(durum autem fit tum ab occlusione, tum a
callositate) iis menses non apparent, aut pau-
ciores quam oporteat, & per longius tempus ap-
parent. Sunt autem, in quibus menses, pro cor-
poris sanitate, & uterorum, exitum assequun-
tur, imo naturali & iusto modo uteri etiam os-
culo non admodum ex mensium caliditate & hu-
miditate oblæso. Verum genituram ideo non
fufcipit ob eam læsionem, si qua prohibeat ipsam
ab utero male adfecto fufcipi. Huic, fomento
per totum corpus admoto, medicamentum pro-
pinare oportet, primumque corpore purgatum
reddere, siue supra & infra opus fuerit, siue su-

pra tantum. Quod si per superiora medicamentum dederis, ante purgationem ne foveo; fovebis vero postea deorsum purgaturus. Si vero sursum purgante medicamento non opus esse videatur, fomento præmissò, deorsum purgans propinato. Quum autem probe purgatum corpus esse videbitur, postea uteros, si conferre videatur, crebris infessionibus foveo. Ad fomentum vero cupressi ramenta, laurique folia contusa immittito, atque calida multa lavato. Quum vero recens lota fuerit, & fomentum admiserit, specillo stanneo os uteri dilatandum, & ubi opus esse videbitur, dirigendum: aut plumbeo (utitor) initio a tenui ducto, deinde crassiore, si suscipere queat, donec probe habere videatur. Specilla autem aliquo emolliente diluto, & si conferre videatur, liquido reddito, intinges. Specilla ipsa postrema parte cava facienda sunt, deinde circum longiora ligna adaptanda, sicque ipsis utendum. Hoc autem tempore potet tædam quam pinguisimam tenuiter concisam, in vino albo odorato, dulci, quam gratissimò decoctam, & apii semen contusum, & cumipi Æthiopici semen, thusque quam optimum. Ex hoc, quæ moderata copia esse videbitur, quotque diebus satis habere videbitur, jejuna bibat; & catellos coctos edat, & polypum vino dulci coctum, jusculumque ipsum bibat, & brassicam coctam, superpoto vino albo, neque sitiât, & bis de die calida lavet; hoc autem tempore a cibis abstineat. Ab eo vero tempore, siquidem per os uteri decesserit, & quid purgationis extra ferri videatur, unum atque alterum diem adhuc potione utendum, & specillorum usu desistendum, tentandaque subdititiis medicamentis uterorum purgatio.

CAPUT XII.

Si mulier sano uteri osculo, menstruorum suppressione, aut paucitate, aut diuturnitate, aut vitio, non concipiat, uteri morbos, & causas prohibita conceptionis scrutari oportet; ac de ejus curatione; medicamentis vehementioribus uteri osculum ulcerari.

CUicumque vero, uteri osculo recto, magno, sano, beneque habente, & in loco decenti sito, menstrua nequaquam apparuerint, vel pauciora, & per longius tempus, minimeque sana; morbo, quo uteri laborant, investigato, & si quid corpus etiam conferat, pervestigata causa ob quam non concipiat, atque hæc sic se habeant, si adhibitam curationem suscipiat, medellam facito, initio a validioribus ducto, prout opportunum visum fuerit. In molliora autem desinendum, donec uterus expurgatione bene habere, ejusque os recte constitutum, & in idoneo situ positum esse videatur. Quod si a potu, ac medicamento (menstrua) non processerint, etiam si moderato tempore id biberit, non tamen ab hac potione cessandum. Quum vero ex specillorum usu recte habuerit, os uteri molliendum, faciendumque ut dehiscat ad viam medicamento subdititio faciendam, ex pharmacis ad suffitum aptis & emollientibus comparato. Quum vero ex emolliutione & suffitu bene habuerit, uteri purgationem per subdititium medicamentum facito, donec bene habere videatur, exordio ab emollientibus ad vehementiora ducto, ita ut rursus in emollientibus, & odoratis desinas; vehementer

tium enim medicamentorum plurima os uteri ulcerant ac mordent. Deinde tum os rectum & sanum constituito, quo ad suscipiendam genituram bene sese habeat; tum uterum siccum reddito, flatumque inducito.

CAPUT XIII.

De mulieris ob pinguedinem non concipientis curatione; ver ad conceptionem aptum; de viri ac femine ad conceptionem, & ad masculi ac femine procreationem preparatione.

SI mulier uterum præ pinguitudine ad conceptum, læsum habere videatur; eam quam maxime extenuato, & supra cætera gracilem reddito. Venum autem tempus ad conceptum maxime accommodatum. Vir autem nequaquam inebrietur, neque vinura album bibat, sed quod valentissimum & meracissimum sit, cibisque (vescatur) firmissimis, calida ne lavet; robustus sit & sanus, & cibus abstineat ad rem non conferentibus. Quum marem procreare voluerit, mensibus desinentibus, aut cessantibus misceatur, & quam maxime impellat, dum semen excernat. At quum feminam generare voluerit, quum plurimi menses mulieri prodierint, & adhuc prodeant, coeat; dextrum autem testem, prout maxime tolerare potuerit, obliget; sinister vero, si marem procreare expetat, obligandus.

CAPUT XIV.

De medicamentis occlusum uteri osculum aperientibus, durum emollientibus, ac distortum erigentibus.

Uteri os occlusum a suffimentis quidem dehiscit, ab emollientibus vero emollitur. Suffire autem oportet loti corticem, lauri baccas, ejusque folia viridia contusa, thus, myrrham, artemisiæ semen, aut folia; anisum etiam contusum, aut adipem, & ceram, sulphur, cupressi semen, peucedani radicem, myrti folia viridia contusa, castoris testem, asini masculi ster-
cus, allia, styracem, adipem suillum; sed si distortum os fuerit, id ex his suffire oportet. Sic quidem dehiscit, ac convertitur. Emollire autem os uteri per hæc oportet, sandaracham, adipem caprinum, fici succum, laseris succum, cyclamini succum, thapsiam, tithymali succum, nasturtii semen, herbam peplum nominatam, castoris testem, lini semen, nitrum, ari radicem, staphidem sylvestrem, calaminthæ folia viridia, struthii semen, scillæ interiorem partem.

CAPUT XV.

Medicamenta emollientia, & vehementem purgationem facientia & cientia.

THapsiæ radicem, medullam bovis, anserinum adipem, rosaceum, hæc trita & simul fervefacta per quadriduum apponat, & porri suc-

cum, vinumque dulce album bibat; & resinam, & oleum tepidum, cuminum, nitrum, (resinam) & mel lana sordida excipiat, & per quatrimum utatur; & apii semen, thuris granula quinque, & cuminum Æthiopicum in vino albo mero dulci bibat; bisque die lavet. Myrrha, thus, fel bubulum, resina terebinthina, aut netopum, horum singula æquali pondere mixta, in lana pura, aut tenui linteo subdiditio apponantur. Linteum autem unguento albo Ægyptio odorato intinctum, & filo obligatum, lota subdat, & polypum plagis molitum edat, & apii & asparagi semen ex vino albo ter die jejuna bibat. Myrrha, cassia, thus, cinnamomum, netopum, singula æquali portione lana excepta, aut in glandes formata apponantur. Aliud. Cucurbitæ agrestis (interiorem partem) cuminum tostum, anethi semen, cupressi radicem, hæc lævissime trita, & melle cocto subacta, in glandulas formata, ad subdiditium exhibeto; & pæoniæ radicem, apii semen, ac laseris succum in vino bibat. Quin & bulbulus ipse subditus purgat. Et myrrham primariam, & floris æris modicum cum vino albo odorato subdito.

C A P U T XVI.

Medicamenta subdititia ad uterum purgandum maxime idonea.

Sumptum æris florem, & nitri tertiam partem, melle cocto subacta in glandulas, quæ tum magnitudine, tum crassitudine mediocres esse videantur, effingito, sicque ad os uteri apponito. Quod si valentius esse medicamentum velis, claterium, & solum æris florem admisceto, & ita

formatas (glandulas) subdendas præbeto: & ficulnei rami corticem deraſum, ac læviſſime tritum admisceto; quum os uteri ſiccus eſſe videbitur, dimidiam portionem eodem modo apponito. Aliud. Elaterium & æris florem læviter trita, duas (nimirum) æris partes & unam elaterii, hæc diluito, cyclaminum tritum, prout opportunum eſſe videbitur, huic admisceto, & ſubdititia formata, in lana apponito. Subdititia albos fluores purgantia. Artemiſiam herbam, nitrum, cyclaminum ſemiaridum, cuminum (ſubdito). Aliud. Artemiſiam herbam viridem tritam, & myrrhæ tertiam partem, vino odorato admixto, lana alba obvolutam, vinoque madefactam, ſubdendam exhibeto. Quum vero laxati fuerint uteri, nitrum, cucumeris agreſtis medullam, cyclaminum ſemiaridum in lana apponito. Subdititia omnis generis purgare valentia. Staphidem agreſtem viridem tritam, in glandulas formatam, artemiſiæ herbæ folia trita, cortice obducta, & in umbra ſiccata, in ſubdititia redacta, mulieri ut ſubdat exhibeto. Aliud. Æris florem mixtum, aut alumen Ægyptium cyclamino dilutum velut priora, melle cocto obducito, vel in ficum ſiccam, etiam myrrhæ modicum, indito. Aliud. Cyclaminum tritum vino albo odorato admixto, in linteo tenuiſſimo, filo puro obligatum, ſubdendum exhibeto. Aliud. Cyclaminum ſemiaridum, nitrum, cantharidas, adipem, ſandaracham (ſubdito).

CAPUT XVII.

De virginis menstribus maturis non prodeuntibus laborantis, indeque epiala febricitantis, symptomatis, & curatione.

DE virgine. Virgini quum menses maturi non prodeunt, multum & febricitat & dolet, sitit, esurit, vomit, insanit, ac rursus ad mentem redit; uteri moventur, & quum ad viscera vertuntur, vomitus, & febris ad delirium ipsi accedunt; at ubi cessant, esurit & sitit, & febris epialos detinet. Huic pelles agninas cum vellere calidas ad ventrem apponere oportet, ipsique super amphoræ collo desidenti, suffitu in ipsa pudenda quam penitissime fumum immittere; myrrham fabæ magnitudine, & thus dupla portione: hæc mixta & simul filiginem confractam, ad suffitum adhibeto, & in ignem injicito, maxime quum jejuna est, multaque calida lavato. Subdititium. Alumen Ægyptium liquidum, lana involutum subdat. Aliud. Artemisiâ tritam, & vino albo maceratam, subdendam exhibeto.

CAPUT XVIII.

De medicamentis puerperæ recens enixæ purgantibus, procidentem uterum erigentibus, ac dolentem mitigantibus, emollientibus, & purgantibus.

Puerperæ recens enixæ. Rosaceum, myrrham ceram, mixta, in lana subdenda præbeto.

Quum vero ipsi uteri prociderint, sicca & acerbâ, tum bibenda, tum admovenda & offerenda sunt; ficus nigra, allium, nitrum, cuminum, hæc omnia læviter trita in lana subdenda dato. Aliud. Sepiæ testam lævissime tusam & vino maceratam, cum leporinis pilis in lana subdito. Quod si a partu uteri doleant, ptisanam, porrum, adipemque caprinum coquat, ex eo modicum sorbeat. Subdititium. Nitrum, cuminum, fici tantundem. Purgans subdititium & emolliens. Netopum, rosaceum unguentum, anserinus adeps, tenuibus linteis excepta. Si menses multi prodeant, pæoniæ grana nigra bis septem ex vini cyathis duobus propinato. Si vero uteri crebro elabantur, muliere supina reclinata, uteros tepida perluo; admixto mali punici putamine, galla, rhoe rubra in vino contrita, eo illitum (uterum) intro reponito: deinde lauri folia ex vino austero propinato. Quum autem mulier gravida menses habet profluos, stercus asininum siccum, minium, sepiæ testam, hæc læviter trita, linteo obligata apponito: si vero secundæ non purgentur, in vino albo, cyathi mensura, infriato, quumque ad oboli Attici pondus triveris, potui præbe, & purgabitur.



HIPPOCRATIS

LIBER

DE DENTITIONE.

PRÆFATIO.

Non geminus, minime tamen malus, & ad saporem scriptorum Hippocraticorum fictus: practicus totus: multis aphthas describit, ut ego interpretor.

ARGUMENTUM LIBRI.

Ex puerorum statu, nutritione, tum alvi, tum urinæ excretionem, & lactis vomitu, ac dentitione, dentitionisque symptomatibus, judicia ac prognostica.

PUeri natura corpulenti, non pro corpulentiae ratione lac sugunt. Edaces, quique copiosum lac trahunt, non pro ratione corpulenti evadunt. Lactentium puerorum, qui copiose mejunt, annum minime vivunt. Quibus copiose profuit alvus, & belle concoquunt, ii saniores sunt. Quibus parum, cum edaces sint, neque pro ratione nutriuntur, morbis sunt obnoxii. Quibus multum lacteum vomitione refunditur, iis alvus sistitur. Quibus in dentitione alvus pluries sub-

ducitur, ii minus convelluntur, quam quibus ita raro. Quibus in dentitione febris acuta oboritur, ii raro convelluntur. Quicumque dentientes bene habiti manent, & altiori somno premuntur, periculum est ne convulsione corripiantur. Qui per hyemem dentiunt, si cætera similiter se habéant, melius defunguntur. Non omnes in dentibus convulsi intereunt, sed & multi sospites evadunt. Qui cum tussi dentiunt, iis tardius dentes erumpunt; verum in ipsa punctione magis extenuantur. Quicumque dentientes hyemem adsequuntur, hi etiam decenter curati dentitionem facilius ferunt. Qui copiosius mejunt, quam dejiunt, pro ratione, uberius nutriuntur. Qui non pro ratione mejunt, sed a pueris alvus cruda crebro dejicit, ii morbis sunt obnoxii. Qui bene dormiunt, & bene habiti sunt, ii copiosum alimentum adsumunt, idque adponitur non sufficienter distributum. Qui dum lac sugunt, interea cibum capiunt, ii facilius ablactationem ferunt. Qui sæpe cruentum ac crudum per alvum demittunt, plerique horum in febre somnolenti sunt. Quæ in tonsillis citra febrem oriuntur ulcera, securiora sunt. Quos infantes, dum lac sugunt, tussis urget, ii uvam majorem habere consueverunt. Quibus celeriter in tonsillis serpentina ulcera superveniunt, febribus ac tussi perseverantibus, periculum est, ne ulcera recurrentia suboriantur. In faucium angustis ulcera in similibus (infantibus) periculosa. Quibus pueris insignia sunt in tonsillis ulcera, si deglutiant, salutis signum est. Qui vero in tonsillarum ulceribus magis, quam priores deglutire nequeunt, his copiosam bilem revomere, aut per alvum prodire, periculosum. In tonsillarum ulceribus si quid araneosum insit, non bonum. In tonsilla-

rum ulceribus post prima tempora, pituitam per os effluere, quod prius non fuit, utile; educenda tamen est. Quod si quum inceperit, omnino remiserit, lubenter amplectendum; si autem non sic effluat, verendum. Quibus tonsillæ destillationibus vexantur, alvus uberius subducta siccas tussis solvit. Pueris quid concoctum superne eductum, amplius solvit. Tonsillarum ulcera multo tempore citra incrementum manentia, ante quinque, aut sex dies, periculo vacant. Qui, dum mamam sugunt, copiosum lac adsumunt, ut plurimum somniculosi sunt. Qui, cum mamam sugunt, non probe aluntur, macilenti sunt, ac ægre reficiuntur. Quæ æstate tonsillarum ulcera generantur, quam quæ aliis tempestatibus oriuntur, deteriora sunt; celerius enim serpunt. Serpentina circa uvam tonsillarum ulcera, in iis, qui servantur, vocem immutant. Serpentina circa fauces ulcera, molestiora, & magis acuta, ut plurimum spirandi difficultatem adferunt.

HIPPOCRATIS

LIBER I.

DE PRÆDICTIONIBUS.

PRÆFATIO.

Auctorem ad HIPPOCRATIS posteros GALENUS retulit. Mihi videtur initiatus quidem in arte presagiendi, longe tamen a divina HIPPOCRATIS peritia remotus. Artem ignoravit, axiomaticum universalium ex particularibus eventis colli-

gendorum, & persæpe peculiâres adnotationes dedit pro axiomatibus. Sed neque signa satis distinxit, quæ ex causa morbi pendent; nimisque frequenter varia neque cohærentia eventa pro signis exhibuit. Sæpe nomina ægrotorum citat, ex quorum morbis axiomata elicit, inter ea viri in Co, quam insulam HIPPOCRATES mature putatur reliquisse. Denique vocibus utitur aut insolitis, aut sensu insolito sumtis. Media fere pars versatur in deliriis, signisque morborum soporosorum: tertia fere in convulsionibus: inde aliqua ad hæmorrhagias & abscessus, eos potissimum qui per aures erumpunt. Hunc librum GALENUS suis commentariis decoravit.

ARGUMENTUM LIBRI.

Quid in morbis salutare, quid perniciosum sit, quid item bonum, quid malum prænuntiet, sigillatim profequitur, singulis exacte propositis, quæ in omnibus pene morbis circa ægrotantes evenire solent.

CAPUT I.

Præfagia eorum, qui in principio soporosi fiunt: phrenitidem quæ significant? desipientiæ quæ pessimæ? Insaniam adfore quid portendat? phrenitidis signa mala: quid de Melancholia, & quid de acute delirantibus præfagiendum?

Qui soporati sunt in principiis cum capitis, lumborum, hypochondrii, & cervicis do-

lore, vigilantes, num phrenitici sunt? Narem in his distillare, perniciosum, tum alias, tum si quarto die ceperit. Alvi proluvies admodum rubra, malum quidem in omnibus morbis, non minime vero in prædictis. Densæ linguæ, (sive asperæ) & aridæ, phreniticæ. In perturbatis mente & vigilantibus urinæ decolores, cum nigris innatantibus, in sudoribus, phreniticæ. Insomnia in phreniticis conspicua, (bona) sunt. Screatus frequens, si sane quoddam & aliud signum adfuerit, phrenitidem nuntiat. Qui in hypochondrio refrigerata febre ardores relinquuntur, tum alias, tum in sudoribus, mali sunt. Prædebilitatorum desipientiæ pessimæ, ut & Thrasynonti. Phreniticæ vehementes affectiones in tremorem desinunt. In capitis doloribus æruginosi vomitus cum sorditate & pervigilio, citam insaniam significant. In acutis faucium partes dolentes, graciles, parvæ, & suffocantes, quum æger hiaverit, non facile os tum cogere, tum claudere posse, deliria portendunt: ex talibus phrenitici fiunt, ac perniciose laborant. In phreniticis per initia moderatum esse, sed crebro permutari, malum id est; sputatio quoque, malum. In phreniticis alba dejectio, malum; quemadmodum & Archecrati: num & his torpor accidit? rigor in his, pessimum. Mente ob melancholiam aberrantibus, quibus tremores superveniunt, malignum. Qui emotæ mentis sunt, si acrior febris accedat cum sudore, phrenitici fiunt. Phrenitici, pauculum bibentes, levi strepitu quum turbantur, tremuli fiunt. Ex vomitu fastidioso vox clangens, oculique sordes habentes, insaniam portendunt; ut Hermozygæ uxori, quæ vehementi insania correpta, muta obiit.

C A P U T II.

Insania & melancholia unde prænoscenda? varia deliriorum signa & omina. Quid porro phrenitidem ominetur? & signa ejusdem pernicioſa.

IN ardente febre, ſi aurium tinnitus cum viſus hebetudine fuerit, proveneritque in uariis gravitas, mente ex melancholia aberrant. Deſipientiæ cum voce clangente, linguæque convuſiones tremulæ, & (voces) ipſæ tremulæ evadentes, mentis indicant alienationem, duritiesque his pernicioſa. Linguæ tremulæ ſignum non conſtantis mentis. In biliſis, ſincerisque dejectionibus ſpumofa effloreſcentia, malum, tum alias, tum ei, qui lumbis ante doluerit, & deſipuerit. Rari in his laterum dolores, delirium ſignificant. Vocis interceptiones cum ſingultu, peſſimum. Cum exſolutione vocis interceptiones, peſſimum. In vocis defectione ſpiritus, veluti his, qui ſtrangulantur, promptus, malum; an & tale delirium portendat? Quæ parvo tempore feroces ſiunt deſipientiæ, ferinæ ſunt; jactationes cum refrigeratione non febris experti, ſuperioribus partibus parce ſudanti, phreniticæ, ut & Ariſtagoræ, atque etiam pernicioſæ. Crebræ in phrenitide permutationes, convuſionem denunciant. Quæ urinæ immemoribus redditæ, pernicioſæ; num his meiuntur, ac ſi ſedimentum conturbaffes? Palpitantes per totum, num voce capti intereunt? Quum crebræ in phreniticis cum refrigeratione ſputationes ſiunt, nigra revomuntur. Surditas, & urinæ non ſubſidentes, prærubræ, cum ſuſpenſis, mentis emotionem portendunt.

His

His icterum oboriri, malum. Mala vero & ictero fatuitas succedens; hos quidem voce privari, verum sentientes esse contingit: sed arbitror, his alvum prorumpere, ut Hermippo contigit, ac mortuus est. Surditas in morbis acutis, & turbulentis consequens, malum. Tremulæ non manifestæ, & palpanes desipientiæ, prorsus phreniticæ; ut Didymarcho in Coe. Ii, quibus torpor ex rigore contingit, non valde sibi constant.

C A P U T III.

Dolores circa umbilicum palpitantes, & circa suram, & dolor circa femur dissipatus, quid prænuntient? Præfagia ex lumborum dolore, voce, siti, responsione, oculis, dentibus, respiratione, facie, ejectionibus alvi, & urina.

Dolores circa umbilicum cum palpitatione; habent etiam aliquid de mentis alienatione; sub judicationem vero his spiritus cumulate cum contentione prodit. Suræ quoque dolores in his, mentis emotionem significant. Si quid in urina innatarit, dissipato femoris dolore, delirium portendit; & quæ circa aurium sonitus talia existunt. In alvo liquida, lassitudine laboranti, caput dolenti, siticuloso, vigilant, obscure loquenti, impotenti; quibus talia sunt, mentis emotio metuenda est. Exsudantes, ac potissimum circa caput in acutis, (&) submolestè ferentes, malum; tum alias, tum si urinae nigrae sint; turbidus quoque in his spiritus, malum. Virium defectus præter vacuatorum vasorum rationem, cum vasa exinanita non sunt, malum. Alvi interceptæ,

sed parva, nigra, caprinis stercoreibus similia, ad necessitatem dejicientes; nasus præterea sanguinem fundens, malum. Quibus lumborum dolor diuturnus cum æstu fastidioso, hi, si exsudent, malum. Num & his tremores fiunt? sed & vox ut in rigore conspicua? Extrema corporis in utramque partem cito transmutari, malum; sitis quoque hujusmodi, malum. Ex moderato ferox responsio, malum. Quibus vox acuta, his hypochondria intro trahuntur. Oculus hebescent, non bonum, concretus vero & lachrymans, malum. Vox acuta & stridula, malum. Dentium stridor, perniciosum, quibus non est per sanitatem assuetus; suffocatio quoque in his, pessimum. Probus faciei color, & vultus vehementer tristis, malum. Dejectiones in spumosas, sinceræque desinentes, exacerbant. Urinarum in morbis acutis ex refrigeratione interceptiones, pessimæ. Perniciosa, si absque signis levia facta sint, mortem significant.

CAPUT IV.

Egestionēs & urinæ in acutis biliosis, quæ malæ? vomitus qui, quæ ignorantia & obliuio, & refrigeratio, & ardor in lateribus, & æstuans rigor, & flammea facies, & oculi distortio &c. mala sint?

IN acutis biliosis albicantes, spumosæ, & circumbiliosæ dejectiones, malum; malum quoque & urinæ hujusmodi; an & his jecur dolore affectum? Si vocis interceptiones in febribus convulsivo modo obortæ, mentis alienationem cum silentio adferant, perniciosum. Vocis ex dolore interceptiones cum cruciatu, lethales. Febres ex

hypochondriorum doloribus', malignæ. Sitis præter rationem sedata in acutis, malum. Sudor multus, cum febribus acutis oboriens, malus. Atque urinæ difficulter emissæ, malum. Ex his quoque rubras efflorescentias retinentes, ac æruginosæ, malæ; parvas quoque veluti stillas apparere, (malum). Vomitus quoque cum varietate, mali; tum alias, tum si brevi se mutuo consequantur. Quæcunque in diebus judicatoriis, cum anxietate absque sudore perfrigerantur, malum; & quæ ex his insuper riguerint, mala sunt. Vomitiones sinceræ atque fastidiosæ, malæ. Sopor an ubique malus? Ignorantia cum rigore malum; malum quoque & oblivio. Ex rigore perfrigerationes; non recalescentes, malæ. Sudantes ex perfrigeratione (non) recalescentes, malum; in his laterum æstus cum dolore, & rigor superveniens, malum. Æstuoosi rigores quadantenus perniciosi, & flammea cum sudore facies in his, mala; ex his posteriorum partium refrigeratio, convulsionem arcessit. Parum sudantes vigiles, recalescentes, malum. Ex lumborum (doloris) recurso oculi perversio, malum. Dolor ad pectus firmatus, cum torpore, malum; hi suborta febre acute exæstuantibus intereunt.

C A P U T V.

Medicamentis purgare quos non oporteat? oris ventriculi dolor qui malus? colli dolor quando pessimus? Febres quæ malignæ? vomitiones quæ, & quibus malæ? de puerperis, oculorum distorsione, & sideratione.

Qui nigra revomunt, cibos averfantur, delirari sunt, ad pubem nonnihil dolent, oculum

ferocem, aut clausum habent, eos medicamentis purgare non oportet; perniciosum enim est. Neque eos, qui intumescunt, tenebricosa vertigine laborant, levi motu deficiunt, cibum averfantur, decolores: neque in febre, si exæstuantes decumbunt; perniciosum enim. Oris ventriculi dolor cum hypochondrio distento, dolorque capitis, malignum, & suspiriosum aliquid. Num repente hi moriuntur? ut Dysodi accidit, huic & urina valde fermentata, & prærubra erat. Cervicis dolor, malum quidem in omni febre; sed pessimum, quibus insania timetur. Febres cum sopore, lassitudine, lucis caligine, vigiliis, & levibus sudoribus, malignæ. Crebri ex dorso horrores, celeriter recidentes, molesti; urinæ (enim) interceptionem dolorificam significant. Qui anxie se jactantes citra vomitum exacerbantur, male habent. Perfrigeratio cum duritie signum perniciosum. Ab alvo tenuia non sentienti prodire, ei, qui apud se sit, malum, ut hepatico. Vomitus exigui, biliosi, malum; tum alias, tum si pervigilia supervenerint; nasus in his stillans, perniciosum. Quibus a partu alba purgamenta retinentur cum febre, surditas oboritur, & acutus lateris dolor, hæc perniciose insaniunt. In febribus ardentibus cum aliqua perfrigeratione, & aqueis biliosisque dejectionibus crebris, oculorum distortio, signum malum, tum alias, tum si alto stupore corripiantur. Repentinæ apoplexiæ, leves, si febris diuturna supervenerit, perniciosæ; quale quiddam passus est Numenii filius.

C A P U T VI.

Recurſiones ex lumborum dolore ad ventriculum, quæ funeſtæ? Trementes ac ſoporofi, qui moriantur? ſingultum quid indicet?

QUibus ex lumborum dolore ad os ventriculi recurſiones febriles fiunt cum horrore, & aquoſa, tenuia; & multa revomunt, mente aberrant, voce privantur, nigra vomunt, moriuntur. Oculi obſeratio in acutis, mala. Num anxie ſe jactantibus citra vomitum, & lumbos dolentibus, ſi ferociter deliraverint, ſpes ſit nigra per alvum prodire? Dolentes fauces abſque tumore, cum moleſtia ac ſuffocatione, præceps exitium minantur. Quibus ſpiritus retrahitur, vox autem iis, qui ſuffocantur, ſimilis, & vertebra intro conſidet, his in fine, velut contrahente quodam, ſpiritus redditur. Caput dolentes, cum alto ſtupore delirantes, intercepta alvo cum oculi ferocitate, & floſcenti (facie), hi parte poſtica convelluntur. In oculorum perverſione febriculoso, laſſato, rigor pernicioſus, & ſi qui ſoporofi in his, malum. In febribus ad hypochondrium dolores ſine voce, ſi ſudore non ſolvuntur, maligni; his ad coxas dolores cum ardente febre, & ſi alvus affatim proruperit, pernicioſum. Quibus voces cum febre deſciant poſt judicationem, hi tremuli ac ſoporofi pereunt. Quibus adfectiones ardentes, fatuitatem inducentes, & altum ſtuporem, hypochondria variantia, & ventris tumor, cibis interceptis cum ſudatiunculis, num his turbidus

spiritus, & genituræ simile quid exiens, singultum indicat? sed & alvus spumosa biliosa insuper egerit: splendescens in his niectus prodest; venter autem his insuper turbatur. Quibus sopor, spumosis prodeuntibus, oritur, febris exacerbatur acuta. Si ex capitis dolore, vocis interceptiones fiant cum sudoribus, febrientes laxantur in se ipsos, fiuntque morbi revertentes diuturniores; his insuper riguisse, malum non est. Manus tremulæ, caput, ac cervicem dolentes, furdastri, nigra & densata meientes; quibus hæc sunt, his nigra proditura esse expectare oportet, perniciosum. Quæ cum exsolutione & alto stupore fiunt vocis interceptiones, perniciosæ. Lateris dolor ex sputis biliosis, si absque ratione evanuerit, in furorem aguntur.

C A P U T VII.

Oculi dolor quomodo solvatur? Alvi circumtensio: oris putrefactio viridis: dolores e lumbis ad præcordium & caput revoluti exitiosi: adfectiones rigentes in quid desinant? Prasagia quedam perniciofa: & signa convulsionum quid indicantia.

EX cervicis dolore cum sopore, & sudore, alvus inflata, si ad necessitatem liquida demiserit, ubi subluta fuerit, ex his bile carentia cohibentur. Talia vero si servantur retenta, diutius ægrotat; num & his non biliosæ proluvia benigniores sunt, & flatuoso tumori proderunt? Alvi circumtensio ad necessitatem liquida demittens, cito intumescens, convulsivum quid-

dam habet; ut & Aspasii filio: insuper rigere his perniciosum; ex his convulsus & inflatus quum diutius ægrotasset, in ore putredo viridis oborta est. Lumborum tenues, & diurni dolores circum hypochondrium involuti, cum febre & ciborum fastidio, si intensum capitis dolorem advehunt, acute convulsivo modo perimit. Supervenientes rigores, & nocte magis quodammodo exacerbati, cum vigiliis, & venarum agitationibus ita ut interdum in somno urina nolentibus laxetur, in convulsiones cum sopore junctas desinunt. A principio leviter exsudantes urinæ concoctis, æstuantibus, qui citra crisin perfrigescunt, & celeriter peruruntur, torpidi, soporati, convulsi perniciose adfecti sunt. Uterum gerentibus capitis dolores, cum sopore & gravitate oborientes, mali sunt; fortassis autem & his convulsivum quid pati contingit. Dolores in faucibus gracilibus suffocantes, convulsivum quid habent, tum alias, tum a capite oborti; ut & Thrasynontis consobrinæ obtigit. Tremores convulsivi contingentes in sudoribus, reverti solent; his judicatio evenit, ubi superriguerint; superrigent hi ardore circa ventrem provocati. Lumborum dolor, & capitis dolor, & oris ventriculi dolor, cum excreatu violento, convulsivum quiddam habet: submetuendus est cum judicatione rigor.



CAPUT VIII.

Qui sublivida, turbulenta egerunt, quæ in his signa mala, convulsoria & bona? Quid in febribus convulsionem, & mentis emotionem portendat.

A Ventre sublivida, turbulenta, & lotia tenuia; aquosæque suspecta. Fauces leviter exasperatæ, & alvus inanibus surrectionibus obmurmurans, & frontis dolores, palpantes, fatigati, in stragulis ac vestimentis dolentes; quæ ex his augentur, molesta sunt: somnus multus in his convulsivus, & dolores in frontem graves, & mictio difficilis. Urinæ suppressio, quibus rigores, & in his convulsoriis adfectionibus, ut & ipsa ubi inhorruit, leviter sudavit. Sincere desinentes purgationes, certe in omnibus morbum exacerbant; his vero etiam valde; ex talibus quoque circa aurem abscessus exsurgunt. Turbulentæ, ferocissimæ e somno excitationes, convulsivæ; cum alias, tum si cum sudore contingant. Tum cervicis, tum dorſi perfrigerationes apparentes, sed & per totum corpus, in his & spumosæ mictiones cum animi deliquio, atque oculorum caligine, convulsionem prope esse indicant. Cubiti, & cervicis dolores convulsivi; a facie autem prodeunt isti; atque in faucibus sonitus crebri cum salivatione; his in somnis sudores, boni; num & sudore plurimos levare non malum? Quibus dolores ad inferas dilabuntur partes, his toleratu faciles. In febribus exsudantes, caput dolentes, intercepta alvo, convulsi sunt. Friabiles liquidæ dejectiones, perfrigera-

tionefque non fine febre, pravæ. Rigores ex his tum veficam, tum ventrem prehendentes, dolorem inferunt. Num in his fopor aliquid convulfionis habet? non fuerim admiratus. Quæ in acutis malis in modum vomituriæ trahuntur, mala: & albæ alvi defectiones, difficiles: non vifcofa ex his progrefsa, cum multo ardore mentem alienant: ex his foporofi torpidi fiunt, morbi ex talibus diutius durant; num circa judicationem hi arefcentes difficulter fpirant? Quæ ex lumbis ad collum, caputque redundant, refolvuntque levis fiderationis modo, convulfionem, & delirium pariunt. An & talia convulfione folvantur? Ex his varie ægrotant, & quidem per eadem euntes. Convulfiones in hyftericis fine febre faciles fiunt; ut etiam Dorcadi contingit. Vefica intercepta tum alias, tum cum capitis dolore, convulfivum quid habet: quæ in his torpide exfolvuntur, difficilia fiunt: non tamen perniciofa; Num & id mentem emovet, quod ejusmodi eft? Num & offium circa tempora difcifiones convulfionem arceffunt? vel temulentum fauciari, vel fanguinem valenter erumpere, in principiis, fi id faciunt, convulfiva? In fudore fputa defluentia febrienti ægro levia fiunt; an ad dies aliquot ventres humectentur? arbitror; an his abfceffus ad articulos futurus? Deliria paulisper ferocientia, melancholica fiunt; fi vero a muliebribus retentis fuerint, ferina; fæpius autem hæc accidunt; num & hæc convelluntur? num & cum fopore vocis interceptiones convulfivæ? quomodo Coriarii filiæ obvenit, cepit autem malum præfentibus menftruis. Quibus convulfis oculi fixi & immoti relucet, non apud fe hi fiunt, diutiusque ægrotant. Sanguinis eruptiones ex parte adverfa, male; ut in liene ma-

gno, si dextra ex nare fluat; atque res in hypochondriis ita se habet; verum cum sudore id deterius est. Ex naribus effluente sanguine tenuibus cum sudoribus perfrigeratio maligna, pravaque est. A sanguinis eruptione nigrorum dejectio mala: prava autem & prærubra; num vero & quarto die hæc sanguinis eruptio contingit? soporosi, comato si ex his convulsione moriuntur; an nigris prius excretis, & tumefacto ventre? Sanguinem profundentia cum exsudatione vulnera, maligna; loquentes ita adfecti occulte pereunt. Post modicam sanguinis eruptionem, & nigrorum dejectionem, in acutis surditas, malum; sanguinis dejectio in his perniciofa; surditatem vero solvit. Lumbis dolentibus oris ventriculi dolores accedentes, signa hæmorrhoidum fluxionis futuræ sunt. Arbitror autem & hos prægressæ hæmorrhoidum eruptionis signum esse.

C A P U T IX.

De variis convulsionum, & mentis emotionum, præcipue in mulieribus, causis & signis. De Convulsis & Hæmorrhagiis quomodo judicandum?

Qui statim temporibus sanguinem fundunt, siticulosi hi, difficiles, & exsoluti; si non fuderint sanguinem, epileptici moriuntur. Qui statim perturbantur, pervigilant, e naribus sanguinem stillant, sexto die levantur, noctu laborant, postridie leviter sudant, in somnum feruntur, delirantque; abunde sanguinem profundent; num & aquosa urina tale quiddam indi-

cat ? Quibus sanguinis eruptiones plures fuerint, procedente tempore alvi male adficiuntur, nisi urinæ concoctæ fuerint. In judicatoriis perfrigerationibus sanguinis eruptiones vehementes, pessimæ. Capite gravati, ad sinciput, dolentes, insomnes, sanguinem profundunt, tum alias, tum si quid in cervice sit distendens. Vigiliis vexati derepente cum jactatione sanguinem profundunt, tum alias, tum siquid non ante fluxerit; num & ubi inhorruerint? Cervicis dolores, valde rubri oculi, sanguinis eruptionem significant. Quibus de alvo sanguinis eruptio fit, & insuper vigent; num suppressa alvus lienterica ac obdura fit, vel tenues lumbrici infestant, vel utrumque? Quibus ad caput manusque ex lumbis fit recursus, hi torpidi, ventriculi ore dolentes, & saniosi, sanguinem abunde profundunt, venterque turbatis his copiose fluit. Quibus ex copiosa sanguinis eruptione, & frequenti, nigrorum multorum est dejectio, hi suppressa alvo dolentes sanguinem profundunt; cum aliqua vero fluxione facile ferunt. An hi sudationunculas frigidas habent multas? Conturbata in his urina mala non est, neque quod residet genituræ simile; frequentius vero hi meiunt aquosa. Quibus e naribus in sorditate & torpore pauca sanguinis est destillatio, molestum quid habet; vomitus his confert, alvi que perturbatio. Quibus ex rigore febres cum lassitudine fuerint, his menstrua decurrunt; cervix autem in his dolens, sanguinis eruptionem portendit. Et per nares sanguinem profundere sperandum est ea, quæ caput concutiunt; & quæ aurium sonitum faciunt, sanguinem profundere, vel muliebria deducere (spes est) tum alias, tum si ad spinam æstus insequetur; fortassis vero & dysenteriam facient.

Ventris quoque palpitaciones cum hypochondrii tensione sublonga, & tumente, sanguinis eruptionem significant; inhorrescunt autem hi.

CAPUT X.

*Narium hæmorrhagiæ varia in morbis præfagia.
Quid porro circa narium stillicidia observandum?*

QUæ e naribus copiosa, violenta, multa fluxerint, ad convulsiones interdum deducunt; venæ sectio solvit. Frequentes in parvis intervallis egestionibus subflavæ, viscosæ, stercoreæ pauca habentes, cum hypochondrii, & lateris dolore, morbum regium prænunciant. Num autem his suppressis hi exsolvuntur, simulque sanguinem profundunt? lumborum tensio his, & dolores sanguinis eruptionem significant. Hypochondrii tensio cum capitis gravitate, & sordiditate, & ad splendorem visum turbantia, sanguinis denuntiant profusionem. Undecimo die sanguinis stillicidia difficilia; tum alias, tum si superstillaverint. Qui in horroribus simul judicatorie sudaverunt, postridie vero, ubi inhorruerint, præter rationem vigilant, hos sanguinem effusuros esse arbitror. Quibus ab initio largæ sanguinis eruptiones, rigor fluxionem sistit. (Si copiosa supervenerit sanguinis profusio, in contrarium revellitur). Ex hæmorrhagia rigores longi. Quibus capitis & cervicis dolores, atque totius corporis cum tremore imbecillitas, quædam eos sanguinis eruptiones liberant; sed & tempore ita liberantur. Urinæ, quibus abscessus post aures

fiunt, si celeriter, & exigue concoquantur, vitioſe; & ita refrigerare, malum. Aliquantulum ſoporati, icterici, non admodum ſentientes; quibus ſingultus, alvus his erumpit, fortaiſis & ſuppreſſio; hi exſolvuntur; an & hiſ parotides fiunt? Suppreſſæ cum rigore urinæ, malæ, tum alias, tum ſi ſopor præceſſerit; num juxta aures abſceſſus in his fore ſpes eſt? Ex torminoſo ſedimentum limoſum, ſublividumque, malum; an ex hypochondriis dolet? puto dextrum, & exſolvitur; num parotides talibus parum dolorificæ? alvus copioſe fluens his (in omnibus) pernicioſum; in anxiiſ quibuſdam pervigiiliis parotides maxime. Ex volvulis graveolentibus, cum febre acuta, hypochondrioque ſublimi inveteratius permanente, parotides exſurgentes enecant. Ex ſurditate moderate parotides fiunt, tum alias, tum ſi qua jactatio ſupervenerit, & ſoporofiſ inter hos adhuc magis. In leviter ſideratiſ parotides malæ ſunt.

C A P U T XI.

Ex hæmorrhagia convulſio: alvi quæ icterum ſubinducunt? future narium hæmorrhagiæ, præſagia & de eadem judicia. De Ictericorum præſagiis & parotidibus. Abſceſſus juxta aures quibus accidunt, & de iſdem judicia.

QUæ convulſivo modo cum alto ſtupore exacerbantur, parotides movent. Convulſio, tremor, jactatio cum alto ſtupore parvos circa aures abſceſſus proritant. Num qui parotides habent, a capite dolent? num & ſupernis partibus

exsudant? num insuper rigent quoque aliquo modo? deinde & alvus erumpit, & soporosum quid habent? num & aquosæ urinæ alba innatantia habentes, & quæ varie exalbidæ sunt, ac fætidæ, parotides faciunt? num quibus tales urinæ, frequentes stillationes e naribus? num & lingua his lævis est? Quibus magnum ac crebrum spiritum ducentibus, & morbus regius, & febres acutæ cum duris hypocondriis refrigeratæ fuerint, his abscessus magni secundum aures suscitantur? Sopore detentis, cum jactatione, hypochondriorum dolore, exigua vomitione, in his parotides exsurgunt; antea autem & faciei signa. Alvo nigra, & stercoreosa dejiciente, sopor superveniens parotides excitat. Tussiculæ, quæ sunt cum sputatione, abscessum circa aures emolliunt. In capitis dolore coma, & surditas abscessum aliquem ad aures effundunt. Hypochondrii contentio, cum sopore anxio, & capitis dolore parotides adtollit. Dolorem concitantes aurium abscessus citra crisin sensim dissipati, damno sunt.

HIPPOCRATIS

COACÆ PRÆNOTIONES.

PRÆFATIO.

*P*lacitimi DURETUS facit, ut fere commentatores solent. GALENUS pro spurio habet opere, & non magni aestimat FOESIUS. Neque dissimulari potest, multa continere obscura, sæpe que-

siones ad quas nemo respondeat, alias aphorismos nimis particulares & fallaces. Multa habet proxime prioris libri similia. Primus quidem liber ea tradit, quæ ad febres pertinent: secundus ad variarum corporis humani partium, capitis, colli, pectoris, abdominis &c. In eodem alio ordine præsagia recensentur secundum eas corporis partes, a quibus signa sumuntur. Tertius liber primam partem præsagiorum fere ex prognostico sumit: altera ad capitis & reliqui corporis vulnera pertinet, tertia ad morbos mulierum. Inde iterum præsagia a variis egestionibus & excrementis sumta.

ARGUMENTUM LIBRI.

Febrium, & aliorum morborum, citra febre, & cum febre, corporis universitatem, aut partes obsidentium, symptomata apparentia, & supervenientia theorematibus explicantur, quibus quæcunque salutaria, aut perniciofa ægrotantibus oboritura sint, eorum prænotiones traduntur. Max.

S E C T I O I.

C A P U T I.

De Frigoribus, & Febribus.

QUæ ex rigore perfrigerantur, caput ac cervicem dolentes, voce capti, leviter exsudantes, ut se recollegerint, moriuntur. Jactationes cum frigore pessimæ. Perfrigeratio, ita ut cutis obrigeat, perniciofa. Ex frigore metus, & mœ-

ror præter rationem, in convulsionem definit. Ex frigore urinarum suppressiones, pessimum. A rigore ignoratio, malum; malum autem & oblivio. Soporosi rigores aliquantulum perniciosi: ac flammeus in facie color, cum sudore, in his malignus est; ad hæc posteriorum partium frigus convulsionem arcessit; atque omnino posteriorum partium frigiditas convulsiva est. Crebri ex dorso horrores, & cito locum permutantes, ægre feruntur; urinæ enim suppressionem, & laboriosum affectum significant; his leviter exsudare, pessimum. Rigor assiduus, corpore jam imbecillo, lethalis. Qui crebro tenuiter exsulant, ac subinde rigent, perniciosum: ac sub finem suppurationem habere deprehenduntur, alvosque perturbatas. Rigores ex dorso molestiores; qui vero decimo septimo rigit, & vigesimo quarto insuper riguerit, permolestum est. Horrore affecti, caput dolentes, leviter exsudantes, maligne habent. Horrore adfecti, multum exsudantes, moleste laborant. Multi cum torpore rigores, maligni. Quibus sexto die rigores fiunt, ii difficile judicantur. Quibus sanis horrores crebri sunt, ii futuram ex sanguinis fluore suppurationem ostendunt. Horror, & spirandi difficultas in doloribus, tabis signa sunt. Ex pulmonis suppuratione, & circa ventrem interdum ac claviculam dolores, & anxie stertere, sputi copiam in pulmone significat. Horrore adfecti cum jactatione, ac lassitudine, lumbos dolentes, profusiore sunt alvo. Quibus superveniunt rigores, & qui ad noctem aliquanto magis exacerbantur, cum vigiliis exæstuant, in somnis interdum urinam sub se elaxant, ac delirantes in convulsionem abeunt. Frequentes rigores in acutis, pravi sunt. Ex rigore, cum capitis dolore, virium exsolutiones, pernicio-

niciosa; cruentæ in his urinæ pravae. Rigor, cum posteriorum partium distentione, enecat. Qui inhorruerunt, etiam si sudaverint critice, postmodum vero horruerunt præter rationem, non pervigilarunt, nec concoxerunt, venturam hæmorrhagiam arbitror. Urinæ cum rigore suppressæ, pravae, & convulsionem inducunt, tum alias, cum si prius soporato; sed spes in his, fore parotidas. Rigores velut in febre tertiana, si in media inordinata febre exacerbentur, valde maligni sunt; contra vero, qui exacerbantur, convulsione accedente, una cum rigore, & febre, perniciosi. Vocis interceptiones ex rigore, tremore solvuntur, & insuper rigentes, tremores succedentes judicant. Qui ex rigore cum capitis dolore exsolvuntur, periculose laborant; cruenta urina his mala est. Quibus rigor, iis urinæ suppressio est. Convulsio in febre, manuum, ac pedum dolores, malignum; sed & malignum ex femore doloris impetus; imo neque genuum dolor, bonum; quin & surarum dolores, maligni sunt, ac mentem emoveant, tum alias, tum si urina suspensum quid habuerit. Ex hypochondriorum dolore febres, malignæ; multus sopor in his pessimus. Qui febre non intermittente crebro exsulant, cum hypochondrii tensione, plerumque maligne habent; & qui dolores in summum humerum ac claviculam incumbunt, in iis pravi sunt. Tertianæ febres naturam referentes cum anxietudine, malignæ. Vocis interceptiones in febre, male sunt. Lassati, caligantes, pervigilantes, in soporem propensi, exsudantes, recalescentes, male habent. Lassati cum horrore, si exsudarint critice, recalescenti in acuto morbo, malum; tum alias, cum si circa hæc e naribus sanguinem stillarint. Auruginosi admodum sedati

moriuntur; album his alvi recrementum prodit.
 Febres tertianæ naturam referentes, erraticæ, in
 pares dies translapſæ, difficiles ſunt. Criticis die-
 bus jaſtationes ſudoris expertes, perfrigerationi-
 bus comitatæ; & qui omnes citra ſudorem haud
 critice perfrigerantur, male habent. Et qui inſu-
 per riguerunt, poſt hæc ſincera vomuerunt, an-
 xii, tremuli, in febre, malum; & a rigore vocis
 interceptio. Qui ex rigoribus, parvis ſudoribus
 perfrigeſcunt, malum. Exſudantes, pervigiles,
 recaleſcentes, male habent. Qui leniter exſudant
 in febre, maligne habent. Quibus bilioſa deje-
 ctione prodeunte circa pectus morſus, ac amari-
 tudo, malum. In febribus inflata alvo, flatum
 non erumpere, malum. Laſſati, ſingultuoſi, &
 ſtupore detenti, male habent. Qui ex dorſo cre-
 bris ac tenuibus horroribus exſudant, moleſte la-
 borant; urinæ (enim) interceptionem cum dolore
 ſignificat; in his exſudare malum. Præter conſue-
 tudinem aliquid facere, ut aliquid in animum
 inducere, prius minime conſuetum, aut contra-
 rium, pravum, ac delirio proximum. In praviſ
 ſignis, quæ miteſcunt, quæque in bonis non re-
 mittunt, contumacia. Qui leviter exſudant, &
 maxime capite, in morbis acutis ſubmoleſte feren-
 tes, malum; tum alias, tum ſi urinæ nigræ ſint;
 atque turbidus in his ſpiritus, malum. Extrema
 ſi in utrumque celeriter permutantur, (malum);
 ſed & ſitis hujusmodi, malum. Ex homine mo-
 derato proterva reſponſio, malum. Malum vero,
 & vox acuta; hypochondria his intro trahuntur.
 Qui ex perfrigeratione ſudabunda cito recaleſcunt,
 male habent. Qui in acutis leviter exſudant, ſub-
 moleſte ferenſes, malum. Qui præter rationem,
 nulla exiſtente vaſorum vacuatione, proſtrati
 ſunt viribus, malum. In febre proritatio, velut

a vomitu, in secretionem desinens, malum. Torpor in contraria cito translatus, malum. Sanguinis stillæ pusillæ (in acutis) malæ. In acuto vero morbo sitis præter rationem extincta, malum. Qui ad manum resiliunt, male habent. Quibus in febre ardente, tumores cum somnolentia & torpore fiunt, his dolor in latus superveniens, cum levi partis alicujus sideratione, necat. Suffocatio in acutis, ægris attenuatis, perniciofa. In morti jam proximis, parvi tremores, & vomitus æruginosus, (lethales). Qui in potibus substrepunt, & submurmurant in siccis; & qui difficulter deglutiunt, spiritu tussiente, perniciose habent in acutæ febris perfrigeratione. Rubores in manibus, ac pedibus, perniciosi. Effusantes, & viribus fracti, in somnis leviter suspicientes, morbo regio admodum fœdatis moriuntur; album alvicrementum in his præcedit. In febribus mentis emotiones taciturnæ, in eo, qui voce privatus non est, perniciose sunt. Livores oborientes in febre, brevi mortem adfore significant. Quibus in febre dolore lateris oboriens, alvo multa aquosa, ac biliosa dejiciente, hi adlevantur. Quibus vero inappetentia accidit, ac sudores cum bono faciei colore, & alvo fluente, atque etiam aliqua cardialgia; hi, ubi diutius ægrotarunt, peripneumonicorum modo moriuntur. Febrienti si atra bilis in principio sursum, aut deorsum exeat, lethale est. Qui cum perfrigerationibus, non sine febre, superne exsudent, moleste ferentes, & phrenitici, in acuto morbo perniciose habent. Dolores sensim ingravescentes ad claviculam, ac sursum transeuntes, perniciosi. In diuturnis perniciosis morbis, ani dolor lethalis est. Si debiliter jam affecti non videant, aut non audiant, aut labium, aut oculus, aut nasus

ipsis distorqueatur, lethale est. In febribus inguinis dolor morbum longum significat. In febribus iudicationis cessationes diuturnitatis quidem causæ sunt, non autem perniciose. Febres ex gravibus affectibus, diuturnæ. Mentis emotiones tremulæ, palpanes, phreniticæ sunt; & dolores circa furam, in his mentem emoveant. Quicumque in febre continua, voce destituti jacentes, oculis conniventes nictant, hi, si postquam sanguis ipsis ex naribus fluxit, &, ubi vomuerunt, loquantur, & ad seipsos redeant, servantur; si vero hæc non fiant, cum spirandi difficultate brevi moriuntur. Accessione correpti, si postridie gravius habeant, malum est. Si tertio die cohibita, quarto exacerbetur, malum est. Num & tales exacerbationes phreniticæ sunt? Quibuscunque desinunt febres, non in diebus iudicatoriis, his recidivæ sunt. Qui in principio leviter habent, si cum capitis pulsu, & urina tenui, ad iudicationem exacerbantur; his nihil miri est, si & mentis emotio, insuperque vigiliæ accedant. In morbis acutis, motus, jactatio, somnus turbulentus, quibusdam convulsionem significat. Turbulentæ cum ferocia excitationes mentem emoventes, malæ sunt, itemque convulsoriæ tum alias, tum cum sudoribus; convulsoriæ etiam videntur colli, ac dorsi perfrigerationes, imo etiam totius corporis; in his mictiones sunt membranæ. Deliria cum sopore, convulsoria. Mentis emotiones modice feroces, ferinæ sunt; sed & convulsiones prænunciant. In morbis longis, ventris præter rationem tumores, convulsorii. Affectiones statim turbulentæ, vigiliæ inducentes, sanguinem de naribus stillantes, sexta die allevantes per noctem; verum postridie rursus affligentes, exsudantes, soporosæ, mentem emoventes,

large sanguinem fundunt, & morbos solvunt; aquosa urina talia significat. Qui cum relatis, ab atra bile mente moti, tremuli fiunt, maligne habent. Delirium cum difficultate spirandi, & sudore, lethale; lethaleque est cum spirandi difficultate, ac singultu. Insomnia in phrenitide evidentia, bona sunt. In phrenitide dejectiones alvi albæ, & torpor, malum; rigor his pessimus est. In phreniticis, in principiis affectiones mansuctæ, ac frequenter transmutationem habentes, malæ sunt. Quibus ab atra bile mente motis tremores sunt, exitio sunt. Qui ab atra bile mente moti, tremuli fiunt, ac salivam fundunt, num sane phrenitici sunt? Mente moti, acute insuper febrientes, phrenitici fiunt. Phrenitici parum bibunt, ex levibus strepitibus facile irritantur, tremuli, aut convulsi fiunt. In intensa phrenitide tremores lethales. Deliria circa res necessarias, pessima; quæ ex his exacerbantur, lethalia sunt. Mentis percussiones, voces clangentes, linguæ convulsæ, ac ipsi quoque tremuli facti, mentem alienam denunciant; his cutis rigida perniciofa est. Ante jam debilitatorum deliria, pessima. Affectiones in phreniticis frequenter transmutationem habentes, convulsoriæ, pravæ. Crebræ in phreniticis cum perfrigeratione sputationes, vomitum nigrum indicant. Qui varie ægrotant, & frequenter soporosi mente moventur, his nigrum vomitum expectandum esse dicito. Quæ convulsorio modo exacerbantur, altum stuporem inducunt. Tumores juxta aurem, in morbis longis, parvi sunt; sanguinis fluxiones, ac vertigines insuper apparentes, perniciosæ. Febres vertiginosæ, & sine volutione, & cum volutione, perniciosæ. Anhelatoribus si febris postea acuta incidit, cum hypochondriorum contentione perfrigeratis,

magnum circa aurem tumorem expectare oportet. Quibus in febre dolores circa lumbos, & infernas partes oborti, septum transversum contingunt, infernas partes relinquentes, perniciosi sunt; tum alias, tum si aliud quoddam signum pravam accedat; si vero alia signa non fuerint prava, suppuratum fore expectandum est. Pueris febris acuta, & alvus suppressa, cum vigiliis, & calcitrare, & colorem mutare, & ruborem habere, convulsorium est. Affectiones statim turbulentæ, vigilias inducentes, nigra & compacta deficientes, interdum sanguinem fundunt. Affectiones cum vigiliis, & anxietate repentina, sanguinem fundunt; tum alias, cum si quid etiam antea profluxerit; num & qui modice perfrigerati, postea horruerunt? At qui circa accessiones tussunt, & parum exsudant, maligne habent. Ad latus dolore, ac suffocatione accedente, hi suppurantur. Quibus in febribus continuis pustulæ per totum corpus erumpunt, lethale, si non purulentus abscessus fiat; maxime autem circa aurem his fieri solet. In morbo acuto externas quidem partes perfrigerari, internas autem ardere, & sitire, malum est. Febres continuæ, quæ tertio quoque die intenduntur, periculosæ; quibus vero febris aliquando intermittit, periculo vacat. In febribus longis, aut tubercula, aut dolores in articulis fiunt; & si facti fuerint, non sunt inutiles. Capitis dolor in morbo acuto, hypochondrium revulsus, non profluente ex naribus sanguine, ad phrenitidem devenit. Febres lypyriæ, nisi per choleram effusa bile, non solvuntur. Morbus regius ante septimum diem accedens, malum; septimo vero ac nono, & undecimo ac decimo quarto, judicatorius est, si non hypochondria inducet; sin minus, ambigua res est. Fre-

quentes per eadem recidivæ, circa judicationem sanguinolentæ, nigrorum vomitum faciunt; inducunt etiam tremorem. Dolores, qui in tertianis febribus exacerbantur, tertianarum naturam inducunt, & grumofum sanguinem egerunt. In febribus secundum venam, quæ est in collo, pulsus, ac dolor, in dysenteriam definit. Color, qui sæpe in calore transmutatur, utilis est. In biliosis spiritus magnus, & febris acuta cum hypochondrii intentione, juxta aurem abscessum facit. Qui ex morbis longis se refocillantes bene cibum accipiunt, & nihil proficiunt, hi maligne in morbum recidunt. Quibus in febribus venæ in temporibus pulsant, & facies sana est, & hypochondrium non molle, diuturnum morbum significat: & non desinentem, citra multi sanguinis ex naribus fluxum, aut singultum, aut convulsionem, aut coxendicum dolorem. In febre ardente, si alvus valde soluta sit, lethale est. Ex alvi dolore laborioso, febris ardens, perniciofa. In febribus ardentibus, si aurium sonitus accedant, cum visus hebetudine, & gravitate secundum nares, melancholico modo mente moventur, sanguine ipsis non erumpente. Tremores in febribus ardentibus, delirium solvit. In febre ardente fluxio sanguinis ex naribus, 4^{to} die, mala est; si non aliud quid boni inciderit; verum 5^{to}, minus periculosa est. Qui in febribus ardentibus leviter refrigescunt, & aquosa biliosis mixta frequenter egerunt, oculis (perverfis) malum est, tum alias, tum si alto stupore corripiantur. Febris ardens rigore superveniente solvitur. Febres ardentes recurrere solent, & ubi per dies quatuor significationem de se præbuerunt, postea sudorem cient; sin minus, septimo die & undecimo. Febres ardentes quatuordecim dies dijudicant, aut

allevantes, aut perimentes. Ex febre ardente, nisi qui circa aurem fit abscessus suppuret, non admodum liberantur. Lethargici, tremuli ex manibus, somnolenti, decolores, tumidi, pulsibus tardi sunt, & partes sub oculis elevatas habent, & sudores insuper accedunt, & alvos biliosas, intemperatas & subhumidas habent: si vero resiccatas habuerint, urinæ & dejectiones alvi latenter ipsis prodeunt; urina velut jumentorum est; potum non expetunt, neque aliud quicquam. Postquam vero resipuerint, de colli dolore conqueruntur, & sonitus per aures transire. Qui vero ex lethargicis servantur, plerumque (pectore) suppurati fiunt. Quibuscunque in febribus tremores citra judicationem cessant, his temporis progressu, abscessus cum dolore suppuratus in articulos fit, & vesica dolet. Febrientibus, quibus quidem rubores sunt in facie, & dolor capitis vehemens, & venarum pulsus, his sanguinis fluxio plerumque contingit. Quibus autem anxietates sunt, & oris ventriculi morsus, & crebræ salivæ, his vomitus fit. Quibus vero ructus adsunt, & flatus, strepitus ac elevationes ventris, his fit alvi perturbatio. Qui diutius secure ex febre continua laborant, citra dolorem aut inflammationem, aut aliam causam, his abscessus expectandus est cum dolore ac tumore, & magis in inferis partibus. Expectare autem oportet abscessus his magis, qui trigessimum annum egressi sunt; considerandi autem in his abscessus sunt, ubi viginti dies febris transmiserit; senioribus autem minus fiunt, & ubi multo tempore febres durant. At intermittentes & erraticæ invadentes, autumno maxime in quartanam leniter transeunt, & hoc magis his, qui triginta annos excefferint. Abscessus autem hyeme magis fiunt, & tardius desinunt, & minus recurrunt. Quibus vero sæpe reci-

diva contigit, his si semestre tempus transierint, tabes coxendicum fere accidit. Quæcunque signa febris se opponunt, neque abscessus significationem habent, maligna sunt. Febres, quæ neque in diebus judicatoriis, neque post solutorium signum decesserunt, revertuntur. Acuti morbi in diebus quatuordecim judicantur. Tertianæ exacta in quinque aut septem circuitibus, aut ad summum in novem judicatur. Quibus febrile incipientibus, sanguis de naribus sternutatione contingente destillat, & urina sedimentum album quarto die habet, his in septimo die solutionem significat. Morbi acuti judicantur, sanguine de naribus fluente, in die judicatorio; & sudore multo oborto, & urina purulenta ac vitrea prodeunte & bonum sedimentum hacente, & confertim exeunte; abscessu item memorabili oboriente, & alvo mucosa & cruenta de repente egerente, & vomitibus non pravis contingentibus circa judicationem. Somni profundi, non turbulenti, firmam judicationem significant: turbulenti vero cum dolore corporis, inconstantes sunt. Septimo die, aut nono, aut decimoquarto, fluxus sanguinis e naribus contingentes, plerumque febres solvunt; similiter & alvi fluxio biliosa, & qualis in dysenteria fieri solet; & genuum ac coxendicum dolor, & urina concocta ad judicationem; in muliere vero etiam menstruæ purgationis fluxus. Quibus in febribus sanguis abunde undecunque profluxit, his in refectionibus (a morbo) alvi humectantur. Qui in febribus tenuiter sudant, capite dolentes, alvo suppressa, convulsi fiunt. Mentis emotiones modice feroces, in ferinas evadunt, & convulsionem significant. Convulsio in febre oboriens, & eodem die desinens, bona est. Convulsio in febre oboriens, sedat febrem eodem die, aut postero, aut tertio; si vero horam, in qua

incepit, exceſſerit, neque quieverit, malum eſt. Febres intermittentes, verum inæqualiter caleſcentes, alvo inflata, pauca egerente; in his poſt judicationem lumborum dolore ſequuto, alvi prorumpunt. At amburentes ad manum, torpidæ, ſiticuloſæ, anxioſæ, in his, alvo ſuppreſſa gravati, exſolvuntur. Quandoque vero & rubicundæ in pedibus ambuſtiones eadem ſignificant. Hibernæ febres quartanæ, fere in acutos morbos tranſeunt.

C A P U T II.

De capitis dolore.

Capitis dolor vehemens cum febre acuta, & alio gravi ſigno, lethalis eſt; ceterum ſine ſigno malo, tranſgrediens vigefimum diem, ſanguinis aut puris fluxum e naribus, aut abſceſſus ad inferas partes ſignificat; fluxiones quidem junioribus triginta quinque annis: ſenioribus vero, abſceſſus (exſpectandi): ſi vero circa frontem ac tempora fuerit dolor ille vehemens, fluxiones. Quibus capitis ſunt dolores, & ſonitus aurium, citra febrem, & tenebricoſa vertigo, & vocis tarditas, & manuum torpor; eos aut apoplecticos, aut comitiales, aut obliuiosos fore exſpecta. Qui caput dolent, ſtupore correpti, delirantes, alvo ſuppreſſa, oculo ferociente, facie rubente; hi poſteriore parte convelluntur. Capitis ſuccuſſiones, oculi rubicundi, deliria manifeſta pernicioſa ſunt; neque commoriuntur hæc, ſed circa aurem tumorem faciunt. Capitis dolor, cum ſedis & pudendorum dolore, & torporem, & impotentiam inducit, & vocem reſolvit, hæc gravia non ſunt, verum ſomnolenti ac ſingultien-

tes fiunt nono mense, ex quibus soluta voce, in idem restituantur. Qui in capitis dolore ascari- das habent, his surditas & sopor consequens, abscessus circa aurem exsuscitat. Qui caput do- lent, stupore detenti, cum dolore, & præru- bro oculo, sanguis profundetur. Capitis pulsa- tiones, & aurium sonitus, sanguinem effundunt, aut mulieri menses deducunt; tum alias, tum si juxta spinam ardor consequatur; fortassis au- tem & dysenterica sunt hæc. Capite gravati, juxta scaput dolentes, vigiliis infestati, san- guinem effundunt; tum alias, cum siquid pro- tendatur ad collum. Vomitus in capitis dolori- bus æruginosus, cum surditate, vigilantibus, cito insaniam excitant. Quibus capitis ac colli dolores sunt, sed & totius corporis tremula quæ- dam impotentia, sanguinis eruptio solvit; quin & tempore sic solvuntur; (ac tum vesica do- let). (Vesicæ interceptio) in acutis capitis do- loribus, cum torpore & gravitatis sensu, con- vulsiones fieri solent. Capitis dolorem solvit pus per nares, aut sputa crassa, & non olentia; sol- vit quoque ulcerum eruptio; quandoque & som- nus, & alvi fluxus. Capitis dolor moderatus non sudantibus, aut cum sudore non solvente febrem, abscessus in gingivis, aut circa aurem significat, alvo non exturbata. Capitis dolor soporosus cum gravitate, convulsorium quid fa- cit. Caput dolentes, siticulosi, aliquatenus vi- gilantes, obscure loquentes, impotentes, ex al- vo liquida delassati, num mente moventur? Ca- put dolentes, surdastri, manibus tremuli, col- lum dolentes, mingentes nigra condensata, vo- mentes nigra; perniciose habent. Caput dolen- tes, leviter exsudantes, alvum suppressam habent- tes, convulsione tentantur.

C A P U T III.

De alto & veteruſo Sopore.

SOpor profundus, ubique malum. Soporosi Sin principiis evadentes, cum capitis, lumborum, colli, hypochondrii dolore, vigilantes; num phrenitici sunt? Nasus in his distillans, perniciem denuntiat, tum alias, tum quarto die, aut morbi initio; mala est etiam alvi proluvies valde rubra. Soporosi ab initio leviter exsudantes, urinis permolestis, ardentes, verum citra judicationem perfrigescentes, & brevi rursus ardentes, torpidi, soporosi, convulsi, perniciose habent. Somni, quales sopore oppressis, & perfrigerationes, perniciosi sunt. Soporosis, delassatis, furdis factis, alvo erumpente, si rubicunda dejecta fuerint circa judicationem, profunt. Soporosi, anxii, hypochondrium dolentes, parum vomentes, abscessus juxta aurem habent; antea vero circa faciem tumores cum sopore. Morbi derepente mentem percellentes cum anxietate, sanguinem profundunt. Ubi sopores, anxietates, hypochondriorum dolores, crebrae & parvae sputationes, ibi tumores circa aurem. Soporosi, num aliquid convulsivi habent? Adfectiones soporem, fatuitatem inducentes, & altum stuporem, hypochondria variantia, & ventrem tumidum habentes, cibum fastidientes, alvo suppressa, exsudantes, num his turbidus spiritus, & genituræ simile quid prodiens, singultum significat? Num & alvus biliosa insuper egerit? Spumofum in his mictum prodest; ventres quoque his insuper turbantur. Cerebro corrupto alii in tribus diebus, alii in septem moriuntur; has ve-

ro si effugerint, servantur: quibus autem ex his resectis, os disjunctum, repertum fuerit, hi pereunt. Caput dolentibus ex posteriore parte ossa rupta habentibus, fluxio e nare larga, crassa, mala est. Hi ubi oculum antea doluerint, rigent. Num & juxta tempora ossium disruptiones convulsoriæ sunt?

CAPUT IV.

De Aurium affectionibus.

Auris dolor intensus, cum febre acuta, & alio aliquo signo aliquantum maligno, juvenes quidem septimo die occidit, & citius delirio correptos, si non multum pus effluerit ex aure, aut sanguis e naribus, neque aliud quoddam bonum signum appareat; seniores autem tardius & minus tollit. Nam & aures suppurare præveniunt, & minus delirant. Verum multi ex his recidunt, atque sic pereunt. Surditas in acutis ac turbulentis morbis consequens, malum; malum etiam in longis (morbis;) in his autem dolores etiam ad coxas deducit. In febribus surditas alvum sistit. Aures frigidæ, & pellucidæ, & contractæ, perniciosæ. Tinnitus in acutis, & sonitus in auribus, mortiferum. Sonitus aurium, cum visus hebetudine, & narium gravedine, mentem emovet, & sanguinem profundit. Quibus surditas cum capitis gravitate, & hypochondrii intensione, & ad splendorem turbatio, sanguis profluit. In febre acuta aures obsurdescere, furiosum est. Valde surdi, dum aliquidprehendunt tremuli, linguam resoluti, torpidi, malum. Procedente morbo sur-

ditas , & urina subrubra , cum multo sedimento , sed cum sublimamentis in medio innatantibus , mentis emotionem prænuntiant : morbo regio corripitur , in his malum est. Mala est & ex morbo regio fatuitas ; hos voce privatos , sentientes tamen , suffocari contingit. Fortassis autem in his alvus male afficitur.

C A P U T V.

De Parotidibus.

QUæ circa aurem cum dolore excitantur (tubercula) perniciofa sunt. Rubores circa aurem ex prægresso dolore , in febribus oborientes , signum quidem sunt erysipelatis in facie futuri ; sed & convulsiones ex talibus fiunt , cum interceptione ac exsolutione. Tumores circa aurem ex plurimis graveolentibus cum febre acuta , & hypochondrio intento , diutius intumescences , occidunt. Tumores circa aurem leviter sideratis , mali. Tumores circa aurem in (acutis) morbis non suppurantes , lethales ; alvi vero his deorsum feruntur. Num quibus abscessus sunt juxta aures , caput dolet ? Num & superis partibus exsudent ? Num & insuper rigent ? Num & alvi erumpunt , & quid soporosum habent ? Num & aquosa est urina , alba innatantia habens , & varia , exalbida ; graveolentia ? Abscessus juxta aurem emolliunt , tussiculæ , cum sputationibus ortæ. Urinæ in abscessibus retro aures cito & paulisper maturescentes , malæ sunt ; & sic perfrigerari , malum est. Abscessus circa aurem in morbis (acutis) suppurati , non valde albo

& nihil olente pure, occidunt; maximeque mulieres. Abscessus juxta aurem, ex acutis morbis maxime in febribus ardentibus fiunt, ac tum si judicationem fecerint, & maturescant, aut ex naribus sanguis fluxerit, aut urinæ sedimentum crassum habuerint, ægri pereunt. Plerique vero talium tumorum antea subsidunt. Verum considerare oportet insuper etiam ipsas febres, sive augeantur, sive remittant, atque sic pronunciare. In surditate ac torpore, de naribus aliquid substillare, difficultatis aliquid habet; vomitus his conveniet & alvi turbatio. Ex surditate abscessus juxta aures fieri par est, tum alias, cum si quid anxietatis accedat; sed & soporosis ex his etiam magis abscessus ad aurem fiunt. Surditatem ex febribus sanguinis e naribus fluxio solvit: itemque alvi turbatio.

C A P U T VI.

De Faciei, nec non Oculorum affectionibus.

Facies, quæ ex tumida subsidet, & vox lenior, ac debilior evadens, & spiritus rarior ac levior, remissionem in sequentem diem significat. Facies cadaverosa, lethalis: verum minus, si propter vigilias, aut famem, aut alvi exturbationem fiat; si quid vero propter hæc corruptum est, restituitur per noctem ac diem. Talis autem fuerit: oculi cavi, nasus acutus, tempora collapsa, aures frigida ac contractæ, cutis dura, color pallidus aut niger; livescens vero præter hæc palpebra, aut labium, aut nasus, brevi lethale est. Faciei bonus color, & tetricus vultus, in morbo acuto, malum est; frontis in

his contractio, phrenitidis signum est. Circa faciem color bonus, & sudores non febrientibus, stercora vetusta subesse significat, aut victus rationem inordinatam. Rubores circa nasum, alvi profusioris signa sunt. Dolores circa hypochondria, aut pulmonem, si suppurentur, malum est. Oculorum puritas, & albas ipsorum partes, ex nigris aut lividis puras fieri, judicatorium est. Si igitur cito purgentur, celerem judicationem significat; si tarde, tardiolem. Caligo oculorum, aut si alba ipsorum pars rubescat, aut live scat, aut venulis nigris impleatur, bonum non est. Malum est etiam lucis splendorem fugere, aut lachrymari, aut distorqueri, & alterum (oculum, altero) minorem fieri; malum est & oculos huc illuc volvere, aut parvas fordes ipsis adhærescere, aut concretionem tenuem albicantem habere; aut albam partem majorem fieri; nigram vero minorem, aut nigram sub palpebra superiore occultari. Mala est etiam oculorum cavitas & expressio valde foras, & splendoris extritio, ita ut pupilla extendi non possit. Et extremitatum palpebrarum curvitas, & oculorum concretio, & assidue nictare, & colores permutare, & palpebras inter dormiendum non committere, perniciosum est. Malus est & oculus distortus. Oculorum rubor in febre oboriens, alvi diuturnam malignam adfectionem significat. Circa oculos pustularum eruptiones in virium refectionibus, alvum prorumpere faciunt. In oculorum distortionem, febrienti, lassato, rigor perniciosus; & soporosi in his male habent. Viro lippienti, febre superveniente, solutio; sin minus periculum est, ne cæcus fiat, aut pereat, aut utrumque. Quibus lippientibus capitis dolor accedit; & ad multum tempus concomitatur, periculum

riculum est, ne cæci fiant. Lippienti alvi profluvium sua sponte prodiens, utile est. Oculorum hebetudo, & concretio, & caligatio, malum. Oculorum obscuratio cum animi defectio-
ne, statim adfuturam convulsionem indicat. Oculorum rectitudo in morbo acuto, & motus ve-
lox, & somnus turbulentus, & vigilæ, & quan-
doque sanguinis e naribus stillationes, convul-
sionis prænuncia. Qui ad contactum minime sunt
æstuosi (in febribus), phrenitici evadunt; idque
magis, si sanguinem (non) profundant.

CAPUT VII.

De Lingua, & reliquis Oris partibus.

Lingua, quæ in principio quidem inhorruit,
in colore vero permanet; progressu autem
temporis exasperatur, & livescit, & finditur,
lethalis est; si vero valde nigrescat, in decimo-
quarto die judicationem fore significat. Pericu-
losissima autem est nigra, & cum virore pallida.
Linguam circa bisdam sui partem, velut saliva
alba obduci, febris remissionis signum est; si
quidem id, quod superinductum est, crassum
fuerit, eadem die; si vero tenuius, postridie;
si vero adhuc tenuius, tertia die. Eadem signi-
ficant etiam huiusmodi, si circa summam lin-
guam fiant; verum minus. Lingua tremula cum
rubore juxta nasum, & alvo liquida, si reliqua
sine signis sint circa pulmonem, malum est; &
celeres purgationes, & perniciosas significat. Lin-
gua citra rationem tenera evadens, & fastidiosa,
cum frigido sudore, insuper alvo liquida; nigro-

rum vomituum signum est: lassitudo in his mala est. Linguae tremulae quibusdam etiam alvum liquidam quandoque faciunt; denigratae vero in his celèrem mortem significant. Num lingua tremula mentem non firmam significat? Linguae asperae, & resiccatae; phreniticae sunt. Dentes collidere, aut stridere, quibus non familiare id est a pueris, furiosum, ac lethale est; jam vero delirans si hoc faciat, penitus lethale est. Perniciosum autem est exarescere dentes. Dentis corruptio abscessum circa gingivam factum solvit. Ad dentis corruptionem vehemens febris accedens, & delirium; lethale est; si vero ferventur, ulcera suppurabunt, & ossa abscedent. Quibus circa palatum humoris collectio fit, plerumque suppuratur. Dolores vehementes circa maxillas, periculum est, ne ad ossis educationem deveniant. Labium contractum, alvi biliosae eruptionem, significat. Sanguis de gingivis, alvo insuper liquida, perniciosus. Sputi excreationes in febre lividae, nigrae, biliosae, omnes omnino malae sunt; secedentes vero pro ratione, utiles. Quibus saluginosa sputa, ac tussis supprimuntur, his corpus velut pustulis obsitum rubescit; verum ante obitum exasperatur. Sreatio frequens, si sane & aliud quoddam signum accesserit; phrenitidem indicat.

C A P U T VIII.

De Voce.

VOcis interceptiones cum exsolutione, pessimae. Paulisper feroces mentis emotiones,

malæ & ferinæ sunt. Quibus vox cum febre deficit, & absque ulla judicatione, tremuli moriuntur. Vocis interceptiones in febre convulsorio modo contingentes, & in mentis emotionem cum silentio desinunt, perniciosum. Vocis ex dolore interceptiones, ærumiosam mortem inducunt. Vocis interceptiones cum exsolutione stupefactorio modo, perniciosæ sunt. Voces contractæ post medicamenti sumptionem, num prævæ sunt? Plerique horum leviter exsulant, & ventres humectantur. In vocis interceptione respiratio, velut his, qui strangulantur, conspicue elata, malum. Num & mentem emovet? Ex capitis dolore vocis interceptiones, si sint febricitantes cum sudore, & alvus laxatur injussa, nitse collegerint, diu tamen laborant; his insuper rigere, malum non est. Mentis emotiones cum vocis interceptione, perniciosæ. Vocis interceptiones insuper rigentibus, lethales; fereque ii caput dolent. Vocis interceptiones cum exsolutione, in febre acuta sine sudore, sunt quidem lethales; minus vero cum sudore, verum diuturnitatem temporis significant; fortassis autem & qui ex recidiva tale quid patiuntur, tutissimi sunt. Perniciosissime autem ex talibus habent, quibus sanguis ex naribus fluit, & quibus alvi effunduntur. Vox acuta ejulabunda, ac oculorum hebetudo, convulsionem minantur; dolores his ad infernas partes, toleratu faciles sunt. Cum voce tremula, solutio alvi præter rationem; in his moram trahentibus diuturnis, perniciēs est. Frequentes subsoporatæ vocis interceptiones consistentes, tabem prænunciant.

S E C T I O II.

C A P U T IX.

De Respiratione, & de Cervice.

Spiratio frequens quidem & parva, inflammacionem, & dolorem principalium partium significat; magna autem, & per multum tempus, delirium, aut convulsionem. Et frigidus quidem lethalis est; lethalis autem est, & æstuosus, & fuliginosus spiritus; verum minus quam frigidus. Et qui magnus foras expiratur, parvus vero intro; & parvus foras, magnus vero intro, pessimus sane est, & morti propinquus. Itemque protensus, & urgens, & obscurus, & duplici intro revocatio; qualis inspirationem conduplicantibus. Bona autem spiratio in omnibus morbis, qui cum febre acuta sunt, & in quadraginta diebus judicantur, magnum momentum ad salutem habet. Collum durum, & dolens, & maxillarum colligatio, & venarum jugularium palpitatio fortis, & tendinum distensio, perniciosum. Dolores in faucibus gracilibus strangulatorii, a capitis dolore originem trahentes, convulsorii sunt. Frigiditates colli, ac dorsi apparentes, sed & totius corporis, convulsoriæ: in his mictiones fiunt crassiorem farinam referentes. Quibus circa fauces irritamenta sunt, his fere tumores circa aurem erumpunt. Fauces dolentes, (strangulabundæ) graciles, cum ægre tolerabili molestia; perniciosæ cito sunt. Quibus spiritus retrahitur, & vox strangulabunda est, & vertebra intro desidet; his in fine, velut contrahente

quodam, spiritus fit. Fauces modice exasperatæ, & alvus vanis conatibus nitens, frontis dolores, ægri palpando convectantes, cum dolore; quæ ex his augeſcunt, moleſtiam exhibent. Dolores vehementes circa fauces; tumores circa aurem, & convulſiones efficiunt: colli item, ac dorſi dolores. Cum febre acuta convulſiones, pernicioſæ. Colli & cubitorum dolores, convulſorii. A facie autem hi ad fauces procedunt. Pallidi, graciles, ſalivam ſputantes, in his in ſomnis ſudores, boni ſunt. Num & ſudore levare, plurimis non malum eſt? dolores ad infernas partes his toleratu faciles ſunt. In dorſi ac pectoris dolore, mictio cruenta ſuppreſſa cum cruciatu, pernicioſa eſt. Colli dolor, malum quidem in omni febre; peſſimum autem his, quibus metus eſt, ne etiam infaniant. In ſtomachi dolore febriculoſo, alvus turbata, (&) torpida; nigrarum dejectionum ſigna ſunt. Qui cum gracilibus faucibus in acutis dolores, & ſtrangulatus adſunt, nec oſcitant os facile cogitur, quamvis gracili; delirium imminet: ex his phrenitici pernicioſe habent. Fauces exulceratæ in febre, cum alio ſigno difficili, periculoſæ ſunt. In febribus derepente ſuffocari, & deglutire non poſſe, citra tumorem; malum eſt. Collum convertere non poſſe, neque deglutire, ut plurimum lethale eſt.

C A P U T X.

De Hypochondriis.

HYpochondrium molle eſſe convenit, & doloris expers, & æquale; at inflammatum, aut

inæqualiter se habens, aut dolens; signum est ægritudinis non levis. Tumor vero in hypochondriis durus & dolorosus, pessimus quidem est, si juxta omnes partes fuerit; ex his autem, qui ab una parte sunt, minus periculosus est, qui a sinistris est. Significant autem in principio quidem tales mortem citam; si vero viginti dies transmittant, febre manente, suppurationem. Contingit autem his in primo circuitu etiam sanguinis eruptio e naribus, & valde prodest. Plerumque enim his caput dolet, & visus obscuratur; & magis in his sanguinis eruptionem adfore expecta. In ætatibus autem annorum potissimum triginta quinque; verum provectioribus minus. At vero molles, & doloris expertes tumores; diuturniores quidem judicationes faciunt, at minus periculosi sunt. Sed & hi sexaginta dies transgredientes, febre manente, suppurantur. Consimilia vero significant, & tumores circa ventrem, his, qui sunt in hypochondriis, nisi quod minus suppurantur hi, quam illi; minime vero, qui sub umbilico consistunt; & sunt etiam hi quidem in tunica, illi vero sursum diffusi. Lethales autem sunt ex ipsis, quicunque intro rupti fuerint; ex reliquis autem suppurationibus, quæ quidem foras rumpuntur, optimum est, ut in brevissimam & acutissimam molem colligantur; quæ vero intro, ut neque mole, neque dolore, neque colore, foris se manifestas faciant: quod vero contra fit, pessimum est: quedam vero ex his, propter puris crassitudinem, nullam de se significationem præbent. Porro recentes in præcordiis tumores, si non cum inflammatione fuerint, & dolores ab ipsis, solvit murmur in hypochondrio obortum, & maxime quidem si pertransierit per urinæ, & alvi dejectiones; fin

minus, si etiam ipsum pertransierit: prodest autem & devolutum ad inferiora loca. Pulsus in hypochondrio cum tumultu, mentem emovet: & magis si oculi frequenter moveantur. Oris ventriculi dolor, & pulsus hypochondriorum, febre refrigerata, malum; tum alias, tum si insuper exsudarint. Dolores ad hypochondrium irruentes, tum alias mali sunt, cum si alvos profusiores faciant. Pejores autem sunt, si brevi fiant; & tumores circa aurem ex his emergentes, maligni sunt, & aliæ suppurationes. Oris ventriculi dolores cum tormine, ventris animalculæ erumpere faciunt. Oris ventriculi dolor seniores frequenter invadens, mortem repentinam significat. Quibus hypochondria tumescunt, alvo subsistente, malum: maxime autem in morbis tabidis longis, & quibus alvi distillant. (Quibus) in hypochondrio inflammatio suppuratoria est, ante mortem nigra per alvum dejiciuntur. Hypochondriorum distentio cum sopore anxioso, in caput dolente, abscessus circa aurem adtollit. Post hypochondriorum tumorem, biliosis spiratio magna, & febris acuta, abscessus circa aurem adtollit. In dolore hypochondriorum submurmuranti, lumborum dolor superaddens in febribus, ventres ut plurimum humectat; si non flatu eruperit, aut urinæ copia feratur. Ex hypochondrio (sublimi) diutius afflicto, & alvo graveolente, abscessus circa aurem occidit. Quibus ab hypochondriorum doloribus, alvus paulatim subviscosa egerens, pauca stercoracea effundit; num etiam sanguinem profundit? Quibus derepente dum sine febre sunt, hypochondrii & oris ventriculi dolor, & circa crura, ac inferas partes, & alvus in tumorem elevata est; solvit venæ sectio, & alvi fluxio: his febrile noxium est. Lon-

gæ enim & vehementes febres accidunt, & tussis, & spiritus, & singultus fiunt. His autem ad solutionem tendentibus, dolor vehemens coxarum, aut crurum, aut puris sputum, aut oculorum privatio succedit. Quibus dolores hypochondriorum, oris ventriculi, hepatis, partium circa umbilicum; hi sanguine per alvum dejecto, servantur: non autem dejecto, moriuntur. Quibus hypochondria (non) mollia, facies sana, non liberantur citra multi sanguinis ex naribus fluxum, aut convulsionem, aut coxendicum dolorem. Dolores ad hypochondria in febre, voce intercepta, sine sudore soluti, malum est; his ad coxendices dolores fiunt. Circa ventrem in febre palpitationes, mentis emotionem inducunt: sanguinis autem fluxio horrorem efficit. Dolores in febre ad hypochondria adfiliantes, sine sudore soluti, maligni sunt; his ad coxendices dolores fiunt; (&) ipsis una cum febre ardente, alvum deorsum erumpere, perniciosum est. Dolores circa umbilicum cum palpitatione, mentis quidem alienatæ significationem quandam præbent: his autem adveniente crisi, pituita multa cum dolore prodit. Post alvum suppressam, hypochondria sublata, malum; maxime tabescentibus jam diu, & quibus alvi humectantur. Anxietatem in hypochondrio sentientibus, tumores circa aurem aborti ipsos occidunt. Durities circa ventrem cum dolore, in febrientibus cum horrore, cibum averfantibus, si alvo insuper, parum humectata, purgationem non faciant, ad suppurationem res perveniet. Dolor super umbilico, & lumborum dolor, si medicamentis non solvantur, in hydropem siccum desinunt.

CAPUT XI.

De Dorſi, & Lumborum adfectionibus.

DOlores ex lumbis diuturniores, qui febre tertiani generis modo exacerbantur; grumosum sanguinem deicere faciunt. Dolores in lumbis sanguinis fluxionem inducunt. Ex lumborum dolore sanguinis fluxiones largæ sunt. Quibus ex lumborum dolore recursus ad caput, & manus torpidæ, & cardialgia, & aurium sonitus, his sanguis large profluet: sed & alvi his deorsum erumpunt, & mens perturbatur ut plurimum. Ex dorſi dolore morborum principia difficilia sunt. In lumborum dolore intenso, & ampliore alvi subductione, a veratro vomere spumosa multa, juvat. Spinæ perversiõnem cum spirandi difficultate, sanguinis fluxus solvit. In lumbis dolentibus cardialgiæ insuper accedentes, signa sanguinis fluxionis sunt, vel etiam prægressæ. Adfectiones ex lumbis ad collum & caput transeuntes, siderationis modo resolventes, convulsoriæ, mentem turbant. Num tales etiam solvuntur convulsionibus? inde multitudine symptomatum, sibi invicem subeuntium, ægrotant. Ex lumborum doloris recurſu, oculorum distortio, malum. Dolor in pectore firmatus cum torpore, malum: in febre hi repente pereunt. Ex lumborum doloris recurſionibus ad os ventriculi, febriculosis, horrorem inducentibus, revomentes tenuia, aquosa, mente moti, voce destituti, nigrorum vomitu facto, moriuntur. Diuturni circa lumbos, & tenue intestinum dolores, & ad hypochondria labores, si ægri cibos averſentur una cum febre, hos dolor intentus ad caput pro-

gressus repente occidit convulforio modo. Quibus lumborum dolor est, hi male habent. Num his tremores fiunt, & maculae rubentes in rigore? Num lumbos dolentibus, anxiis, non vomentibus, paulisper ferociter desipientibus, spes est, nigra proditura esse? Lumborum dolor in cardialgico, cum exscreatione violenta, habet quid convulforium. Rigor una cum judicatione aliquatenus metuendus est. Lumborum dolor sine causa manifesta saepe invadens, maligni morbi signum est. Lumborum dolor cum sopore inquieto, malum. Lumborum distentio ex muliebrium mensium abundantia, ad suppurationem tendit; & varie prodeuntes, viscosi, graveolentes, strangulatorii (menses) cum praedictis, suppurationem denuntiant. Arbitror autem tales etiam aliquantum delirare. Quibus lumborum dolor, & lateris, sine causa manifesta, hi regium morbum incurrunt.

CAPUT XII.

De Sanguinis eruptione.

Perfrigerationes ex sanguinis eruptionibus in diebus judicatoriis vehementes, pessimae sunt. Sanguinem ex adversa parte erumpere, malum est; veluti in splene magno a dextris, & circa hypochondria eodem modo se res habet. Vulnura sanguinem fundentia, insuper rigentia, maligna; (sic affecti) loquentes latenter moriuntur. Quibus quinto die sanguis large profluxit, sexto novo rigore correpti sunt, septimo perfrigerati, celeriter recaluerunt; iis alvi male afficiuntur. Post sanguinis eruptionem nigrorum per alvum dejectio, mala. Mala autem sunt, & rubicunda valde, &

æruginea; quarto die tales fiunt sanguinis eruptiones. Soporosi ex talibus convulsi moriuntur, nigris prius excretis, & ventre tumefacto. Post sanguinis eruptiones, & nigrorum dejectiones, in acuto surditas, malum. Sanguinis dejectio his perniciofa; surditas autem solvit. Quibus sanguinis eruptiones plures, his temporis progressu alvi male adficiuntur; si non urina concocta prodierit. Num & aquosa urina tale quid significat? Quibus ex sanguinis eruptione larga, frequenti, multa fit nigrorum dejectio, ea autem suppressa, sanguinis fluxus, hi alvum dolent: una vero cum quibusdam flatibus, facile tolerant. Num tales multis frigidis sudoribus exsudent; conturbata in his urina, mala non est, neque id, quod genituræ simile in ipsa residet: verum plerumque hi aquosa mingunt. Quibus de naribus in surditate ac torpore pauca destillant, habent quid difficultatis: vomitus his conducit, & alvi perturbatio. Magnæ in principiis hæmorrhagiæ, circa refectionem alvos humectant. Fluxiones ex naribus largæ per vim suppressæ, quandoque convulsionem provocant; venæ (vero) sectio solvit. Undecimo die contingentes sanguinis destillationes, difficiles sunt; tum alias, tum si bis superstillaverint, & rursus stillaverint. In sanguinis fluxione multa, aut singultus, aut convulsio, malum. In his, qui decolores usque ad septem annos vires colligunt, & (quibus) inter ambulandum spiratio coacervata, & terræ appetitio, (id) sanguinis corruptionem, ac exsolutionem significat. In morbis inveteratis parvæ apparentes sanguinis fluxiones perniciosæ sunt. Vertigines ab initio sanguinis e naribus fluxus solvit. Ex naribus erumpente sanguine, cum exiguis sudoribus perfrigeratione torpida; mala est. Qui alvo suppressa sangui-

nem effundunt, & una cum sanguinis effusione insuper rigent; num his alvum velut ex lienteria lubricam hæc faciunt, duramque, & tenues lumbricos, aut utrumque? Quibus sanguinis fluxiones statim temporibus contingunt, siticulosæ, si sanguinem non fuderint, epileptici moriuntur. Ex hæmorrhoidæ parum apparente, vertigines abortæ, parvam ac modicam siderationem significant; solvit venæ sectio: & quicquid hoc modo apparuerit, mali aliquid significat.

C A P U T XIII.

De Palpitatione, Tremore, & Convulsione.

Palpitanter toto corpore, num etiam voce capti moriuntur? Tremores convulsorii oborientes in sudoribus, reverti solent. Judicatio his fit, ubi superriguerint: superrigent autem hi ardore circa ventrem provocato. Somnus multus in his convulsionem adfert, & frontis adest gravitas, & mictio difficilis. Convulsionem sine febre in strangulatis ab utero, faciles sunt. Cum convulsionibus & sudore sputa defluentia in febrientem, levia sunt: his insuper alvi aliquantum humectantur: fortassis autem & ad articulos aliquid abscedet. Quibus convulsis oculi intente relucet, neque apud seipsos sunt, & diutius ægrotant. Quæ convulsorio modo exacerbantur cum alto stupore; abscessus juxta aurem excitant. Tremulis, anxiosis, parvi juxta aurem tumores convulsionem significant, alvo male affecta. Convulsionem, & nervorum distensiones febris accedens solvit. Convulsio ex vulnere, lethalis est. Convulsio in febre contingens, perniciofa est: minime

vero pteris. Adultiores septem annis in febre non corripuntur convulsione; sin minus, perniciosum est. Convulsionem solvit febris superveniens acuta, quæ prius non fuit; si vero fuit prius, jam exacerbata. Prodest & transitus urinæ vitreæ copiosus, & alvi fluxus, & somni. At repentinas convulsiones solvit febris, (&) alvi fluxus. In convulsionibus vocis interceptio diu durans, malum: parva autem, aut linguæ siccationem, aut brachii, aut dextrarum partium significat; solvitur autem urinis multis confertim, & derepente prodeuntibus. Sudores autem paulatim oborientes, profunt; confertim vero prodeuntes, sanguinisque largæ detractiones lædunt. In nervorum rigoribus, & posteriorum partium distensionibus maxillas solvi; lethale est. Lethale est etiam sudare in posteriorum partium distensionibus, & corpus dissolvi, & in eadem adfectione revomere per nares, aut clamare, aut nugari, si ab initio vox intercepta fuit; in posteram enim diem mortem significat. Febriles in dorsum distensiones, urinæ genitale semen referentes solvunt.

CAPUT XIV.

De Faucium Inflammatione.

ANginæ, quæ neque in collo, neque in faucibus, quidquam conspicuum faciunt; verum suffocationem vehementem ac spirandi difficultatem inducunt, eadem die & tertia occidunt. Quæ vero tumores, & ruborem in collo inferunt; in ceteris quidem consimiles sunt: verum diuturniores. Quibuscunque vero & fauces, &

cervix, & pectus, simul rubuerint; diuturniores sunt, & ex ipsis maxime servantur, si non intro recurrerint rubores. Si vero evanescant, neque tuberculo foras converso, neque pure leviter ac sine dolore excreato, neque in diebus judicatoriis; perniciose sunt. Num etiam suppurati fiunt? securissimum autem est ruborem, & abscessus quam maxime foras converti. Erysipelas vero foras quidem converti, commodum est; intro autem converti, lethale: convertitur autem intro, quum disparente rubore pectus gravatur, & difficilius spirat æger. Quibus vero anginæ ad pulmonem vertuntur; partim in septem diebus pereunt, partim evadentes suppurati fiunt, si non pituitosa sursum educantur. Quibus a forti strangulatu, stercus derepente per alvum secedit, lethale est. In anginis sputa gracilibus faucibus subarida, malum. In anginosis linguæ tumores, citra signa evanescentes, perniciosi; & dolores disparentes citra manifestam causam, perniciosi sunt. In anginis, qui non brevi concocta expuunt, perniciose habent. In angina dolores ad caput sine signis transeuntes cum febre, perniciosi. In angina dolores ad crura sine signis delati cum febre, perniciosi. Ex anginis citra judicationem hypochondrii dolor, cum impotentia ac torpore oboriens, occidit occulte, etiamsi valde belle se habere putent. In angina absque signis gracilescentibus faucibus, dolor vehemens ad pectus, & ad alvum progressus, pus deicere facit; alias aliter tale quid solvitur. In anginis omnia perniciofa sunt, quæ non manifestum dolorem faciunt; sed & ad crura dolores diuturni procedunt, & difficulter suppurantur. Ex angina sputa viscosa, crassa, valde alba, quæ violenter educuntur, mala sunt; & omnis ejusmodi maturatio, mala.

Purgatio multa deorsum, tales levis siderationis modo perimit. Ex angina subarida, frequentia sputa cum tussi, lateris dolorem inducentia, pernicioſa; atque ea, quæ inter potandum per tussim rejiciuntur: & deglutitio violenta, mala.

CAPUT XV.

De Pleuritide, & Pulmonum inflammatione.

Pleuritici, quibus in principio sputationes penitus purulentæ sunt, tertio die moriuntur, aut quinto; si vero has effugerint, non multo melius habentes, septimo, aut nono, aut undecimo suppurari incipiunt. Quibus pleuriticis in dorso rubor excitatur, & humeri caleſcunt, & alvus bilioſis ac graveolentibus exturbatur, hi primo & vigeſimo die periclitantur; ubi vero hos effugerint, ſervantur. Pleuritides ſiccæ, ac ſine ſputo, difficillimæ ſunt. Metuendæ quoque hæ, in quibus dolores ſuperne ſunt. Pleuritides ſine divulſionibus, graviores ſunt his, quæ cum divulſionibus ſunt. Quibus pleuriticis in principio lingua bilioſa fit, hi ſeptima die judicantur; quibus autem tertia aut quarta die, circa nonam. Bulla ſublivida oriente in lingua, in principio, qualis eſt ferri tincti in oleum, difficilior ſolutio contingit; & judicatio quidem ad decimum quartum diem pervenit, ſanguinem autem plerumque ſpuunt. Sputum in pleuriticis tertia die maturari ac exſpui incipiens, celeriores ſolutiones facit; verum poſterius, tardiores. In pleuritide affectis, dolores (&) alvum molliri utile eſt, ſputa colorari, ſtrepitus in pectore non fieri, urinam bene procedere: his autem contraria, difficilia

sunt; itemque sputum dulce fieri. Biliosæ simul & sanguinæ pleuritides, plerumque nono aut undecimo die judicantur, & maxime sanantur. Quibus autem pleuriticis in principio quidem dolores molles sunt, quinto vero aut sexto die exacerbantur, hi magis ad duodecimum perveniunt, & non valde servantur; periclitantur autem maxime septimo die ac duodecimo. Ubi vero his septem dies effugerint, servantur. Quibus pleuriticis strepitus sputi multus in pectore est, & facies tristis, & oculus aurigine suffusus, ac caliginosus, hi pereunt. Qui ex pleuritide suppurati sunt, in quadraginta a ruptione diebus expuunt. Sputum in omnibus pleuriticis ac peripneumoniacis facile ac cito expui convenit, & flavum sputo (exacte) permixtum esse. Quod vero longe post dolorem educitur flavum, aut non (exacte) mixtum, & multam tussim inducens, pejus est. Pravum autem penitus est flavum purum, & lentum, & album, & rotundum, & cum virore pallidum valde, & spumosum, & lividum, & æruginosum; pejus autem aliquanto est id, quod ita purum est, ut nigrum appareat. At sanguine non multo permixtum flavum, in principio quidem salutare est, septimo vero die, aut posterius, minus tutum; cruentum vero valde, aut lividum, statim in principio, periculosum est. Prava sunt etiam sputa spumosa, & flava, & nigra, & æruginosa, ac viscosa, & quæcunque cito colorantur; at mucosa ac fuliginosa, & cito colorantur, & securiora sunt. Quæ vero intra quintum diem ad coctionem colorantur, meliora sunt. Omne porro sputum non solvens dolorem, malum est; solvens autem, bonum. Quicunque vero cum bilioso purulentum educunt, aut seorsim, aut permixtum, plerumque decimo quarto

quarto die moriuntur, si non mali aut boni quippiam ex præscriptis superveniat; sin minus, ex proportionem, maxime autem his, quibus ejusmodi pūs septimo die incipit (expurgari). Bonum vero est & in his; & in omnibus circa pulmonem morbis, facile ferre morbum, a dolore liberatum esse, sputum facile educere, bene spirare, & sine siti esse; & totum corpus æqualiter calefcere, ac molle esse, & ad hæc somnos, sudores, urinas, alvi dejectiones, bonas esse. Mala autem sunt his contraria; siquidem igitur omnia bona ad hoc sputum accesserint, servari (homo) poterit. Si vero partim adfuerint, partim non (haud) ultra decimum quartum vita producta peribit; quod si contraria signa accedant, citius etiam. Quicumque vero dolores in his locis non sedantur, neque exspuitione, neque venarum sectione; ac victus ratione, ii suppurantur. Quibuscunque autem ex peripneumonia abscessus circa aurem, aut ad inferas partes fiunt, & suppurantur; ac fistula facta aperiuntur, hi evadunt. Fiunt vero iis, quibus & febris, & dolor adfuerit, & sputum pro ratione (non) prodierit; neque biliofæ alvi dejectiones, sed solutu faciles, ac meracæ fiunt, neque urina crassa valde, & multum sedimentum habens, & alia salutaria habuerit signa. Fiunt autem ad infernas quidem partes his, quibus circa hypochondria inflammatio fit; ad supernas vero; quibus hypochondria mollia, & doloris expertia fuerint, & ubi per tempus aliquod difficulter spiraverint, ac citra manifestam causam cessaverint. At abscessus ad crura in periculosis inflammationibus pulmonis, omnes quidem utiles sunt; optimi autem, si sputum purulentum pro flavo fuerit. Non procedente vero sputo secundum rationem, neque urina bonum sedimentum

habente, periculum est claudum fore hominem, aut multum molestiarum rem exhibituram. Si vero intro recurrerint abscessus, febre comitante, & sputo non procedente, periculum est; ne moriatur, ac deliret. Quicumque vero peripneumonici non purgati sunt iudicatoriis diebus, sed mente moti quatuordecim dies effugerunt; eos periculum est suppuratos fieri. Peripneumonice ex pleuritide transmutate, subtiliores sunt his, quæ ab initio fiunt. Corpora exercitata ac densa, citius a pleuriticis ac peripneumoniciis morbis pereunt, quam inexercitata. Gravedines, & sternutationes in morbis circa pulmonem, & antecessisse, & succedere, malum est. Reliquis autem sternutatio non incommoda est. Peripneumoniciis, quibus lingua tota alba ac aspera fit, ambæ pulmonis partes inflammatae sunt; quibus vero dimidium, una, juxta quam apparet. Et quibus ad (unam) claviculam dolor fit, his superna pulmonis ala una ægrotat; quibus autem ad ambas claviculas dolor fit, ambæ supernæ pulmonis alæ ægrotant, quibus juxta mediam costam, media; quibus ad septum transversum, inferna; at totam unam partem dolentibus, omnia juxta hanc partem dolent. Si quidem igitur aortæ dictæ, utrinque suspensæ pulmonis partes, valde inflammatae sunt, ut ad latus adsideant, hac corporis parte resolvuntur, & livores foris circa costam fiunt. Hos autem veteres ictos, sive sidere percussos vocabant. Si vero non valde inflammatae sunt, ut non adsideant, dolor quidem fit per totum, non tamen resolvuntur, neque livores habent. Quibus vero totus pulmo inflammatus fuerit una cum corde, ut ad latus adlabatur, hi toti resolvuntur, & jacet æger frigidus, sensus expers, moriturque secundo, aut tertio die. Si vero etiam intacto corde

Contigerit; & minus, diutius vivunt; nonnulli vero etiam servantur. Qui suppurati sunt maxime ex pleuritide ac peripneumonia; eos calores comitantur, interdium tenues, noctu vehementiores, & nihil memoratu dignum spūunt, & circa collum ac claviculam sudant, & oculi cavi sunt; malæ vero rubent; his digiti quidem manuum summi calefcunt, ac scabri redduntur, ungues autem adunci fiunt; ac ipsi perfrigerantur, & circa pedes tumores habent, & per corpus pustulas, & abstinent a cibis. Diurnæ igitur vomiciæ signa hæc habent; quæ vero brevi rumpuntur; ex notis ad eas consequentibus cognoscere oportet; & ex doloribus in principio, simul autem; & si aliquanto difficiliter spiraverit æger; rumpuntur autem plurimæ vomiciæ; partim vigesimo die, partim quadagesimo, partim sexagesimo. Quibus igitur dolor in principio incumbit intensus, & spirandi difficultas, & tussis cum sputatione, ad vigesimum diem, aut citius, eruptionem expecta; quibus autem leviora hæc sunt, (sepius) pro ratione. Supputare autem oportet tempus, a quo primum doluit; aut gravatus fuit; aut febriit, aut si quando rigor corripuit. Necessè est autem præcedere & dolorem, & spirandi difficultatem; & sputationem ante ruptionem. Quibus igitur & febris statim post ruptionem abscedit, & cibum appetunt, & pus facile educitur album, inodorum, leve, ejusdem coloris, & sine pituita, & alvus parva; & compacta dejicit, plerumque brevi servantur; quos vero & febres sequuntur, & sitis, & cibi fastidium, & pus lividum, aut cum virore pallidum, aut pituitosum, aut spumofum, & alvus insuper liquida fit, moriuntur. At quibus aliqua ex prædictis accesserint, aliqua secus, horum aliqui pereunt, aliqui multo tem-

pore fervantur. Qui suppurati futuri sunt, primum falsuginosum spuunt, deinde dulcius. Quibus in pulmone tubercula fiunt, pus educunt ad dies quadraginta post ruptionem; has vero transgredientes plerumque tabidi fiunt. In lateris dolore stillatio sanguinis de naribus, mala est. Quos suppuratos mitius habentes, sputorum graveolentie sequuntur, eos recidiva perimit. Qui ex pleuriticis exspuunt purulenta, subbiliosa, rotunda, aut purulenta subcruenta progressu temporis, perniciose habent; perniciose quoque, qui nigra falsuginosa spuunt, aut quibus velut a vino nigro sputa fiunt. Quicumque spumosum sanguinem spuunt, dextrum hypochondrium dolentes, de hepate spuunt, & multi pereunt. Quibus, dum concutiantur, pus coenosum, & graveolens prodit, plerumque pereunt. Quibus a pure specillum coloratur, velut ab igne, plerumque pereunt. Cum lateris dolore, non tamen pleuritico, levis adest, aut modica perturbatio, hi phrenitici evadunt. In morbis pulmonis valde rubicundæ sanguinis stillæ, malæ sunt. Cum raucedine, sputa glutinosa, & falsuginosa mala; si vero etiam quid adtollatur in pectore, in his malum est. Dolores ad collum, his adtenuatis, perniciosi. Raucedo cum tussi & alvo liquida, pus educit. Quibus in peripneumonia urinae in principio crassæ, deinde ante quartum diem tenues fiunt, lethale est. Qui in peripneumoniis siccis pauca concocta educunt, iis timendum est. Rubores in pectoribus parum diffusi, talibus perniciosi sunt. Lateris dolor in sputo bilioso, præter rationem evanescens, mentem emovet. Febres intermittentes ob suppurationem, pleræque sudorificæ sunt. Suppuratis surditas oborta cruentam dejectionem denunciat; his sub mortem nigra egeruntur. Lateris dolor cum fe-

bre diuturna, puris eductionem fore significat. Horrore adfecti frequenter ad suppurationem deveniunt; sed & febris talem ad suppurationem perducit. Quos ex lateris dolore cibi fastidia sequuntur, cardialgici aliquantulum sunt, ac sudore vexantur; ubi facies florescit, & alvus liquidior est, ibi suppurationes circa pulmonem sunt. Erectæ cervicis spirationes facit hydrops siccus. Convulsiones omnes quidem molestæ sunt, & dolores in principio intensos inducunt, & postea quoque alios fore denunciant; verum difficillimæ sunt circa thoracem, & maxime periculosæ, quibus est vomitus sanguinis, febris multa, & dolor circa mammam, thoracem, & dorsum; quibus hæc omnia quidem adsunt, continuo moriuntur, quibus autem non omnia, neque valde, tardius; inflammati autem manent diebus quatuordecim ad summum. Sanguinem spucentibus confert, ut sint sine febre, & tussiant, ac doleant leviter, & ut sputum crassescat ad dies bis septem; febrile vero, & tussire, ac dolere vehementer, & sanguinem recentem semper spueri, incommodum est. Quibus latus sublatum in tumorem, ac calidius est, & inclinatis in alterum, gravitas aliqua impendere videtur, his pus ex una parte collectum est. Suppuratis in pulmone per alvum pus secedere, lethale est. Quicumque vulnerati in thorace, externa vulneris parte sanati sunt, interna non periclitantur, ne suppurati fiant; quibus autem debilis effecta est intus cicatrix, facile rescinditur. Ex peripneumonicis suppurationibus seniores magis pereunt, ex reliquis juniores. Quibus suppuratis humeris concussis, multus editur strepitus, minus puris habent hi, quam quibus paulo difficilior est spiratio, & meliorem colorem habent. Quibus autem strepitus quidem nullus fit,

verum difficultas spirandi vehemens, & ungues lividi, ii pleni sunt pure, & perniciose habent.

CAPUT XVI.

De Phthisi, & Hepatide.

Qui spumofum sanguinem vomunt, dolore infra septum transversum non existente, ex pulmone vomunt; & quibus quidem magna in eo vena rumpitur, multum vomunt, & in periculo versantur; quibus vero minor, minus educunt, & securiores sunt. Quibus tabidis sputum igni injectum gravem nidorem olet, & capilli ex capite defluunt, pereunt. Quibus tabidis in marinam aquam exspuentibus, pus ad fundum fidit, brevi pereunt; sit autem marina aqua in æneo vase. Quibus tabidis capilli ex capite defluunt, alvi profluvio moriuntur; & quibus tabidis alvi profluvia accedunt, moriuntur. In tabescentibus sputa suppressa, mentem ad nugax delirium emoveant; his spes est hæmorrhoidem apparere posse. Tabes periculosissimæ sunt, a ruptione venarum crassarum, & a destillatione capitis. Ætates tabis periculo maxime sunt obnoxie ab anno decimo octavo usque ad trigessimum quintum. Prutiginosa corpora post alvum suppressam in tabidis mala sunt. In habitu tabido cum febre, fluxiones, quæ ad gingivas & dentes comparent, male sunt. In omnibus in tumorem elevata hypochondria, mala sunt, in tabidis autem ex longo intervallo pessima. Ex his, qui diutina tabe perniciose consumpti sunt, aliqui ante finem rigoreprehendantur. Pustularum eruptiones velut cute lancinata, habitus tabem significant. Difficulter spirantes a siccitate,

multa cruda educentes in tabe, perniciose habent. Quibus hepaticis multum est sputum cruentum, sive subputridum, sive biliosum meracum, statim exitiale est. Hepatico colliquatio cum raucedine, malum; tum alias, cum si aliquantum tussiat. Quibus hepar dolet cum cardialgia, sopore, rigore, si alvo turbata, extenuati, cibum averfant, multum exsudantes, purulenta per alvum dejiciunt. Hepar derepente circumcirca dolentibus, febris accedens solvit. Qui spumofum sanguinem spuunt, hypochondrium dextrum dolentes, ex hepate spuunt, & moriuntur. Quibus ex hepatis ulatione (pus) amurcæ simile prodit, lethale est.

S E C T I O III.

C A P U T XVII.

De Aqua inter cutem.

HYdropes ex morbis acutis molesti fiunt, ac perniciosi. Incipiunt autem plerique ab ilibus, aliqui etiam ab hepate. His igitur, quibus ab ilibus initium sumunt, pedes tument, & alvi profluvia diuturna sequuntur, alvum non mollientia, neque dolores ex lumbis & ilibus solventia. Quibus vero ab hepate, tussis & cupiditas tussendi oboritur, & pedes tument, & alvus dura egerit, eaque coacta, & tumores circa ipsam fiunt, partim in dextra, partim in sinistra (consistunt) ac rursus sedantur. In hydropicis siccis, urinae stillicidia, mala; malæ etiam urinae exigua sedimenta habentes. Hydropicis comitiales morbi

accedentes, perniciosi sunt, iis invicem succedentibus signis, & alvos humectant. In biliosis alvus turbata, dejiciens parva genituræ similia, mucosa, & dolorem circa pubem inducentia, & urinae non facile solubiles prodeuntes, ex talibus in hydropem desinunt. Hydropico febrienti, urina exigua & turbata, perniciosa est. In hydropo incipiente, alvi profluvium aquosum oboriens absque cruditate, morbum solvit. In hydropo sicco sui significationem præmittente, tormina circa intestinum tenue incipientia, mala sunt. Ex hydropicis comitiales, perniciosi. Hydrops, qui remediis cedens, recurrit, desperatus est. Hydropicis aqua, quæ in venis est ad alvum erumpente, solvitur morbus.

CAPUT XVIII.

De Dysenteria, & Lienteria.

DYsenteria intempestive suppressa abscessus in costis, aut visceribus, aut in articulis facit; num igitur biliosus abscessus in articulis, sanguineus in costis, aut visceribus fit? Dysentericis vomitus biliosus in principio, malus est. Quibus ex dysenteria sæva, humor ad purulentiam devenit; his id, quod superstat, valde album ac multum erit. Dysentericæ, subrubræ, limosæ, largæ dejectiones alvi, in flammis valde rubicundis coloribus solutæ, infantiæ timorem inducunt. Dysenteria non longa lienosis commoda est, longa vero mala; desinente enim, si hydropes, aut lientericæ fiunt, lethale est. In lientericis cum lumbricis, dolores tormine soluti, partes circa articulos tumefaciunt; ex talibus squamule rubi-

eundæ pustulosæ, hi, ubi exudarunt, velut flagris cæsi rubescunt. Qui in diuturnis lenteriiis, una cum lumbricis, tormina patiuntur, & doloribus afficiuntur, his solutis intumescunt. Insuper rigere his malum est. Lienteriæ cum spirandi difficultate, & lateris punctura, in tabem desinunt. Volyulosis vomitus, & surditas, malum.

CAPUT XIX.

De Vesicæ Morbis.

VESICÆ autem duræ & graviter dolentes, omnino quidem malæ sunt, pessimæ vero cum febre continua; nam dolores ab ipsis orti, ad occidendum sufficiunt, & alvi his nil fere dejiunt. Solvit autem hos urina purulenta prodicens, album ac leve sedimentum habens. His vero non solutis, neque vesica mollescente, in primis circuitibus, ægrum moriturum esse timor est; fit autem hoc maxime his a septimo anno usque ad decimum quintum. Calculosi ea figura positi, ut lapis ad urinarium meatum non illabatur, facile mingunt. Quibus tuberculum est circa vesicam, mejendi difficultatem inducens, quocunque ponantur situ, vexantur; hujus autem solutio fit, pure erumpente. Quibus incogitantibus urina prodit ac pudendum contrahitur, desperati sunt. In urinæ stillicidio volvulus accedens, septima die perimit, nisi affatim febre accedente urina prodeat.

C A P U T XX.

De Apoplexia, Paralyfi, & Paraplegia. De Melancholia, & Mania.

TOrpores, & sensus stupiditates si forte inciderint, futuræ siderationis signa sunt. Qui ex vulnere impotentes fiunt corpore, febre quidem accedente citra rigorem, sanantur; non autem accedente, apoplectici fiunt dextra aut sinistra parte. Apoplecticis si hæmorrhoides accedant, utile est; si vero frigiditates & torpores, malum. In apoplecticis ex spiritus molestia, sudor accedens, lethale; rursus autem in his ipsis si febris accedat, solutio fit. Apoplexiæ, quæ repente contingunt, si insuper febris mediocris accedat, quæ diutius trahat, perniciem minantur. Quibus ex aliqua ægritudine, ad hydropem res devenit, his alvi siccæ caprinis stercorebus similia dejiciunt cum eliquatione mucosa, & urina non bona; & distensiones circa hypochondria, & dolores circa ilia, & juxta spinæ musculos incidunt; febres quoque, & sitis, & tussis siccæ sequuntur, & ad motiones spirandi difficultas, & crurum gravitas, & a cibis abstinere, & paucis ingestis explentur. Hydropes (leucophlegmatias appellatos) alvi profuvium sedat. At tristitiæ cum silentio, & hominum averfationes, ferè eos conficiunt. Quibus a metu febris vacuo, ad furorem egressio est, id febres cum sudoribus, & somni arctiores, nec turbulenti exsolvunt. Ex insania ad raucedinem, cum tussi, fit transitus. In furiosis convulsio accedens, oculorum aciem retundit. Mentis emotiones taciturnæ, non quiescentes, oculis circum-

spicientes, spiritum efflantes, perniciose sunt. Faciunt autem & diuturnas partium resolutiones; sed & ita affecti vehementer insaniant. Qui vero in ventris turbatione ita exacerbantur, his nigra circa judicationem prodeunt.

CAPUT XXI.

De Lumborum Frigore; de Phymatibus & Pblebotomia.

Quibus sanis hyeme circa lumbos frigus, & gravitas ex levi causa, & alvus suppressa, superiore ventriculo probe officium suum præstante, his coxendicium morbus aut renum dolor, aut urinæ stillicidium fortassis continget. Quibus infernæ partes affliguntur, pruritibus antea vehementibus obortis, his arenosa urina redditur, & supprimitur; qui vero ex his perniciose habent, his mens obtorpescit. Qui circa articulos prærubras pustulas habent superficiarias, insuperque rigorem, hi circa ventrem & inguina rubescunt, cœu dolentibus indictis plagis, & moriuntur. Morbo regio affectis, nec admodum sentientibus, quibus singultus adest, his alvi erumpunt, fortassis autem & suppressio fit; hi viridi pallore inficiuntur. Lateris dolores in febribus æqualiter consistentes sine signis, venæ sectio lædit, sive cibum aversetur æger, sive hypochondrium sublatum habuerit; & in perfrigeratione non sine febre torpidos sanguinis detractio lædit; & putantes se melius habere, hi moriuntur.

CAPUT XXII.

De Prognostico omnibus totius corporis morbis communi.

CAput & pedes, & manus perfrigerari, alvo & lateribus calidis, malum est. Optimum autem est, totum corpus similiter calidum ac molle esse. Converti autem convenit facile ægrotum, & in adtollendo se levem esse. At gravitas totius corporis, & manuum ac pedum, mala est. Si vero etiam cum gravitate lividi fiant digiti ac ungues, mors propinqua est. Si penitus nigrescant, minus perniciosi sunt lividis. Verum etiam alia considerare oportet; si enim facile fert morbum, & aliud quoddam ex bonis signis subindicat, morbus in abscessum vertitur, & partes corporis nigrefactæ decidunt. Testes & pudendum retractum, malum significant. Flatum sine strepitu (ac) crepitu prodire, optimum est. Melius autem est & cum strepitu exire, quam isthic revolvi, etiam si tali modo progressus dolorem, & desipientiam significet; nisi sponte (homo) flatum ita emittat. Ulcus lividum & siccum, aut pallidum, lethale est. Decubitus optimus est, velut quis sanus solitus fuit; at supinum jacere, cruribus extensis, bonum non est. Si vero etiam delabatur deorsum ad pedes, deterius est. Lethale autem est hiare, & dormire semper, & crura supine jacentis valde contracta esse ac divaricata. In ventrem autem decumbere, si quis non consuevit, delirium significat, & dolores circa ventrem. At pedes nudos habere & manus, si quis non vehementer calidus sit, & crura disjecta, ma-

lum est : anxietatem enim significat. Ceterum erectum sedere velle, malum est in acutis; pessimum autem in peripneumonicis ac pleuriticis. Dormire vero oportet noctu, interdiu vigilare; contrarium autem, malum est. Minime vero lædi æger poterit, si dormiat mane ad tertiam diei partem; verum postea somni mali sunt. Pessimum autem est non dormire, neque interdiu, neque noctu; aut enim præ dolore & incommodo vigilarit, aut ab hoc signo delirabit.

CAPUT XXIII.

De validis Læsionibus, & Vulneribus, Fistulis, & Morbis ætatum.

Quibus tempora secantur, convulsio ex contrariis sectioni partibus oboritur. Quibus cerebrum concussum fuerit, & doluerit percussis, aut alias lapsis, hi statim voce privantur, & neque vident, neque audiunt, & plerumque moriuntur. Quibus cerebrum vulneratur, febris plerumque ac bilis vomitus accedit, & corporis sideratio; atque tales perniciose habent. Ex ruptis capitis ossibus, difficillima cognitu sunt ea, quæ circa futuras rumpuntur; rumpuntur autem maxime a gravibus ac rotundis telis, & ex his, quæ ex contrario feruntur, & non ex plano loco. At vero, de quibus ambiguum est, ruptane sint an non, judicare oportet, exhibito ad manducandum in utramque maxillam asphodeli caule, aut ferula, ita ut animadvertere jubeas, an os aliquod ipsi strepere videatur; nam fracta strepere videntur; progressu vero temporis fracta partim septi-

mo, partim decimo quarto, partim etiam aliter significationem præbent. Nam & caro ab ossæ abscedit, & os livescit, & dolores sanie effluente, cientur; hæc autem ægræ jam auxilium admittunt. Quibus omentum excidit, necesse est putrescere. Si quod intestinum ex tenuibus dissectum fuerit, non coalescit. Nervus dissectus, aut genæ tenuis pars, aut præputium, non coalescit. Quodcunque os in corpore resectum fuerit, aut cartilago, non augefcit. Ad vulnus convulsio accedens, mala est. Vulneri bilis vomitus superveniens, malum; & maxime in capitis vulneribus. Nervi crassi si vulnerantur, plerumque claudos reddunt; maximeque si oblique vulnerantur, & si musculorum capita, maxime in femoribus. Moritur maxime ex vulneribus, si cui cerebrum sauciatur fuerit, aut spinalis medulla, aut hepar, aut septum transversum, aut cor, aut vesica, aut veræ aliqua crassa. Moritur autem etiam, si in arteriam & pulmonem vehementes plagæ inflictæ sint, ita ut pulmone percusso, minor spiritus per os procedat, quam is est, qui ex vulnere elabitur. Moriuntur autem & ii, quibus interiores nervi vulnerati sunt, si ex tenuibus aliquis, si ex crassis vulneratus fuerit; si per transversum fiat plaga, & magna; si vero parva & recta, quidam evadunt. Minime vero moriuntur vulnerati in partibus corporis, ubi hæc non sunt, aut ab his quam longissime absunt. At vero visus obscuratur in vulneribus incussis in supercilium, & paulo altius. Prout autem vulnus recentius est, maxime vident: cicatrice vero diutius tardante ac senescente, magis obscurari contingit. Fistulæ difficillimæ sunt, quæ in cartilaginosis & excarnibus locis nascuntur, & cavæ sunt, & longius excurrunt, ac sanie manant semper, & caruncula in

osculo ipsis inest. Curatu autem faciliores sunt; quæ in mollibus, & carnosis locis & non nervosis oriuntur. Hi morbi ante pubertatem non incidunt; peripneumonia, pleuritis, podagra, nephritis, varix circa tibiam, fluxus sanguineus, cancer non congenitus, vitiligo albicans non cognata, defluxus in medullam spinalem, hæmorrhoids, volvulus (chordapilus appellatus) non congenitus. Horum morborum nullum ante pubertatem fore expectandum est. Verum ab anno decimo quarto usque ad quadragesimum secundum, naturâ corporis morborum omnis generis ferax fit. Rursus ab hac ætate, usque ad annos sexaginta tres, non sunt strumæ, neque lapis in vesica, nisi prius exstiterit; neque destillatio dorsalis, neque nephritis, nisi ex alia ætate comitentur; neque hæmorrhoides, neque fluxus sanguineus, nisi prius adfuerit. Hi usque ad senectutem absunt morbi.

C A P U T XXIV.

De Morbis Mulierum.

IN muliebribus purgamentis, quæ aquosa ante partus prodeunt, malâ sunt. Serpentina oris ulcera gravidis non sunt bona. Num & alvi humectantur? Dolores ex ilibus ad intestinum tenue transeuntes, in morbis diuturnis, ex abortu, neque valde purgata muliere, perniciosi sunt. Quæ ex partu ac abortu multa repente concitata, supprimuntur, difficilia sunt. Rigor his infestus est, & alvi turbatio; tum alias, cum si hypochondrium doleant. Uterum gestantibus dolores capitis cum sopore & gravitate, ac convulsione obor-

ti, plerumque mali sunt. Quibus dolores intensi ex mensibus; circa supernam partem, & intestinum tenue, ex alvo sunt liquida cum levi anxietate; his circa judicationem propensiones in somnum fiunt, & impotentes, ex capitis dolore exsudent, ac perfrigerantur. Tales recidivæ plerisque contingentes post remissionem; cito interimunt. Spiritus, qui cum suspiriis foras feruntur, & colliquatio præter rationem in uterum gestantibus, abortum faciunt. Dolor ventris post partum, in his purulenta expurgat. Torpidæ; præcipueque ad motiones impotentes, & fractæ, circa judicationem exagitatæ, anxie, multum exsudent; alvi his humectatæ malum. Menses vero non supprimi commodum est; ex talibus comitiales morbi fiunt, ut arbitror, quibusdam vero ventris subductiones diuturnæ, quibusdam hæmorrhoides. Prægnantibus hypochondrii dolor, malum, & alvi his euntes, malum; insuperque rigere, his malum. Dolor ventris in talibus, minus malum, si limosa purgentur; quæ ex talibus facile pariunt, post partum vehementer molestantur. Prægnantibus tabescentibus, quibus rubor in facie fit, stillationes de naribus abortæ hunc avertunt. Quibus ex partu prodeunt alba, his vero suppressis cum febre surditas, & dolor acutus ad latus fit, mente moventur, & perniciose habent. In gestantibus uterum falsuginosa; significant post partum molestias ex albis mordacibus. Tales purgationes duritiem adferunt; singultus in his, malum, & uterorum procidentia, quæ & una interficit. Ad pedes & ad lumbos distensiones ex mensibus, suppurationem inducunt, itemque varia viscosa, graveolentia, quæ cum dolore prodeunt; strangulationes quoque ex præscriptis suppurationem faciunt. Uterinæ ventris durities cum

cum dolore, acute perniciosum. In uterum jam gestantibus serpentina oris ulcera fluxiones cum dolore excitantes, malum; hæmorrhoids his pessimum. Quibus alvo tumefacta; ad pudendum rubor devenit, mensibus albis humidis derepente progressis; in longis febribus moriuntur. Convulsionis, si menses in principio apparuerint, febre non accedente, solutio fit. Urinæ tenues cum aliquantula nubecula in medio consistente, rigorem significant. Si a quarto die sanguinis fluxus fiat, diurnitatem significat, & alvus crumpit, & crura tumescunt. Uterum gerentibus capitis dolores cum sopore & gravitate contingentes, mali sunt; forte autem hæc una etiam (convulsionibus) quibusdam sunt obnoxia. Quæ ante partum, in modum cholerae morbi, doluerunt, facile quidem pariunt; verum si febricitent, malignæ habent; tum alias, cum si circa fauces quid vexet, aut aliquod signum in febre malignum appareat. Aquosa ante partus erumpentia, mala. Uterum gestantibus falsuginosæ ad fauces fluxiones, malum. Ante partum rigorem habere, & partus citra dolorem, periculosi. Gravidis fluxiones cum serpentibus oris ulceribus, malum; convulsæ, exsolutæ; & postea perfrigeratæ, excalescunt celeriter. Sed & difficiles sunt prægnantibus tumores circa tenue intestinum, quales circa scrotum contingunt (tumores) erectæ cervicis spirationem inducentes. Num tales tumores gemellorum partum significant? Num & convulsionem tales tumores faciunt? Quæ suspiriosum efferant spiritum in febribus, abortum adferunt. Horrorem habentibus, lassitudine adfectis, capite gravatis, menses erumpunt. Ad manuum contactum torpidæ, peraridæ; sitis expertes, menses multos emittentes, suppuratæ fiunt. Si alba derepente ex ab-

ortu decurrant, si aliquid rigoris accedat, & in femur impetus fiat, tremor molestus est. Serpentina oris ulcera uterum gestantibus alvos humectant. Prægnantes, quæ ante partum ægrotant, subinde rigore corripuntur. Cum torpore exsolutiones, difficiles quidem ex partibus contingunt, & mentem emovent, non tamen perniciosæ, sed & mensium copiam præsignificant. Quæ in partu os ventriculi prædolere, paulo post fetum ejiciunt. Horrores, lassitudines, capitis gravitates, colli dolores, menses erumpere faciunt; circa judicationem tale contingens cum tussicula rigorem insuper inducit. Quæ puellæ erectæ cervicis spiratione vexantur, his uterum gestantibus, mammæ suppurantur; & menses apparere in principio, malum est. Infantie febres acutas turbulenta non bilioso cardialgico solvunt. In sterilibus sanguinis vomitus ad conceptionem prodest. Caligines oculorum mensibus multis comparentibus solvuntur. Quibus mulieribus ex febribus dolor mammarum fit, sputatio cruenta non faculenta oborta solvit dolores. Convulsiones in correptis uteri suffocatione sine febre, faciles sunt; velut etiam Dorcadi. Quibus ex rigore febris cum lassitudine adest, menses decurrunt; collum in his dolens sanguinis eruptionem indicat.

CAPUT XXV.

De Vomitibus.

VOMITUS minime molestus est pituita ac bile permixtus; verum ne valde multum vomatur. At vomitus meraciores, deteriores sunt. Por-

raccus vero vomitus, & niger, & lividus malus est; si vero etiam omnes colores idem vomuerit, perniciosum est. Celerrimam autem mortem significat lividus, & male olens. Est etiam lethalis ruber vomitus, & maxime si magna vi & dolore vomatur. Qui anxie se jactantes, citra vomitum exacerbantur, male habent; itemque, qui vellicantur citra vomitum. Parvi vomitus, biliosi, mali sunt; tum alias, cum si vigilaverint. In nigris vomitibus surditas non nocet. Pauci, celeres, biliosi, meraci vomitus, mali sunt; (tum alias, tum) in alvi subductione uberiore, & intenso lumborum dolore. A vomitibus, fastidia, vocis clangores, oculi concretionem lanuginosam habentes furorem nunciant; vehementer insanientes, voce capti, moriuntur. In vomitu, si quis siticulosus sit, & sitis expers fiat, malum est. Abscessus juxta aurem maxime fiunt anxiosis vigilantibus. Anxiis, si alvi turbatae suppressio, brevi velut culicum puncturae efflorescunt, & ad oculos lachrymosus abscessus devenit. In meracis vomitibus singultus, malus; mala etiam convulsio. Similiter etiam in nimis purgationibus ex medicamentis. Qui vomituri sunt, iis antea os crebra salivatione impletur. Ex veratro convulsio, perniciofa. In omni purgatione redundante, frigus cum sudore, perniciosum; & in his, qui subinde revomunt siticulosi male habent. Anxiosi vero lumbos dolentes, alvo humectantur. Prærubrorum (aut) nigrorum purgationes a veratro, malæ sunt; & cum talibus virium exsolutio mala. A veratro vomere rubicunda, spumosa, pauca, prodest; facit tamen duritias, & puris intus collectiones magnas eximit. Sunt autem hi, qui talia vomunt, alias & pectore dolentes, & in rigoribus exsudantes, & testes intumescunt; quod si contigerit, insuper

rigent, & gracilefcunt. Frequentes per eadem recidivæ vomitoriæ circa crifim nigrorum vomitum faciunt: quin etiam tremores adferunt.

CAPUT XXVI.

De Sudoribus, & Urinis.

Sudor optimus quidem eft, qui febrem in die judicatorio folvit: utilis autem eft & qui levat; frigidus vero, & circa caput folum ac collum contingens, malus eft; nam & temporis diuturnitatem, & periculum fignificat. At frigidus fudor in febre quidem acuta, lethalis eft; in mitiore vero, diuturnitatem fignificat. Sudor una cum febre in acuto morbo, malus eft. Urina in febre album & læve depositum habens fedimentum, celerem liberationem fignificat; celerem etiam ea, quæ ex confufa quid pingue oftentans aquæfcit. At fubrubra, & fedimentum fubrubrum habens & leve, fi quidem ante feptimum diem prodeat, feptimo die liberat; poft feptimum vero tardius, aut omnino poft tempus aliquod diuturnius. Et quæ in quarto die nubeculam fubrubram habet, feptimo liberat, fi reliqua juxta rationem habeant. Ceterum tenuis & biliofa, & vix glutinofum fedimentum habens, & quæ ad melius, ac deterius mutatur, diuturni morbi eft; hæc autem diutius confequens, aut temporis diuturnitate circa judicationem trahente, periculo non vacat. Aquofa vero & alba perpetuo, in diuturnis morbis difficilem facit judicationem, & fecura non eft. Nubeculæ in urinis albæ quidem & fundum verſus, utiles; rubicundæ vero & nigrae, ac lividæ, pravæ. Periculofa urina eft bi-

liosa, non subrubra, in acutis; & quæ crassiorē farinam cum albo sedimento refert, & quæ varia est colore ac sedimento, & maxime in fluxionibus de capite. Periculosa est & quæ ex nigra in tenuem biliosam transmutatur, & quæ ex sedimento divellitur; & quæ ex compactis quibusdam innatantibus, sedimentum habet sublividum, limosum. Num ex talibus hypochondrium dolet? dextrum arbitror; (num) etiam cum virore pallidi fiunt? & abscessus circa aurem dolentes? his brevi prorupta alvus, perniciofa est. Urinæ derepente præter rationem parum concoctæ, malæ sunt, & in summa, quæ citra rationem matura est, in morbo acuto, mala est. Mala est etiam valde rubicunda ex his, efflorescentiam auriginosam continens. Quæ vero alba funditur, & pel lucida, mala est; maxime in phreniticis appa-rens. Mala est quoque, quæ post potum cito mingitur; & præsertim in pleuriticis, ac peripneumoniciis. Mala est & quæ ante rigorem oleosa mingitur; malæ sunt & in acutis, quæ ex viridi pallefcunt, nec in colore persistunt. Perniciofa vero est urina nigrum sedimentum habens, & nigra. In pueris vero, tenuis magis, quam crassa; verum in tenuibus urinis contra est, quam in crassis. Et grandinosa genituræ similis diffusa, eademque cum dolore; perniciofa etiam est omnis, quæ infcio ægro mingitur. At peripneumoniciis perniciofa est, quæ in principio quidem cocta est, post quartum vero diem adtenuatur. Pleuriticis urina cruenta, caliginosa cum sedimento vario, nec discreta, lethalis est plerumque in quatuordecim diebus. Lethalis est item confestim in pleuriticis porracea, nigram subsidentiam habens, aut fursfuraceam. Verum ardenti febre cum alto stupore detentis pessima est urina valde alba. Urina

vero cruda multo tempore manens, aliis signis salutari-
bus præsentibus, abscessum & dolorem significat, & magis in partibus sub septo transverso. Si vero dolores in lumbis oberrarint, ad coxam (transitus fit) & in febre, & sine febre. At quæ emittitur urina pinguedinem habens in sedimento, febrem significat, cruenta vero in principio micta, diuturnam: turbata cum sudore, recidivam. Alba velut jumentorum, cephalagiam; membranosa vero, convulsionem. Quæ sputo similia sedimenta, aut limosa habet, rigorem indicat; quæ aranei telis similia, colliquationem. At in febribus erraticis nigrae nubeculae quartanam indicant; decolores autem, nigra innatantia in medio habentes cum vigiliis, & turbatione, phrenitidem; cineritiæ cum spirandi difficultate, hydropem. Urina aquosa aut turbata friabili asperitate, alvum liquidam fore significat. Verum tenuis valde urina, si densa fiat, num sudorem futurum indicat? jam vero factum, spumosa in seipsam confidens. In tertianis cum horrore velut nubeculae nigrae, horroris inconstantis indicia sunt. Et membranosa urinæ, & cum horrore subsidentes, convulsionis prænunciæ. Urina bonum habens sedimentum, derepente non habens, dolorem, & mutationem significat; at sedimentum habens, & quæ perturbata residet, rigorem circa judicationem; fortassis autem & in tertianam, aut quartanam transitum. In pleuriticis urina subrubra, habens leve sedimentum, securam judicationem significat; cum levi virore ac pallore florida, album sedimentum habens, celerem quoque. At rubicunda valde & florulenta, sedimentum cum virore pallidum, leve, sincerum habens, diuturnum, valde turbulentum morbum, qui in alium transmutatur, non tamen perniciosum. Alba

vero, aquosa, sedimentum crassas farinæ partes referens, fulvum habens, dolorem, & periculum significat; & quæ cum virore pallida est, fulvum, crassas farinæ partes referens sedimentum habens, tempus & periculum significat. Urinæ, quæ in his, qui juxta aures abscessus habent, cito & modice concoquuntur, malæ sunt; & perfrigerari hoc modo, prævum. Vesica intercepta cum alias, tum cum capitis dolore, habet quid convulsivum. Quæ in his cum torpore exsolvantur, difficilia sunt (non tamen) perniciofa; num & aliquantum mente moventur? Renum dolor repentinus, cum urinæ suppressione, calculorum, aut urinarum crassarum mictionem significat. Tremores senioribus in febre fiunt, atque sic apparentes, fortasse calculos per urinam ejiciunt. Urinæ suppressio, & gravitas in imo ventre, plerumque stillidium urinæ significat futurum; sin minus, alium morbum, ex quo ægrotare solet. In iliosis urinæ interceptio, brevi occidit. Urina in febre densitatem habens divulsam, recidivam aut sudorem significat. In febribus longis, tenuibus, erraticis, urinarum tenuium mictiones, lienosos indicant. In febre alias aliarum urinarum mictiones morbum producant. Urinæ, quæ minguntur a non sentientibus, (alias) perniciofæ sunt. Num his minguntur veluti si sedimentum conturbasses? Quibus urinæ (crassæ) paucae, grumosæ, non carentibus febre, copia ex his progressa tenuis prodest. Prodit autem talibus ab initio, aut cito sedimentum habet (crassum). Quibus urinæ cito sedimentum habent, hi celeriter judicantur. Epilepticis urinæ tenues & crudæ præter morem, sine repletionem, morbi invasionem significant; tum alias, tum si quis dolor, aut convulsio in humerum, aut collum, aut dorsum inci-

derit, aut torpor corporis fiat, aut turbulentum infomnium viderit. Parva comparere, veluti sanguinis itillas, & urinam, & vomitum, & alvi dejectiones, penitus quidem malum est; pessimum vero, si propius inter se prodeant.

CAPUT XXVII.

De Dejectionibus.

Alvi dejectio optima est mollis, cohærens ac compacta, subfulva, non valde graveolens, prodiens hora consueta; copia pro ratione ciborum ingestorum. Spissum autem fiat ad judicationem; commodum est & teretes lumbricos exire simul, ubi ad judicationem tendit (morbus). In acutis spumosa, circumbiliosa alvi dejectio, mala est; mala item valde alba; adhuc peior est, quæ facinæ ac sterquiliniæ speciem refert. Sopor in his malus est, & cruenta dejectio, & vasorum vacuatio præter rationem. Ubi alvus intercepta, parva, nigra, velut caprarum stercora, coacta vi reddit; sanguinis e naribus eruptio his accedens mala. Viscosa, meraca, aut alba alvi dejectio, (mala est). Mala est & abunde multum fermentata, subpuitiosa. Pravum etiam cum ex his, quæ densata feruntur, quod subsidet, aliquantum lividum est, limosum cum biliosis. Sanguinem sincerum dejicere, malum est; idque tum alias, tum si quis dolor adfuerit. Spumosa, & bile obducta alvi dejectio, mala est; sed & morbus regius inde contrahitur. In biliosis alvi dejectionibus, spumosa efflorescentia, mala est; maxime ei, cui lumbi doluerint, & mente motus fuerit. Num

autem his dolores adfunt? Tenuis, spumosa alvi dejectio, aquosum cum virore pallidum habens sedimentum, prava. Prava etiam purulenta, & nigra cruenta, idque tum in febre, cum alias; & varia, abunde colorata dejectio, mala est; tantoque deterior, quantum colore magis horrenda est, præterquam in medicamento potione; in hac enim periculò vacat, si non copia excedat; & friabilis, mollis dejectio, in febre (mala est). Mala quoque sicca, friabilis, decolor, tum alias, tum si alvum humectet; nigris vero antea egressis lethalis est. Liquida egestio, & brevibus intervallis cumulata, mala est; partim enim vigilias, partim exsolutionem fortasse pariet. Liquida aliquantum friabilis alvi dejectio perfrigesceus non sine febre, mala est. Rigores in his vesicam & ventrem corripunt. Valde vero aquosa dejectio non desinens in acutis, mala; & magis, si etiam sitim non habuerit. Valde rubra dejectio in alvi proluvie, mala est. Prava quoque valde cum virore pallida, aut alba, aut spumosa, aut aquosa; & exigua, & viscosa, & lævis, & cum virore subpallida, mala est. Et soporosis torpescit liquidam dejectio, pessima est. Lethale vero est etiam multum sanguinem grumosum ex alvo effluere; itemque candidum, & liquidum excrementum cum alvi tumore. Dejectio alvi nigra velut sanguis, & cum febre, & sine febre mala est. Prava quoque omnes variegatae, & abunde coloratae, malae. Dejectiones desinentes in spumosas, sinceræ, aliquatenus quidem exacerbant; convulsos autem quam maxime. Atque ex his abscessus juxta aurem emergunt; at quæ valde liquidæ fiunt, & rursus compactæ, sinceræ, stercoraceæ dejectiones, longitudinem morbi significant. Valde vero rubicunda (dejectio) in febre delirium: alba autem stercoracea in morbo regio

difficilis est; ac liquida, quæ, ubi resederit, ruborem capit. In sanguinis eruptionibus viscosa dejectio nigris maculis distincta, maligna est; maxime autem valde in subalbidis. Valde alba dejectio in febre, non est fausti judicii. Alvus turbata parvis frequentibus ad dejiendum progressibus, maxillas intendit; solvit etiam rubores in facie obortos. Stercoracea cum tensione dejectio, alvi afflictionem significat; pituitosa vero acute cum oris ventriculi dolore, dysenteriam; fortassis autem & lumborum dolorem. Talibus alvi circumtensio, ad necessitatem liquida demittens, citius intumescens, habet quid convulsivi; insuper rigere his perniciosum est. Quibus nigra per alvum prodeunt, frigidum sudorem emittunt. Quibus alvus ab initio turbatur, urinæ vero paucae sunt, progressu (vero) temporis alvus quidem siccat, urina vero tenuis redundat; his abscessus ad articulos fiunt. Progressus ad dejiendum brevibus intervallis orientes, rigorem inducunt; & quibus mala fit dejectio, maximam molestiam exhibet quarto die incipiens. Frequentes ad dejiendum progressus in brevibus intervallis, pauca stercorea subviscosa habentes, cum hypochondrii & lateris dolore, morbum regium denotant. An his illi suppressis viridi colore inficiuntur? arbitror autem & hos sanguinem effundere. At dolores in lumbis, in his sanguinem fundentibus, purus sanguis fluit; cum sopore, & capitis dolore, calefcere insuper, perniciosum est. Viscosæ, biliosæ, magis abscessus juxta aurem faciunt. Quicunque tumores alvo humectata elevantur cum doloribus, malum; alvo vero suppressa, & nulla alia re novata, cito rumpuntur, & malignius est; vomitiones in his, pravæ, & malignæ. Quibus faciei incendium, & intensus rubor

soluta alvo, graveolens, larga, subrubra fit; hinc ne infaniant, timor est. Cutis squallida alvum male adfectam significat; in his prærubræ, velut purulentæ caruncule, dejectiones maxime prodeunt. Ad alvum biliosam, mollem, stercorea dejectientem sopores supervenientes, tumorem juxta aurem faciunt. Biliosas dejectiones surditas fedat, & surditatem fedat biliosa alvi dejectio. Pustule serpentes supra inguina, ad ilia, ac pubem oborientes, alvum male adfectam significant. Exsolutio, quæ dolorem solvit, alvum maxime humectat. Juxta sedem cum dolore suppurationes alvum turbant. Lethales dejectiones sunt, pinguis, nigra, livida cum graveolentia, & biliosa, habens in se simile quiddam ciceris, aut fabis fressis; aut veluti floridos sanguinis grumos, & quæ odore similis est dejectioni infantium, & varia eademque diuturna. Talis autem fuerit cruenta, ramentosa, biliosa, nigra, porracea, & simul, & permutatis vicibus; lethalis quoque omnis est, quæ sensum ægri fugiens exit. Qui potum ægre deglutiunt spiritu tussiculoso, eructatio subtracta, intro revoluta, dolorem ventris significat. Male sunt etiam dejectiones valde rubræ, æruginosæ, quarto die apparentes; & tales sanguinis fluxiones soporosæ sunt, ex his convulsione moriuntur, nigris antea egressis. Qui nigra dejiciunt, ii frigidum exsudant. Exsolutiones alvi repentinæ præter rationem, in diuturnitate temporis consumptis, una cum vocis tremula interceptione, perniciose habent. Tenuis nigrorum dejectiones horrificæ, meliores talibus sunt; tales profunt maxime in ætate ante vigorem. Pruriginosæ adfectiones omnibus nigrorum dejectionem significant, & vomitum grumosum. Et tremulæ adfectiones cum morfu, ac capitis dolore, nigras de-

jectiones significant. Ante tales vomitus prodiit, & ubi vomuerunt, multæ tales insuper pertrahuntur. Quibus in alvi turbatione exacerbatur morbus circa judicationem, nigra inferne prodeunt. Ex alvo diutine adfecta vomentibus, biliosis, cibum fastidientibus, sudor multus cum impotentia, repente occidit. In medicamentorum (purgantium) usu, & circumfluo humorum adfluxu, tenuis, abunde sanguis eliquatus, malum est. Durities circa ventrem cum dolore in febribus cum horrore, cibos averfantibus, alvo parum adpurgationem humectata, non suppurantur. Una cum febre alvus turbata, falsuginoso modo, soporosos torpidos non valde comitatur. Ex alvo liquida lassatos, caput dolentes, siticulosos, vigilantes, valde rubra colore solutos, timor est ad insaniam deventuros esse, si difficulter spiraverint. Ad hoc ubi quis cum virore pallescit, bene spirare noxium non est, alvo insuper probe deiciente. Adultæ dejectiones cum contentione procedentes, alvum male adfectam significant. Biliosis alvus turbata, exigua frequenter deiciens, distendentia cum paucis mucosis, dolorem circa tenue intestinum hæc faciunt, & urinam non facile prodeuntem; ex his causis ad hydropem tendunt. Linguae tremulæ quibusdam alvi eruptionis futuræ signum sunt. Quibus ardor fit, & ad egressas dejectiones alvi insuper exsudant, his febris exacerbatur. In humecta alvo perfrigeratio cum sudore, mala. In alvo liquida, sanguis de gingivis defluens, lethalis est. Alvi dejectio pura superveniens, solvit febrem acutam cum sudore.

HIPPOCRATIS

LIBER

DE JUDICATIONIBUS.

P R Æ F A T I O.

*P*rasagia continet utique utilia, hic non enumeranda. Multa sunt ex aphorismis, alia ex libro de locis: ex prognostico; alia plurima ex Prænotationibus; tota dictio brevis & aphoristica, ut putes esse discipuli alicujus HIPPOCRATIS, qui multa undique magistri effata collegerit.

ARGUMENTUM LIBRI.

Judicationes complectitur morborum ad salutem, & perniciem prodeuntium, quæ ex dejectionibus, urinis, sudoribus, abscessibus, symptomatis, diebus judiciariis & consimilibus depromuntur; & quæ in febribus, aliisque morbis tum bona, tum mala sunt.

C A P U T I.

Qui sudores, quæ dejectiones, urina, & magna signa etiam ad melius, securamque crisin portendant.

JUDICATIONUM, quæ brevi meliorem statum portendunt, plerumque eadem, quæ fa-

nitatis, signa sunt. Sudores enim optimi sunt & citissime febrem sedant, qui judicatoriis diebus contingunt; & febrem prorsus submovent; boni quoque sunt, qui per totum corpus oborientes, faciliorem morbi tolerantiam reddunt. Qui vero horum nihil moliuntur, nihil oborti conducunt. Morbo autem ad judicationem tendente, dejectionem crassiolem reddi oportet; subfulva vero, nec admodum graveolens esto: lumbricos etiam sub judicationem exire commodum est. Urina autem optima est, quæ per totum tempus quoad judicatus fuerit morbus, albissimum, læve, & æquale habet sedimentum; securum enim ac brevem fore morbum indicat. Si suborto sudore morbus cesset, & urina fulva sedimentum habens album conspiciatur, iis eodem die febris reversio fit, atque hæc quinto die citra periculum judicatur. Qui brevissimo tempore sani evasuri sunt, iis in totum maxima signa contingunt. Nam magis citra dolorem & extra periculum degunt, & noctu dormiunt, cæteraque securitatis signa præ se ferunt.

C A P U T II.

In febre non lethali doloris capitis, quæ causa, & quando solutio. Februm acutarum, & ardentium judicium quibus diebus, & per quæ fiat, & quid in his æternus portendat.

Quibus in febre minime lethali, capitis dolor, aliaque signa circumstunt, in his bilis superat. Quibus inceperit dolor primis diebus, quique quarto & quinto die magis vexantur; hi sub septimum diem febre liberantur.

Febres vero judicantur in iisdem numero diebus, ex quibus homines intereunt, & quibus superstites evadunt. Mitissime namque febres & cum securissimis signis, quarto die aut prius desinunt. Maxime vero lethales, & quæ cum periculosissimis signis contingunt, quarto die aut prius interficiunt. Primus igitur (earum) impetus sic finitur; alter ad septimum deducit: tertius ad undecimum; quartus ad decimum quartum; quintus ad decimum septimum, sextus ad vigesimum. Hæ igitur in acutissimis morbis per quatuor ad viginti accessiones fiunt. Non potest autem horum quidquam integris exacte diebus numerari. Neque enim anni, neque menses integris diebus constare solent. In febribus ardentibus bona signa, si qualia in sanis scripta sunt, oberiantur, minora quidem, quæ fuerint, in tertium diem remissionem indicant; crassiora vero in crastinum omnino, sed crassa eodem die. In febribus ardentibus, si post septimum diem morbus regius incidat, (sublati) sudoris indicium est. Non enim exsudare morbus, neque alibi unquam abscessum facere consuevit, sed sanescit. Quum calor discesserit & humorem ad se adtraxerit, feбри judicationem fieri necesse est, & urinas, aut etiam alvi egestionem procedere, aut sanguinis ex naribus fluxionem, vel copiosam mictionem, aut alvi fluxum vehementem, aut sudorem, aut vomitum; mulieri vero etiam mensium viam patefieri. Hæc igitur præcipue judicationem faciunt, aut quodcumque his proxime accedit. Molitur autem & alias judicationes, minus quidem quam has. At si morbus regius in febre ardente septimo die aut postea contingat, & difficilis multi sputi ejectio, tum in ardentibus, tum in

aliis febribus, si nullis ex his signis contingen-
tibus febris dimittat; has judicationes pro illis
fieri necesse est, aut magnorum tuberculorum
abscessum, aut dolores vehementes ex abscessu;
aut humorum ex calore colliquationes.

CAPUT III.

*Ardentis febris ad salutem, mortem, diuturnita-
tem judicia; in lipyriam & epialum mutatio;
huic succedens icterus; bonum, malum, anceps:
tertianarum & acutarum febrium judicia.*

EOrum, quæ febrem ardentem significant ju-
dicationes & remissiones; longior morbus;
si vero vehementia fuerint, mors plerumque se-
quitur. Reliquæ febres ardentes securæ; septi-
mo aut decimo quarto desinunt. Solet autem
ad lipyriam devenire, & maxime quadraginta
dies occupat; & in epialum transit; & lipyria
eodem dieprehendit, & dimittit; capitis etiam
dolor oritur. Si vero eum lipyria febris per
quadraginta dies non dimiserit, sed producta
fuerit, dolorque caput detinuerit, ac deliraverit,
eum purgato. At febre ardente desinente si mor-
bus regius succedat, non solet amplius sudare;
neque alibi usquam abscessum facere, sed sanus
evadit. Tertiana ut plurimum septem circui-
tibus judicatur. Quibuscunque in molestis fe-
bribus septimo, nono, aut decimo quarto die
morbi regii oriuntur, bonum est; nisi dextrum
hypochondrium obduruerit, sin minus, anceps.
Acuti morbi diebus quatuordecim plerumque ju-
dicantur. Sudores febricitanti si tertio, quinto,
septimo, nono, undecimo; decimo quarto, vi-
gesimo

gesimo primo & trigesimo die contingunt, hujusmodi sudores morbos judicant; qui vero non sic contingunt, labores portendunt. Urinarum concoctiones paulatim maturescentes, si diebus judicatoriis concoctæ fuerint, morbum solvunt. Exemplum autem ab ulceribus ad urinas sumendum est. Ulcera namque, si repurgantur pure albo, celerem curationem denunciant; sed si in saniosos humores convertantur, maligna evadunt. Eodem vero modo & urinæ significant: si ex dolore tenues fiant, ex occasione ratiocinari oportet, si morbus accessit, eamque inspicere, quum cessavit. Quod si hæc deficiat, aliaque signa qualia oportet accedant, nullam esse morbi solutionem existimandum. Si doleat caput, & ex eo febris succedat, neque hæc sedetur, dolore non cessante, febris non judicatur. Judicationis longæ etiamnum ad melius, plurima ejusmodi sunt, etiam in his quæ ad sanitatem tendunt. In præcordiis tumores molles, doloris expertes, & tactui cedentes, diuturniores quidem, sed minus formidandas, quam his contraria tubercula, judicationes faciunt. Eodem modo se res habeat & de reliquis ventris tuberculis.

CAPUT IV.

Podagricorum morborum ex urinis, sudoribus, & dejectionibus judicia ad salutem, mortem & diuturnitatem.

EX urinis autem, si quod mictum est, id quidem non purum sit, sedimentum vero album & læve habeat, diuturnior judicatio; aut minus etiam quam optima urina secura est. At

si quandoque urina subrubra fuerit, ac sedimentum sub rubrum ac læve, diuturniorem quidem, quam prior, hæc morbum significat; sed admodum salutarem. Quicumque podagrici morbi fiunt, hi citra inflammationem, quadraginta diebus sedantur: in his plerique longæ judicationis morbi in melius cedunt. Qui ad mortem ruunt, intra diem ac noctem judicantur; quæ imbecillitatis signa sunt, velut epoti medicamenti, exturbationis alvi & sursum & deorsum, anxietatis, & aliorum hujusmodi: si igitur horum signa die ac nocte solvantur, satis est; alioqui lethalia esse reputanda sunt. Sudores pessimi sunt frigidi, quique circa cervicem oboriuntur; hi enim mortem & morborum longitudinem prænunciant. Alvi dejectiones variæ, nigris aliisque exitialibus dejectionibus diuturniores quidem, nihilo tamen minus perniciosæ; cujuscumodi sunt ramentis similes, biliosæ, cruentæ, porraceæ, nigrae, exque interdum simul quidem omnes, interdum etiam singulae per se dejiuntur. Urina si quandoque pura micta fuerit, quandoque vero sedimentum album & læve habens, diuturniores minusque securæ hæ sunt, quam optima urina; si per multum tempus urina fulva & tenuis fuerit, periculum est, ne, quoad concocta fuerit, æger sufficere non possit: atque si alias superstitis futuri signa fuerint, his abscessum forte in locis septo transverso inferioribus expecta. In febribus si urina mutationes habeat, temporis diuturnitatem indicat, ægrumque tum ad deteriora, tum in alteram partem necessario commutari: si urinæ incipientes minime similes sint, sed ex tenuibus crassæ evadant, & omnino tenues, ex difficilem ac incertam judicationem faciunt.

CAPUT V.

Judicia morborum deprompta ex sudoribus frigidis & copiosis; corporis calore ac frigore, dejectionibus, venis pulsantibus, facie, hypochondriis, manuum palpitationibus, dyspnœa, vigiliis, tetano, ictero, singultu, & judiciariis diebus.

F Rigidi sudores cum acuta quidem febre, lethales, cum mitiore vero, morbi longitudinem significant. Et ubi corporis calor, aut frigus inest, hic morbus est, eique celeres in toto corpore mutationes contingunt. Ac si corpus perfrigescat, aut rursus incalescat, colorque subinde mutetur, ista morbi longitudinem portendunt. Si febricitanti sudor accedat, neque febris desinat, malum; producitur enim morbus, & humiditatem significat. Febricitanti sudores frigidi contingentes, febrem longam denunciant. Sudor copiosus, sano immodice oboriens, morbum portendit: ætate quidem minorem; hyeme vero majorem. Dejectiones, si consistere permiseris, veluti ramenta subsident, si pauca, parvus est morbus, si multa, magnus: his alvum subluere confert. Quibus in inferiore dejectione bilis atræ quid subest, si copiosius, major est morbus, si parcius, minor. Si venæ pulsent, & facies bene habita fuerit, hypochondria minime mollia, sed sublata, diuturnus morbus (significatur), neque sine convulsione, aut copiosa ex naribus sanguinis profusione, aut vehementi dolore solvitur. In manibus etiam palpitationes, diuturnæ febris signum, aut brevis in deterius judicationis, & in his plurima, quæ

ad mortem (tendant.) His qui brevissimo tempore perituri sunt, maxima signa per initia contingunt; nam & difficilem habent spirationem, neque noctu dormiunt, & periculosa signa præmonstrant. In febre continua, si quis quarto & septimo die laborat, neque undecimo judicatus fuerit, plerumque perit. Quicumque distensione corripuntur, intra quatuor dies pereunt; si vero hos effugerint, convalescunt. In febribus ardentibus, si accedat morbus regius, & singultus quinto die, lethale est. Recidivæ hos corripunt, quibus febre solutis vehementes vigiliæ, aut turbulenti somni accedunt, aut corporis robur (solvitur), aut singulorum membrorum dolores (adsunt), & quibus febres, non accedentibus solutionis signis, neque diebus judicatoriis sedantur; & si deficiente febre, & accedente sudore, urinam fulvam, album sedimentum continentem reddiderint, his eodem die febris reversionem exspecta. Ejusmodi vero recidivæ quinto die citra periculum judicantur. At si ex judicatione facta, urina rubra sedimentum rubrum continens reddita fuerit, his quoque febris reversio eodem die contingit, ex eaque pauci servantur. Quum redit febris ardens, plerumque etiam exsudat, & si revertens tot diebus, quot prius, detineat. Tertio etiam febris revertitur, nisi reversa die impari dimiserit: plerumque si non coctæ fuerint urinæ, neque alia signa secundum rationem processerint, morbus judicatorio die revertitur; interdum vero his ejusmodi relictis etiam die judicatorio revertitur.

CAPUT VI.

Judicia recidivarum, abscessus; quartanarum, melancholice phrenitice, manie; suppuratorum; dolorum partium inferiorum; magni morbi, februm ardentium.

Quibus circa judicationem exorti ad aures abscessus non suppurantur, his solutis morbi reversio pro recidivarum ratione simili circuitu contingit: in his ad articulos abscessum fieri spes est; si urina crassa (fuerit,) qualis alba in laboriosis quartanis, ab abscessu liberat; horum vero quibusdam etiam sanguinis e naribus eruptiones contingunt, quæ quartanas non solvunt, neque morbos, quos pus prodiens fanat. Melancholicis, & phrenitide detentis succedentes hæmorrhoides, bonum. Quicumque insaniant, aut sua sponte a morbis liberati, iis dolor ad pedes aut pectus subiens, aut vehemens tussis oborta, insaniam solvit. Si soluta infania nihil ex his accadat, cæcitas contingit. Qui lingua offendant ac balbutiunt, labra non tenentes, si hæc cessaverint, purulenti evadunt. Vehementem in locis inferioribus dolorem surditas solvit, aut copiosus ex naribus sanguis profluens. Infania magni morbi ex consuetudine oborientis solutio. Quibus in febribus ardentibus coxendicum dolor (est,) oculorum perversio, aut cæcitas, aut testium tumores, aut mammarum elevatio, hæc febrem ardentem solvunt, aut etiam sanguinis ex naribus profluvium. In febre ardente si rigor corripiat, sudorem evocare solet. A febre ardente detento, rigore succedente, so-

lutio contingit. Quibus in febribus ardentibus tremores oboriuntur, (eos) delirium solvit. Quibus in febribus aures obsurduerunt, hos non soluta febre insanire necesse est; solvit autem sanguis ex naribus effluens, aut alvus biliosa effundens, aut dysenteria, aut coxendicum, aut genuum dolor succedens. Quibus febribus rigor succedit, febris solvitur.

CAPUT VII.

Judicia repentinorum dolorum, hydropis, leucoplegmatie, diarrhoeae, volvuli, cephalalgiae, ophthalmiae, convulsione, tetani.

Quibus dolores derepente oriuntur, hypochondria sursum attolluntur, si dolores acerbi ad notham costam oriantur, hi venæ sectione, & deorsum purgatione liberantur; non enim locis invalidis vehemens febris invadit. Hydrope detentis, si aquositas secundum venas in ventrem, aut vesicam fluat, solutio fit. Si pituita alba vexato diarrhoea succedat solutio. Qui diarrhoea multo tempore cum tussi detinentur, non liberantur, nisi dolores vehementes in pedes inciderint: si velit naturæ conversio fieri, quam non amplius alvus profluxerit, aut inanem omnem egestionem habuerit; flatus enim foras prodeuntes superveniunt. Manifestum igitur nullum humorem habent. Quare ei, qui ita habet, secure exhibere scies, ea, quæ conveniunt. Si volvulus superveniat, vinum frigidum copiosum, meracum, paulatim propinato, quoad somnus, aut crurum dolor oboriatur; sed & febris, aut dysenteria solvit. Capitis dolore obsessi, si

pus per aures aut nares effluxerit, morbum solvit. Quibuscunque sanitate fruentibus derepente capitis dolores obveniunt, confestimque voce privantur, ac stertunt, intra dies septem pereunt, nisi febris prehenderit. Ex universo capite dolenti, quicumque ex superioribus locis doluerit, cucurbitulam admoveo. At coxendices, & genua dolor, & asthma, quicquid horum contigerit, solvit. Lippienti a diarrhœa corripì, bonum. Convulsione, aut distensione laboranti, febris accedens morbum solvit. Si febre detentum convulsio prehenderit, febris eodem die, aut postero, aut tertio desinit. Quando manibus, & pedibus distentus in maniam incidit, si manuum venæ pulsant, faciesque robusta, nec non hypochondria non mollia, sed elevata sint, diuturnus morbus est, absque convulsione.

HIPPOCRATIS

LIBER DE

DIEBUS JUDICATORIIS.

P R Æ F A T I O.

*N*on est inter libros antiquitus HIPPOCRATI adscriptos, etsi, iudice MERCURIALI, Doctrinam magni viri continet. Verum mihi pleraque videntur exscripta & contracta ex libro de adfectionibus interioribus, quo Galenorum sententiae continentur. Ita febris ardens III. est morbus crassus II.

inter adfect. *Tetani tres n. 5. sunt tres tetani n. 59. 60. 61. int. adf. Coxendicum morbus n. 6. est 56. adf. int. Icterus n. 7. est icterus int. adf. n. 38. Peripneumonia tamen accurata descriptio & determinatio dierum criticorum n. 9. ex eodem int. adf. libro non desumitur. Auctor morbos a bile derivat, alios ab ea, & a pituita & a sanguine.*

ARGUMENTUM LIBRI.

Artis Medicæ esse judicia ; quæ Medico, ut de morbis judicia ferat, noscenda sint ; de variis signis & adfectibus ex quibus desumuntur judicia.

CAPUT I.

Quæ Medico noscenda ac advertenda ut non fallatur in arte.

MAGNAM artis partem esse duco, posse de his, quæ recte scripta sunt, explorationem inire. Qui enim hæc noverit, iisque utitur, is mihi in arte non multum falli videtur. Equidem tempestatum anni & morborum constitutionem exacte addiscere oportet, & quinam morbus bonus, quis periculosus, aut in temporis conditione, aut in morbo ; quinam morbus longus sit, & lethalis ; longus quinam salutaris ; acutus quinam lethalis ; acutus quinam salutaris. Ex his tum judicatoriorum dierum series contemplanda est, tum etiam prædicendi facultas suppetit. Prætereaque ex his, quibus, & quando, & quamnam

victus rationem præscribere oporteat, cognoscere licet. Maximum igitur in ægris, qui victuri sunt, signum est, si febris ardens, ceterique morbi eodem modo, præter naturam non fuerint. Nihil enim in his, quæ sunt secundum naturam, aut formidandum, aut lethale contingit. Secundum si non ipsa anni tempestas simul cum morbo conspiret; etenim plerumque hominis natura universi vim non superat. Deinde si faciei partes extenuentur, & venæ in manibus, & oculorum angulis, ac superciliis quietem habeant, quum antea minime quiescerent. huic si vox imbecillior & exilior, spiritus rarior, ac tenuior fuerit, in sequentem diem morbi remissio contingit. Hæc igitur ad judicationes considerata sunt, & si linguæ bifurculum velut saliva alba obducitur, sive in summa lingua hoc idem contigerit, minus tamen. Si quidem igitur parva hæc extiterint, ad tertium diem morbi remissio (expectanda est), si vero aliquanto crassius, in crastinum; si autem adhuc crassius, eodem ipso die. Quin etiam oculorum alba per initia quidem morbi nigrescere necesse est, si morbus invaluerit. Hæc igitur si pura fuerint, perfectam sanitatem; remisse quidem, tardius; vehementer vero, citius contingere denotant.

CAPUT II.

Acutorum morborum hepar obsidentium, quales peregrinatio & per deserta loca profectio, descriptio, cause, signa, symptomata.

AT vero acuti morbi ex bile oriuntur, quum ad jecur confluerit, & ad caput pervene-

rit. Hæc igitur patitur jecur, intumescit, & præ tumore ad septum transversum expanditur; statimque ad caput, maxime vero ad tempora dolor irruit; neque auribus acute audit; sæpe vero oculis non videt, horrorque & febris invadit. Hæc igitur per morbi initia ei contingunt, & quandoque vehementer, quandoque minus intermittunt; quoque magis morbi tempus processerit, eo corporis dolor major est, & oculorum pupillæ dissipantur, ac cæcutiunt; & si digitum ad oculos admoveris, non percipiet, eo quod non videat. Istud autem, quod non videat, hinc cognoveris: non enim dum digitus admovetur, nictat; & floccos ex vestibulis stragulis detrahit, si quos viderit, pediculos esse ratus. Quumque jecur ad septum transversum magis explicatum fuerit, delirat; sibi que ob oculos reptilia, & varias cujusvis generis feras obversari existimat, & milites armatos pugnantes, isque in ipsos pugnare sibi videtur; & tanquam videat, ejusmodi loquitur, irruit, minaturque, si quis eum exire non permittat. Et si surrexerit, crura ad tollere nequit, sed cadit: pedesque perpetuo sunt frigidi; quumque dormierit, a somno exsilit, horrendaque insomnia videt. Quod autem per somnos exsiliat, & terreatur, cognoscimus, quum ad mentem redierit. Insomnia enim ejusmodi exponit, & quæ corpore gessit, quæque lingua loquutus est. Istaque ejusmodi patitur; interdum vero per totum diem ac noctem voce privatur, multum ac confertum spiritum ducens: quum autem delirium cessavit, statim ad mentem redit, & si quis eum interroget, recte respondet, & omnia, quæ dicuntur, intelligit; deinde rursus paulo post iisdem prostratus doloribus decumbit. Hic morbus potissimum in peregrinatione contingit; & si

quando per deserta loca quis iter fecerit. Sed & aliter invadit.

C A P U T III.

Tetani triplicis descriptio, judicatio.

Nervorum distensiones duæ vel tres (*tetani*). Si ex vulnere distensio contingit, his æger afficitur; maxillæ velut ligna rigescunt, os aperire non potest, oculi frequenter illacrymantur, & contrahuntur, dorsum rigidum est, neque crura, neque manus, neque spinam inflectere potest; quum vero lethalis fuerit, potus & edulia, quæ prius devoravit, per nares interdum exeunt. Opisthotonus reliqua eadem ut plurimum inducit. Oritur autem quum ad posteriores cervicis tendones ægrotarit; ægrotat autem aut ex angina, aut ura, aut locis ad tonsillas suppuratis. Quibusdam etiam ex capite, quum febres supervenerint, convulsio contingit. Jam vero etiam ex vulncribus vi quadam retrahitur, & præ dolore dorsum rigescit, & pectus ingemiscit. Is vehementer convellitur, ut vix ab iis, qui adsunt, contineatur, quin e lecto excidat. Alia distensio minus est prioribus lethalis; ex iisdem autem oritur, eodemque modo totum corpus convellitur. At febris ardens non similiter, ut prædicta, oritur. Semel enim natura suaprehendit, ut accendi necesse sit. Sitis igitur multa, & vehemens febris hominem detinet; lingua autem exasperata finditur, & sicca fit, colorque ipsius primum quidem pallidus est, uti consuevit, procedente vero tempore nigrescit. Ac si quidem per initia nigre-

scat, celeriores judicationes contingunt; si postea, tardiores.

C A P U T IV.

Ischiadis, & Icteri dignotio, judicatio.

COxendicum morbi, plerisque ex his potissimum causis oriuntur; si quis diutius in sole versetur, & coxendices incaluerint, humorque, qui articulis inest, ab ardore resiccatus fuerit. Quod autem resiccetur & concresecat, id magnum est indicium. Æger enim articulos præ dolore articulorum inflectere, ac movere non potest, & eo, quod spinæ vertebræ constrictæ sunt. Dolent autem magis lumbi, & vertebræ, quæ ex obliquo coxendicum sitæ sunt, & genua. Dolor autem acutus, & æstuosus plurimo tempore in inguinibus, sed etiam in coxendicibus insistit; & si quis eum erigat, non transmovetur; ingemiscit autem, quam maxime potest, præ dolore. Interdum vero etiam convulsio, & rigor, & febris supervenit. Oritur autem a bile, & pituita, oritur quoque etiam a sanguine, & dolores ab omnibus morbis sunt similes; & rigor, & febris levis interdumprehendit.

Morbus regius acutus est, & qui celeriter enecat, color totus mali punici corticem refert; vehementer autem ex viridi pallescit, quemadmodum lacerti viridiores; ac similis ei cutis est, & in urina subsidet, velut ervum fulvum; & febris, & horror levis detinet. Interdum vero etiam vestem stragulam habere non sustinet, sed matutino tempore jejunos intus mordetur, & raditur, deinde ut plurimum viscera mullitant, & si quis

eam erigat, aut alloquatur, non sustinet. Hic fere intra dies quatuordecim moritur; hos si effugerit, convalescit.

C A P U T V.

Peripneumonia, & februm diagnosi, & judicatorii dies.

Peripneumonia hæc efficit, febris vehemens detinet; densa, & calida est respiratio, & anxietudo, & impotentia vexat, & jactatio, & dolores ad scapulas, & claviculam, & mammam, in pectore pondus, & deliria. Interdum vero quoad tussire cœperit, sine dolore est: sed illa diuturnior & molestior est. Sputum autem album & spumofum primum sput, lingua vero flava est, sed procedente vero tempore nigrescit. Si igitur per initia nigrescat, celeriores sunt liberationes; si vero postea, tardiores. Tandem etiam lingua finditur, & si digitum admoveris, adhærescit. Morbi autem liberationem, peræque ac in pleuritide, lingua denotat. Hæc contingunt diebus, ut minimum, quatuordecim; ut plurimum vero, uno & viginti; quo tempore vehementer tussit, unaque cum tussi sanguinem rejicit; primum quidem copiosum sputum, & spumofum; at septimo, ac octavo die, quum febris viget, & humida pulmonis inflammatio fuerit, crassius; alioqui minime; nono vero, & decimo die, aliquantulum ex viridi pallescens, & suberuentum; duodecimo autem ad decimum quartum usque, copiosum & purulentum. Quibus a natura humidæ insunt corporis adfectiones, iis vehementior morbus est. At quibus natura & morbi conditio sicca

est, hi minus (conficiantur.) Atque de iudicatoriis diebus jam quidem etiam antea a me dictum est. Judicantur autem febres quarto die, septimo, undecimo, decimoquarto, decimosextimo uno & vigesimo. Ex his vero acutis, trigesimo; deinde quadragesimo, postea sexagesimo. Quum vero hos numeros exceßerint, diuturna jam evadit febrium constitutio.

HIPPOCRATIS

LIBER II.

DE MORBIS POPULARIBUS.

P R Æ F A T I O.

GALENUS ad libros refert, quos ex pugillariis HIPPOCRATIS a THESALLO descriptos esse vult. Prima sectio est de crisi, purior & meliori fere ordine digesta, quam ullus liber HIPPOCRATICORUM. Sed reliqua sunt fere promiscua. In Sectione II. agrotorum historie fere imperfecte, tum morborum, ut angina. Sectio III. Epidemia est Perinthia, iterumque mixtae sunt morborum historiis predictiones. In Sectione IV. venarum historia reddit, qualis cum libro de ossibus dicta est. Subiectae etiam sunt morborum historie, inter quas morbus videtur esse paralyticus, a vitio frumento natus, &

a nuperis medicis sepe adnotatus. Sectio V. iterum predictiones continet, tum VI. & admissam ferruginem.

SECTIO I.

CARBUNCULI in Cranone æstivi: pluebat in ardoribus aqua larga. Contingebat hoc per totum, & maxime ab austro, & subnascebantur quidem in cute sanies, dum autem intro concipiebantur, calescebant, & pruritum inducebant. Deinde pustulæ velut ab igne inustæ excitabantur, & sub cutem uri sibi videbantur in ardoribus siccitatis. Febres plerumque citra sudorem. In his vero, si minutæ imbris guttæ deciderint, magis sudatorie sunt ab initio. At hæc difficiliora iudicatu manent, quam aliter. Attamen minus, si non propter hæc fuerint, sed propter morbi modum. Febres ardentes in æstivis magis fiunt, & in aliis temporibus. Resiccantur autem magis æstate. Autumno maxime ferinum, & oris ventriculi dolor, quamquam & ipse minus maleficus fuerit, ipso morbo tali existente.

Ascarides vesperi similiter huic; & illæ tunc infestant in die plerumque, non solum ideo quod magis affligunt, sed etiam ipsæ per se ipsas.

In autumno acutissimi morbi, & maxime lethales, & omnino similitudinem habent, eo quod vesperi exacerbantur, tamquam annus ipse habeat circuitum morborum. Qualis est dies morbi, quale est vespertinum tempus ad exacerbationem; tale est morbi, & uniuscujusque constitutionis inter se, ubi non quid in superiori specie fuerit innovatum, sin minus, alia sane

constitutione hæc imperium obtinuerint. Quare etiam annus ad se ipsum hoc modo se habet. In quietis, ac constantibus temporibus, & annis tempestive tempestiva præbentibus, boni status, & iudicatu facillimi morbi sunt. In constantibus vero inconstantes, & qui difficulter judicantur: quum sane in Perintho defecerit, aut abundaverit quid, ut aut venti sint, aut non venti, aut aquæ, aut siccitates, aut ardores, aut frigora. Ver autem omnino saluberrimum, ac minime lethale.

Circa principia morborum considerandum, an statim florent. Clarum autem hoc sit ex incremento. Incrementa vero ex circuitibus, & iudicationes quoque hinc manifestæ sunt, itemque ex acerbationibus in circuitibus, si citius accedant, aut non, & si diutius durent, aut non, & si magis affligant, aut non. Ex omnibus autem continuis, aut intermittentibus, & diuturnis, & vulneribus, & sputis, & doloribus. Itemque tuberculorum inflammationes, & quæcumque alia posterius apparent, fortassis autem & ex aliis communibus rebus, quæ quidem citius sunt, breviora sunt. Quæ vero tardius, longiora, quum etiam in circuitibus citiorem recursum, ac reliquum augmentum morbus neget. Nam & eorum, qui statim pereunt, velociores sunt iudicationes, quoniam & dolores & continui, ac fortes. Quæ vero ad melius iudicant, non statim apparent. Iudicatoria non iudicantia, partim lethalia sunt, partim difficili iudicationis. Quæ præiudicata sunt, si crude iudicata fuerint, recidivæ sunt; sin minus, iudicationis impeditioes, aut malæ iudicationis impeditioes, aut malæ iudicationes. Possunt etiam fieri perniciofa ea, quæ non parva sunt.

Quæ-

sunt. Quæcumque judicatoria signa sunt, eadem hæc, si non sunt, difficilis sunt judicationis. Quæ vero contraria significant, malum, non solum si recurrant, sed etiam primariæ naturæ contraria repentia. Quemadmodum etiam malorum signum ea, quæ ad contraria repunt. Considerare vero sic oportet, in cibis, compressionibus venarum, tumoribus præcordiorum, sursum vergentibus, deorsum vergentibus. Sed & multa sunt ejusmodi, velut abortientium mammarum graciles sunt, neque enim contrarium est. Neque tussis diuturnæ, quoniam ubi testis intumuit, cessant, & testis tumor a tussi cessat, & allevatur, quæ res communefacit nos communione pectorum, manimarum, genituræ, vocis.

Abscessus aut per venas, aut per ossa, aut nervos, aut cutem, aut alias emotiones. Boni autem sunt, qui infra morbum sunt, velut varices, lumborum gravitates ex supernis. Optimi vero notissimum sunt inferni, & longissime infra ventrem, & remotissimi a morbo, & qui per effluxionem sunt, velut sanguis e naribus, pus ex aure, sputum, urina, quæ per effluxionem sunt. At abscessus, quibus hæc non sunt, sunt velut dentes, oculi, nasus, sudor. Sed & quæ sub cutem abscedunt foras tubercula, velut putrescentia, & quæ suppurantur, aut ulcus, aut ejusmodi pustulæ, aut squamæ, aut defluvium capillorum, vitiligines, lepræ, aut ejusmodi, quæ abscessus sunt acervatim fluentes, & non semirepentes, & quæcumque alia dicta sunt, & si non pro rationis excretionis morbi dignitate fiant, velut Temeni nepti, ex morbo forti ad digitum decubuit, qui quum non sufficeret ad suscipiendum morbum, recurrit. Mortua est.

Abcessus aut per venas, aut per alvum, aut per nervos, aut per cutem, aut juxta ossa, aut secundum spinalem medullam, aut secundum alias effluxiones, os, pudendum, aures, nares, ex utero menses. Judicationes postridie fiunt, velut ad lumbos, aut ad femur, & ad testes. Quandoque ex tussi, & testis ipse a se ipso. Tussiculosi abcessus, qui supra ventrem sunt, non similiter perfecte liberant.

Sanguinis eruptiones largæ ex naribus plerumque liberant, velut Heragoræ, quod medici non animadverterunt. Qui voces asperas natura habent, his etiam linguæ subasperæ sunt, & quæcumque asperitates a morbis similiter. Quæ igitur daræ sunt linguæ a natura, etiam sine morbo hoc habent. Molles vero tardiores sunt & ad peccatum, & ad bonum, quam prior natura.

Consideranda sunt etiam longa capita ex vivendi ratione, & cervices longæ ab inclinationibus, & venarum amplitudo, & crassitudo, ab eadem, & angustia, ac latitudines, & brevitates, ac tenuitates ex contrariis. Quorum venæ amplæ, & ventres, & ossa ampla, hi sunt, qui tenues sunt. Pingues vero his contraria habent, & in his, qui fame macerantur, mediocritates. Ab his consideranda ea sunt, quæ propterea incrementa unicuique detrahunt, & quæ diminutiones adaugent, & ea, quæ incrementa coadungent, & quæ corroborant. Et quæ sint communes venarum dissectiones.

Pectinum ruptiones, quæ quidem circa pubem sunt, ut plurimum statim sunt innoxia. Quæ vero paululum supra umbilicum in dextera parte, hæ dolorosæ sunt, & anxiosæ, & stercoreis vomitum inducunt, velut etiam Pittaco accidit.

Fiunt autem hæc aut a plaga, aut vulsura, aut alterius insultu.

Quibus id, quod medium est intrer abdomen, & cutem, inflatur, & non sedatur, color est, velut qui multum pallidus est, & qui ex candicante pallet; quoniam omne huiusmodi ab hepate est, & ex hoc sunt hepatici in his morbi, & morbi regii ab hepate ad subalbidum colorem vergunt; & qui ex aqua inter cutem, & ex pituita alba laborant. Qui vero a splene sunt, tum hydro pes, tum morbi regii; nigriores sunt.

Sed & ulcera, quæ ægre perfunantur, exalbidorum sunt, qui fere lentis colorem referunt, & cutis distringitur, ac labia, velut Antilochus habuit, & Alevas; ab humoribus ex corpore fæfuginofo, quod sub cute maxime, & a capite contingit, quam a pulmone fuerit calefactum.

Occasiones unde quis ægrotare cœpit, considerare oportet, siue capitis sit dolor, siue auris, siue lateris. Signum autem sunt in quibusdam dentes, & in quibusdam inguinum tumores. Ulcera fientia, ac judicantia febres, & tubercula. Quibus hæc non fiunt, judicatio sublata est. Quibus intus relinquuntur, certissimæ recidivæ, ac celerrimæ. Crudos, ac liquidos secessus; milium solidum in oleo coctum sistit. Exemplo est nautæ puer, & Myriochauné.

S E C T I O II.

Mulier cor, hoc est os ventriculi dolebat, & nihil remittebat dolor. Huic polentæ pollen in mali punici succum inspersus, & ses-

mel in die acceptus in cibo fatis fuit, & non revomebat, velut Charioni contigit.

Mutationes profunt, si non ad prava mutantur, velut his, qui a medicamentis vomunt febrium gratia. Fines in meraciore desinentes, putrefactionem significant, velut Dexippo. Serapis ex liquida alvo intumuit. Pruritus autem haud scio quot diebus, non ultra. Habebat autem & abicessum quemdam in lateris mollitudine, qui nigrefactus occidit. Et Stymargi uxor ex ventris per paucos dies turbatione, ubi multum in sistendo laborasset, & post pueri sexus feminei quadrimestris ex corruptione discessum sana facta esset, intumuit.

Moscho e calculo laboranti fortiter, in superna palpebra hordeolum obortum est magis ad aurem. Deinde intro exulceratum est. Quinta, & sexta die ex internis pus erupit. Infernas affectiones solvit. Glandularum tumor, ac inflammatio circa aurem erat, itemque inferne in collo, e directo superni tumoris. Aristæi uxoris frater fatigatus in via incalescebat. Deinde in tibia tumores fiebant terebinthi fructui similes. Postea febris continua fiebat, & postridie sudor factus est, & aliis paribus diebus semper idem fiebat. Adhuc autem febris tenebat. Erat autem sublienofus. Ex sinistra nare sanguis erumpebat frequenter, & paulatim. Judicatus est. Postridie juxta sinistram autem tumor. Sequenti die etiam circa dextram, sed hic minor, & insuper tepefcebat. Hi evanuerunt, & non suppurati sunt. Qui ab Alcibiade venit, ei ex febribus modicis ante judicationem testis sinister intumuit. Habebat autem splenem magnum, & sane tunc judicata est febris vigesima die. Deinde alias atque alias subincalescebat, & subflori-

dum spuebat. Cuidam manus dextra, & crus sinistrum, quum ex tussi parum, & nihil memorabile eiecisset, siderationis modo resoluta sunt, alia vero nulla re alterata est, neque facie, neque mente. Nec vero adeo fortiter illis partibus. Cœpit ad melius procedere circa vigesimam diem. Factum autem hoc est illi fere circa mensium eruptionem, & fortassis tunc primum apparebant. Erat enim virgo. Apœmantus, & pater fabri illius, qui caput fregit, & Nicostratus non extussiebant quicquam. Erant autem alibi circa renes dolores. Interrogationes factæ sunt, dicebant ipsos semper repleri potu, aut cibo. Dolores fortissimos quo modo dinoverit quis conspiciatus, fuga, tolerantia, experientia, & timiditates indicant.

Aqua, quæ cito calefcit, & cito frigescit, semper levior est. Cibi, & potus experientia opus habent, an ad æqualitatem mancant. Dicendum quod, ubi sanguis effluxit, expallescent, & quæcumque alia hujuscemodi.

Abortus masculus sexaginta dierum, in partium suppressionibus salubris. Hercules intumescibat mali ipsius diæ octava. Magis ex dysenteria laborat quisquis sane etiam e tenesmo vexatur. Quædam lactans pustulas per corpus ubique habebat. Postquam autem lactare cessavit, sedatæ sunt per ætatem. Coriarii illius, qui coriacea præparabat, uxori, quum peperisset, & perfecte exsoluta esset, visum est de secunda membranofum quiddam remanere, discessit autem quarta die male. Nam urinæ stillicidio vexabatur. Statim concipiens peperit masculum. Habebat autem jam multos annos, & postremum neque menses prodibant. Quando autem peperisset, urinæ stillicidium paululum intermittebat.

Quædam priusquam conciperet, coxam dolebat. Postquam autem concepit, non amplius dolebat. Ubi vero peperit, vigesima die rursus doluit. Peperit igitur masculum. Prægnanti in tibia inferne dextera, tertio, aut quarto mense pustulæ, ad quas manna thuris urimur, itemque in manu dextera juxta magnum digitum, haud scio, an peperit, reliqui enim ipsam semestrem, habitabat autem, velut ego puto, in ædibus Archelai ad rupem. Antigenis uxor habitabat juxta Nicomachum, peperit puerum carnosum quidem, verum qui haberet maximas partes discretas, magnitudine vero esset quatuor digitorum, & sine ossibus, deinde crassius, ac rotundus. Hæc autem anhelosa erat ante partum. Deinde simul cum partu pus revomuit modicum, velut ex furunculo vocato tuberculo.

Quæ filias peperit gemellas, & difficulter peperit, & non valde purgata est, tota intumuit. Deinde venter ipsi magnus fiebat. Reliqua vero reprimebantur, & rubicunda prodibant usque ad sextum mensem. Deinde alba valde per omne jam tempus. Atque hæ fluxiones veneri officiebant, & mera rubicunda ipsi profluebant. In diuturnis intestinorum levitatibus ructus acidus fiens, antea nunquam factus, signum bonum, velut Demænetæ contigit. Fortassis autem licet etiam arte parare. Nam turbationes ejusmodi alterant. Fortassis autem & ructus acidi intestinorum levitatem solvunt.

Sanata est veratri potione Lycea; postremum splen magnus, & dolores, & febris, & ad humerum dolores. Et vena, quæ in splene est, in cubito secabatur, & saliebat quidem sæpe. Aliquando vero etiam non est secta, sed una cum sudore sanguis penetravit, aut sua sponte.

Ex quo autem prodibat, splen dextera parte intendebatur, spiritus intus duplicabatur, non tamen magnus. Mente movebatur, contegebatur, flatus inerat, non prodibat inferne quicquam, neque mingeat. Mortua est ante partum. Quæ circa fauces ad alterutram partem repentia processerunt, exulcerata non sunt, ad sinistra transiverunt, ad splenem dolor venit citra judicationem. Hieroni judicatio facta est decima quinta die.

Coi forori hepar elevatum est splenico modo. Mortua est secunda die. Bion simul multum mingeat, quod non subsidebat, & sanguis ex sinistra nare manabat. Erat enim & splen sursum in gibbum elevatus, ac durus, superstes mansit, recidiva.

Erant autem anginosorum affectiones hæ. Colli verticula intro vergebant, quibusdam amplius, quibusdam prope. Et collum forinsecus conspicuam cavitatem intro habebat, & hac parte ad contactum dolebat. Erat autem & cuidam infra os dentis appellatum, quod non similiter acutum est, quibusdam vero etiam valde rotundum, majore circumferentia. Si non cum dente appellato, fauces non inflammatae, verum jacentes. Partes sub maxilla tumida, non inflammatis similes. Neque glandulae ulli intumuerunt. Sed magis secundum naturam, linguam non facile vertebant, ipsisque & major esse videbatur, & prominentior, & sub lingua venæ conspicuæ, deglutire non poterant, aut valde difficulter. Immo ad nares fugiebat, si valde cogerent, & per nares loquebantur. Spiritus autem his non valde sublimis.

Quibusdam vero venæ in temporibus, & in capitibus, ac cervice elevatae. At recrudescenti-

bus, ex his, parum quiddam tempora calida, etiamſi alias non febricitarent. Non ſuffocabantur plurimi, niſi quum deglutire cupiebant aut ſalivam, aut aliud quiddam. Neque oculi intus deſidebant.

Quibus igitur tumor erat rectus, nec in alteram partem vergebat, hi neque leviter ſideratorum modoolvebantur. An vero aliquem periſſe viderim, in memoriam revocabo. Quos autem nunc novi, ſuperſtites manſerunt. Erant autem partim celerrime allevantia. Plurima vero ad quadraginta dies deveniebant, & in hoc plerique etiam ſine febre.

Multi vero etiam ad valde longum tempus, partem aliquam tumoris habebant. Et deglutitio, & vox indicabat, & columellæ liqueſcentes ſignificationem quamdam pravam exhibebant, quamvis nullum gravius malum habere videbantur. Qui vero tumores ad alteram partem vergentes habebant, hi unde verticula inclinata fuerunt, iſthicolvebantur. Atque inde ad alteram partem diſtrahebantur. Erant autem hæc in facie maxime conſpicua, & in ore, & interſepto juxta gurgulionem. Sed & maxime interne pro ratione immutabantur.

Cæterum resolutiones leviter ſideratorum modo, non per totum corpus fiebant veluti ex aliis, ſed uſque ad manum, ab anginoſa affectione. Atque hi & matura exſpuebant, eaque pauca, ac difficulter. Quibus autem in rectum tumor tendebat, itidem exſpuebant. Quibus vero etiam cum febre, hi multo magis; & difficulter ſpirabant, & aliena loquebantur, & ventæ his magis elevatæ. Et pedes omnibus quidem frigidiffimi erant, maxime autem his. Et hi ad erecte ſtandum impotentiores erant, Et quidam non

statim moriebantur. Quos autem ego novi, omnes mortui sunt.

S E C T I O III.

Constitutio Temporis.

IN Peripnithum circa solstitium fere æstivum venimus, facta autem est hyems clementi cælo, austrina. Ver & æstas valde sine aquis usque ad plejadum occasum. Nam si etiam quid aquæ cecidisset, id erat velut minutæ roris guttæ. Et Eteliæ non valde spirarunt. Et qui spirarunt, divulse id fecerunt. Æstate febres ardentes populariter grassatæ sunt multæ. Erant autem sine vomitu, & alvi turbatæ ex tenuibus, aquosis, non biliosis, spumosis, multis, quæ aliquando deposita etiam subsidentiam habebant, ex quibus sane etiam id, quod sub dio noctu exponebatur, simile erat. Æquales specie alvi secessus semper, malum. In his multi soporosi erant, & mente moti, hi vero ex somnis tales fiebant. Quum autem suscitati essent, omnia intelligebant. Spiritus sublimes, non tamen valde. Urinæ tenues quidem plurimis, & paucæ, alias autem non decolores. Sanguinis eruptiones e naribus non fiebant nisi paucis, neque parotides juxta aures, de quibus postea scribam, neque splenes adtollebantur, neque dextrum præcordium, neque dolorosum valde, neque fortiter intentum erat. Erat tamen quid, quod judicationem faciebat. Et maxime judicabantur omnia plerumque circa decimam quartam diem, pauca cum sudore, pauca cum rigore, & valde paucis recidivæ fiebant. At vero sub minutas velut roris

guttas, quæ in æstate fiebant, apparebat fudor. In febricitantibus etiam quidam sudores statim ab initio fiebant, non tamen maligno modo, & quibusdam sub hoc tempus etiam judicatio facta est cum sudore.

Fiebant autem in febribus æstivis, circa septimam, octavam, & nonam diem, aspretudines in cute miliaceæ, culicum morsibus maxime similes, non valde pruriginosæ. Hæ perseverabant usque ad judicationem. Nulli equidem masculo tales erupisse vidi. Mulier autem nulla mortua est, cui hæ fiebant. Et gravi auditu præditæ, & soporosæ erant. Prius autem non valde soporosæ erant hæ, quibus illæ affuturæ essent. Non tamen in totum durabant. Verum soporosæ, & somnolentæ erant per æstatem, & usque ad plejadum occasum. Postea vero magis vigiliæ aderant. Sed neque in totum ab hac constitutione moriebantur. Alvum igitur per cibos sistere non dabatur, immo præter rationem putasset quis mederi conducere, etiamsi minus multa quibusdam prodirent per hoc, quod in frigore quis jaceret strato supposito. Nam ulcerat quidem frigidum, calefacit autem ejusmodi species sensim progrediendo adhuc magis, etiamsi nulla afflictio naturæ accedat, & in quibus, & qualia signa, & plura, aut pauciora fientia; oscitatio, tussis, sternutatio, distentio cum oscitatione, eructatio, flatus, omnia talia corrumpunt. Quibus in febribus anxiosis, horridis, rubescunt facies, lassitudines, oculorum dolores, capitis gravitates, resolutiones leviter sideratorum modo, & menses si apparuerint, maxime quibus primum, sed & virginibus, & mulieribus, quibus per tempus, sed & quibus non, in quo solet tempore, aut velut oportet, apparent. Deinde

pallidæ sunt. Magnum autem in omnibus, id quod & consequenter fit, & in quo tempore, & in quibus, Valde biliosis, in febribus maxime, omnino quibusdam ad crura purgatio.

Medicamentorum modos scimus, ex quibus qualia, & quæ sunt. Non enim omnes similiter, sed alii aliter componuntur. Et alibi citius, aut ferius in manuum tractationes assumuntur, velut est aut siccare, aut tundere, aut coquere, & ejusmodi. Omitto plurima, quæ unicuique, & in quibus morbis, & quo tempore morbi, ætatem, speciem, victum, qualis hora anni, & quæ, & qualiter procedat, & hujuscemodi.

Zoilo juxta murum ex tussi matura, febris acuta, & faciei rubor, & alvus intercepta, præterquam ad necessitatem coacte, lateris sinistri dolor, & auris e directo valde dolorosa, & caput non usque adeo. Spuens semper suppuratum ægrotabat. Sed alia judicata sunt, & juxta aurem pus multum erupit circa octavam, aut nonam diem. Principia vero noni diei ex dolore auris. Haud scio, quomodo sine rigore judicatio facta est. Sudavit caput valde. Et hic sudor firmus erat, quod quidem ardor etiam sinistri lateris esset. Superne una cum aure dolor sedatus, maxime circa scapulas. Sed & ante sputa multa, ab initio florida rejecta, & circa septimam, aut octavam diem. Deinde laboriosa. Alvus restitit usque ad nonam, & decimam diem. Dolor extinctus est. Tumor remittebat, & sudores fiebant parvi, non autem judicabant. Manifesta autem erant hæc tum ex aliis, tum ex secessu. Nam incipiente auris dolore, etiam venter turbatus est. Erupit autem ex aure nona die, & judicatus est morbus decima quarta sine rigore eadem die. Sed & sputum largius ibat, & maturius, postquam auris erupit.

Sudores autem, & serpentina ulcuscula ad multum tempus in capite fiebant. Resiccata sunt tertia die.

Quaecumque sine signo judicationis judicatorio disparent, male judicata sunt, velut erysipelas ancillæ Polemarchi. In glandularum tumoribus febres, malum, exceptis diariis. Et in febribus glandularum tumores, deteriores, qui in acutis ab initio vigorem remiserunt. Spiritus, præcordiis elevatio mollis, & intentio neutra, in ipsis superne rotundum, in dextris velut circumferentia suppuratoria, aliud longius magis, aliud diffusum, aliud deorsum repens, & hinc atque hinc distentio usque ad umbilicum. In omni sursum versus e directo latatione, si revocetur, & in rotunditatem concludatur, quatenus quidem spiritus fuerit, citra judicationem calorem adtenuatur. Si vero hunc effugerit, ad suppurationem procedit. Spiritus densi parvi, magni rari, parvi rari, extra magnus, intra parvus, alius quidem extendens, alius vero urgens, dupla intro revocatio, velut superinspirantibus, calidus, frigidus.

Medela assiduarum oscitationum spiratio longa. Non potantibus, & vix, spiratio brevis. E directo etiam laterum intentio dolorosa, & præcordiorum intensiones, & splenis elevationes, e naribus eruptiones.

Quæ relinquuntur post judicationem, recidivas facere solent. Primum itaque lienis elevationes, si non ad articulos finierint, sanguinis e naribus eruptio fit, aut præcordii dextri intentio, si non penetraverint urinæ. Hæc enim est interceptio utrorumque, & recidivæ horum merito fiunt. Abscessus igitur horum facere oportet, si non fiant, eos vero, qui jam fiunt, declinare. Eos autem excipere, si prodierint jam,

& qualia oportet, & qua parte oportet. Qui vero non valde, eos coadjuvare. Eos vero avertere, si omnino incommodi fuerint, maxime si hi adfuturi sunt; sin minus, si jam veniunt. Quarta die fientes sanguinis e naribus eruptiones ægre judicant. Febres, quæ una die intermittentes, altera supperrigent, una cum judicatione ad septimum circuitum durant. Scopo ex mucosis, biliosis, & faucium inflammatione, malo victu uso alvus suppressa est, & febris acuta facta, & lingua florida, & vigil sine somno. Pectinis intentio fortiter, æqualiter, paulatim ad infernam partem in dextris. Spiritus subdensus, præcordia dolebat, & respirans, & quum verteretur. Sine tussi vero exercebat subcrassa. Peplus ipsi data, a præcordio quidem depulit, transivit autem nihil. Postridie glandes duæ appositæ non apparuerunt. Urina crassa, & turbata. Subsidentia levis, & plana, & restitit alvus in turbulentia, venterque mollior erat. Et splen elevatus, & deorsumurgens factus est. Potu utebatur aceto mulso dulci; aut favorum cremore cocto. Decima sanguis ex sinistra nare aquosus paucus venit, non autem valde infirmus erat ob hoc ipsum, & urina subsidentiam habens. In subsidentia vero subalbum quiddam adhærens vasi, tenue, neque genituræ simile, neque dissimile. Defluxit hoc brevi. Postridie judicatus est, a febre liber, & subiit subviscosum undecima die. Hoc vero circa defluxum erat quid biliosum. Urinæ vero purgatio multa tum copia, tum subsidentia, & priusquam vinum bibere inciperet, fere pituitæ similis. Penetravit autem undecima die, ut quæ non esset multa. Viscosa vero erant stercora, & turbata.

Hujusmodi autem judicatorio modo fiebat. Nam & Antigenis in Perintho tale erat.

Quæ circa linguas elewantur collectiones, & humiles calculi, & quæ podagricis fiunt, circa debiles illorum articulos sunt. Nam ossium natura causâ est, ut hæc & indurentur, & distendantur. Collectio Hippostrati uxori ex quartana annua ad fastigium elevata est, quum subfrigida palam esse videretur; impetus in totum corpus factus est, & sudor. Judicata est hoc modo; & postea menses plures copia, & tempore. Tunc enim suppressi fuerant. Abscessus non consistere visus est. In pulsantibus sanguinem fundentibus figura ampla; & in totum si ex omnino declivi acclive fiat. Quapropter etiam deligationes in venarum sectionibus impetum faciunt; fortes vero sanguinem impediunt. Sanguineum; & subbiliosum ructum acidum facit. Fortassis autem ad atræ bilis morbum his desinet.

Rigores incipiunt mulieribus quidem magis a lumbis, per dorsum ad caput. Sed & viris posteriore corporis parte magis; quam anteriore; velut cubitis, femoribus. Sed & cutis rara. Indicant autem pilus animantium.

Quibus nihil intra constitutum tempus accidit, singulis partus vitales fiunt. Apparentia; in quibus menses fiunt. Labores in circuitibus. Quicquid in septuaginta movetur, in triplicitatibus perficitur. Post menses dextera, & sinistra hiant.

Humiditas per prodeuntia requirit diætam siccissimam. Quod citius motum est; ac discretum, rursus augefcit etiam tardius, & ad longius tempus. Labores circa quinquagesimum tertium diem, & circa centesimum sextum. Labores tertio, quinto, septimo, nono mense, &

secundo, ac quarto. Quæ nosse oportet ad septimum mensem, aut a mensium fluxu numerandi sunt novem menses, aut a conceptione, & ad septuaginta, ac ducentos dies, græci menses sunt, & si quid amplius ultra hos est, & aut masculis, aut etiam femellis hæc sunt, aut contraria. A cibus, & potibus humeri, ac mammae inflantur, & impotentiae, & inflationes in capite incrementa faciunt, donec ossa fuerint solida facta. Menstruorum purgationum circuitus est. Quæ ante has sunt gravitates, similes sunt laboribus octimestribus.

Primipararum lac, alimento quidem transmutationem accipiente, octimestri vero perficiente.

Si in vulneribus fortibus tumor non appareat magnus, malum. Laxi bonum, sursum pascetes, pejus. Menstruæ purgationes similes octimestribus, in tendentibus ad decimum mensem fientes, malum. Quibus tumores in ulceribus, non valde convelluntur, neque infaniunt. His autem derepente dissipatis, quibus quidem ad posteriores partes, convulsiones cum doloribus, quibus autem ad anteriores, aut infantiæ, aut dolores lateris acuti, & dysenteria rubra. Tumores præter rationem allevantes, pravum, velut Andronici filio Erysipelas recurrit, si non ad eundem locum rediens, bonum quid significet. Hoc ex nativitate circa aurem, ad pubem distributum est. Alteri tertia ex nativitate die factum, suppuratum est nona. Hic septima die sanus evasit. Maligniora sunt, quæ derepente disparent.

S E C T I O IV.

De Venis.

HEpatitis in lumbis usque ad magnum verticulus, inferne etiam vertebrae se ingerit, hinc sublevata per hepar, & per septum transversum ad cor, & quæ quidem recta est, ad claviculas, hinc aliæ quidem ad collum, aliæ vero ad scapulas, aliæ deorsum deflectentes, ad vertebra, & costas declinant. Et ex sinistris quidem una prope claviculas. Ex dextris vero ad quemdam ipsarum locum. Alia vero utrinque deflecta. Alia paulo inferius deflecta, ubi quidem illa deficit, costis se ingerit, donec ad venam in ipsum cor accesserit, ad sinistras deflecta. Infra autem decurvata ad vertebrae descendit, donec perveniat, & inde incipit elevari, ingerens se costis reliquis omnibus, hinc atque hinc singulis ramulos præbens, quum sit una, a corde quidem ad locum quemdam a sinistris magis procedens. Deinde infra arteriam, donec consumpta fuerit, & venerit eo, unde hepatitis sublevata est. Priusquam autem eo venit, circa extremas duas costas divisa est, & partim ab hac, partim ab illa vertebrae parte progressa consumitur. Quæ vero recta a corde ad claviculam tendit, supra arteriam est, & ab hac, velut etiam juxta lumbos infra arteriam, ad hepar insilit, partim in portas, & pinnas, partim in reliquum deinceps procedit paulo infra septum transversum. Septum autem transversum adhæret hepati, neque facile est ipsum separare.

Duplices porro venæ a claviculis, alteræ hinc, alteræ illthinc, sub pectus ad pectinem procedunt,

dunt, quo vero hinc, nondum scio. At septum transversum infra juxta vertebra, quæ est infra costas, qua renes ex arteria ea parte conflunt. Verum arteriæ ex ipso rene oriuntur, hinc atque hinc ab arteria nervum habentes. Atque hac parte alicubi in recurrente a corde Hepatitis desinit. Ceterum ab hepatitide per septum transversum maxime duæ, altera hinc, altera isthinc, sublimis feruntur, multifidæque per septum sunt, & circa ipsam consistunt in superna parte, atque hæ magis sunt conspicuæ.

Duo vero nervi a cerebro sub os magni verticuli, ex supernis & ad gulam magis, ab utraque arteriæ parte descendant, & uterque in se ipsum incidens, uni similis, ubi vertebrae, & septum sunt, ibi desinunt, & quidam ambigui, ex hac societate ad hepar, & splenem ipsos tendere putaverunt. Alius nervus ab utraque verticulorum parte juxta claviculam ad spinam procedit ex obliquo vertebrarum, & ad costas distribuitur, & quemadmodum venæ, sic hi per septum ad mesenterium mihi tendere videntur. Ubi autem hæ deficiunt, rursus hinc, ubi septum exoritur, ab eo coherentes, ac continui existentes, juxta medium infra arteriam, deinceps ad vertebrae distribuntur, quemadmodum venæ, donec ad sacrum os progressi consumuntur.

In Aeno ex assiduo leguminum esu, feminae, & masculi, crurum impotentes facti sunt, ac vitam degerunt. Sed & his, qui ervo vescuntur, genua dolent. Diligentia adhibenda est, ut ex candescentia inducatur, & coloris reparandi, & sanguinis in vasa subter cuticulam colligendi gratia, itemque lætitia, & timor, & hujusmodi, & si quidem reliquum corpus simul ægrotarit, simul curare; sin minus, fatis est.

Stymargi famula Idumæa erat, quæ ubi filiam peperisset, conversum est ei uteri osculum, & dolor ad coxam, & crus. Juxta malleolum secta vena, liberata est, & quidem quum etiam tremores totum corpus detinerent. Verum ad causam devenire oportet, & ad causæ principium.

S E C T I O V.

Naturæ Indiciorum Notio.

QUicumque fulvi, naso acuto, oculis parvis, mali. Quicumque fulvi, simi, oculis magnis, boni. Hydropici rivos oculos habent, & calvi sunt. Vocis gracilitatem solvit varix ad sinistrum, & dextrum testem, absque horum altero fieri non potest, ut solvatur. Magni, calvi, balbi, gracili voce præditi, boni. Morbos autem habent, balbus, aut calvus, aut gracili voce præditus, aut hirsutus, fortiter atrabiliarios.

Qui lingua offendunt, & labiorum non sunt potentes, eos necesse est, dum illa solvuntur, suppuratos fieri. Dolorem in locis infernis fortem surditas solvit, itemque sanguis multus ex naribus erumpens. Infania magni morbi ex more fientis solutio.

Si puerperis convulsio fiat, febrem excitato, & cerato multo tepido in vesicam immisso, ac per clysterem infuso colluito. Si capitis os fractum fuerit, lac, & vinum, admixta aquæ pari mensura, bibenda dato. Si vero ulcus fuerit, internas venas secato, si non febricitet.

Si autem desipiat, caput irrigato, si non præcordia fuerint elevata. Si caput doluerit, ad pe-

tus descendit, deinde ad præcordia, postea ad coxam. Omnia vero ut doleant, fieri non potest.

Ventositatem flatuosam venæ sectione, fluxionem pharmaco illito sistito. Fluxus enim ex vena magna est. Si vero sua sponte multum fluat, jejUNET, aut aquæ partes duas, lactis quatuor bibat.

Infecundas fomentis, ac medicamentis curato. Quicumque derepente voce destituuntur, si sine febre fuerint, ipsis venam secato. Pituitæ fluxiones ex mammis trahunt oculi, & eructant per nares ad pulmonem.

Quibus tussis sicca est, his non solvitur, nisi dolor fortis ad coxas, aut ad crura, aut ad testem irruat. Si hydropicum tussis corripiat, si quidem statim animo linquatur, calidis omnibus utatur; sin minus, inebriato, ac cibis ipsum impleto. Venas autem internas secato, dum morbus magnus in intentione est. Solutio coxarum doloris, oculorum distortiones, cæcitas, testium tumoris, mammarum elevatio. Si febre tenente, partes circa faciem graciles fuerint, in die impari, sequenti die solvetur. Hydropicus si tumorem in cruribus habens, tussiat, malum. Si auris doleat, lacte utatur. Si non in die impari febris dimittat, recidivare necesse est. Cui vena in cubito pulsarit, insanus, & iracundus est, cui vero quieverit, stupidus. Vulnus si sanguinem fundat, ulcus ne madefacito, verum caput calida rigato. Si os ventriculi doleat, panem calidum cum vino meraco exhibeto.

Vomitus solutio: aquam calidam bibendam dato, & vomat. Quæcumque corrupta torpescunt, evulsa vena ulcerato, ac sanato. In convulsione digitorum manus citra febrem, venam secato, si non caput doleat; sin minus, aquam calidam asfundito. Ad oculos. Spodii partem duodecimam,

croci quintam, nuclei olivæ unam, cerusæ unam, myrrhæ unam. Aquam frigidam super caput fundito, & allia cum maza edenda dato. Varices calvorum, si non magni fuerint, furiosi sunt. Ad vitiliginem, & lepram. Calcem in aqua adhibeto, ut ne exulceres. Secundarum purgatio, si non discedant. Sternutatorium ad nares apponito, ut sternutet, & sternutantis nares, ac os apprehendito.

SECTIO VI.

Naturæ Indiciorum Notio.

CApud magnum, oculi parvi, balbi, iracundi sunt. Qui longæ vitæ sunt, plures dentes habent. Balbi; celeri lingua præditi, atræ bilis humori obnoxii, biliosique sunt, oculis non nictantes, iracundi. Magnum caput, oculi nigri, & magni, nasum crassum, & simum habentes, boni. Oculi ravi magni, caput magnum, cervix tenuis, pectora angusta, congrue adaptati hominis sunt. Caput parvum habens, neque balbus esse poterit, neque calvus, nisi fuerit glaucus.

In convulsionibus si vox in die impari solvitur, a magno morbo liberat. Puerperæ febricitanti, & dolenti, aquam affundito, & ptisanam crassam ter in die calidam dato. Puer nutritur septimo mense, aut nono, aut decimo, & voce firmatur, & robur sequitur, & manibus validus fit: dum vox solvitur, omnia solvuntur. Solutio enim similis est voci. Solvitur autem in die impari.

Si venæ pulsaverint in manibus, & facies sana, ac robusta fuerit, & præcordia non fuerint mollia, diuturnus fit morbus, qui sine convulsione

non solvitur, aut sanguinis multi ex naribus eruptione, aut dolore ad coxas. In gutturis dolore aquam calidam super caput fundito, si non frigus fuerit; sin minus, farinam quam calidissimam dato, & vinum meracum. In turbatione ventris fabas coctas dato, si non supernæ partes abunde fuerint biliosæ. Aut cuminum cum fabis edendum dato.

At interceptio morbi fieri non poterit, nisi in die impari. Neque principium fieri poterit, nisi in die pari, itemque mense, ac anno pari. Nitrum autem Ægyptium, & coriandrum, ac cuminum cum oleo terito, & ventri illinito.

Qui moriuntur, eos necesse est die impari, & mense impari, & anno impari mori. Bonum autem fuerit prædicere mortem, aut dolores fortes. Quorum oculi robusti non sunt, his mors brevi imminet. Si vero in impari anno fiat, ab utrifque impares fieri necesse est. Si autem in anno pari, & die pari, necessarium est in impari die mori. Ex numero tertia fortissima est.

Anginam, & lippitudinem venæ sectio. Vulnere intestino, respiratio prodit inferne inconspicua juxta vulnus, & evacuantur pectora. Dato igitur lac, & vinum, pari aquæ mensura admixta.

Quorum pectora bilem generant, balbi, furiosi, & calvi sunt. Quicumque horum ex nativitate etiam strabones, hi imprudentes sunt, aut calculosi, aut insanientes. Quibus autem non, alterius mali solutio fit. Circa naturam plurimam vim habet mamma dextera, oculus dexter, & quæ infra sunt hac parte. Nam & masculi dextris inhærent.

Mulieribus menses ut sistas, cucurbitam maximam ad mammam affigas. Trimestris puer omnia

præ se fert, & lac tunc habet. Si multum fluat lac, necesse est fetum debilem esse. Si solidiores fuerint mammae, sanior est fetus. Vena crassa est in utraque mamma, quapropter maximam habent prudentiae partem.

Urinae stillicidium solvit venae sectio. Si superni loci turgent; qui sunt circa caput, ulcerum purgatio, vomitus, hydrops. A ventris turbatione, aut a tussi, si cancer fiat, os amarescit. Dato autem elaterium bibendum bis, aut ter, si non balbus fuerit. Deligare vero oportet florem æris ustum, donec fulvus evaserit, & spongiam, si non balbus fuerit.

In anxietate, horrore, oscitatione, dato vinum, pari aquae mensura admixta, & lac. Ad auris dolorem cucurbitam affigito. Quicquid supernarum partium doluerit, dolor ad coxas, aut ad genua, & anhelatio fiens, omnia hæc solvit. In volvulo molli frigidum vinum multum meracum pro ratione dato, donec somnus, aut crurum dolor fiat. Solvit autem & febris, & dysenteria citra dolorem. Si præcordia distenta fuerint, manu comprimito, ac lavato. Ad paronychiam unguium abscessum, galla nigra cum melle. Aqua fecedente, lactis heminas octo bibendas dato. Si vero vomat, & non bibat, allii, aut ceparum intritum dato.

Ut mulier in utero concipiat, polypos parvos super flamma calidissima assatos, & fere semiambustos, edendos dato. Et nitrum Ægyptium tritum, coriandrumque, ac cuminum in pastillos efformato, in pudendumque subdito.

Si ex crapula caput doleat, vini meraci heminam bibat. Si vero aliter caput doleat, panem quam calidissimum cum vino meraco edat. Si hominem calor corripiat non a bile, neque a pi-

tuita, sed aut a lassitudine, aut alias febriat, aquam multam calcascito, deinde ea superinfusa caput rigato, donec pedes sudarint, & farinam crassissimam coquito. Postquam autem pedes sudarint, farinam plurimam, & calidissimam edens, ac vinum meracum insuper bibens, vestimentis contactus facile quiescat. Aut narcissi duo, aut tria, capita in cœna edat. Qui insania corripitur, ei hoc signum præfagit, sanguis colligitur ipsi ad mammas.

HIPPOCRATIS

LIBER IV.

DE MORBIS POPULARIBUS

PRÆFATIO.

Iste omnium mihi visus est minimi momenti, qui de popularibus inscribuntur. Mistra omnia & confusa. Historiæ morborum imperfectæ, aphorismi non satis veri.

Intercedunt alia, quæ possint aut HIPPOCRATIS esse, aut ex HIPPOCRATICIS exscripta.

GALENUS ad collectanea HIPPOCRATIS refert, absque castigatione a THESSALO edita, neque displicet judicium. Multa etiam ubique anni tempestatum & calis memoria. Cum tamen Cynici mentio fiat, qui auctorem ad agrum deduxerit,

Et cum DIOGENES multis annis HIPPOCRATE sit recentior, senioris videtur ævi partus esse, quando secta cynica nunc convalescerat.

Post æquinoctium, & post plejada, qualia sunt erodentia, & mucosa, quæ caput aperuerunt, supra aurem prodierunt. Ei, qui apud Leocydis ædes habitabat, in pede, Phanodico digiti in pede, in pectore. Qui tibiam sectus est, hac parte etiam nigrefactus est. Erat ulcus magnum in externa tibiæ parte, & retro prodibat. Quum purum factum esset, lateris dolor, & pectoris sinistri e directo, & febres. Mortuus est a febre. Biliosum restiario abunde coloratum. Et uistoria adhibenti circa æquinoctium, sanguis multus deorsum prodiit. Seni valde vehementer abcessit, non ultra quatuordecim dies. Vulnerato ab Antiphilo, uisto, judicatio facta est die septima, bilioso, stupido. Tertia post judicationem sanguinem sput, superstes manebat, & recidiva facta est postea. Judicatus est, velut par erat, circa plejadum occasum primum. Post plejadum autem occasum biliosus ad insaniam usque, judicatio facta est, supervixit circa nonam diem absque sudore. Circa æquinoctium Chalcidonium a portis delatus ad forum, ex ruptione circa mammam dextram dolens, spuebat alias atque alias pallens subviride. Venter egerebat. Sudor auspiciatus septima, tenuit plerumque usque ad octavam, judicatus est decimaquarta. Circa quadagesimam tubercula exorta ipsi circa utrasque aures, haud immerito putabatur suppuratus fore, non factum est. Pectus Aristodemo uistum est.

Philidis filio, quum abscessus factus esset ex ca-

fu, & ipsi pectus ultum est. Erat autem dolor quidam etiam antea, post æquinoctium autumnale recidivæ, & alias usque ad solstitium hyemale, & cum sole æstivo. Acheloi uxor sexta die abortivit, quum esset sanguinea, & horrida, & sudores. Judicatio facta est decimaquarta, quot mensium fuerit fetus, haud scio. Masculum autem etiam alium ad dies viginti se abortivisse dixit, an vera dixerit, non scio. Circa solstitium hybernium aquilonares venti erant.

Morbo regio corripiebantur abunde colorati, & partim horridi, partim non. Linguae combustæ tertia die. Et turbationes circa sextam, & septimam, atque hæc diu durantes. Decimaquarta ventres resistentes, & in medicationibus non obediētes. Pro ratione febrium etiam nulli sudores.

Splenes quibusdam parvi, ad præcordia dextra extenti, & ad manum, submurmurantes. Sanguinis fluxiones, & urinis purgatio, ac judicatio. Multo autem magis infra nitebantur. Nam & hoc sub illud tempus corripiebat. Quibus non sic erat, splenes vero etiam elevati, his sanguis ex sinistra nare. Solstitium præterierat, hyberna hyberno modo in aquilonaribus, paulo vero post austrina erant, ad quindecim dies. Postea vero nives quatuordecim diebus. Circa hanc anni constitutionem, morbi regii abunde colorati vigeant, & non sincere judicabantur, recidivabant. Post nives, austrina succedebant, & pluviae, gravedines eruperunt & cum febribus, & sine febribus. Cuidam vero etiam ad dentes, qui antea ex medio doluerat; ad dextra, supercilium, & oculos. Erant autem, & raucosi, & fauces inflammatae, & glandulae isthic spongiæ appellatae intumescabant, & tubercula circa aures, & maxillam mollia, & cum febre sedabantur. Incipientibus

febricitare fiebant superne, & in utrasque partes pleraque horum, & spongiæ quibusdam sub autumnum, & hyemem. Sed & porrigines. Et multæ omnibus modis abortiebant, & difficulter pariebant. Sexta die virgini judicata, sexta revertentur, judicata vero sunt per sextam. Omnia in his temporibus sexta, & octava judicabantur, circa plejadum occasus. Meandri cæci uxor statim cum pallore viride, & statim purulentum spuit circa sextam, & hepatis fervor, & deorsum secessus modicus, carno purulenta fursum pauca, alba, lata exspuebat, cibum fastidiens. Mortua est prope vigesimam diem. Ex vicinis Thestoris famula, ex ustorii: secessu bilioso, multo, præcordio intenso. Sexta die ex suppressione alvus ipsi tenuia, multa, una vice egressit, & statim sudavit, & judicata est, & alvus substitit, eadem autem hora, quum riguisset, febricitavit, & rursus eadem hora. Therсандri uxor, quum pituita alba prædita non valde esset, lactans acuta febre correpta est. Huic lingua combusta est, dum alia comburerentur, sub hoc tempus, linguaque exasperabatur, velut grandine multa. Et lumbrici per os. Circa vigesimam autem non perfecte judicata est.

Circa plejadum occasus Metrophanti filius, caput percussus ab alio puero, per tertiam, quum pervenisset ad duodecimam diem, febricitavit. Occasus autem erat, quod quum detergeret partes circa ulcus, perfricuit, & perfrigeratus est, & labia statim sunt elevata. Adtenuata est autem cutis multis locis ulterius ab ulcere, quum autem sectus esset tarde, neque pus effluxit, neque levatus est. Juxta aurem vero videbatur suppurari, in maxilla ad dextram. Hac enim parte etiam ulcus erat. Postea & hoc non suppuratum est, &

humerus dexter suppuratus est cito. Mortuus est circa vigesimam quartam.

Post plejadum occasum is, qui aurem doluit, circa vigesimam diem postea voce destitutus est, & dextrarum partium impotens, sine febre sudavit, dextra auris, dexter oculus, consistebat non valde, & adtrahebat quid ex inferna parte. A sinistris autem distortus est oculus graviter dolens, collum durum factum est, tertia hora posteaquam doluit. Post plejadum occasum, servus Attici a quartana correptus, stupidus sedatus est. Alius eodem tempore vera stupida infania, ex phrenitide, ac lethargo mixta, correptus est. Ad coxas, & crura venit dolor, quievit, quoto die haud scio. Eodem tempore horridi, vomentes, & post judicationem cibum averfantes, & biliosi, & splenes magni, duri, dolorosi, & sanguinis eruptiones. Quibusdam vero eodem tempore, post plejadum occasum, ex naribus sanguis biliosus ob splenes.

In Cranone uxorem Nicostrati correptam decimaquarta die, statim occupavit impotentia colli, & aliarum partium, & cibus inclusus fuit usque ad decimam. Spiritus densus, parvus, impotentia, palps digitis, delirans, sudores, distracta sunt ad dexteram partem collum, os, oculus, nasus.

Urinarum subsidencia alba, ervum referens, alia alba, alia ramentosa, cum pallore subviridis, farinam lentium referens. Huic quandoque velut adiposum quiddam superstabat, atque hoc acervatum, non multum dispersum, velut quod in medio ipsarum pendere solet disparatum, velut extrinsecus ex ovicula, postea vero etiam non subfidens mingebatur, & alia quidem talis erat, alia subfidens, alia talis modice ad latitudinem dispersa, alia conturbata, alia talis. Quod in medio

vehi solet, nubeculæ subnigræ simile, quæ putaretur crassitudinem habere. Laxum autem aliud tenue, aliud tenue tale, aliud velut equi, aliud velut sunt caliginosa. Qui primus delatus est adolescens, huic urina pura tenuis. Omnium secessus tenuis, multus, sine bile, lingua valde aspera. Febris adurens, insomnis, alvus gibbosa. Hic mente motus est, octava arbitror die, protervum in modum, exsurgebat, pugnabat, turpia fortiter loquebatur, quum talis non esset. Huic quum urinæ multæ tenues prodiissent ex suppressione, somnus obortus est continuus, & sudor, qui iudicatorius esse putabatur, ex quo talis erat forte circa decimam diem. Verum postea rursus insanit, & brevi mortuus est undecima die. Occasionem fuisse puto, quod meracum multum bibisset, priusquam insaniret. Paucos habebat annos, propemodum viginti.

Eumenis uxor autumno vomuit bilem atram. Sed & odores manifesti erant, & febres horridæ, & cordis, sive osculi ventris dolores, biliosa pauca vomebat, & lumbricum. Secessus tenues per omne tempus. Ante plejadum occasum desinebant statim sanguinis eruptiones, & breviores erant febres, ac statim revertentes brevibus recidivis, & cibum averfantes, & velut excocti, & anxii, & cor dolentes, & ferini in iudicationibus, & rigore adfecti, & biliosi.

Adolescens peregrinus erat, cui tertia die sanguis ex naribus multus fluxit, itemque quarta, ac quinta. Sexta composite consistebat, mente motus est. Septima die alvus substitit, soporosus erat. Recidiva tertia die, alvus eniti cessavit. Urinam non vidi. Circa iudicationem velut debebat. At vero circa plejadum occasum austrina, & pluvix erant, & tunc adolescens mucosa, subbiliosa,

viscosa, multa recrementa egerebat, febris vehemens continua, lingua arida. Sexta judicatus est. Septima rursus invaluit, dimisit eadem die cum tremore.

Auris sinistrae fluxio viscosa, crassa, die sexta. Puero ab ulcere phagedæna croso, dentes inferni, & ex supernis, ac infernis anteriores emergebant, cavitatem habebant. Quibus os ex palato discedit, his medius confidet nasus. Quibus vero superni dentes anteriores, his latus est summus nasus. Qui quintus dens ab anterioribus numeratur, quatuor radices habet, singulis paribus ad utrumque vicinum dentem connexis, extremitatibus omnibus ad internam partem redexis. Circa tertium dentem suppurationes plures, quam juxta alios omnes. Et ex naribus fluxiones crassæ, & a temporibus dolores ex hoc maxime fiunt. Corroditur hic, maxime quintus, ex medio quidem nodum habebat unum, duos autem anterieus. Parvus primus intrinsecus juxta duos corrodebatur. Septimus radicem unam crassam, acutam habebat.

Athenadæ puero masculo doluit a sinistra parte infernus dens, a dextra supernus. Hujus auris dextra suppurata est, dum non amplius dole-ret. Post plejada clemens cælum, nubilosum, & caligines, judicationes quintanæ, & sextanæ, ac septimanæ. Jam vero etiam diuturniores, febres recidivantes, & quandoque erroneæ, & cibum averfantes, & biliosæ, & dysenterici cibum fastidientes, febriculosæ. Circa plejadum occasum, austruina fortiter erant, sanguinis eruptiones, & febres tertianæ naturam referentes, & lenes. Qui in sutrina decumbebat, sanguinem abunde biliosum e naribus effudit. Secessus modicus, judicatus est septima cum rigore. Servus in extrema

caupona quarta die sanguinem e naribus effudit, multa statim nugabatur, alvus renitebatur. Præcordium dolorosum, durum. Ad subditam glandem sexta die subierunt mala, cum pallore viridia. Septima mane jactatio, clamor multus, venarum pulsationes circa umbilicum. In acutissimis febribus pulsus densissimi, & maximi. Quale est ad vesperam exacerbari, tale erat in omni morbo.

Cæterum ad principia considerandæ sunt etiam exacerbationes, & an citius redeant, & continuitas, & anni tempus. Post plejadum occasum, austrina. Quæ quinta die judicabantur, intermissa una repetebant. At vero laxa pustulosa erant, velut Acanthio Lapyto. Circa plejadum occasum subscabra, & aspera erant pruriginosa, nullas lachrymas emittentia, & magis quidem hoc tempore. Sed & impetiginosa turgentia. Hæc erant in Pythodori uxore & Capelio, cum febre, sub cuius initium fere Pythodori uxori coxæ impotentes. Post plejadum occasum horrores, sanguinis e naribus eruptiones. Sutor quidam septima judicatus est, una intermissa, altera rediit. Rursus quarta judicatus est. Alius ex his, qui a Leocyde venerant, septima judicatus est. Alius quarta. Moschus nona. Largus sanguis ex sinistra, modicus e dextra nare. Ad decimam quartam ad judicationem, si quatenus debebant ab initio exacerbarentur. Delinquentes circa edulia decimam septimam fiebant. Circa aurem in dextra parte tuberculum parvum, intus durum, foris parvum læxum, dolorosum, nihil remittens, decima nona noctu factum est.

Valde biliosis suppuratis, purgatio sepiæ atramento maxime similis. Qui cucurbitam affixit, quum in coxa esset dolor, huic ad crus deorsum venit, & melius habuit. Qui in Ceramico ab

equo lapsus est, cui non statim cucurbita affixa est; ultus est intro, & vigesima die recrudit malum, sanguinis eruptiones faculentæ, & erodentes.

Tenedia quarta die abortivit masculum triginta dierum. Alvus liquida, tenuia egressit, lingua combusta fuit, judicatio quarta die. Post plejadum occasum lienosa, usque ad quintum diem fluebant, judicata sunt. Cuidam septima die urina velut ervi lotura, similis ipsa sibi ipsi, postea pura recidiva. Intermisit etiam Megaris filio, verum sanguis non fluxit. Urina velut Antigenis alba, crassa, similis. Circa solstitium hybernium, sidus non parvum, quinta, & sexta postea terre motus. Quæ in Perintho morabatur anhelosa, Antigenis uxor, quæ non sciebat, an prægnans esset, menses comparentes rubri. Venter alias atque alias parvus, alias magnus. Tussiens semper, velut si celerius iter perfecisset. Mensis erat octavus, sedata est prius febricitans.

Apemanti fratris uxor septima die abortivit femellam, velut dixit sexaginta dierum. Circa novam turbata est, post judicationem dexteram partes dolebat, velut a recidiva. Hæc & concipiebat cito, & perdebat. Alia quædam in albis mensibus filiam peperit. Alia in rubris, velut conveniebat. Horridi, anxii, cibum averfantes, recidivantes, biliosi, sanguine manantes, subsplenici, doloroso modo plurimi ex sinistris affecti. Apemanti uxori hac parte oculus distortus est dexter, ad alteram vero partem lateris mollitudo.

Aristophontis filia tertia, & quinta febricitavit, sicca plerumque perseveravit. Venter tamen huic turbatus, ægre judicatio fiebat, ultra triginta dies cessavit. Pustulæ ex lassitudinibus non valde fortibus, perveniunt ad septimam lividæ. Rigor an-

cillæ retro Heroum obortus est. At vero albæ magnæ, neque ipsæ valde bonæ, gravi sopore pressorum, & somnolentorum, & non confidentium, & bile renitente, & sive lubrica, sive dura fuerit alvus, non confidentes. Zoili fabri pulsus tremuli tardi. Urina, & alvi secessus moderate decolor, pectinis distentio utrinque in directum, usque ad umbilicum, cum febrè acuta, cibum averfans, siticulofus.

Filiæ ædilis apud Tecomæum, quum obscurum esset ipsi, quod uterum gestaret, secundi mensis initio erupit vomitus pituitosus, aliquando vero biliosus, difficulter peperit, perfecte purgata est. Vomitus similiter usque ad trigessimam diem perseveravit, postea venter turbatus est, & vomitus cessavit. Lienteria. Menses non prodibant per duos annos, hyeme habuit hæmorrhoidas. Duos fratres Cecropis familiares, quibus nigra ab initio prodibant, subfeculenta, edulia ex sanguine confecta colore referencia, ea ex spumosis bile abunde coloratis viridia erant. Qui asinum ex pacto elevavit, statim febricitavit. Tertiâ, & quartâ, & quinta, & septima, & octava sanguis erupit, judicatus est, alvus lubrica. Vir metallicus: præcordium dextrum intentum, splen magnus, alvus intenta, subdura, spirituosus, decolor. Huic ad genu sinistrum, recidiva, per totum judicatus est.

Temenæ filius habebat quid spiritus, ut viridantis palloris esset, ad dorsum, ad manus viridantis palloris. Maritus Lechus puerperæ apud Sitodochum, arquato morbo infestatus, ad quem septima die ingressus sum, octava moriebatur, neque mingens, neque egerens. Præcordia magna, & dura, & spiritus densus. Hic moriens ne frontem quidem sudore humectavit præ dolore. Hujus uxor ejecit femellam septimestrem, septima die.

die. Apparuit autem quarta die. Hanc a principio quidem pedum dolor tenebat. Desinente vero febre, spiritus non est solutus, sed intus relictus, dolor ad manus, & brachium.

Recidiva per longissimum tempus corripuit eos, quibus urinæ ante judicationem suppressæ fuerant. Quæ erat apud Temenen ipsius soror, cum rigore judicata est. Quam autem viridans pallor cito desineret, manus, & humeri doluerunt, horum autem cessante dolore, caput, oculorum palpebræ superne elevatæ sunt, & lachrymæ profluebant, reliqua non novi. Judicata est primum septima die. Menandri vinitor similiter, verum alvus ab initio tenuia egerebat, postea suppressa est, itemque urina judicata est, non rigit, septima die, quoniam alvus antea turbata fuit. Potamonis filio alvus non egerebat septima die, duobus diebus ante judicationem non rigit, quapropter neque urina suppressa.

Dens Hegesistratio, cui suppuratio, juxta oculum, suppuratus est juxta extremum, & rursus sanatus est oculus, & secundum nares pus descendit crassum. Juxta gingivam caruncule parvæ rotundæ abscesserunt. Huic circa tertiam diem suppuratio adfutura putabatur, postea avertebatur. Derepente vero intumuit maxilla, & oculi.

Quibus abscessus ad oculos in febribus ardentibus, hi maxillas rubent, & sanguinem ex naribus fundunt. Sed & quibus ad aures sunt. Fortassis autem & abscessus ad articulos magis, non tamen clare novi. Rigores tremulis, præcordii intentio. Menses apparuerunt decima septima, judicatio fiebat ita perpetuo. Si tamen non sic intus permanissent, judicabantur tertia, quædam quinta, quædam septima. Hegesistratio postremi duo dentes parte inter se contigua corrodiebantur,

postremus habebat super gingivam duos nodos, unum juxta cavernam, alterum ex altera parte. Qua vero parte duo nodi erant, ibi radices latæ similes singulis paribus concidebant, ad alteram partem medietas una rotunda. Mulier, cui sanguis e naribus erupit quarta, & sexta, septima judicata est: rubicunda erat.

Mulieri ex capite fortiter gravatæ, judicatio facta est circa vigesimam. Vigesima præcordia æstuosa. Septima die non valde sanguis e naribus erupit. Secessus tenues ad oculum dextrum circa octavam. Viro eadem, verum septima judicatus est. Sublienofus e sinistra parte. Huic octogesima die, & diuturniores oculi affectiones, fortassis quoniam post judicationem, & quia multæ.

Uxor Temenæ spiritiosa præcordia, & intenta. Menses per tempus apparuerunt. An vero etiam prægnans fuerit, haud scio, alvus primum suppressa, & tunc vomebat, postea non amplius, alvus enim multa viscosa, ac biliosa egerebat, præcordium non impediabat. Undecima ad magnam dextræ digitum inflammatio, alvi egestio etiam penitus procedebat. Quibus contingentibus, melius habebat. Nam & in somnum delatio minor erat, & febris, & quodammodo facilius spirabat, quoniam supra malum vomitum, vomuerat. Decimasexta sensim factus est spiritus densus, & febris, mortua est. Hæc febricitavit ante abscessum. Septima post abscessum periit. Erat & hæc rubicunda.

Filius mulieris ipsius Apemanti sororis, præcordia magna, & splen, spiritus, secessus amaræ bilis, aliquantulo stercore ammixto, lassus ex operibus. Vigesima die ad pedes, & judicatio certe lassus ad articulos, non ad oculum, præcordia vero erant intenta, & sane erat etiam tutlicula quædam modice sicca.

Quæ relinquuntur post judicationem, recidivam faciunt, & in ipsis morbis, quæ excernuntur, sputum præmaturum, alvi secessus, intemperies, & similia. Apemantus, cui dolores in sede, in dextri lateris mollitudine, & juxta umbilicum paulo inferius, & e dextra parte, ante dolorem urinæ cruentam mingebat, deliit tertia die. Et faber in altera parte, ex eadem in directum, & hic quoque urinam cruentam ejiciebat. Quæ ubi cessasset, ambo subsidentias in urinis habebant, & hoc tertia die. Apemantus autem plurimum fovebatur. Alter vero non sentiebat, nisi in dextra parte. Et Nicostrato accidit aliquid juxta ultimas partes a dextris, inferius quam quibus in sinistris, longe vero subter lateris mollitudinem, usque ad umbilicum utrisque.

Anicula apud Sosileum alba pituita referta. Tibiæ duris tumoribus, albis, laxis, itemque pedes, verum minus. Erant autem & in partibus infra femora, etiam si plerisque difficilis huc exitus patet, immo & in lumbis, & venter tenuis erat, præcordia submollia, spirituosæ non valde. Erat autem desinentibus plurimis etiam alia cura, ubi glauci facti erant oculi. Atque oculorum quidem cura paulo moderatior erat. Coxæ vero, ac cruris affectiones uterinæ erant, quum dolores esse putarentur. Apposito enim, ac subditio medicamento odorato ex farina, & unguento, contigit, ut brevi discuterentur, ac desinerent. Tempus autem abscessus ad oculum, annus. Circumcirca durus fuit, cui etiam pustulæ non perfecte contabuerunt. Sunt autem & a disquamatis talia.

Servus in Hippolochi villa, cui in præcordiis utrinque quid collectum erat durum, & fulgorem aliquantulum habens inferne, qualis erat in fabri ferrarij uxore hydropica. Cui tenuia recrementa

progressa partem aliquam evacuaverunt. Erat autem & hoc ipsum ad dextrum, planum quiddam supra ea, quæ circumferentiam habent elevatum. Huic umbilicus ex nativitate denigratus erat, & ulcus profundum fiebat, & umbilicus non valde cicatricem contrahebat, & pudendum summa parte denudatum erat, quum non statim tale fuisset, neque connatum, & adhuc magis fiebat. Hic plurimum vomebat, febris, cibi fastidium, sanatus est. Verum circa septimam a decubitu diem (nam & antea ægrotarat) aquam multam bibens, & fortassis aliter contemnens, jactabatur, & aliquantulum convellebatur. Desinente autem convulsione, citra animadversionem extinctus est. Ante hoc vero urinam acervatam minxit, & flatus cum crepitu prodierunt, & supernæ partes minime sunt evacuatae. Quum autem mortuus esset, statim etiam & illæ fortiter emollitæ sunt, & reliquæ rubefactæ sunt, velut a flagris per totum corpus, excepta ea parte, ubi tumor ille maxime elevatus erat, & multum quoque calidus erat. Cuidam vero in Abderis deorsum erupit. Cuidam autem anteriore parte intumescere sine febre. Tumor ad contactum suppurato similis erat.

Famulæ anhelosæ, quum vasa menstruum sanguinem funderent, anhelationes illæ cessabant, febris fiebat, mamma sinistra superne suppurata est, & ab initio etiam auris.

Olympiodori famulæ sanguis ex sinistra nare, & judicata est ad vigesimam, quemadmodum etiam febricitantibus, & secessus quales etiam æstate populariter grassati sunt, & quales Hipponactis.

Hyle famula Aristidis, octava die in pharmacorum purgatione, inferne signa habuit, qualia facile ferunt, & si non præter rationem debilitantur, & neque spumosa, neque subsanguinolenta, sed qua-

lia sunt ova, velut Heraclidæ uxor purgata est multum, & facile tulit.

Quæ in Bulagoræ villa depurgata erat, cœpit febricitare ex splene (Qui vero dextrum præcordium habent non quidem sublime, verum intantum, hi etiam magis rubicundi fiunt): rubicundum quum esset, alvum in principio turbatam habuit: exspectabam ad oculum decubitum. Huic septima die falluginosa lachryma mordax ex oculis prodiit, & secundum nasum, & fauces, & aurem sinistram. Decima quinta sudavit cum rigore, non judicabatur ante rigorem, pallida facta est valde, & faciei circumtenio, ac contractio. Aures e directo splenis, ac lateris dolebat. Pueris ventres turbati, & tussis sicca, quandoque ad humerum suppuratio fiebat in tussibus posterioribus diebus.

Fulio collum, caput, septima manus torpida. Nona crus torpidum, tussis cessavit. Cui maxilla distracta fuit, in quinto mense in ventre distracta erat ad sinistram partem. In Cranone Lycino Grammatico, ex febre biliosa ex splene, capitis gravitas, stridebat secundum pulmonem, in labiis utrisque ulcera, intus rotunda, parva, postea etiam sanguinis quid ex nare e directo manavit.

Famukæ, quam recens emptam vidi, cui durities in dextris erat magna, non valde dolorosa, & venter magnus, ac circumtensus, non similis hydropicæ, & alias pinguis, ac mollis, & non valde difficulter spirans, verum decolor. Menses septem annis non prodierant, facta est dysenteria, & non tenesmo tentata. Et sub hæc durities in dextra dolorosa erat, & febres tenues, & non ultra septem dies etiam alvus turbata est, secessus electrum referens, subviscosus, multus ad aliquot dies. Sanata est, & menses postea prodierunt,

& partes secundum ventrem molles fiebant, & corpus boni coloris, ac crassum ipsi erat.

Minois uxor ex sectione, pressa ab eam adminis-
trantibus durius, marcorem, ac corruptionem
incidit, malo ad pulmonem deveniente, brevi si-
gnificationem de se dedit, quotquot diebus super-
erat, erat & alius quiddam intrinsecus. Quæ in-
duntur in nares si febricitarint, si quidem solu-
tus fuerit dolor, crassa per nares effluunt. Si ve-
ro neque dolor, neque febris, tenuia, & fortassis
fervida. Veluti tenue quidem Hegesippo, quum
ad noctem quid indidisset. Crassum vero illi in
Corinθο eunucho simili, Celeuris filio erat.

Maturo in morbis abscessus an judicent, signum
est, si dum fervida sunt mala, non febricitarint,
& dum molesta sunt, facile portarint; velut quæ
in sede acciderunt Charoni. Leambio vero, quum
intestinum ulcerosum esse putaretur, in dysenteria
pharmacis curato, humerus, & sedes ulcerata
sunt in sinistra parte, citra febrem.

Cui a flatibus laterum mollitudo elevabatur,
& aliquantulum dolebat, huic, quum lac ube-
rius, & meracius bibisset, & insuper dormisset,
statim nausea, & calor accedebat. Deinde ignem
incendenti, & pro cibis farinam crassiore in
craticula coctam comedenti, alvas substitit, & pu-
rulentum tamen quiddam egerit. Quum autem
sedes esset inflammata, sine febre, & sine dolore
sufficiens erat, hoc assero.

Senex in lapideis vestibulis lumbos doluit, &
ambo crura, & utrique dolores descendebant ad
femora, & quandoque tibias, & aliquando ad ge-
nua, & quum diutissime durarent, recursiones
multæ fiebant; tumor in pedibus, lumbis, tibia,
breves inguinum tumores, venter durus, & to-
tus pectus intensus, ac dolorosus. Plerumque

compertus est etiam vesicam duram habere, ac dolorosam, & papularum eruptiones, & calores oculis, auribus, naribus, manu. Judicationes, & alia, per quæ cognoscimus de ipso ægro, an sudet, aut tangat, aut aliquid olfecerit, aut gustaverit, itemque alia cognoscuntur. Pili, color, cutis, venæ, nervi, muscoli, carnes, ossa, medulla, cerebrum, & a sanguine viscera, & venter, bilis, alii humores, articuli, & postea an doluerit juxta aurem, juxta ipsam collectum tuberculum, glandulam non attingens, os non suppurans, & hoc disparuit, & tunc statim febricitavit. Pulsus, tremores, convulsiones, singultus, circumspiratio, secessus, per quæ cognoscimus.

Suppuratis oculis, & dum erumpunt, ulcera magna sunt, & dum secantur, profunda, & utroque modo oculi ulcerantur. Aristæas ex pago Amphiloichi quarta die mente motus est, alvus subviridia egerebat, & somni salubres, albicantis coloris.

Quibusdam ab initio subtremuli digiti, & labia ubi loquerentur, itidemque aliæ partes, & proterve lingua citiore, ac volubiliore præditi, his rubor in facie maxime erat. Hi ebriosi erant, aut vomitu commode usi intumescabant.

Qui juxta Medosadæ ædes habitabat, cui tenuia, non biliosa, aquosa, multa per secessum prodibant, præcordium cedens, & gibbosum, soporosus fiebat. Circa decimam quartam adjudicationem maxime progressio, rigor sine tremore, dissolutio, resolutio, contractio, secessus, & egestionis: soporosus, mente motus, ex somno non insaniit, judicatus est circa decimam quartam, nihil e judicantibus contrarium. Alius similiter in principiis secessus, subviscosi, ex quibus quod crassum est, judicatorium est, insonnis, postea subviscosi,

subbiliosi, maturi, biliosi, non tennes, qui ubi compacti fieri cœpissent, judicationes celeres. Præcordium intentum apparuit inflammati; aut venarum intentarum modo, circa sextam. Postea dormivit septima, judicatus est circa nonam, albicantis coloris ambo, non fulvi.

Quum secessus aquosi sub dio expositi essent, superne leves, tenues, isatidi valde similes fuerunt, inferne vero subsidentiam habebant. Quibus in dextris distentio submollis, phrenitici sunt, si non solvatur febre desinente. Quibus autem a mollitudine ventris in hac ipsa febre quiddam collectum, aut durum dolorosum fit, & valde malignum diffundi non potest, ex talibus fortassis suppurantur.

In dextris tumores elevati, si quidem si quis plurimum, ac maxime premat, submurmurant, non valde maligni putandi sunt. Velut in dextris illi, qui ex Amphilocho pago erat, & ei, qui juxta Medosadæ ædes habitabat. Hi soporosi erant, & in somnis mente moti. Constitutiones quales, in quibus temporibus, ac regionibus magis, & minus fiunt. Vigores morborum, & ad judicationem, & quotidie, & an citius fiant, aut ferius, tertia, quarta, circuitu, & in quibus circuitibus judicantia, tumentia, cruenta, & non.

Quibus abscessibus recidivæ fiant, venæ temporum, & contractiones, & colorum mutationes ante judicationes, ex rubro ad viridem, ac pallidum, si non judicent, & cutis circumtensiones absque judicatione, & oculorum contractio, corporis duritia sicca. Qui quidem volentes lachrymantur, non malum est. Quibus autem invitis, lachrymæ profluunt, malum. Quibus in dentibus circumcirca viscosa fiunt, malum est subhiare, ac fixis oculis intendere.

Qui in tibia ulcus habebat, & Attico usus est, huic pustulæ elevatae, rubrae, magnæ, atque hoc pro tussi, quæ postea accessit, prius enim non tussit. In Æno quicumque capite vulnerati horridi erant, maligni, & suppurati ex tenebrino, ex peregrinatione, ac itinere dolor pedum, & in turbationibus lassitudines. Clinia cibum averſans, colliquescens, purulentum, aliquando parum cruentum, purulentum tumidum ejecit. Hippeæ uxor hydrotica, quæ etiam per tres annos vere incipiente tussit, amplius autem suppurata est, ad hyemem aquosa facta est, ab illis autem pharmacis curata melius habuit. Mortua est ancilla.

Ex tussientibus qui manibus laborabant, velut servus ille, qui sarmenta obtorquebat, & Amyntæ filius, ambo sola dextra resoluti cessaverunt, quandoquidem perpeſsi sunt hoc tussientes. Qui vero aut equitarunt, aut iter fecerunt, in lumbis, ac femoribus resoluti sunt. Plurimæ vero tusses siccae erant; sin minus, violentæ sane.

Uxor Emmyris modo non morboſo, absque febre, stupida esse videbatur, postea ad tremorem totius corporis res ipsi devenit, & ad colliquationem, & cibi fastidium, ac sitim, & frigida erat. Nyctalopes, qui plurimam minxissent, postea parum quiddam mingebant. Verum tussientes, & insuper febrientes tubercula ad aures habebant, erumpentia circa septimam, aut octavam diem.

Emmyris filia febricitabat, & ex aure purulentum fluebat, circa octavam haud pro comperito habeo. Quibusdam vero etiam dens corrosus fuit, tertius maxime ex supernis. Præ omnibus autem hic reperitur corrosus, ad hanc dolor, & quibusdam etiam circumsuppuratio. Quibus vero ad aures, hi magis tussiebant, quam illi. Quibus autem cum febribus ad suppurationem, septima

recedit. Cuidam postquam exacerbatus fuit, præcordium solutum non est, alvo autem emollita, inerant pauca subviscosa, compacta, non bona urina cruenti coloris, spuebat autem sputum spumofum.

Ille, ad quem Cynicus me induxit, septima exacerbatus est, circa decimam quartam judicatus est. Disparentia, mala sunt, purus fauces, pauca, lata, matura exspuens, ex naribus parum sanguinis stillavit, capite gravatus erat. Manuum, ac pedum dissolutio, alvus soluta profuit. Pedes semper calidi, somni aderant ipsi, & juxta aurem non extuberabat, quoniam matura spuiisset.

Demarati uxor, pedes etiam in horroribus calidi, sive ad suppurationem, sive non tendebat, periit. Senex, qui e vita decessit, ægrotabat simul cum uxore sua, furiosum quiddam in se habebat. Postea vero ubi prodiisset ab ipso lumbricus subcrassus, & modicus cibus, statim sedatus, & dormivit, & sanus erat hic senex, & corporis cutis circumtentio, extremæ partes frigida, mollis, tremulus ab initio, & labiis, & manibus, & voce, mente motus est, moderate hiabat, ac fixis oculis intendebat, non valde difficulter spirabat, diebus haud scio quot ultra viginti mortuus est.

Quibusdam præcordia, & alvus subegesserunt compressa, acervatim, non cum murmuratione, velut in Abderis vermium speciem præ se ferentia.

Quicquid contingit priore judicatorios dies præcedente die, & mala, & bona signa fiunt in diebus, quibus qui exacerbantur, diuturniores fiunt, & quibus desinentes remorantur. Quædam non fideliter allevabant, & quædam per se ipsa exacerbantur.

Sputa peripneumonicis quibusdam biliosa, quum desinere volunt. Valde flava brevia fiunt. Si qualia sunt, quæ in principiis adsunt, talia postea ap-

pareant, hæc non valde concoqui puto, sed judicare velut ei, qui apud præceptorem erat, & velut alias quoque vidi.

Nicippus in febribus per somnum semen effudit, & nihil ad pejus processit, & hoc ipsum sæpe ipsi factum est, & nihil læsit. Prædictum est ipsi id desitutum, postquam febres judicatæ forent, & sic factum est. Critias in febribus ab insomniis vexabatur, quæ novimus, & cessavit etiam ipse eadem somniare una cum judicatione.

Alcippus quum haberet hæmorrhoidas, a curatione prohibebatur. Curatus infantiit, febre acuta succedente cessavit. In febribus acutis siticulosi, a medicis potu interdicto, aut etiam a se ipsis abstinentes, multum sibi bibere posse videntur, his aqua frigida data ut revomant, prodest. Biliosa enim aderunt. Quod nervi ipsi in se ipsos trahunt, signum est. Si quidem enim nervi in supernis manus fauciati fuerint, manus deorsum nutabit, dum ab infernis nervis trahitur. Si vero contra, vice versa. Tussient siccam tussim, qui testes affectos habent, & ex tussi vena secta, ad testem solutio fit, & inflammati tussunt, & in febribus ex inguinum tumoribus insuper tussunt.



HIPPOCRATIS

LIBER VI.

DE MORBIS POPULARIBUS.

P R Æ F A T I O.

E Jusdem fere saporis est qui paulo prior; & ex pugillaribus HIPPOCRATIS a THESSALO exscriptus fuisse dicitur: a GALENO commentariis illustratus. Farrago est historiarum morborum, aphorismorum, predictionum, sæpe ex aliis HIPPOCRATIS operibus desuntarum, sæpe limitatione egentium & semi verarum. HERODICUS ob suam curandi rationem carpitur. Etiam Physiologici aliqua argumenti intercedunt, & historia femine Abderitane, quæ in virum conversa fuerat, & quam Auctor frustra conatus sit curare.

S E C T I O I.

QUIBUSCUMQUE ex abortu circa uterum, & tumoribus ad capitis gravitatem convertitur, & juxta sinciput maxime dolores, & quicumque alii ab uteris; his in octo, aut decem, mensibus ad coxam morbus desinit. Acutum habentes caput, qui quidem validam habent cervicem, robusti sunt tum alias, tum ossibus. Qui

vero caput dolent, & aures fluentes habent; his palatum cavum est, & dentes inter se non e directo respondentes. Quibuscumque os de palato discessit, his medius confidet nasus. Quibus vero inde unde dentes prodeunt, his summus nasus finis fit.

Puerorum elucescentiæ simul cum pubertate, in quibusdam mutationes habent etiam alias. In renem dolor gravis, quum implentur cibo, vomunt pituitam. Quum vero redundarint dolores, æruginosa, & melius quidem habent. Solvuntur autem, quum cibis evacuati fuerint, arenulæque fulvæ subsident, & cruentum mingunt, torpor femoris e directo, quiescere non conducit. Sed exercitia, non impleri, juvenes veratro purgare, poplitem secare, urinam cientibus purgare, attenuare, & mollire.

Menses aquosis diu permanent. Quum vero non brevi prodierint, intumescunt. In Cranone antiqui dolores frigidi, recentes autem calidi, ex sanguine vero plurimi, & quæ ex coxa, frigida sunt. Quæ ad rigores fortes progressa sunt, non valde mitigantur, nisi prope vigorem. Ante rigorem urinarum suppressiones, si ex bonis fuerint, & alvus egerat, & somni adsint, fortassis autem & febris modus, fortassis etiam quæ ex lassitudinibus. Abscessus non valde, quibus rigores.

Crurum effeminationes, veluti si aut ante morbum iter fecisset, aut statim ex morbo: eo quod fortassis ex lassitudinibus in articulos abscessit, ex quo crurum effeminationes. Tubercula extra extuberantia, & acuta, & fastigiata, & æqualiter maturefcentia, & non obdura, & deorsum vergentia, & non bifida, meliora; contraria vero, mala, & quanto plus contraria, pessima.

Ferinum autumnō, & oris ventriculi dolores, & horrores, & atra bilis. Circa initia exacerbationes considera, & in omni morbo, quale est ad vesperam exacerbari, & annus ad vesperam, & ascarides. Infantibus tussicula cum ventris turbatione, ac febre continua, significat post iudicationem bimestri, in totum vigesima die, etiam tumores ad articulos. Si quidem infra umbilicum constiterint, in infernis articulis superna, bonum; si vero supra, non similiter morbum solvunt, nisi suppurata fuerint. Quæ vero in humeris suppurantur tantillis, mustelæ cubito præditos, parvumque, ac macilentum brachium habentes faciunt. Solverit autem & ulcusculorum inferne eruptio, si non rotunda, & profunda fuerint. Talia enim perniciofa etiam alias sunt pueris. Solverit itidem sanguis fluens. Magis autem in perfectioribus is apparet.

Lachrymæ in acutis male habentibus, ultroneæ quidem bonæ; involuntariæ vero defluentes, malæ. Quibus circumtenditur palpebra, malum. Malus est etiam oculus inarescens, velut spuma, & obscuratio oculorum mala est. Et squalliditas mala, & cui intrinsecus corrugantur, & rigentes, & qui vix convertuntur, & qui intus conversi sunt, & quæcumque alia omittuntur. Febres aliæ quidem mordaces sunt manui, aliæ lenes. Aliæ vero non quidem mordaces, verum augefcentes. Aliæ autem acutæ quidem, sed quæ a manu vincantur. Aliæ statim adurentes, aliæ semper debiles, siccæ. Aliæ falsuginosæ. Aliæ inflatæ, horrendi adspectus. Aliæ ad manum humectæ. Aliæ rubicundæ valde. Aliæ valde pallidæ. Aliæ lividæ, & alia id genus. Distentiones corporis, & articulorum duritiæ, malum. Et ipse dissolutus. Et confractiones articulorum, malum. Oculi au-

dacia delirii signum est, & oculorum dejectiones, ac persiones, malum.

S E C T I O II.

Dilatate, constringere, alia quidem, alia vero non. Humores alios quidem expellere, alios vero ficcare, alios autem indere, & alia quidem parte, alia vero non. Adtenuare, crassificare, corpus, cutem, carnes, & alia, & aliqua quidem, aliqua vero non. Levigare, exasperare, indurare, mollire, alia quidem, alia non. Excitare, torpescere, & quaecumque alia hujuscemodi. Derivare, subcedentia statim revellere, renitentibus concedere. Alium humorem non prodeuntem ducere, prodeuntem vero simul effundere, operari simile, velut dolor dolorem sedat. Dissimilia, si vergant sursum elevata, inferne solvere, & contraria per eadem, velut est capitis purgatio, ventris sectio, quando non temere detrahitur. Abscessus velut glandularum tumores, signum quidem sunt earum partium, quae germina habent, sed & aliarum. Maxime vero circa viscera. Maligni autem hi sunt. Spiritus parvi densi, magni rari, parvi rari, magni densi: extra magni, intus parvi: intus magni, extra parvi: alius extendens, alius urgens: dupla intro revocatio, velut superinspirationibus, calidus, frigidus.

Medela assiduorum oscitationum, spiratio longa. In non potantibus, & vix, spiratio brevis. E directo & laterum, & praecordiorum intentiones, & splenis elevationes, & e naribus eruptiones, & aures e directo. Horum plurima etiam

ad oculos. Utrum igitur omnia? aut quæ quidem ex infernis sursum, e directo: qualia sunt, quæ juxta maxillas, aut circa oculum, aut aurem? quæ vero ex supernis, deorsum, non e directo? Atqui & anginosi rubores, & laterum dolores e directo. Aut etiam quæ infra hepar sunt ex supernis distributa, velut in testes, ac varices? Consideranda sunt hæc, quo, & unde, & propter quid.

Venæ temporum non confidentes, neque viriditas splendida, si spiritus intus relinquatur, aut tussis sicca, non ferina: ut in articulos decumbat, expectare oportet, e directo distentionum secundum ventrem ut plurimum. Habent autem horum plurimi & facies rubicundas, & ex natura sunt modi albidioris, & de naribus sanguis non erumpit, aut parum erumpit, & si quidem ex affusis intus relinquatur, paratus est abscessus. Sitis intus relicta, & oris ressecatio, & injucunditas, & cibi fastidium, eodem modo. Febres autem non acutæ ejusmodi sunt, verum revertentes.

Quæ relinquuntur post judicationem, recidivas facere solent. Primum itaque splenis elevationes, si non ad articulos finierint, aut sanguinis e naribus eruptio sit, aut dextra præcordii intensio, si non penetraverint urinæ. Hæc enim est interceptio utrorumque, & recidivæ horum merito fiunt. Abscessus igitur horum facere oportet, si non fiant. Eos vero qui jam sunt, declinare. Eos autem excipere, si prodierint jam, & qualia oportet, & qua parte oportet. Qui vero non valde, eos coadjuvare. Eos vero avertere, si omnino incommodi fuerint, maxime si hi affuturi sunt: sin minus, si jam incipiunt.

Quartanæ sanguinis e naribus eruptiones ægre judicant. Febres, quæ una die intermittentes, altera

altera superrigent una cum judicatione, ex quinque ad septem circuitus durant. Quæcumque tertianæ naturam habent, his nox molesta ante exacerbationem; quæ vero sequitur, tolerabilior plerumque est. Tussēs siccæ parum irritantes a febre adurente, non pro ratione siticulosæ, neque linguae torrefactæ, non feritate, sed spiritu. Constat id inde. Quum enim loquuntur, aut hiant, tunc tussunt; quum vero non, minime. Hoc autem in febribus ex lassitudinibus obortis maxime contingit. Nihil temere affirmandum, nihil contemnendum. Contraria, paulatim facta accessione, adhibenda sunt, & interquiescendum. Dolenti capitis partem posteriorem, recta vena in fronte secta profuit. Successiones præcordiorum ex qualibus qualia alterant, & viscerum inflammationum qualia possunt, sive ex hepate spleni, & vice versa; & quæcumque hujusmodi. Revelare oportet, si non qua oportet, repant. Si vero qua oportet, his oscula aperire oportet, qualiter singula repunt.

Latae pustulæ non valde pruriginosæ sunt. Quales Simon habebat hyeme, qui ubi ad ignem inungeretur, aut calida lavaretur, opem sentiebat. Vomitus non proderant. Arbitror, si quis calida adhibuisset, opem ferre potuisse. Quæcumque concoqui oportet, conclusa esse convenit. Contraria vero siccare, & aperta esse. Oculorum fluxiones, si alias conducere videtur, revellere ad fauces convenit. Et ubi eructatio conducit, & quæcumque alia hujusmodi. Transitus apertos esse oportet, veluti nares, & alia, quibus opus est, & velut opus est, & qualia, & qua parte, & quando, & quantum opus est, velut sudores, & alia sane omnia. In magnis malis facies si fuerit bona, bonum signum est. In parvis autem, con-

traria significans bonæ significationi, malum. Apud magnum Theatrum ubi mulier retro heroum, morbo regio superveniente, permansit ipsi. Apud Temenæ neptim ille nigricantis erat coloris.

In Perintho genituræ similis urina talis, quæ esset judicatoria, etiam pectinis affectionum. Nam hujusmodi urinæ talia sanant; quoniam neque flatu multo, neque stercore multo egresso, evacuabantur. Non enim profecto magnum erat præcordium. Brassicam septima die quis comedit, quum adhuc difficulter spiraret, postquam pecten emollitus est, recte spirans factus est, alvus ipsi expulit.

De sanguine seroso, quoniam in pavidis talis, aut in his, qui vigilarunt, & sive malus, sive bonus. Quibus splen deorsum vergit, pedes, & manus, & genua calida sunt; nasus, & aures semper frigida. Num propter hoc, quod tenuis sanguis? Num & natura talem hi habent? Suppurationibus umbilicus terminus, quibus suppurationis ventres turbantur. Splen durus non superne, inferne, rotundus, latus, crassus longus, tenuis longus. Minus capitis gravedine laborantibus.

Circa ægrotantem administratio, & de morbo interrogatio: quæ narrat qualia, quomodo accipiendi sermones: quæ ad ægrotantem, quæ ad præsentem, quæ ad externos. Quod in calidiore, solidiore, in dextris: & nigri propterea, & venæ extrinsecus, & multo biliosiores. Concretum est, compactum est citius: ubi motum est, desinit, & tardius augefcit, & ad amplius tempus. Quod soli dum factum est, & biliosius, & sanguinolentius est; hic calidior est locus animali.

S E C T I O III.

Cutis raritas, ventris densitas; cutis constri-
ctio, carniū incrementum; ventris torpor,
universorum confusio; vasorum immunditia, ce-
rebri consumptio. Quapropter & calvities, instru-
mentorum attritio. Detractio cursibus, luctis,
quiete, multis celeribus deambulationibus, carne
ovilla, maza cocta plerumque panis modicus. De-
tractionis signum eandem horam diei servare,
derepente enim trahitur. Remittito labores, aut
defluet. Similiter enim totum concidit. Quum
vero jam conciderint, carnes suillas assatas exhi-
beto. Quum autem implentur, signum est, quod
corpus rursus floridum sit. In exercitationibus
signum, sudor fluens guttatim, qui exit velut ex
canalibus, aut collapsio ex elevatione. Mulier
quam primum curavi in Cranone: splen ipsi ma-
gnus natura, febris ardens, rubicunda, spiritus,
decima sudor plerumque superne. Sed & inferne,
decima quarta.

Minus his, qui ex capite gravedine, ac rau-
cedine laborant, ubi febre correpti fuerint, reci-
divæ velut puto, fiunt. Quicquid suppuratur,
non revertitur. Ipsa enim maturatio, & judica-
tio simul, & abscessus.

Quibusdam, ubi venere utuntur, venter infla-
tur, velut Damagoræ. Quibusdam vero in hoc
strepitus. Arcesilao vero etiam intumescibat. Fla-
tuositas simul causâ est in his, qui scapulas ala-
rum modo eminentes habent. Sunt enim flatuosi.

Frigidum valde, venas rumpit, & tussim mo-
vet, velut nix, glacies: & constringit, velut sunt
eminentiæ oblongæ, & rotundæ, Pherea & Gon-

gronæ a fatyrorum circa aures eminentiis, & arborum quarundam tuberculis appellatæ. Simul causſa ſunt etiam durties. Poſt miſtionem concretio, pueris magis, num quod calidiores? Figuræ magis allevantes, velut qui farmenta manu neſtebat, & obtorquebat, præ doloribus decumbens, arrepta paxilli ſumma parte ſupra ſe ipſum infixæ, inhærebat, & melius habuit. Quem ex montano labore circa pontem ego vidi crura jaſtantiem, altera tibia minime extenuabatur, femoribus autem valde. Urinæ, & genitura non ſupprimebantur. Quæcumque laterum naturæ, ſcapulas alarum modo eminentes habent, propter cauſſæ debilitatem, in deſtillationibus malignis, ſive excretio fiat, ſive non fiat, malum.

Rigores incipiunt mulieribus quidem magis a lumbis, & per dorſum, & tunc ad caput. Sed & viris poſteriore corporis parte magis quam anteriore. Horremus enim magis exterioribus, quam interioribus corporis partibus, velut cubitis, femoribus. Sed & cutis rarior. Indicat autem pilus. A quibus autem aliis rigent, fortaiſſis ulceribus, incipiunt a vasis. Summa ex nativitate, & cauſſa, & plurimis rationibus, & paulatim in cognitionem venientibus colligentem, ac addiſcentem, an ſimilia ſint inter ſe, & an non ſimilia ſint inter ſe: quo ex diſſimilitudinibus ſimilitudo fiat una. Sic ſane fuerit via. Sic etiam eorum, quæ recte ſe habent probatio, & non recte ſe habentium redargutio. Sanguinis ex naribus eruptio, aut ſubpallide nigricantibus, aut rubicunde palentibus, aut ſubpallidis.

Parum dimittentem craſſefacere oportet ſicco. Aliis vero minus craſſificatione opus eſt. Sicco autem opus eſt albo, velut galla, alumen. Poſtquam venere uti inceperint, aut hircire, ſanguis

ipsis e naribus erumpit. In accessibus alii quidem strepitum edunt, velut Arcefilaus. Alii vero accessuri, horridi fiunt, ac rugosi. Alii postquam accesserint, ventre inflantur, velut Damnagoras. Mutationes cavendæ. Cibus modicus, non delassari, non sitire. Omnis attenuatio laxat cutem, deinde circumtenditur. Renutritio vice versa. Cutis confidentis corrugatio, renutritæ extensio. Rugosum, læve, utriusque signum, itemque subbiliofum, & subrubrum. Sic etiam detractas esse manimas, graciles autem fursum tractas esse, & circumtensas, etiamsi quis non propterea putaverit id fieri, sed in carnosiss. Claviculæ conspicuæ, venæ pellucidæ.

Herodicus febricitantes interficiebat circuitibus, luctis, multis fomentis: mala est febriculofitas, inimica fami, luctis, circuitibus, cursibus, frictioni: laborem labore. Ipsiss venarum rubor, livor, pallor, laterum dolores molles. Non sitire faciunt, continere os, tacere, ventum cum potu frigidum inducere.

Occasiones unde ægrotare cœperint, considerare oportet, si ve capitis fuerit dolor, si ve auri, si ve lateris. Signum sunt dentes, & in quibusdam inguinum tumores. Ulcera fientia, ac tubercula judicantia febres. Quibus hæc non sunt, judicatio sublata est. Quibus intus relinquuntur, certissimæ recidivæ, ac celerrimæ. Sputa rotunda delirium significant, velut in Pleno.

Qui hæmorrhoidas habent, neque pleuritide, neque peripneumonia, neque phagædena, neque furunculis, neque tuberculis terebinthi figuram habentibus corripuntur, fortassis autem neque lepris, fortassis neque vitiliginibus. Multi tamen intempestive curati, talibus non tarde correpti sunt, & sic perniciosæ fuerunt, & quicumque

alii abscessus, velut fistulæ, aliorum medela sunt.

Decubitus humorum ad aliquem locum, in quibus factos affectus liberat, in his prius ipse factus, illos impedit. Alterius loci morbos loca excipientia, aut ob dolorem, aut ob gravitatem, aut propter aliud quiddam liberant, aut quod aliis sunt communicationes. Propter inclinationem non amplius sanguis prodit, sed juxta humoris cognationem talia spuent. Convenit quibusdam sanguinem detrahere, tempestive in talibus. In aliis autem velut in his non convenit. Impedimentum in spuentibus cruenta, tempus anni, pleuritis, bilis.

SECTIO IV.

Tubercula circa aurem, quibus circa judicationem exorta, non suppurata fuerint, his disparentibus recidiva fit pro ratione recidivarum. Recidiva vero fiente, rursus intumescunt, & permanent, velut febrium recidivæ in simili circuitu: his spes est ad articulos abscedere.

Urina crassa, alba, qualis Archigenis familiari erat, in lassitudinis febribus quarta die aliquando prodit, & liberat ab abscessu. Si vero ultra hoc, etiam sanguis e naribus large eruperit, etiam valde.

Cui intestinum in dextra parte dolebat,^g & articulari morbo correptus est; erat quietior. Postquam autem hic curatus fuit, magis dolebat. Agasis filia quum esset puella, densum spiritum habebat. Mulier autem facta, a partu non diu dolore correpta leviter, magnum onus sustulit, & statim quidem in pectore aliquid crepuisse visum fuit. Postera die & anhelationem habebat, & coxam dexteram dolebat, & quum hæc dole-

ret, tunc etiam anhelatio habebat : coxæ vero dolore cessante, etiam anhelatio cessabat. Spuebat spumosa, ab initio vero florida. Ubi vero confidisset Iputum, vomitui bilioso tenui simile erat. Dolores maxime erant, quum manu laboraret. Hanc ab allio arcere visum fuit, porroque, ac ovicula, & bove. In rebus autem agendis, a clamore, & excandescencia.

Cui in capite tumor depascendo proserpebat, ei primum alumen ustum profuit. Habuit alium abscessum, forte quod os abscessurum esset. Abscessit sexagesima die supra aurem, sursum ad verticem vulnus erat. Intestina crassa habet, qualia sunt canis, verum majora. Dependent autem ex medianis membranis, Mesocolis hac parte appellatis. Hæ vero ex nervis, de spina, sub ventrem.

Ægrotantibus gratificationes, velut est, pure præparare potus, ac cibos, & ea, quæ videt: molliter ea, quæ contingit. Aliæ gratificationes, quæ non magnopere lædunt, aut facile reparari possunt, velut frigida, ubi hac opus est. Aliæ gratificationes sunt, introitus, sermones, habitus, vestitus ægrotanti, tonsura, ungues, odores. Aqua decocta partim ut aërem admittat, partim ut vas non plenum sit, & operculum habeat. Quod ex sanguinis eruptionibus, aqua inter cutem corripuntur. Si qualia oportet purgari purgentur, facile ferunt.

In Aeno legumina comedentes assidue, femina, mares crurum impotentes facti sunt, & permanferunt. Sed & ervum comedentes, genuum dolores habebant. Palam vigilans calidior externis partibus, frigidior autem internis. Dormiens vice versa.

Calidæ naturæ frigiditas, potus aquæ, quiescere, somnus in frigore, contexto, somnus seden-

tium, erectorum nictatio. Debiles victus, frigidus: robusti vero calidi. Aquarum arte non præparatarum, quæ quidem ab æthere excreta est, aut cum tonitruo, æstiva; procellosa vero mala. Aqua vorax, vigilia vorax. Percalidam naturam calido tempore, in frigore cubile crassescit, in calido attenuat. Exercitatio sanitatis est vesci citra saturitatem, non refugere laborem. Inter vigilandum siti levi somnus medela est. Siti vero ex somno, vigilia in quibusdam. Quibus plurimus calor est, maxima voce præditi sunt. Nam & plurimus est frigidus aer. Ex duobus autem magnis magna etiam, quæ generantur, existunt. Ventriculo calidi, carne frigidi, & tenues, hi eminentes venas habent, & iracundiores sunt. Terra siccitatibus squallida, volucrum genus abundat. Hircire incipiens, uter testis extra apparuerit, si quidem dexter, masculum; si vero sinister, femellam portendit. Oculi prout validi fuerint, ita etiam corpus. Sed & color in pejus, aut melius vergit. Iustum est autem, prout se habuerit alimentum, ita & quod forinsecus est sequi. Signa lethalia, per cutem, nares, calidus vapor: ubi prius nares frigidum spiritum emisserunt. Signa vero vitalia, contraria sunt. Labores cibos præcedant.

S E C T I O V.

MOrborum naturæ medici. Invenit natura ipsa sibi ipsi aggressiones, non ex præmeditato, partim velut est nictare, partim vero & ea, quæ lingua subministrat, & quæcumque alia huiusmodi, non edocta natura, & nullo magistro

usa, ea quibus opus est, facit. Lachrymæ, narium humiditas, sternutationes, auris fordes, oris salivæeductio, spiritus introitus, exitus, oscitatio, tussis, singultus, non ejusdem omnino modi. Urinæ secessus, & flatus, & hujus alterius alimenti, & transpirationis, & ea, quæ feminis solis adsunt, & in reliquo corpore sudores, pruritus, corporis distentiones cum oscitatione, & quæcumque aliâ hujuscemodi.

Hominis anima semper producitur usque ad mortem. Si vero efferbuerit, una cum morbo etiam anima corpus depascitur. Morbi connutriti, in senectâ, & per concoctionem, & per solutionem, & per rarefactionem desinunt. Sana-tio contra sentientem non consentire affectioni. Frigidum & auxiliatur, & occidit quæcumque ex calido sunt. Excandescencia retrahit cor, & pulmonem in se ipsa, & ad caput calida, ac humidum. Lætitia vero relaxat cor. Labor articulis, & carnibus; cibus, somnus, visceribus. Animæ deambulatio est cura hominibus. In vulneribus sanguis concurrit, opitulandum igitur ut vacuum expleatur.

Si auris doceat, lana digito obvoluta oleum calidum instillato. Deinde lanam intus in volam manus positam sub aurem subdito, ut aliquid ipsi exiisse videatur, postea in ignem immittito. Dolus. Lingua urinam significat. Linguae virides cum pallore biliosa; biliosum autem a pingui; rubicundæ vero a sanguine. Nigræ ab atra bile. Sicca a fuliginoso ardore, & uterina parte. Albæ vero a pituita. Urina concolor cibo, & potui, & qualis intus est humidi colliquatio. Lingua concolor adtingentibus ipsam humoribus, quapropter per hanc humores cognoscimus. Si falsæ carnes gustanti, redundantia signum. Si mam-

marum papillæ, & rubor pallidus fuerit, morbum uteri vas est. Hominiibus sordes in auribus, dulcis quidem lethalis, amara vero non. Terram mutare commodum est in longis morbis. Debiliores cibi brevem vitam habent. In fluxionibus ad coxam, venas retro aures secato.

Coitus morbis ex pituita commodus. Calido ventriculo præditos, fortes potus, ac cibi perturbant. Atræ bilis velut similis est hæmorrhœis. Augescentes morbos coitus. Frigiditas ea, quæ in ventre sunt, indurat. Coitus ea, quæ in ventre sunt, indurat. Eum, qui veratrum bibit, si citius purgare volueris, lavare oportet, aut comedere. Sanguis in somno intro magis fugit. Rigor a superiore ventre, febris ab inferiore magis. Attractio, pulmo, siccus ardor; supervacuatum siccat & somnus multus. Frigidissimus cibus, lentes, milium, cucurbitæ. Ulcera exoriuntur, si quis, dum impurgatus est, laboraverit. Mulier, capra, elaterium, aut cucumerem sylvestrem comedentes, pueris purgatio. Calido corpore id, quod comedit, intrinsecus frigiditas est, forinsecus autem dolor a sole, igne, vestitu, in tempore æstivo. Contrario vero contrario modo. Cibi partim celeriter superantur, partim tarde.

S E C T I O VI.

CArnes adtractrices, & ex ventre, & extrinsecus. Indicio est sensus ipse, quod expirabile, ac inspirabile est totum corpus. Calidissima venula sanguinis multitudine, id quod fuliginosum est, exerit, & statim secernit. Et quibus quidem pingue, bilis flava; quibus autem sanguis, atra. Mentis, memoriæ, olfactus, aliorum

etiam famis instrumentorum exercitatio. Labores, cibi, potus, somnus, res veneræ, omnia mediocria. Frigidior in frigido tempore, ac regione calidior erit. In doloribus proximum ventrem purgato, sanguinis autem ventrem secato. Ustio, sectio, calefactio, perfrigeratio, sternutationes, plantarum succi, in quibus vim habent, & cyceonis mixtura. Maleficorum autem lac, allium, vinum fervefactum, acetum, sal. Homo ex lassitudinibus, ex itinere, imbecillus, gravatus expuit. Tussivit enim ex vertice. Febris acuta, ad manum submordens. Secunda die capitis gravitas, lingua combusta fuit, naris unguibus conscalpta sanguinem non effudit. Sinister splen magnus, & durus dolebat.

A quartana correpti, a magno morbo non corripuntur. Si vero corripiantur prius, & succedat quartana, liberantur. Pro qualibus qui morbi. Bilis fit, velut de vulneribus dixi, quod sint biliosæ. Caliditas acrimoniæ signum est. Turbationes, transitus. Nam mente motis dolores laterum desinunt: quibusdam & febres, quibusdam non. Sed cum sudoribus, quibusdam autem cum turbatione; quibusdam vero cutis arida, & circumtensa, ac falsuginosa. Torpefactiones quales ex qualibus, & quales illi, cui coxa. Per aures, ex auribus, plerumque tertio die moriuntur. Quibus cutes circumtenduntur aridæ, ac duræ, sine sudore; quibus laxæ sunt, ac raræ, cum sudore moriuntur. In recidivis mutationes profunt. His transmutare oportet ad ea, quæ conveniunt, antea quam male afficiantur, velut Cherioni. Quæ irritantur ex qualibus, stridulæ faucium asperitates terminum præscribunt. Quibus quidem id, quod sanum est, relinquitur, causâ deorsum submissa, eos aut purgato, aut deligato, aut eji-

cito, aut refecato, aut exurito. Quibus vero non, non.

Quibus sanguis multus fluit ex naribus, qui quidem decolores mero modo sunt, his parum prodest. Quibus vero colores rubicundi, non similiter. Et quibus capita sunt, quæ facile tolerant, prodest. Quibus secus, non. Quibus nares natura humidiores, & genitura humidior, ac copiosior, hi morbosius sani sunt. Plurimis autem quibus ex morbo, vice versa. Sputa rotunda mentem emoveant, velut illi in Plinthio. Huic sanguis ex sinistra nare erupit, & solutus est quinto die. Urina multam subsidentiam habens, a mentis emotione liberat, qualis erat Dexippi. Post pilorum defluvium quartana febris non ultra annum. Aurium eruptiones æstate quinta die fiunt; quandoque vero etiam diutius durant. Ita & circa gingivas, & circa nares suppurationes. Quibus in dentium dolore de supercilio tenuia descendunt, his a pipere probe affricto postridie crassiora descendunt, si etiam alia non obtinuerint. Nam Hegesippo soporiferum inditum non obtinuit, sed magis, & violentius insuper provocavit.

Ossium naturam ex capite colligere oportet, deinde nervorum, & venarum, & carniū, & aliorum humorum, & supernorum, ac infernorum ventriculorum, & mentis, & morum, & eorum, quæ per annum fiunt, tempore quodam anni præcociore, velut pustulæ, & huiusmodi. Simile enim est his, quæ quotidie citius, aut serius accipiuntur. Similiter & biliosum, & sanguineum corpus atrabiliarium fit, si non habet evacuationes. Lycino postremum splen magnus dolorosus in quarta, aut quinta.

S E C T I O VII.

Tussēs cœperunt circa solstitia hyberna, decima quinta, aut vigesima die ex frequenti australium, & aquilonarium, ac nivosorum transmutatione. Ex his aliæ breviores, aliæ diuturniores fiebant, & post has multæ peripneumonice affectiones. Ante æquinoctium rursus plerisque revertebantur, quadragesima utplurimum ab initio die: & aliquibus sane valde breves, ac judicatu faciles erant, aliquibus autem fauces inflammatae sunt, quibusdam anginae abortivæ, quibusdam leves siderationes, aliis nyctalopix, atque hi magis pueris. Verum peripneumonice affectiones valde breves erant. Faucium vero inflammationes post tussim, aut omnino parum pro tussi fiebant, atque hæc breves, magis autem nyctalopix. Anginae vero, & leves siderationes, aut duræ, & siccae, aut parvæ, & raro matura educentes: quibusdam vero etiam valde. Qui igitur aut vocibus amplius se fatigarunt, aut riguerunt, in anginas magis desierunt. Qui vero manibus laborarunt, manibus tantum siderati, ac resoluti sunt. Qui vero equitaverunt, aut amplius iter fecerunt, aut alios labores cruribus perfecerunt, his ad lumbos, aut crura impotentiae resolutoriae abortivæ sunt, & ad femora, ac tibias lassitudo, ac dolor. Durissimæ autem, & violentissimæ tussēs erant, quæ ad levem siderationem, ac resolutionem perducebant. Verum omnia hæc in recidivis fiebant. In principiis vero non ita valde. Plerisque autem horum tussēs in medio remisissent, sed perfecte non desecerunt, verum cum recidiva adfuerunt. Quibus voces frangebantur ad tussim,

horum plurimi ne febricitarunt quidem. Quidam vero parum. Sed neque peripneumonicæ affectiones ulli horum fiebant, neque leves siderationes, neque ullus alius morbus de se significationem præbuit, sed in sola voce judicabantur. At vero nyctalopicæ affectiones firmabantur, ut quæ etiam ex aliis causis fiebant. Fiebant autem pueris maxime. Oculorum autem nigræ partes aliquantum variegabantur, quæ pupillas parvas habebant. In summa oculus niger ut plurimum erat. Et magnos magis, quam parvos oculos habebant, & plurimi rectos capillos, ac nigros.

Cæterum mulieres non similiter a tussi afflictæ sunt. Verum paucæ febricitarunt, & ex his valde paucæ ad peripneumonicam affectionem devenerunt, atque hæ seniores, & omnes superstites evaserunt. Causabar autem hoc fieri, eo quod non similiter velut viri prodirent, & quod nequaquam similiter ut viri morbis corripiuntur. At anginæ liberis duabus oboriebantur, atque hæ mansuetissimi moris erant: abundantius autem famulas corripiebant, quibus & violentissimæ fiebant, ipsasque celerrimè perimebant. Viris vero multis fiebant, qui partim evaserunt, partim perierunt. In summa, qui solum deglutire non poterant, his valde mites, ac toleratu faciles erant. Qui vero etiam insuper obscure loquebantur, his molestiores, ac diuturniores. Quibus vero etiam venæ circa tempora, & cervicem attollebantur, his aliquantum malæ erant. Pessimæ vero his, quibus & spiritus sublimis coelevabatur. Hi enim etiam incalescebant. Nam sicut scriptum est, ita consortia affectionum habebant. Et quæ quidem primum scripta sunt, etiam sine posterioribus fiebant. Quæ vero posterius, non sine prioribus. Celerrime autem moriebantur, ubi febrili rigore

insuper riguissent. His ita pressis nihil memorabile proderat, non ventris turbatio, non venæ sectio, neque quæcumque alia tentavi. Secui etiam venam sub lingua, quosdam & sursum purgavi. Hæc igitur omnino in æstate fiebant, sicut etiam eruptiones omnino multæ, & potissimum in siccitatibus lippitudines dolorosæ populariter grassabantur.

Sanguinis venarum suppressiones faciunt animi deliquium, figura alterata, interceptio, linamentum intortum, appositio, deligatio. Inguinum, glandularumque tumores plures plurimi fiebant, eo quod hepatitis affecta esset. Erat autem & ab arteria male affecta malum signum, veluti Posidonix. Quibus sanguis erumpebat, morientes fronte non exsudarunt, sed velut contracti præ siccitate erant. Et anhelosi, ac cum sudoribus pereuntes, male habebant.

Ventrium abundantix turbationem ferunt, velut Posidonix: & quæ animalcula in alvo inducunt. In attenuatione circumtentio ante obitum, & umbilicus oblongus ipsi protractus est: & gingivarum dentes ambientium exulcerationes. Multa de unoquoque recte præcipi possunt, quæ partim eadem possunt, partim non: velut est talia diffundi, exsolvi, & educi, & indurari, & maturari, & ubi mutatione opus est, de lecto propellere timidos, & torpentes excitare ad ea, quæ relinquunt.

Hydropicos citius secare oportet, tabescentes statim urere, caput secare, & hujusmodi. Hydropicorum pectinem ne contingito, neque internas partes. Simile est enim multis genibus. Affectiones circa cor, sive ventriculi osculum Xenarcho, & calidum acervatim exspirare, & ulcus per evacuationem ab initio fovere.

Vox qualis est irascentibus, si talis fuerit non irato, ex natura fuerit, & oculi tales fuerint, ex natura turbulenti, quales sunt, ubi irascuntur hi, qui tales non sunt. Et alia juxta morborum rationem, velut verbi causa, morbus tabidam speciem inducit, si talis ex natura æger fuerit, ex tali morbo superstes evadet: & alia eodem modo.

Tussis laboriosa contingunt locos læsos, & maxime articulos. Sed & in febribus lassitudinem inducentibus, tussis sicca ad articulos decumbunt cum febre, si intus relinquuntur. Spiritus tabescentibus obscuri mali, & non parientibus, & quicumque alii tales ab eadem constitutione. Tabescentibus autumnus malus. Malum item ver, quum fici folia cornicis pedibus similia fuerint. In Perintho vere plurimi ægrotarunt. Simul causa fuit tussis per hyemem populariter vagata, & aliis quicumque diuturni sunt morbi. Nam & in ambiguis confirmati sunt. Quibusdam vero diuturni non sunt oborti, velut his qui dolores rhenales habent. Sed & aliis, velut homo ille, ad quem Cyniscus me adduxit. Dolorum in lateribus, & pectore, & aliis partibus, tempora an multum differant, considerandum est. Nam quum melius habuerint, rursus deterius habebunt, non delinquentes.

In longis dysenteriiis cibi fastidia mala tum alias, tum si insuper febrierint. Ulcera circumglabra maligna sunt. Lumbos dolenti recursus ad latus, & pustulae, quæ seps vocantur. Renum adfectiones non vidi sanatas supra quinquagesimum annum. Quæ in somnis exacerbantur, & quibus extremæ partes perfrigerantur, & mens turbatur, & alia, quæ circa somnum fiunt ejusmodi, & quibus contraria. Quibus nihil intra
consti-

constitutum tempus accidit, singulis partus vitales fiunt. Apparentia in quibus mensibus fiunt. Labores in circuitibus, quicquid in septuaginta movetur, in triplicitate perficitur: & quicquid in nonaginta movetur, in triplicitate perficitur. Post menses dextera, & sinistra hiant. Humiditas per prodeuntia, diæta sicca opus habet. Quod citius discretum, ac motum est, rursus augetur tardius, & ad longius tempus. Labores tertio, quinto, septimo, nono mense, & secundo, ac quarto.

S E C T I O VIII.

Hæc ex parva tabula consideranda sunt.

Victus ratio fit repletionem, vacuationem, ciborum, potuum. Mutationes horum, qualia ex qualibus, prout se habent. Odores delectantes, offendentes, implentes, placantes.

Mutationes ex qualibus, prout se habent. Illabentes, ingressos, aut egressos spiritus, aut etiam corpora. Sermones, qui audiuntur, alii meliores, alii offendentes. Et a lingua ex qualibus qualia alliciuntur. Spiritus, tanta caliditas, frigiditas, crassities, tenuitas, siccitas, humiditas, plenus, imminutus, & copiosior, a quibus mutationes, quales ex qualibus, prout se habent. Continentia, aut contenta: aut intus permeantia corpora. Sermonibus, silentio, dicere quæ vult, sermonibus quibus dicit, an magni, aut multi, veri, aut confecti. Prodeuntia, & egressa nosse oportet, unde cœperunt, aut ubi desiverunt, aut quantum divulgata sunt, itemque colores, in quibus aut caliditatem, aut falsuginem,

Princip Art. Med. Tom. II. T

aut dulcedinem, aut tenuitatem, aut crassitiem, æqualiter, aut inæqualiter: corpus, tempus. Mutationes quales ex qualibus habent. Incepit eructationem, non obtinuit. Lachrymæ volenti, nolenti, multæ, paucæ, calidæ, frigidæ, crassities, sapor. Sputum an per se excreet, aut tussiendo rejiciat, itemque vomitum. Solis calor, frigus, humectatio, siccitas.

Mutatio per qualia, ex qualibus, ad qualia se habet. Læbores, otia, somni, vigiliæ, Quæ in somno fiunt, insomnia, cubilia, & in quibus, & ex quibus. Mentis intelligentia ipsa per se ipsam, citra instrumenta, ac negotia, tristatur, lætatur, timet, confidit, sperat, desperat, velut Hippothoi domestica famula mentis suæ per se ipsam gnara erat, & quæ in morbo acciderant sciebat.

Ætatem ab ætate discernere oportet, & an prius, aut posterius quam convenit, quid fiat, veluti si resolutus est hyeme, & seni ætate, aut infanti, & ætate aut prius, aut posterius quam convenit. Dentium emissiones, pilorum productiones, genitura magis, & minus, pilorum augmentum, crassitudo, robur, imminutio, quod cognatum est, & quod per se ipsum, quanto magis, & minus. Anni tempus, in quo & citius, aut serius. Tempus, in quo factum est, pluviosum, aut siccum, frigidum, aut calidum, sine ventis, aut cum ventis, & qualibus ventis. Temporis in principio, aut medio, aut fine, aut semper, præterito, aut præsentē. Morbi tempus, & hora, accidentia, circuitus, & ex circuitibus majores, & per amplius tempus: incrementa, & totius morbi incrementum, remissio, vigor, & magis, & minus perficiens, & quando, & qualiter, & in quali hora, ac ætate.

Populariter grassantium morborum modi, & si quis ex incipientibus inceperit sine vomitu, veluti aut ubi biberunt quid continentes, aut parum purgati. Febriculosi fortassis valde candidi, quorum etiam labia, qualis modus, tempora. Corpus, actio in considerationem ducatur. Visus, auditus, nasus, tactus, lingua, cogitatio consideretur.

Tumores in supernis palpebris relictī, dum alia circumcirca gracilescunt, recidivas faciunt. In extremitate vero subrubicundi, duri, & valde viscosi, & insurgentes, ac inhærentes in his sunt, velut Pharsalio Polymedi. Erumpentes tumores, aut livores, in lippitudinibus, aut ulceribus. Sed & quæ deferuntur ex tuberculis, ac suppurationibus, quia signa sunt.

Circa mensem tormina circa umbilicum, & dolores, quandoque a porro. Sed & ab alio his postea. Sacri ignes quibusdam a collo, & circa has partes in facie judicabuntur. Nigri etiam, quibus a collo, mali erant, & si pustulæ essent, malæ erant, & quibus alvus turbata esset. Adamantus atrabiliaris a peplis pluribus vomuit aliquando nigra, quandoque a cepis. Febres, in quibus ulcerantur labia, fortassis intermittentes: & tertianis perfrigerationes. At amburentes statim ad manum solvuntur semper. Quale inest in articulis considerandum, an non suppurantur. Consuetudo autem, ex qualibus sani degimus, victus modis, tegumentis, laboribus, somnis, rebus venereis, mentis affectionibus. Quomodo morbos ferant, a quibus quæ figuræ, ad quos locos conversi sunt, quando ceperunt, adfuerunt, desiverunt. In quibus intemperans horrendus. Contrariæ in morbo victus rationes, qui facile, qui ægre toleratur.

Victus rationes quantum fieri potest cognoscendæ. Nam non nosse, multarum calamitatum res est. Bonis autem medicis similitudines pariunt errores, ac difficultates. Verum contraria facit causa, & occasio. Scio, quod difficile est ratiocinari, ac cognoscere vias, veluti si sit acuto capite, simus, subaridus, biliosus, ægre vomens, facile vomens, niger, juvenis, qui temere vitam degit. Hæc simul inter se consentire difficile est.

Cui fistula refringebatur, tussiculæ permanere impediabant. Cui apex hepatis complicatus erat, eum concussi, derepente dolor sedatus est. Satyrus in Thaso cognomento Grypalopex vocabatur, hic quum annorum viginti quinque esset, sæpe per somnum semen effudit, & interdum quoque frequenter ipsi prodibat. Quum autem ad annum trigessimum pervenisset, tabidus fiebat, & mortuus est.

In Abderis palæstræ custos, qui Stheneus dicebatur, multum luctatus adversus fortiolem, & in caput lapsus, digressus multam bibit frigidam aquam. Postea illa nocte vigilæ obortæ sunt, angustæ, & extremarum partium frigiditates. Postridie ingressus ad domum, & glandula alvo subdita, non subiit, verum parum minxit, prius autem nihil minxerat: ad noctem lavit, nihilominus vigilæ, & angustæ aderant, deliravit. Tertia die frigiditas extremarum partium, excalesfactus sudavit, pota autem aqua mulla tertia die mortuus est.

Atrabiliarii etiam comitali morbo corripì plerumque solent, & vicissim comitiales fieri solent atrabiliarii. Uterque vero morbus magis fit, prout ad alteram partem inclinarit. Si quidem enim ad corpus inclinarit, comitiales fiunt. Si

vero ad animum, atrabiliarii melancholici dicti.

In Abderis Phaethusa Pythææ uxor priore quidem tempore fecunda erat; quum autem maritus ipsius in exilium abiisset, menses multo tempore suppressi sunt, postea dolores, & rubores ad articulos oborti sunt. Hæc autem ubi contigissent, & corpus virile factum est, & hirsuta penitus evasit, & barbam produxit, & vox aspera facta est. Et quum nos omnia tentassemus, quæ ad menses detrahendos conferre visa essent, non prodierunt, sed mortua est, quum non ita multo tempore postea vixisset. Idem hoc contigit etiam Namysæ Gorgippi uxori in Thaso. Visum est autem omnibus medicis, in quos sane ego incidi, unam spem esse, si menses secundum naturam prodirent. Verum & huic prolici non potuerunt, omnia nobis molientibus, sed paulo postea mortua est.

HIPPOCRATIS

LIBER V.

DE MORBIS POPULARIBUS

P R Æ F A T I O.

*M*ibi quidem nihil hic vero HIPPOCRATE indignum habere videtur. Manifesto etiam locus de suturarum & fissurarum adfinitate a CELSO & PLUTARCHO inter laudes (a) magni senis recensetur.

T 3.

(a) Alia confessio sequitur p. 607.

setur. Nisi forte aliquis de obscuritate non satis tenebrosa conqueri velit. Historias potissimum morborum chirurgicorum continet, non quidem coherentes, sed raras multas & perutiles, ut peripneumoniae ex anginae metastasi, tetani ex acri medicamento in vulnus dato, mortis ex levi percussione capitis. Posterioris aevi esse ex venarum & arteriarum distinctione vincas. Hunc DRACONI aut secundo HIPPOCRATI GALENUS tribuit, librum vero VII pro spurio omnino habet, qui II. IV. & VI. habemus ad HIPPOCRATEM referat, etsi non edidisse fatetur. Mihi V. & VII. longe videntur reliquis praestare, quos nunc dixi.

IN Helide Olitoris uxor: febris corripuit ipsam acuta, & medicamenta bibens nihil sentiebat opis. In ventre infra umbilicum erat quid durum, & altius altero, & dolores exhibebat fortes. Huc enim manibus cum oleo fortiter compressum, ac emollitum est, & postea sanguis frequens ipsi deorsum processit, & sanata est, & vixit. In Helide Timocrates amplius bibit. Insaniens autem ab atra bile, bibit pharmacum. Hic purgatus est, purgatio multam pituitam, ac bilem atram egerebat per diem, & ad vesperam purgatio cessavit, & dolorem pertulit in purgatione multum, & quum polentam bibisset, somnus ipsum corripuit, & tenuit per noctem, donec sol oriretur. In somno autem praesentibus nihil respirare videbatur, sed mortuus esse, & neque quid diceretur, neque quid fieret, sentiebat. Extentum autem fuit corpus, & rigidum. Verum vivebat, & excitatus est.

Scomphus in Oeniadis pleuritide correptus, mortuus est septima delirus. Pharmacum autem bibit infra purgans, priore ante potionem die mentis compos erat, & purgatus est non multum, quum autem purgaretur, deliravit.

Phoenici in Oeniadis, & Andreæ fratribus maxilla altera intumuit, & labium, quod est ante maxillam, & oculum, & neque intrinsecus quidquam spectanti apparebat, neque forinsecus suppurabat. Sed tumens arida putredine putrescebat. Et alter eadem perpeffus est. Mortuus est autem alter septima die, & pharmacum bibit, & nihil profuit. Verum Phoenici circulus putridus exsectus est, & ulcus purgatum est magna ex parte, priusquam moreretur. Mortuus est autem & hic, ubi diutius vixisset.

Euridamus in Oeniadis in peripneumonia decima die incœpit delirare. Curatus ad mentem rediit, & sputa erant puriora, & morbus ad melius procedebat, & somno multo perfusus est, & oculi morbum regium contrahebant, & mortuus est ad viginti dies.

In Oeniadis vir quidam morbo tenebatur, quum sine cibo esset, fortiter in ventre ipsius fugebat, & dolebat, & quum edisset, ac cibi contriti essent, tempusque post cibi esum accessisset, non longe postea idem hoc patiebatur, & tabescebat corpus, ac consumebatur, & alimentum ipsi non contingebat a ciborum esu, & per alvum secedebat cibus pravus, & combustus. Quum vero recens cibum accepisset, eo ipso tempore minime fugebat, neque dolor aderat. Hic omnis generis pharmaca bibens sursum, ac deorsum purgantia, nihil opis sentiebat. Ubi vero vena ipsi secta esset in utraque manu, donec exsan-

guis redderetur, postea utilitatem percepit, & a malo liberatus est.

Eupolemus in Oeniadis dolebat coxam dexteram, & inguen, & commissuram propinquam ad coxam, ab inguine, & coxa in anteriore parte. Huic sanguis detractus est a talo, multus valde, & niger, ac crassus, & pharmacum bibit alvum deorsum purgans, & multum purgatus est, & melius quidem habebat. Dolores autem non remittebant, sed suppuratam habebat & coxam, & commissuram in ipsa ad sedem, & partem circa inguen, quibus locis etiam amplius dolebat. Pus autem ad os magis fiebat, quam ad carnem, in profundo, & per tempus sic habens negligebat, donec valde debilis fiebat: postea crustæ ipsi inustæ sunt, valde multæ, & magnæ, ac inter se propinquæ, & pus effluxit multum, ac crassum, & mortuus est postea paucis diebus tum præ magnitudine, ac multitudine ulcerum, tum ex corporis debilitate. Huic si una ampla sectio incisa fuisset, & per sectionem pus emissum esset, & si opus fuisset, etiam altera sectio facta esset, hæc sane in tempore si facta fuissent, mihi quidem videtur, quod sanatus esset. Lycon in Oeniadis reliqua quidem eadem patiebatur. Verum dolores etiam ad crus non ita valde progrediebantur, & non factus est suppuratus, sed sanus multo tempore. Bibebat autem pharmaca, & cucurbitas adhibebat, & venam secabat. Atque his factis, melius habere videbatur.

Homo quidam Athenis prurigine toto corpore vexabatur, maxime autem testibus, ac fronte, vexabatur autem valde vehementer, & cutis crassa erat per totum corpus, & velut lepra aspectus, & ex nulla parte cutem apprehendere potuisset præ crassitudine. Huic nemo opitulari potuit.

Transgressus autem ad Melum, ubi sunt calidæ balneæ, a pruritu quidem, & cutis crassitudine liberatus est, verum hydropicus factus mortuus est.

Athenis virum cholera corripuit, vomebatque, & deorsum egerebat, & dolebat, & neque vomitus, neque per alvum secessus sisti poterat, & vox ipsum destituebat, & ex lecto moveri non poterat, & oculi caliginosi, ac cavi erant, & convulsiones tenebant ab alvo, & intestino, & singultus. Verum secessus multo copiosior erat, quam vomitus. Hic veratrum in lentium succo bibit, & alterum lentium succum insuper bibit, quantum potuit, & postea vemuit, & coacta sunt, ac adstricta ipsi ambo. Frigidus autem factus est, & lavabat inferne usque ad pudenda, calida valde multa, donec etiam supernæ partes calefactæ sunt, & vivebat, postera vero die polentam bibit ex aqua.

In Laridâ uxori Gorgiæ menses suppressi erant per annos quatuor, præter valde modicos. Verum in utero, ad quamcumque partem se inclinasset, pulsus exhibebant, ac gravitatem. Hæc mulier concepit, & peperit, & puella viva nono mense edita est, ulcus habens in coxa, & secundæ consequentes, ac sanguinis fluxus valde multus successerunt. Postridie, & tertia die, ac quarta etiam grumi sanguinis concreti, & febris tenebat usque ad decem primos dies, & de cætero prodiit ipsi sanguis ruber, & facies fortiter intumescibat, itemque tibiæ, ac pedes ambo, & alterum femur, & cibos non admittebat. Sitim autem habebat vehementem, & frigidissima aqua conferebat. Vinum autem nequaquam. At venter post primum puerum modice emollitus est, valde autem non conssidit, sed durior erat,

dolor autem non aderat. Quadragesima vero die a prima superfetatio excidit, caruncula quædam; & venter confidit, omnesque tumores, & fluxio tenuis, ac sanguis olens prodiit, & sana evasit.

Mulier in Pheris caput circumcirca dolebat multo tempore, & nemo poterat illi quicquam opis conferre, neque dum caput purgaretur. Melius autem habebat, quum menses ipsi facile prodibant. Hæc quum caput doleret, ex subdititiis odoratis ad uterum appositis opem sentiebat, & modice depurgata est, & quum concepisset, dolores caput relinquebant.

Mulier in Larissa prægnans erat. Huic decimo mense sanguis prodiit multus per quatuordecim dies. Plurimus autem tribus diebus ante pueri editionem. Decimaquarta excidit ex utero puer mortuus, habens dextrum brachium lateri adnatum, & tertia die noctu eadem hora, qua puer, prodiit secunda, & purgamenta alba deinde post hæc per tres dies, ac noctes multa moderate prodierunt. Postea febris corripuit per duos dies, totidemque noctes, & dolebat omnem ventrem, & coxas, maxime vero pectinem.

In Larissa Hippotheses peripneumonia apprehensus esse medicis videbatur, erat autem nequaquam, verum principio luctans in duro loco cecidit supinus, adversario ipsi illapso, & lavatus est frigida, & coenavit, & gravior factus esse sibi videbatur. Sequenti autem febricitavit, & tussis apprehendit siccior, & spiritus densus. Quinta die cruentum excreavit, non multum, & delirare incipiebat. Quando tussiebat, dolebat pectus, & dorsum. Sexta autem ubi sternutasset, sanguis fluxit e naribus quatuor hemina-

rum mensura. Ad vesperam neque loquebatur, neque sentiebat, neque quid fieret, neque quid diceretur. Undecima mortuus est. Per quinque vero dies modo sapiens erat, modo non. Erat & sine febre. Spiritum autem nullum recipiebat, neque stertorem habebat. Non enim erat sputum.

Scamandrus in Larissa & in coxa marcorent habuit, & in osse diu disparato. Ipse vero sectus est sectione magna, etiam ad os ipsum, & postea ustus est, & tunc die duodecima post sectionem coepit convulsio, & valde obtinuit, convellebatur autem crus hoc usque ad costas, & ad aliam quoque partem convulsio progrediebatur, flectebatur autem crus, & extendebatur, & alia membra movebat, & maxillae compactae riguerunt. Hic mortuus est convulsus, octava die post convulsionis invasionem. Curabatur autem tepesfactoriis utriculis, & fomentis ervi per totum corpus, & infusum per clysterem immissum est, & tunc modicum stercoreis prodiit, & pharmacum bilem abunde purgans bibit, ac insuper catapotium deglutivit, & secessit quidem, nihil autem a catapotio opis sensit, & somnus modicus venit, & rursus pharmacum idem forte ad vesperam bibit, ac sole emergente mortuus est. Videbatur autem multo tempore morbum ferre potuisse, nisi ex pharmaci vi periisset.

Equiso Palamedis in Larissa undecim annorum percussus est in frontem supra oculum dextrum ab equo, & videbatur os non sanum esse, & exsiliabat ex ipso modicus sanguis, & sectus est sectione magna usque ad secundam laminam, & curabatur sic habens ipsum os, quod etiam antea statim os peperit. Vigesima tumor coepit circa aurem, & febris, & rigor, & in die magis intumescibat, ac dolebat tumor, & ab initio fe-

bricitavit ex rigore, & oculi intumuerunt, & frons, & tota facies. Patiebatur autem hæc in dextra magis capitis parte. Progreffus est autem tumor etiam ad finiftram, nihil tamen hic læfit. Demum febris continua corripiebat. Atque hæc minora erant ufque ad octavam diem. Vixit autem ultus, & per catapotium purgatus, & cataplafmate tumori impofito. At vero ulcus nullius mali cauffa erat.

In Lariffa Theophorbi filius veficam fcabiofam habebat, & vifcofam urinam mingebat, & dolebat, dum & inciperet mingere, & dum defineret, & confricabat pudendum. Hic quum bibiffet pharmacum urinam ciens acre, in veficam quidem nihil proceffit, verum multum purulentum, & bilem evomuit, & deorfum alia hujufcemodi egerbat, & ventrem dolebat, & intrinfecus ardebat. Reliquum vero corpus frigidum erat, & totus refolutus eft, & nihil affumere volebat. Huic exulceratus eft venter fortiter valde a vi medicamenti, & mortuus eft tertia poft potionem die.

Uxor Antimachi in Lariffa prægnans erat diebus circiter quinquaginta, & reliquo tempore præ faftidio a cibo abftinebat, & per feptem dies uterum dolebat, & cor, & febris corripiebat. Eo tempore nihil per alvum egerbat. Huic datum eft catapotium deorfum purgans fortius, quam conveniebat, & evomuit bilem combuftam, præ cibi abftinentia, & febre. Nam neque ullo potu utebatur. Evomuit autem paucam violenter, & grumofa, & ubi concitata fuiffet, ac ipfam emiffet, debilis effe videbatur, & non volebat aquam bibens evomere. Poftea vero dolor fortis tenebat infernum ventrem, exulceratus enim erat a medicamento, & prodibat ipfi ftatim poft ftercus, fubcruentum ramentofum. Semper autem

amplior fiebat, & debilitas, & cibi fastidium, & purgamenti erant heminae quinque. Sistebatur autem alvus aqua multa super ventrem affusa, aliud autem nihil potuit admittere. Mortua est circa mediam noctem. Videbatur vivere potuisse, si aquam bibere potuisset, ac statim vomere, priusquam deglutivisset.

Fanula Onesidemi in Larissa ulcerata est alvum, & intestinum a bile sponte commota, & prodibat sursum, ac deorsum bilis, & sanguis, & febris tenebat. Huic debili datum est pharmacum deorsum purgans in potu, debile, aquosum, ac modicum, & vomuit ab ipso multum, & infra amplius subiit, & vesperti rediit. Postridie febris erat, sed debilis. Alvus autem ulcerabatur, & adhuc eadem egerebat. Tertia die ad vesperam mortua est, quum febris valde fortis ipsam corripuisset. Quapropter omnino moritura esse videbatur. Minime vero ideo, quod aquam frigidam biberat, donec vomitus tenebat. Postquam autem perfrigeratus est supernus venter; depurgatus per aquam, succo frigido postea potio; sic postea infusum per clisterem immissum est.

Eudemus in Larissa, hæmorrhoidas habens fortes, ac diuturnas, quum exsanguis esset, bilis commota est, sed leniter in corpore, & alvus turbata deorsum biliosa egerebat, & hæmorrhoides intumescebant. Pharmaco deorsum purgante potio, probe depurgatus est, & rursus bibit succum, & amplius alvus turbata est, & dolor ad præcordia consistebat. Huic quum venter non probe haberet, sed adhuc curatione indigeret, manus hæmorrhoidibus admotæ sunt, & vomuit. Postea quum cancer successisset, febris irruit, & non dimisit, antequam occideret. Quandoque etiam quum rigor subrepens dimisisset, febris venit,

& prodiit ipsi bilis, & flatus, & partim prodibat, partim intus erat, & dolor in ventre. Hæmorrhoides autem extra intestinum rectum erant, reliquo tempore a purgationibus auspicae, & flatus per ipsas prodibat, & ad sternutationem principium fiebat.

In Larissa vir quidam fauciatuſ est cominus ex manu per hastam latam a tergo, & summum ejus penetravit infra umbilicum per multum spatium, quod lividum erat, & tumidum. Postquam autem vulneratus fuit, dolor obtinebat primum fortis, & venter intumescēbat. Huic postridie datum est pharmacum deorsum purgans, & egressit modicum cruentum, & mortuus est. Videbantur intestina hujus non esse sana, & venter sanguine plenus esse.

Apellæus Larissæus ætatem habebat annorum circiter triginta, aut parum aberat. Corripiebatur autem morbo, a quo vexabatur noctu magis in somno, quam interdiu. Ægrotabat autem ad duos annos ante mortem. Vomebat bilem fulvā aliquando ubi excitatus esset. Vomebat etiam nigram. Hic purgatione a capite forti valde ad multum tempus purgabatur, & quum pharmacum bis bibisset, sex menses ipsum penetravit. Erat valde vorax multi cibi, & quum corpus haberet biliosum, multum luctatus, valde riguit, & febris corripuit, ac morbus ad noctem, postridie sanus esse sibi videbatur, & rursus altera die. Sequenti vero nocte morbus invasit cœnatum a primo somno, & per noctem, ac diem, & usque ad cœnam tenebat. Mortuus est, priusquam resipisceret. Convellebatur primum circa dexterās partes, faciemque, ac reliquum corpus, postea in sinistris, & quum videretur quietus esse, sopor-

rem habebat, ac stertebat, & rursus succedebat morbus.

Eumelus Larissæus rigida habuit crura, & manus, & maxillas, & non poterat neque extendere, neque flectere, si non alius flecteret, ac extenderet. Et neque maxillas diducere poterat, si non alius diduceret. Aliud vero nihil neque dolebat, neque edebat, nisi mazam, & aquam mulsam bibebat. Vigesima die sedens cadit supinus, & caput ad lapidem vehementer offendit, & vertigo ipsi caliginosa offusa est, & paulo post surgens, sanus erat, & soluta erant omnia, præterquam post somnum, ubi excitaretur, articuli modice ligati erant. Erat autem duodecim, aut tredecim jam annorum, & ægrotavit mensibus tribus, aut quatuor.

In Larissâ virgo, quæ sanguinem vomuit non multum, suppurata facta, febribus corripientibus, non liberabatur, priusquam moreretur. Mortua est tertio mense. Ante mortem vero obsurduerunt ei aures, & non audiebat, nisi quis valde exclamasset. Verum ante sanguinis vomitum debilis erat.

Famula Dyseridis in Larissâ, quum juvencula esset, ubi venere uteretur, fortiter circumcirca dolebat. Alias autem sine dolore erat. Concepit autem nunquam. Et quum sexaginta esset annorum, dolebat a meridie, velut ex partu vehementer laboraret. Hæc quum ante meridiem porrum edisset multum, postquam dolor ipsam corripuit vehementissimus, & priores omnes excedens, exsurgens asperum quiddam in ore uteri deprehendit, postea quum ipsa animi deliquium incideret, alia mulier, immissa manu, expressit lapidem asperum, magnitudine verticilli funi. Et sana tunc statim, & postea erat.

Maliensi currus onustus inductus est supra costas, & costas confregit, & per tempus substitit ipsi pus infra costas. Ustus sub splenem penicillis, ac linamentis utebatur, & pervenit ad decem menses. Resecta vero cute, caverna apparuit ad tenue intestinum utrinque procedens, & ad renem, & ad ossa procedebat putrida. In hoc non animadversum est, quod & corporis habitus biliosus erat, & in corpore putredo sicca tenuis intestini multa, & aliarum carnum, quas statim ejicere oportebat, si quis potuisset sicco pharmaco, dum robur aliquod homo habebat. Nam ab humidis nihil remittebant, sed putrescebant. A linamentis vero inditis quum humor sisteretur, rigor corripiebat, & febris, & magis putrescebat, affluebat autem isthic putridum quiddam, subnigrum, graveolens. Priusquam vero curationis aggressio fieret, quotidie multum foras penetrabat. Erat autem non probe fluidum. Cognitum est naturam morbi esse magis remotam, quam subter cutem. Quod si vero etiam omnia recte facta essent, tamen non videbatur fervari posse, etiam si ventris profluvium ipsum corripuisset.

Autonomus in Omilo, ex capitis vulnere mortuus est die decima sexta, in media æstate lapide ex manu ictus, in suturas in medio sincipite. Quare non animadverti ipsum secari opus habere, deceperunt enim me suturæ habentes in se ipsis jaculi læsionem, postea enim conspicuum id fiebat. Primum quidem ad claviculam, postea ad latus dolor fortis valde, & evulsio ad ambas manus venit. In medio enim capitis, ac sincipitis ulcus habebat. Sectus est autem die decima quinta, & pus prodiit non multum. Membrana vero cerebri imputrefacta apparebat.

Famula

Famula in Omilo ex capitis vulnere, duodecim annos nata, moritur in media ætate, decima-quarta die. Januam quidam ipsi impegerat, & os contuderat, ac ruperat. Suture vero in ulcere erant. Quare cognitum est recte sectione opus habere. Secta est autem, non velut oportebat, sed quantum relictum est, pus in ipso factum est. Octava, rigor, febris invasit, habebat autem, non velut oportebat, sed quantum etiam prioribus diebus quando febris non tenebat. Nona vero die reliquum resectum est, & valde modicum pus cum sanguine subtus apparuit, & membrana cerebri pura erat, & somnus quidem occupabat, febris autem non dimittebat. Convulsio vero manum sinistram invadebat. Nam in dextris magis ulcus habebat.

Cyrenius in Omilo suppuratus factus, infernum ventrem ulsus est, triginta diebus serius quam oportebat, & mansuete se habebat, & resiccatum est pus in ventre. Verum in calidissimo tempore edens fructus pomorum, & alios cibos non conferentes, a febre correptus est, & a ventris profluvio, & mortuus est.

Hecason in Omilo, velut etiam alter serius ulsus est, attamen resiccatus est venter, modico excepto. Dysenteria vero arripiebat ipsum, quam ubi effugisset, omnia edebat, donec totus intumuit, & erupit ipsi pus deorsum, & ventris profluvio mortuus est. Hecason in Omilo, ab imunditia non purgata, & a prava purgatione, dolorem acutum in coxa habebat, & hic quidem discessit, successerunt autem ipsi febres, & multo tempore in lecto decumbelat, neque bibens quicquam, neque sitiens, & debilis, & horridus. Huic commode quidem ablatus est morbus, velut conveniebat. Opem autem per-

cipiebat ex his, quæ offerebantur. Tandem vero erupit morbus deorsum, & totus secessit præ multa bile, & mente motus est, & mortuus. Videbatur autem morbum evasurus esse.

Qui in Salamine in anchoram incidit, in ventrem fauciatus est, & circumcirca dolebat. Bibit autem pharmacum, & non egeffit deorsum, neque revomuit.

Mulier, quæ jugulavit se ipsam, suffocabatur, & datum est ipsi longe postea pharmacum deorsum purgans, & per secessum ipsi exiit.

Qui ex Eubœa venit adolescens, quum multum esset deorsum purgatus, intermissione facta, quietus febricitavit. Deinde quum putaret se purgatione sursum versus opus habere, non validam radicem veratri bibit, & post potionem quarta die mortuus est, nihil expurgatus. Verum somnus ipsum tenebat, & sitis sedari non poterat.

Serva illa, cui a catapotio sursum quidem pauca prodibant, ac suffocabant, deorsum vero multa, nocte mortua est. Erat autem barbarâ.

Quidam homo Eubœus poto pharmaco deorsum purgante, per tres dies purgabatur, & mortuus est. Habebat autem manum suppuratam usque ad cubitum.

Symmachi filius a bile suffocabatur noctu quum dormiret, & febris eum teneret. Pharmacum autem, ubi bibisset, non continuit, neque purgatus est diebus sex, antequam moreretur.

Qui juxta curriculum habitabat, quum noctu sanguinem vomuisset, postridie mortuus est, sanguinem vomens multum, & strangulatus. Ad splenem vero, & deorsum multus sanguis ipsi prodibat.

Puer a mulo percussus ventrem, & hepar, mortuus est quarta die. Spiritum autem dentium habebat.

bat, & non intelligebat quicquam, & febris tenebat.

Hermophili filius ægrotabat diebus undecim. Febris autem tenebat, & cibi non deorsum prodibant, & primum quidem deliravit, nocte vero cessavit. Sequenti autem die voce destitutus jacebat stertens, distortos habens oculos, febricitans. Penna vero immixta vomuit bilem atram, & quum infusum per clysterem immixtum esset, stercus prodiit multum.

Servæ Aristionis pes sua sponte marcore corruptus obtorpuisset, juxta medium pedis intrinsecus ex obliquo; & ossa putrida facta abscesserunt, & prodibant paulatim fistulosa, & ventris profluvium succedebat, & mortua est.

Mulier sana, crassa, a catapotio conceptus gratia accepto, dolorem habebat ventris, & tormentum in intestino, & intumuit. Spiritus autem sistebatur, & desperatio erat cum dolore, & sanguinem vomuit non multum, & emortua est quinque dies, ut vita decessisse putaretur, & neque vomitu facto ab aqua frigida laxabatur, neque dolor præsens, neque spiratio. Superfusæ vero sunt ipsi aquæ frigidae amphoræ circiter triginta super corpus, & sane hoc solum prodesse videbatur, & postea deorsum processit bilis multa. Quum autem dolor obtineret, nihil poterat secedere, & vixit.

Antander a catapotio accepto, cætera sanus erat. Verum circa vesicam dolorem habere videbatur, purgavit ipsam celeriter multo purgamento, & a meridie dolor tenebat fortis valde, & in posteram diem strangulatio, & desperatio, & jactatio, & vomebat, & nihil per secessum egerebat, & noctu patiebatur, & somnus non accedebat, postridie vero egerebat multum, & postea sanguinem, & mortuus est.

Athenadæ puero masculo a Phagedæna ulcera corroso, doluit a sinistra parte dens infernus, a dextra supernus. Hujus auris dextera suppurata est, dum non amplius doleret.

Sutor in Pityo, dum soleas veteramentarias fueret, pupugit se ipsum supra genu in femur, & ferme longum digitum immerisit. Huic sanguis quidem nullus effluxit. Vulnus autem cito clausum est, femur autem totum in tumorem elevabatur, & procedebat hic tumor usque ad inguen, & lateris mollitudinem. Hic tertia die mortuus est.

Quidam juxta inguen sagitta percussus, quem nos vidimus, maxime præter omnem opinionem servatus est. Neque enim cuspis exempta est, erat enim valde in profundo, neque sanguinis eruptio ulla memorabilis fiebat, neque inflammatio, neque claudicavit. Cæterum cuspidem invenimus nos, ipsamque exemimus, quum sex jam essent anni, ex quo fauciatus erat. Suspicio autem erat hæc, inter medios nervos cuspidem occultatam fuisse, nullamque venam, aut arteriam dissectam esse.

Qui percussus est spiculo acuto retrorsum paulo infra collum, vulnus quidem habebat non memorabile adspectu, neque enim in altum ferebatur, verum non multo tempore postea exempto spiculo, distendebatur in posteriorem partem tractus, velut opisthotonici, & maxillæ ligatæ erant, & si liquorem aliquem in os sumeret, eumque deglutire conaretur, rursus relidebatur ad nares. Cæteraque statim pejora fiebant, & secunda die mortuus est.

Adolescens per asperam viam cursu facto, dolebat tibiam, maxime inferna parte. Abscessum autem locus accepit nullum, velut qui colligeret humorem. Verum tertia die totus locus nigres-

sebat usque ad talum, astragalum appellatum, & usque ad cavitatem, quæ est ad pectus pedis, & quod denigratum erat, non diffringebatur, sed prius moriebatur. Viginti vero dies ex toto a cursu vixit.

Qui ad oculum percussus est, percussus quidem est in palpebram, descenderat autem cuspis alte satis, barbæ vero summum supereminebat. Secta palpebra sublata sunt omnia. Nihil erat mali. Oculus enim permansit, & compendio sanus factus est. Sanguis autem effluxit large, & multa copia.

Virgo illa pulchra Nerii filia, erat quidem annorum viginti, verum a muliercula amica ludente, lata manu percussa est in sinciput, & tunc quidem vertigine capta est, & sine spiritu erat, & quum ad domum venisset, statim febris vehemens corripiebat, & caput dolebat, & rubor circa faciem erat. Septima die circa aurem dextram pus processit graveolens, subrubrum, amplius cyatho, & videbatur sibi melius habere, & levata est. Rursus augebatur febris, & in soporem deferabatur, & loqui non poterat, & faciei pars dextera trahebatur, & difficulter spirabat, & convulsio, ac tremor aderat, & lingua detinebatur, & oculus stupidus erat. Nona mortua est.

Cleomenis filius hyeme initio facto cibum averfabatur, & ejus fastidio citra febrem vexabatur, & vomebat cibos, ac pituitam, & per duos menses cibi fastidium durabat.

Coco in spina gibbositas facta est ex phrenitide. Huic nulla medicamenti potio conferebat. Verum vinum nigrum, & panis esus, & balneorum abstinentia, & frictio, & lenis fœtus non cum multo fomento, sed placide.

Cuidam, quæ circa vigesimum ætatis annum liberat pharmacum ad fœtum perdendum, acci-

dit dolor, vomitus bilioforum, multorum, pallidorum, ac prasinorum. Quum bibisset, convulsio tenebat, linguam commandebat. Ad quartam diem ad ipsam ingressus sum, & erat ei lingua magna, nigra. Oculorum autem alba erant rubra; insomnis. Quarta mortua est ad noctem.

Origanum potum oculis, & dentibus malum est.

Puella, quæ de rupe cecidit, voce destituta, jactatio aderat, & vomuit ad noctem sanguinem multum, quum ad sinistram aurem impigisset, amplius inde fluebat. Aquam mulsam difficulter deglutiebat, stertor, spiritus densus, velut morientium. Venæ circa faciem distentæ, decubitus supinus, pedes tepidi, febris debilis, vocis interceptio. Septima vocem rupit, calores tenuiores tenebant, superstes mansit.

Pythocles ægrotantibus aquam, & lac multa aqua ammixta dabat. Permiones pertundendi, & calefaciendi sunt pedes, sic ut maxime excalescias igne, & aqua. Oculis incommoda sunt lenticula, fructus pomorum dulces, & olera. Doloribus circa lumbos, & crura, & coxam ex laboribus abortis, aquæ marinæ, acetique calidum fomentum confert, ita ut vel aspergas, vel spongiam his imbutam adhibeas. Deligare vero oportet lanis succidis, & pellibus agninis. Fulonibus inguina extuberabant dura, & sine dolore, & circa pubem, & in collo similia erant tubercula magna; febris ante decimum diem. Tussi vexabantur a ruptionibus. Tertio mense, aut quarto venter colliquivit. Calores successerunt, lingua sicca, sitis, egestionis deorsum malignæ, mortui sunt.

Qui lapide in caput percussus est a Macedone, & corruit tertia die voce destitutus erat; anxietas, febris tenuis, pulsus non valde in tempo-

ribus. Nihil omnino audiebat, neque sapiebat, non quietus, sed quarta movebatur; humiditas circa frontem, & sub nasum, & usque ad mentum, & mortuus est.

Eniates in Delo jaculo ictus retro in latus in sinistra parte, ulcus quidem sine dolore habuit. Tertia vero ventris dolor vehemens: non egerebat. Infuso vero per clysterem immisso, stercus prodiit ad noctem, afflictio intermittebat. Sedes ad scrotum exstabat. Quarta & ad pubem, & ventrem dolor irruebat, quiescere non poterat, biliosa vomuit abunde colorata. Oculi quales animi deliquium incidentium. Post quintum diem mortuus est. Calor quidam tenuis inerat.

Ei, qui hepar percussus est jaculo, statim color qualis est mortuorum, per corpus diffusus est, oculi cavi, anxietas, molestia. Mortuus est, priusquam concio solveretur, quum sub diei exordium percussus fuisset.

Polemarchi uxori hyeme anginosæ, tumor sub guttur, febris multa, vena secta est, cessavit suffocatio ex faucibus, febris comitabatur. Circa quintam genu dolor, ac tumor sinistri, & circa cor videbatur ipsi aliquid colligi, & respirabat velut hi, qui submersi fuerunt, respirant; & ex pectore substrepebat, velut qui concluso ore loquuntur, Engaltrimythi, quasi ex ventre loquentes, Græcis appellati. Tale quiddam continebat. Circa septimam, aut nonam ad noctem alvus deorsum prorupit, & multa liquida, quæ mala putantur, egressit. Ipsa vero voce intercepta, mortua est.

Ventres subpurgare oportet in morbis, quum matura fuerint, infra quidem, ubi confidisse videris. Signum habes, si neque anxii, aut capite gravati fuerint, & quum calores mitissimi fue-

rint, aut quum post exacerbationes cessarint. Sursum vero in exacerbationibus. Tunc enim etiam sua sponte eleuantur, quum anxii, & capite gravati fuerint, ac se iactarint.

Ex casu vulnerato cubito, ob corruptionem cubitus suppuratur. Quum autem iam maturus est, viscosa sanies exprimitur. Velut etiam Cleogenisco, & Demarcho Aglaotelis filio. Similiter autem, & valde ex iisdem pus nullum. Velut Æschyli filio contigit. Suppuratis autem plurimis horror, & febris succedebat.

Parmenisei filio surditas accidit. Contulit clysterem auricularium non adhibere, verum lana solum indita perpugare, & oleum infundere, aut netopum. Præcipere vero, ut deambulet, mane surgeret, & vinum biberet album.

Aspasii uxori dolor dentis vehemens, & maxillæ in tumorem elevatæ sunt. Quum vero castorium, & piper collueret, opem sentiebat.

Callimedontis puero contulit ad tuberculum, quod habebat in collo durum, & magnum, & crudum, ac dolorosum, sectio venæ brachii, & lini torrefacti cataplasma imponere subactum vino albo, & oleo imbutum, ita ut deligetur neque calidum, neque valde coctum. Aut cum aqua mulsa coquatur fœni græci, aut hordei, aut tritici farina.

Melissandro quum gingiva dolore corriperetur, & vehementer intumesceret, sectio venæ brachii: & alumen Ægyptium in principio sedabat.

Hydropicum laboribus fatigari oportet, sudare, panem edere calidum, in oleo bibere, non multum lavari, & caput tepide. Vinum autem album, & tenue, & somnus auxiliatur.

Bianti pugili quum natura vorax esset, contigit ut in affectiones cholericas, bilis sursum, ac deorsum exeuntis delaberetur, ex carnis esu.

Maxime vero ex porcinis carnibus crudioribus, & ex ebrietate vini odorati, & placentis, ac dulciariis ex melle, & cucumere, pepone, & lacte, & polenta recenti.

In æstate affectiones cholericæ, & febres intermittentes.

Timochari hyeme destillatio, maxime in nares, quum venire usus esset, resiccata sunt omnia, lassitudo, calor successit, caput grave, sudor a capite multus, defluebat autem & per totum corpus. Erat autem etiam sanus sudare adfuetus. Tertia die evasit sanus.

Post canem febres fiebant sudorosæ, & non perfrigerabantur omnino post sudorem, sed rursus amplius incalescebant, & longæ, & leniter sine judicatione, & non valde siticulosæ; paucis in septem, & novem diebus cessabant. Undecima, & decimaquarta, & decimaseptima, & vigesima judicabantur.

Polycratem febris invadebat, & sudor qualis præscriptus est. Purgatio a pharmaco deorsum facta est, & febris erat lenis. Rursus in temporibus sudores parvi, & circa collum, ad vesperam. Deinde in totum, & rursus incaluit. Circa duodecimam, & decimamquartam diem febris augescebat, & secessus pauci, post purgationem sorbitionibus usus est. Circa decimamquintam ventris dolor circa splenem, & lateris mollitudinem sinistram. Calidorum adhibitiones minus profuerunt, quam frigidorum. Quum autem leni, ac molli per clysterem infuso usus esset, dolor cessavit.

Magnæ navis gubernatori anchora digitum indicem, & infernum os dextræ manus confregit, inflammatio successit, & marcor, & febris. Subpurgatus est moderate. Calores lenes, & dolores, de digito quid decidit. Post septimum

diem fanies exhibat lenis, postea per linguam dixit se non omnia posse enunciare. Prædictum est opisthotonum adventare. Ad hoc conferebant maxillæ confertæ, & ad collum rigidæ. Tertia vero die totus convellebatur in posteriorem partem cum sudore. Sexta a prædictione mortuus est.

Harpali filius ex liberta Telephane, luxationem infra in pede magni digiti passus, inflammatus est, & dolorosus erat, & ubi repositus est, & dolor remisit, proficiscebatur ad agrum: rediens lumbos doluit, lavit, maxillæ ad noctem conferebantur, & opisthotonus aderat. Saliva spumosa vix per dentes foras prodibat. Tertia die mortuus est.

Thrinon Damonis filius habebat circa tibiæ malleolum ulcus juxta nervum sane jam purum. Huic a pharmaco corroso contigit, ut opisthotono moreretur. Profecto in omnibus suppurationibus, & his, quæ circa oculum sunt, dolores ad noctem. Tussēs hyeme, maxime in austrinis, crassæ, & multa alba exscreantibus, & febres succedebant leniter, & quinta die cessabant. Tussēs autem circa quadraginta, velut Hegesipoli.

Eutychides ex cholericis affectionibus, in cruribus ad nervorum distentionem desivit, una cum secessu deorsum. Bilem multam abunde coloratam vomuit ad tres dies, ac noctes valdeque rubram, & impotens erat, & anxius. Nihil autem continere poterat neque ex potibus neque ex cibis, & urinæ, ac transitus deorsum suppressio multa. Per vomitum faex mollis prodiit, & deorsum quoque erupit.

Androphani vocis interceptio, ignorantia, delirium. His solutis supererat adhuc diu multis annis, & recidivæ fiebant. Lingua vero per totum tempus permanebat sicca, & si non collutione uteretur, loqui non poterat, & plerumque

erat valde amara. Aliquando etiam dolor ad cor, quem venæ sectio solvit. Huic aquæ potus, aut aqua mulsa contulit. Veratrum nigrum bibit, neque biliosum prodibat, sed modicum. Tandem hyeme decubuit & mente motus est, & linguæ affectiones similes, calor tenuis, sine dolore, lingua decolor. Vox peripneumonica, de pectore stragula rejiciebat, & se educi jubebat. Nihil autem poterat clare loqui. Ad noctem mortuus est.

Nicanoris affectio erat, quum ad convivium progredieretur timor tibicinæ, quum sub initium vocis tibie, in convivio tibia canere audivisset, præ timoribus turbationes. Vix se susserre posse dixit, quum nox esset. Interdium vero audiens, nihil commovebatur. Talia comitabantur ipsum multo tempore.

Damocles, qui cum illo erat, cæcutire, & corpore exsoluto esse sibi videbatur, & non accessisset sane ad præruptum locum, neque trans pontem, neque minimi scrobis altitudinem transgredi poterat, sed per ipsam scrobem. Hæc per tempus aliquod ipsi affuerunt.

Phœnicis affectio ex oculo dextero talis quædam erat, plerumque velut fulgur elucere putabat. Quum autem non diu ipsum continuisset, dolor ab tempus dextrum instabat, & per totum caput, ac collum. Caput intumescerebatur retro ad verticula, & distentio, & durities circum tendines, & ubi caput commovere, aut dentes diducere conabatur, non poterat, ut qui valde distendebatur. Vomitus, ubi facti fuissent, prædictos dolores avertabant, & leniores faciebant. Sed & venæ sectio præderat, & veratri potio, eduxit autem varia, & omnigena, maxime vero prasina. Parmenisco etiam prius incidebant tristitie, & deceden li e vita cupiditas. Quandoque vero rursus lætitia.

Cononis serva ex capitis dolore incipiente, mente mota est: clamor, querelæ multæ, raro quies. Circa quadragesimum diem mortua est. Decem autem diebus ante mortem voce destituta, & convulsa fuit.

Adolescens quidam multo meraco poto, supinus in habitaculo quodam dormiebat. Huic serpens Arges appellatus in os ingressus est, & sane quum sensisset, & loqui non posset, dentibus stridit, & serpentem devoravit, & dolore magno tenebatur, & manus prætenfas adhibebat, velut qui strangularetur, & jactabat se ipsum, & convulsus mortuus est.

Timocharis servus, ex atrabiliariis esse putatus a talibus, ac tot viris, similiter mortuus est circa eandem dies.

Nicolai filius circa solstitium hybernum ex potationibus horruit. Ad noctem febres, postridie vomitus biliosus, merus, modicus. Tertia die quum concio fori adhuc plena esset, sudor totius corporis. Cessavit.

Diopithis sorori in semitertiana, circa accessionem etiam cor graviter dolens, & concomitabatur etiam is dolor tota die, hujusmodi cordis dolor etiam aliis similiter aderat. Verumtamen sub plejadis occasum viris talia rariora fiebant.

Epicharmi uxori, antequam pareret, dysenteria erat, dolor vehemens, secessus, recrementa subcruenta, mucosa. Ubi peperisset, statim sanata est.

Polemarchi uxori in morbo articulari, coxæ dolor quidam vehemens causa erat, quod menses non prodirent. Vox intercipiebatur per totam noctem usque ad meridiem. Audiebat autem, & sapiebat, & per manum significabat, quod circa coxam esset dolor.

Epicharmo circa plejadum occasum, dolor humeri, & gravitas in brachium, anxietas, vomitus multi, aquæ potus. Euphranoris filio pustulæ velut culicum morsus, verum modico tempore: postridie febricitavit. Siccitates multæ post Favonium factæ sunt usque ad æquinoctium autumnale. Sub canem æstus magni, calidi venti. Febres sudorificæ. Tubercula juxta aurem multis oborta sunt.

Tychon in obsidione circa Datum a catapulta percussus est in pectus, & paulo post risus erat circa ipsum tumultuosus. Videbatur autem mihi medicus eximens lignum, reliquissè aliquid de spiculo in septo transverso. Et quum ipsi videretur, ad vesperam infusum per clysterem adhibuit, & pharmacum deorsum purgans dedit. Noctem primam transegit moleste. Statim vero ubi dies illuxisset, & medico, & aliis melius habere videbatur. Erat enim quietus. Prædictio facta est, quod ubi convulsio fieret, brevi esset moriturus. Sequenti itaque nocte moleste habens, insomnis, plerumque in ventrem decumbens, tertia exoriente die convellebatur, & tunc mortuus est.

Billo percussio in dorsum, spiritus multus per vulnus cum strepitu processit. Sanguis erumpebat. Ubi vero medicamentum cruentis vulneribus destinatum adhibitum, ac deligatum esset, sanatus est.

Contigit & Philes filio, denudatione in fronte facta, nona die febris, deinde os livefactum est. Mortuus est. Et Phanix, & Evergetæ filio, livefactis ossibus, & febricitantibus, cutis ab ossè discessit, & pus non comparuit.

Aristippus in supernum ventrem violenter, ac graviter sagittæ ictu petitus est. Ventris dolor vehemens, & brevi ardebat, deorsum vero non

egerebat, anxius erat, biliosa abunde colorata quum vomuisset, melius habere videbatur, paulo post rursus dolores vehementes, & venter velut in volvulis, calores, sitis, & in septem diebus mortuus est. Neapolis similiter percussus, eadem passus est; acri infuso per clysterem immisso, alvus deorsum erupit, color per corpus diffusus est, tenuis, palidus, niger, oculi sicci, stupore rigidi intus conversi, intuentes in corde.

Metrodori filio ex dentis dolore, maxillæ marcor, & gingivarum carnis superexcrementia. Moderate suppuratus est, exciderunt dentes molares, & ipsa maxilla.

Mulieri in Abderis carcinoma obortum est circa pectus, & per mammam fluebat sanies subcruenta, obturata vero fluxione, mortua est.

Plerique ex destillatione secundum dimidiam capitis partem dolebant & humore secundum nares procedente febricitabant leniter, & in quinque diebus perfrigerabantur.

Et quæ in partu concussa fuit, dolor circa pectus, & latus factus est, excreationes purulentæ. Tabes constitit; febres per sex dies. Rursus alvi profluvium, quies, febris, alvus adstricta est, & circa septimam diem mortua est.

Anginosa quædam dextram manum, & crus doluit, febris tenebat debilis, strangulatio tertia die remisit; quarta convulsa, voce destituta, stertor, dentium contritio, maxillarum rubor. Mortua est quinta, aut sexta die. Signum circa manum sublividum. Alia quoque in palato stertorosa, lingua sicca, peripneumonica, non desipiens mortua est. Et in Olyntho hydropicus, repente voce destitutus, desipiens per noctem, ac diem, mortuus est.

HIPPOCRATIS

LIBER VII.

EPIDEMICORUM.

P R Æ F A T I O.

E Jusdem auctoris est cum libro V. & multa in utroque libro repetuntur. Adnotationes sunt, absque ordine in adversaria relata, potissimum de phrenitide, febribus continuis, hydrope, morbis gravidarum, chirurgicis etiam casibus. Terpida fetum totis novem annis in utero gessit.

Ceterum uberrimus epidemicorum liber longe plures morborum historias continet, in operis principio optimas.

S E C T I O I.

Post canem febres fiebant sudorificæ, & non perfrigerabantur penitus post sudorem, sed rursus incalescebant: & leniter longæ, & judicatu difficiles, & non valde siticulosæ, paucis in septimo, & nono desinebant, aliis undecimo, & decimo quarto, & decimo septimo. Polycrati febris, & sudor, qualis descriptus est, a medicamento purgatio deorsum vehementer, & febris adeo lenis facta est, ut obscura consisteret, præ-

terquam in temporibus, & sudores ad vesperam circa caput, collum, pectus. Deinde rursus etiare, per totum ventrem, & rursus incalescebat. At circa duodecimum, & decimum quartum febris aucta est, & modicæ alvi subegestiones. Post purgationem usus est forbitionibus. Circa decimum quintum dolores ventris juxta splenem, & sinistram lateris mollitudinem. Calidorum appositio minus profuit, quam frigidorum. Quum infuso per clysterem molli usus esset, cessavit dolor. Idem quoque Cleocidi profuit ad dolorem similiter habentem, itemque febrem. Circa decimam sextam calores leniores esse videbantur, & egestiones bilis mēracæ, & animus audacior, spiritus autem moderatus. Quandoque vero acervatim adtractum, rursus acervatim exspirabant, velut præ animi deliquio, aut velut in umbra desidens respirare solet is, qui per æstum iter fecit. Decima septima itaque die desidens in fellam, animi deliquium incidit, & multo tempore sine voce, ac sensu jacebat, & vix aquam mulsam fuscipiebat, fibras in collo distendens, utpote faucibus resiccatis, ac omni virium exsolutione præsentē. Vix itaque intra se ipsum erat, & calores leviores fiebant. Postea vero desiit morbus vigesima secunda die. Pythodoro eodem tempore febris continua, octava die sudor obortus est, & rursus incalescebat. Decima rursus sudor, duodecima forbuit succum, & usque ad decimam quartam obscura erat, in temporibus autem comparebat, & sine siti erat, & ipse sibi ipsi sanus esse videbatur. Sudores fiebant omni die. Decima quinta jussulum pulli forbens, vomuit bilem, & alvus infra exturbata est, & febris exacerbatā est; rursus desiit, & sudores fiebant multi, & corpus totum perfrigeratum erat, exceptis temporibus. Pulsus non defecit.

cit. Videbatur quievisse modico tempore, ut incallescere se putaret. Vigesima quarta quum jam gustaret cibos multis diebus, & pransus esset, multa erat febris, & ad vesperam delirium, accedente simul etiam somno. Detinebat itaque jam continua, & vehemens, & quandoque unam, quandoque duas noctes vigilabat, reliquo vero tempore somnus abunde contingebat, ut operosum esset excitare, & delirium in somno, & si quando ex somno excitatus esset, vix ipse sui ipsius erat compos. Sitis exors. Spiritus moderatus, talis aliquando, qualis Polycrati. Lingua non decolor. Post septimam recidivæ succi exhibebantur, post decimam quartam cibus. Circa primos septem eructabat, ac revomebat, quandoque cum potu subbiliosum, citra anxietatem, donec alvus deorsum soluta est. Sudores post recidivam defecerunt, nisi quis circa frontem esset tantillus, ut vix significationem de se præberet, lingua ex somno, si non collucetur, subalba præ siccitate, & eruptiones ulcerum circa ipsam, & in labio inferno, & circa dentes, alvi egestionnes paucæ. Circa decimam quintam ut recidiva facta est, frequentiores, & viscosæ. Decoctum malicorii sedavit ipsas. Urinæ quales sunt diuturnæ. Sub ultimum tempus dolor pectoris deglutienti potum, & manus in pectore. Cuminum, & ovum absorbenti sedatus est, linguæ raritas profuit. Quinquagesima a prima circa arcturum sudores breves juxta lumbos, & pectus; & corpus perfrigerabatur, exceptis temporibus, valde modico tempore. Prima & quinquagesima remissit, nec iterum apprehendit.

Eratolai filius circa æquinoctium autumnale dysentericus fiebat, & febris tenebat. Egestionnes alvi erant biliosæ, tenues, multæ, & moderate

subcruentæ. Dolor autem ventris vehemens. Ubi ferum, & lac bibisset, filice candefacto immisso, dolores, & subcruentæ egestiones moderatiores fiebant, sed biliosæ comitabantur, & sæpe ad exonerandam alvum surgebat, sed minore dolore. Febricula vero & ægroto, & multis omnino non adesse videbatur per omne tempus, post primos sex dies adeo obscura erat. Verum juxta tempora pulsus erat, & lingua præ siccitate subalba, & moderate siticulosus, & sine somno. Sorbitio-nibus autem jam utebatur, & vinis. Quum jam ad decimum quartum diem pervenisset, tubercula circa aurem oborta sunt tum alteram, tum utramque, dura, ac cruda: omnia disparuerunt, moderate autem dolorosa erant, Quum autem non desinerent egestiones, & semper biliosæ essent, absorbenti herbam in farina, biliosæ egestiones, & dolores ad tempus aliquod mitiores facti sunt, liquidas vero multas sæpe egerebat, & cibos valde averfabatur, & omni necessitate coactus admittebat. Calor autem, & lingua, & sitis tales sequebantur, quales dicti sunt, & sudores nulli. Oblivio vero hujusmodi quædam. Ubi interrogasset de eo, quod paulo antea audivisset, medico interposito tempore rursus interrogabat: & rursus repetebat, velut qui non dixisset, & se desiderare obliviscebatur, nisi quis ipsum commonefecisset, & ipse sibi ipsi conscius erat hujus affectionis, neque ignorabat. Spiritus qualis sano. Ultra trigesimum vero usque ad quadragesimum diem, & dolor ventris multum augebat, & supinus decumbebat, & se convertere ne tantillum quidem poterat, & quia dolor vehemens erat, aliis, qui cibum exhiberent, opus habebat. Alvi egestio erat multa, & discreta, tenuis, & calores vinosi, quæcumque tandem ingessisset, &

quandoque subcruenti, & corporis dolor, colli-
quatio extrema, & impotentia, & ne alio quidem
sublevante surgere amplius poterat. In medio ve-
ro umbilici, ac ossis pectoris, circa hanc sedem
adhibita manu, talis palpitatio erat, qualis neque
a cursu, neque a timore circa cor generari possit.

Bibenti lac asininum coctum, novem heminarum
Atticarum mensura ad duos dies, biliosa purga-
tio vehemens oborta est, & cessaverunt dolores,
& ciborum appetentia accessit. Postea vero bubu-
li lactis crudi quatuor heminas Atticas bibit, pro
vice una cyathos duos, in diem, primum sextam
aquæ partem admiscens, & vini nigri austeri pa-
rum. Semel autem in die cibum capiebat ad ves-
peram. Panis erat ad mensuram dimidiæ chœ-
nicis subcineritius, & pisciculus petrosus simplex,
aut caruncula capræ, aut oviculæ. Potus lactis
post primos decem dies, ad quadraginta usque
sine aqua, cum vini nigri modica parte. Post
septuagesimum jam a primo diem, a balneo ad
noctem, sudor exiguus obortus est. Utebatur au-
tem modico potu, & post cibum potu austriore.

Ctesicrati lac in farina magis quam serum ca-
prinum contulit, quum dolor esset circa totum
ventrem, & dolores cum multa ad egerendum
surrectione, ac subcruenta egestionem, & tumor
circa pedes fere jam ad dies vigintiquinque esset.
Et Adriano eadem contulerunt. Verum Cænæ
filio lac asininum coctum.

Cydis filio circa solstitium hybernum rigor,
& febris, & auris dextræ dolor, & capitis dolor.
Talis autem auris dolor statim a parvo puero
ipsum comitabatur, fluidus, fistulosus, & gra-
vis odoris. Quum autem ita se haberet, plerum-
que doloris exfors erat. Tunc autem dolor erat
vehemens, & capitis dolor, secunda, aut tertia

die bilis vomitus, desidenti exonerandi ventris gratia, prodiit excrementum subbiliosum viscosum, velut ex ovo subpallidum. Quarta, & quinta ad noctem aliquantum delirabat, & dolor capitis, ac auris vehemens, & febris. Sexta alvi egestio a mercuriali, & calor, & dolor cessasse videbatur. Septima velut sanus. In temporibus autem dolor non defecit, sudor nullus obortus est. Octava succum forbuit, ad vesperam autem betæ succum, & in noctem somnus, & valde doloris exfors, & nona lætabatur ad solis occasum. Verum ad noctem capitis, & auris vehemens dolor. Contigit quoque aurem pure manare circa hoc tempus, quum maxime doleret statim a principio. Totam vero noctem nonam, & sequentem diem, ac noctis magnam partem, neminem noscebat. Verum suspirans perseverabat, in die vero intra se ipsum erat, & dolores cessabant, & calor moderatior erat. Quum autem forbuisse mercurialem, undecima egressit per alvum pituitosa, mucosa, maleolentia; duodecima, & decima tertia moderate habebat. Decima quarta initio mane facto, usque ad meridiem per totum corpus sudabat, cum somno, & sopore multo, ut operosum esset ipsum excitare: ad vesperam experrectus est, & corpus quidem moderate perfrigeratum est, in temporibus autem pulsus perseverabat, decima quinta, & decima sexta succis usus est. Decima septima venit rursus dolor eorundem ad noctem, & delirium, & pus fluebat. Decima octava, & decima nona, ac vigesima insani modo degebat. Vociferabatur autem ad tollere se ipsum nitens, sed capiti dominari non potens, manibus protentis semper aliquid frustra venabatur. Prima & vigesima sudor exiguus circa latus dexterum, & pectus, & ca-

put. Vigesima secunda sudor circa faciem plurimus erat. Voce autem hoc tempore; si quidem valde conaretur, quæ volebat perfecte loquebatur. Si vero ex tempore citra conatum, semiperfecta: & os exsolutum, & maxillæ labia semper in motu, velut qui loqui vellet, & oculorum frequens motus ac intuitus, & color in dextro oculo velut dictum est subernentus, & palpebra superna intumuit, & juxta maxillam rubor in fine, & venæ omnes in facie manifestæ adeoque contractæ, & oculis non amplius nictabat, sed intente intuebatur, & palpebras diducebat ad supernam partem, velut fieri solet ubi quid in oculum incidit, & quum biberet, descendens potus in pectora & ventrem strepitus audiebatur, qualis & Chartadi. Spiritus leniter semper moderatus, lingua qualis est peripneumonici cum pallore albicans, ab initio & semper capitis dolor. Collum semper immobile, ut una cum capite circumageretur opus habebat, & pars secundum spinam ex collo recta ac inflexibilis, decubitus quales dicti sunt, & non semper supinus decumbebat. At pus jam serosum album, multum negotii ad detergendum cum spongiis exhibebat, odor ejus valde excellens, circa postremum tempus pedum contactum non valde percipiebat.

Harpalidæ forori prægnanti circa quartum aut quintum mensem tumores circa pedes aquosi fiebant, & oculorum cavæ partes intumescebant, & totum corpus in tumorem elevatum erat, velut in pituita alba affectis. Tussis sicca, rectæ cervicis spiratio, & ejusmodi anhelatio, & quandoque strangulationes a spiritu, ut sedens in lecto perseveraret, decumbere autem non poterat, sed etiam si qua somni expectatio esset, desidebat.

Sine febre erat leniter, & fetus ad plurimum tempus immobilis erat, veluti corruptus, & translatabatur. Comitabatur autem anhelatio fere ad duos menses. At quum fabis melle admixto, & eclegmate mellis usâ esset, & Æthiopicum cuminum in vino bibisset, melius habuit. Postea tussiendo eduxit multa, matura, pituitosa, alba, & spiratio illa cessavit, peperit autem femellam.

Polycratis uxori æstate circa caniculæ sidus febris. Spiritus matutinus minor, a meridie magis, & paulo densior spiritus. Tussis, & excreatio statim ab initio similis purulentis. Intus circa arteriam, & fauces subsibilabat stridula asperitate. Facies boni coloris, in maxillis rubor, non abunde coloratus, sed leniter floridus. Progressu vero temporis & vox rauca, & corporis colliquatio, & circa lumbos eruptiones, & alvus circa postremum tempus liquidior. Septuagesima die febris extrinsecus valde friguit, in temporibus autem quies, spiritus vero frequentior fiebat. Verum post hanc quietem spiritus densior, adeo ut sedens perseveraret, donec mortua est. In arteria strepitus multus inerat, & sudores pravi, & intuitus valde modesti, usque ad extremum tempus. Dies accesserunt ipsi perfrigeratæ plures, quam quinque. Post primos autem purulentum excreare perseverabat.

Mulieri supra portas habitanti jam seniori febricula oborta est, quæ quum jam desineret, colli dolor usque ad spinam, & lumbos, & harum partium non valde potens erat. Maxillæ erant compactæ, & dentes in se ipsos, plus quam ut specillum admitterent, & vox balbutiens, eo quod resolutum, & immobile, ac debile esset corpus, prudens tamen erat. Calefactoriis, & aqua mulsa tepida, tertia fere die hæc laxavit, &

postea succis, & jusculis sana evasit, id quod ad finem autumnalis temporis contigit.

Apud Herpalidem unctor, crurum, ac manuum impotentior circa autumnum factus, bibit temere medicamentum sursum, ac deorsum purgans. Ex purgatione febris, & ad arteriam defluebat fluor, qui loquentem impediret, & faceret, ut inter loquendum anhelaret, similiter ut anginosus raucofus. Strangulatio deglutienti, & alia, quæ in angina. Verum tumor non erat. Febris autem, & tussis augebatur, & excreatio liquidæ, ac multæ pituitæ. Progressu temporis & dolor circa pectus, ac mammam sinistram. Quum autem exurgeret, aut commoveretur, anhelatio multa, & sudor a fronte, & capite, & faucium affectio mollior erat, dolore ad pectus descendente. Ab initio igitur fabis melle admixto utebatur. Postquam autem febres detinebant, magis aceto mulso calido, & mellis delinctu multo. Ubi præterissent dies quatuordecim, omnia desiverunt, & manuum, ac crurum non longe postea potens factus est.

Chartadi febris ardens, vomitus bilis multus, & infra alvi egestio, vigiliæ, & juxta splenem tumor rotundus. Tertia die mane surrexit, strepitu circa ventrem citra dolorem percepto. Ubi vero alvum exoneraret, sanguinis recenti plus, quam congii mensura subiit, & ubi iterum atque iterum cohibuisset, grumi concreti, anxietas circa cor, & os ventriculi, & sudor per totum fere corpus, & febricula frigescere videbatur, & primum prudens erat, progrediente vero die & inquietudo major, & anxietas, & spiritus paulo densior, & confidentius, ac benignius, quam pro tempore homines compellebat, ac excipiebat, & quædam animi deliquia accedere videbantur. Quum

autem exhiberent aliqui succos, & aquam de farina crassa in ipsa macerata, non cessavit, sed spiritus ad vesperam valde multus erat, & jactatio multa, & ad dextera, & ad sinistra transmovens se ipsum, nullo tempore quiescere poterat. Pedes frigidi. In temporibus, & capite calor magis propinqua jam morte, & sudores multi, & bibenti strepitus audiebatur circa pectus, & ventrem descendētis potus. Quod vero pessimum erat, ubi dixisset sibi aliquid infra subire velle, & oculis intente intuitus esset, non diu se cohibens mortuus est.

Hermoptolemi uxori hyemis tempore febris, & capitis dolores; & quum bibisset, ut quæ difficulter deglutiret, surrexit, & cor se sanasse dixit. Lingua livida ab initio. Occasio videbatur ex horrore post balneum facta esse. Vigilabat & nocte, & die. Post primos dies interrogata, non adhuc solum caput, sed & totum corpus se dolere dixit. Sitis quandoque vehemens, quandoque moderata. Quinta, & sexta, & usque ad nonam ferme delirium, & rursus ad se ipsam loquebatur semiperfecta cum sopore, & aliquando manum ad dealbatum parietem protendebat, & pulvinum quemdam frigidum ad caput situm, etiam pectoribus adhibebat, & stragula quandoque rejiciebat, & in oculo dextro subcruentum quid erat, & lachrymabatur. Urina autem erat, quæ in pueris semper pessima est. Ex alvo egebat ab initio quidem subfulva, postea vero aquosa valde, & hujusmodi coloris. Undecima moderatius calida esse videbatur, & quandoque sitis exfors fiebat, adeo ut nisi quis dedisset, non peteret. Somni post primum tempus contingebant moderate interdium; ad noctem vigil erat, & ad noctem magis dolebat. Nona venter extur-

batus est aquosis excrementis. Similiter etiam undecima. Sequentibus vero moderate multum ad egerendum surgebat, & talis egestio erat. Erant autem in prioribus diebus indignationes, & ejulationes, velut pueri, & vociferatio, & timores, & circumspeditiones, ubi sopore excitata esset. Verum decima quarta operosum erat ipsam continere exsiliensem, ac clamantem derepente, & pertinaciter, velut ex plaga, & vehementi dolore, ac timore, velut si quis ipsam apprehensam modico tempore detineret. Deinde rursus quietem habebat, & sopore pressa dormiens perseverabat omnino non videns, quandoque neque audiens, & totam hanc diem ad utrumque, modo ad tumultum, modo ad quietem transmutabat. Sequenti nocte per alvum subiit quid cruenti, velut mucosum, & rursus velut limosum; postea prasina valde, ac nigra. Decima quinta repentinæ jactationes, & timores, & vociferatio lenis fiebat. Sequebatur autem efferatio, & indignatio, & ejulatio, nisi ipsi cito quod vellet, porrectum esset, & cognoscebat quidem omnes, & omnia statim jam post primos dies, & oculi subcruentum illud sedatum est. Verum insania juxta temporis occasionem, & vociferatio, & mutatio prædicta sequebatur ad soporem. Audiebat inæqualiter, aliqua valde, etsi submisso quis loqueretur; aliqua vero clarius eloqui oportebat. Pedes semper æqualiter cum reliquo corpore calidi usque ad extremos dies. Verum decima sexta minus. Decima septima moderatius quam aliis diebus habens, ad noctem horrore ipsi oborto, se contrahens magis febricitabat, & sitis multa erat: reliqua similia sequebantur. Tremores autem circa manus fiebant, & aliquantum concutiebatur caput, & oculorum intuitus pravi, & li-

tis vehemens: ubi bibisset, rursus postulabat, & rapiebat, ac large bibebat, neque avellere ipsi poterant. Lingua sicca, valde rubicunda, & os totum, ac labia ulcerata erant ac sicca, & ambas manus ad os admovens manducabat, quum tremula esset, & si quis aliquid ad manducandum, aut sorbendum obtulisset, large, ac furiose deglutiebat, ac sorbebat, & signa circa oculos mala. Diebus autem tribus, aut quatuor ante obitum, horrores quandoque incidebant ipsi, adeo ut contraheret corpus, & contegeretur, & anhelaret. Crura distendebantur, & pedes frigidi erant. Sitis similis, & mentis affectiones similes, & surrectiones ad egerendum, aut inanes, aut paucis, & tenuibus prodeuntibus, cum modica quadam tensione. Postrema tertia & vigesima, oculus magnus mane erat, & circumspectio brevis, & quietem agebat, quandoque etiam absque confectione, ac sopore. Ad vespeream vero dextri oculi motus, qualis videntis, aut aliquid volentis, ab externo angulo, ad nasum, cognoscebatque, & interroganti respondebat. Vox post multa subblasa, & præ vociferatione fracta, ac rauca.

Amphiphradis filio æstate lateris sinistri dolor, & tussis, & alvi egestionis multæ, aquosæ, & subbiliosæ; & febris cessasse videbatur circa septimanam. Tussis aderat. Color subalbidus, ac subpallidus. Circa duodecimam cum virore subpallidum spuebat. Spiritus progressu morbi semper densior, & anhelatio, & stridula asperitas circa pectus, & arteriam. Sorbitionibus utebatur. Prudens per omne tempus. Circa vigesimam octavam mortuus est. Sudores quandoque fiebant foras.

Caupo peripneumonicus, alvus statim subibat. Circa quartam sudor multus, febricula cessasse videbatur, tussicula nulla, ut ita dicam. Quinta,

sexta, & septima detinebat febris, sudor octava. Nona exscreavit pallidum. Decima subibat alvus acervatim non saepe. Circa undecimam mitius habebat. Decima quarta sanus.

Hermoproteus post plejadis occasum febris accessit. Tussis non valde, lingua peripneumonica. Nona exsudavit, totus frigidatus est, velut videbatur. Obtulerunt ipsi succum; circa meridiem calecebat. Undecima sudor, & alvus erupit biliosis egestionibus. Tussicula accessit. Decima quarta pallidum exscreavit, & stertebat. Decima quinta quum per totum tempus prudens mansisset, mortuus est.

Alius quidam in palato stertens: lingua sicca, peripneumonica: prudens mortuus est.

Et Posidonius adhuc æstate instante, juxta pectus, & præcordia, & latus multo tempore dolebat citra febres. Multis autem annis antea suppuratus fuerat. Hyeme vero quum inhorruisset, dolor augescebat, & febricula tenuis, & exscretio purulenta, tussis cum stridula asperitate circa fauces; & stertens, quum prudens esset, mortuus est.

Balis filius quum ex monte penitus aberrasset, sexta lingua prava, subrubra, & vocem læserat inter aberrandum. Oculi colorati, natantes velut dormitantium; color reliqui corporis non valde velut in morbo regio, sed subpallidum, lividum, vox prava, lingua obscura, peripneumonica, non prudens. Spiritus ad manum malus, non densus, neque magnus, frigidi pedes lapidosi. Circa nonam mortuus est.

Quædam apud Metronem anginosa, dexteram manum, ac crus doluit. Febricula tenebat debilis, suffocatio die tertia remisit. Septima convulsa: vox intercepta. Stertor, dentium collisio,

ac confertio, maxillarum rubor. Hæc non longevitam protraxit : quinta, aut sexta mortua est. Signum circa manum sublividum.

Bion ex hydropico diuturno cibum averfabatur ad multos dies, & urinæ stillicidio vexabatur. In sinistro genu abscessus fiebat, suppuratus est, mortuus est.

Ctesiphon hydropicus ex febre ardente multa, & prius hydropicus, ac splenicus, valde repletus est & scortum, & crura, & peritonæum membranam, alvum, ac intestina ambientem. Ad finem tussis, & suffocationes fiebant ad noctem, magis a pulmone, velut pulmonicis, ac tabescens. Tribus, aut quatuor diebus ante diem obitus, rigor, febris, circa femur dextrum intus ad venam mediam ab inguine collectio velut ignis feri, sublividum habens ruborem. Ad noctem cordis, ac oris ventriculi dolor, & non longe postea vocis interceptio. Strangulatio cum stercore, & mortuus est.

In Olyntho hydropicus, derepente voce privatus, noctem, & diem desipiens, mortuus est.

Prodromi filius, æstate subblæsus, æstuosus. Lingua ipsi subarida, obscura, egestio alvi deorsum multa. Superstes evasit.

Leophorbidæ febris acuta post solstitium hybernæ, præcordiorum, & ventris dolor, alvi egestionem liquidæ, biliosæ, multæ, & interdum soporosus, lingua peripneumonica, tussis non inerat. Duodecima nigra pauca, & prasina egestit. Decimaquarta febricula cessasse videbatur. Postea vero forbitionibus utebatur. Decima sexta os valde falsuginosum siccum fiebat; ad summam vesperam horror, febris. Vigesima prima circa meridiem rigor, & sudor, febris desit, verum calor adhuc suberat tenuis, ad noctem rursus su-

dor, & vigesima secunda ad noctem sudor, & calor remisit. At prioribus diebus omnibus sine sudore erat. Alvus autem humecta fuit etiam in putata postea recidiva.

Quæ superne habitabat Theoclis cognata: sub plejadas febris acuta, sexta videbatur cessasse; lavit velut febre sedata, septima mane maxilla valde rubicunda, utra non memini. In vespere febris venit multa, & animi deliquium, & vocis interceptio erat, non longe vero postea sudor, & quies cessante morbo septima die.

Theodori uxori in febre vehementi sanguinis eruptio facta est hyeme. Ubi febris desiisset circa nonam, non longe postea, lateris dextri velut ab utero gravitas. Sed & primum, & sequentibus diebus obortus est dolor vehemens juxta pectus, & fomento ad latus dexterum adhibito, remiserunt dolores quarta die, spiritus densior, arteria vix respirans subsibilabat, & supina difficulter se vertere poterat. Ad noctem febris acutior, & delirium breve fiebat. Quinta mane mitior esse videbatur: sudor de facie diffundebatur primum modicus, deinde multo tempore per totum corpus, ac pedes. Postea vero videbatur ipsi febris remisisse. Erat autem ad manum frigidius corpus quam arteriæ. Quæ vero in temporibus sunt etiam, magis saliebant, & spiritus densior, & alias atque alias delirabat, & omnia ad deterius. Lingua perpetuo alba valde, & tussis non inerat, nisi tertia, ac quinta die ad breve tempus. Sitis non erat. Sputatio erat. Præcordium dexterum valde elevabatur circa quintam, verum postea mollius. Egestio tertia die a balneo stercoris modici. Quinta rursus liquidi modici. Venter autem mollis. Urinæ acerbæ, cineris speciem referentes, oculi velut delassatæ: difficulter suspicie-

bat, ac circumferebat oculos. Quinta ad noctem ægre affecta fuit, & delirium sequebatur. Sexta rursus eadem hora, qua plenum-folet esse forum, multus sudor diffundebatur: incipiebat a fronte ad totum corpus. Ad multum tempus prudenter res suas disponebat, ad meridiem vero valde delirabat, & perfrigeratio similis erat, omnia vero circa corpus graviora. Ad vesperam tibia ipsius ex cubili decidit, & puero præter rationem minabatur, & rursus flebat, & ad quietem convertebatur. Circa primum somnum sitis multa, & insania, & erecta sedebat, & præsentibus conviciabatur, & rursus conticuit, ac in quiete erat, & videbatur reliquum noctis sopore pressa esse. Verum oculos non clausit. Ad diem indicabat pleraque nutibus, corpore quiescens, & moderate intelligens. Sudor rursus eadem hora, similiter oculi demissi, ad infernam palpebram magis incumbentes, rigide, ac stupide intuentes, albæ oculorum partes pallidæ, & mortiferæ, & totum corpus pallidum, ac nigrum. Manum plerumque ad parietem, aut ad stragula habebat, strepitus autem bibenti magni fiebant, respuebat, & sursum ad nasum absorbebat, & floccos legebat, & faciem obvelabat. Post sudorem manus velut in glaciem congelatæ, sudor sequebatur frigidus, corpus ad manum frigidum, exsiliabat, vociferabatur, insaniebat, spiritus multus, manus tremulæ fiebant, sub mortem progressæ jam etiam convulsæ. Septima die mortua est. Sexta die in nocte stratum modice perminxit, quod minxerat de fœrucis detrahebatur, viscosum, genituræ simile. Vigilabat per omnes dies; post sextam urina subcruenta.

Antiphanis filio hyeme lateris dexteri dolor, tussis, febris: edebat, deambulabat etiam febriens.

Videbatur ruptio facta esse, nona remisit, febris non reliquit, tussis multa, & crassa, ac spumosa spuebat, latus dolebat. Circa decimam quartam, & rursus vigesimam febres desinere videbantur, & rursus corripiebant, erat autem calor tenuis, & parum quid relinquebat. Tussis quandoque deficiebat, quandoque abundabat, cum multa suffocatione. Tunc vero remittebat, & exscreatio post hos dies multa cum strangulatoria tussi, & purulenta supra vas efferventia, ac spumantia prodibant, & in faucibus plerumque stridula asperitas subsibilabat, anhelatio semper detinebat, & spiritus densior: raro bene spirabat. Ultra quadagesimum diem, prope sexagesimum opinor, oculus sinister excæcatus est, cum tumore, sine dolore: nec longe postea etiam dexter, & pupillæ valde albæ, ac siccæ fiebant, & mortuus est post excæcationem, non progressus ultra septem dies, cum stertore, ac multa deliratione.

Similia & ex similibus eodem tempore contigerunt etiam Thessalioni, ferventia, & spumantia, & purulenta, & tussis, & stridulæ asperitates.

Polemarchi uxori hyeme anginosæ tumor sub gutture, febris multa; vena secta est, cessavit strangulatio ex faucibus, febris comitabatur. Circa quintam genu dolor, & tumor sinistri, & circa cor dixit sibi videri aliquid colligi, & respirabat, velut respirant hi, qui sub aquam mersi fuerunt, & ex pectore substrepebat, velut qui concluso ore loquuntur, engastrimythi, quasi ex ventre loquentes, appellati. Tale quid contingebat. Circa octavam, aut nonam ad noctem alvus prorupit, ac liquida multa, acervata, & graveolentia egressit, vox intercipiebatur. Mortua est.

Aristippus in supernum ventrem violenter, ac graviter sagittæ ictu petitus est. Ventris dolor vehemens, & brevi ardebat, deorsum vero nihil egerebat, anxius erat, biliosa abunde colorata quum vomuisset, melius habere videbatur. Paulo post dolores rursus vehementes, & venter similiter ardebat, velut in volvulis, calores, & sitis. In septem diebus mortuus est.

Neapolis percussus similiter, eadem passus est: acri infuso per clysterem immisso, alvus deorsum erupit, color per corpus diffusus est tenuis: pallidus, niger, oculi squallidi, stupore rigidi, intus conversi, intente intuentes.

Ei, qui in hepar percussus est jaculo, statim color qualis est mortuorum, per corpus diffusus est, oculi cavi, anxietas molestia. Mortuus est prius, quam concio solveretur, in qua die percussus est.

Qui caput percussus est lapide a Macedone supra tempus dextrum, ita ut fissura saltem facta, dissectio contigisset, vertigine affectus est, & cecidit. Tertia die voce destitutus erat, anxietas, febris non valde vehemens, pulsus in temporibus, velut tenuis caloris, nihil audiebat, neque sapiebat, neque quiescebat, humiditas circa frontem, & sub nasum, usque ad mentum. Quinta mortuus est.

Eniates in Delo jaculo percussus est retrorsum in latus juxta sinistram partem. Ulcus quidem sine dolore; verum tertia die ventris dolor parvus, non egerebat, infuso per clysterem immisso, stercus prodibat, & dolor deficiebat, sedes extra ad scortum exstabat, quarta die etiam ad pubem, & totum ventrem dolor vehementer iruebat, quiescere non poterat, biliosa vomuit abunde colorata, oculi cum virore pallidi, quales

ies in animi deliquiis. Post quintam mortuus est. Erat autem calor quidam tenuis in ipso.

Billo percussio in dorsum, spiritus multus per vulnus cum strepitu prodibat, & sanguinem fundebat. Verum deligatus emplastro, cruentis vulneribus commodo, sanus evasit.

Contigit & infelicissimo Philes filio, denudatione in fronte facta, nona die febris. Deinde livefactum est os, mortuus est.

Phaniae, & Evergetae filio, livefactis ossibus, & febricitantibus, cutis ab osse discessit, & pus subtus depascebatur. His, dum perforarentur, ex ipso osse egressa est sanies tenuis, serosa, subpallida, graveolens, lethalis. Contingit autem talibus etiam vomitus accedere, & ad finem convulsiones: & ut clangorosam vocem edant, ac impotentes fiant, & si in dextris fuerit vulnus, in sinistra parte; si vero in sinistris, in dextra.

Theodori filio nona die in sole versato, febris accessit decima die, ex denudatione juxta os nullius momenti. In febre vero denudatum est, discessit cutis, multum clangorosus erat. Vigesima secunda venter elevatus est maxime circa praecordia. Vigesima tertia mortuus est.

Quibus ossa fracta fuerint, his septima die febres. Si vero calidius fuerit tempus, etiam citius. At si magis fracta fuerint, etiam e vestigio.

Exarmodi famulus similiter dolorem habebat ad femur, non e directo vulneris, & factus est clangorosus, & colli erat dolor. Et Polidocreon tertia convulsio; calor non relinquebat; mortuus est die decimo octavo.

Isagorae filius percussus est retro in caput, confuso osse, ac nigrefacto: quinta die superstes evasit, os autem non discessit.

Magnae navis gubernatori anchora digitum
Princip. Art. Med. Tom. II. Y

medium, & os dextræ manûs confregit. Inflammatio successit, & marcor, & febris. Subpurgatus est. Quinta calores moderate remiserunt, itemque dolores. De digito quid decidit. Post septimum diem sanies exibat leniter. Postea per linguam dixit se non omnia posse enunciare. Prædictio facta est opisthotonum adventare. Ad hoc conferebant maxillæ confertæ, & ad collum rigidæ. Tertia die totus convellebatur in posteriorem partem, cum sudore. Sed a prædictione mortuus est.

Harpali filius ex liberta Telephane luxationem infra in pede magni digiti accepit. Inflammatus est pes, & valde dolorosus erat, & ubi repositus est, & dolor remisit, proficiscebatur ad agrum. Rediens, lumbos doluit, lavit, maxillæ ad noctem conferebantur, & opisthotonus aderat, saliva spumosa vix per dentes foras prodibat. Tertia die mortuus est.

Thrinon Damonis filius habebat circa tibiam, aut malleolum ulcus juxta nervum jam purum. Huic a pharmaco corroso contigit, ut opisthotono moreretur.

Menoni sub arcturum, & prius, ex febre æstiva, & alvi profluvio ægre affecto, & ex itinere delassato, dolor lateris sinistri, & tussis, quæ ex destillatione quidem etiam prius aderat, verum tunc valde intenta erat, & vigilabat, & febrem statim ab initio ægre ferebat, & erectus sedens tertia die spuebat pallidum: arteria ex stertore subsibilabat. Circa quintam spiritus moderate densus, pedes, tibiæ, extremæ partes plerumque frigidæ, & extra stragula. Alvi egestio ab initio fiebat biliosa, neque valde modica, neque multa. Septima, octava, & nona levius ferre videbatur, & somni aliqui contingebant, &

quæ exscreabat crudiora erant. Decima, & usque ad decimam tertiam, alba, & pura, & præcordium mollius fiebat, sinistrum tamen distentum, & melius spirabat. Subdita glande moderate alvus subiit. Decima tertia rursus pallidum spuebat. Decima quarta magis. Decima quinta prasinum. Alvus autem maleolentia, biliosa, liquida, multa demisit. Sinistrum præcordium elevabatur. Decima sexta autem etiam valde intumuit, & spiritus jam stertorosus, sudor circa frontem, & cervicem, raro ad pectus, extremæ partes, & frons leniter permanebant frigida. Salsatio vero venarum circa tempora detinebat. Somni soporosi noctem, ac diem postremo tempore. Urina ab initio cruda, cineris speciem referens. Circa decimam, & usque ad decimam tertiam tequies, & non decolores. Verum a decima tertia, quales ab initio.

Cleocho lateris dolor, & febris. Remisit febris, sudavit per totum corpus. In urina multa erant, quæ ferebantur, ac innatabant; postea turbata est.

S E C T I O II.

Circa plejadum occasum Olympiadæ uxorem; fetum octimestrem gestantem, ex casu febris acuta corripuit. Lingua aestuosa, sicca, aspera, pallida, oculi pallidi, & corpus mortiferum. Fetus corruptus quinta die, facile liberata est, & somnus ut videbatur soporosus, vesperi excitantes non sensit, sternutatorium adhibitum percepit, potionem suscepit, & succum, deglutiens potionem aliquantum tussivit: vox non solvebatur, neque ipsa quicquam levabatur ex

morbo. Oculi tristes, ac submissi, spiritus sublimis per nasum trahebatur, color praeustus, sudor circa pedes, & crura, ubi jam morti propinqua esset, mortua est.

Nicolai concubinæ ex febre ardenti abscessus juxta aurem fiebant ab utraque parte, paulo posterius alter, quum jam febris remittere videretur, velut tumor laxus. Circa decimum quartum magni citra signa sedati sunt, recidiva facta est. Color qualis mortuorum. Lingua aspera, valde densa, subalbida. Stitculosa, alvi egestio deorsum multa, liquida, male olens per omne tempus. Ante finem corruptum est corpus præ multitudine egestionis. Mortua est circa vigesimum diem.

Andream ante plejadem horror, febris, vomitus. Ab initio semitertiana apparebat. Verum tertiana erat. Quum rursus in foro versaretur, inhorruit: febris acuta, vomitus bilis meracæ, delirium ad noctem. Quarta rursus melius habebat. Quinta difficulter. Sexta a mercuriali probe egestit alvus. Septima difficiliter, & frequentibus jam diebus febris magis continenter affligebat, & sine sudore ab initio, & stitculosus. Maxime vero os resiccabatur, & potionem nullam libenter admittebat, quum multa injucunditas circa os esset. Lingua sicca, inarticulata, asperitas efflorescebat, cum pallore albicans. Vigil, anxius, exsolutus, fractus. Lingua præ siccitate quandoque subblæsa, donec madefecisset: succum maxime admittebat. Nona, aut decima circa aurem sinistram, atque etiam alteram tumores parvi citra signa apparuerunt. Urinæ semper non decolores, verum sine subsidencia. Decima quarta sudor circa supernas partes non multus, sed moderatior. Calor circa decimam septi-

nam evanuit. Alvus post decimam sicca, citra glandem subditam non egerens. Circa vigesimam quintam pustulae per totum corpus pruriginosae calidae, velut igne ambusta. Dolor autem erat circa locos sub alis, & latera; transivit ad crura citra signa, & delivit. Balneum proderat, & unguenti illitio cum aceto. Mense vero secundo, aut tertio fortassis, ad renes dolor, qui etiam antea quandoque fuerat, sedatus est.

Aristocrati circa solstitium hybernum lassitudo, & horror, & calor. Postea tertia die incepit lateris dolor, itemque lumborum, & tumor sub alis initium sumens, per totum dextrum latus durus, rubicundus, lividus, velut ab igne calefactus, & inultus, anxius, omnia moleste ferens, valde siticulosus, lingua subalbida. Urinae non procedebant, crura subfrigida, alvi egestio a mercuriali modica, liquida, subalbida, spumosa, ad noctem spiritus elevabatur, sudor circa frontem, partes infernae frigidae, collum inflabatur, tussis non inerat, mortuus est prudens.

Onesianacti circa autumnum lippitudo, postea vero febris quartana. Incipiente quartana cibos valde averfabatur, in progressu vero libenter accipiebat. Sed & Polycharti in quartana similia circa cibum accidebant.

Mnesianacti alvi egestio ante febrem, & postea, ad multum tempus sequebatur, multis albis mucosis prodeuntibus: & quandoque paucos sanguine, citra dolorem. Strepitus autem in ventre. Post febrem abscessit circa sedem tuberculum durum, quod multo tempore inconcoctum comitabatur, erupit ad intestinum, & foris fistulosum fiebat. Deambulante vero ipso in foro, splendores praee oculis obversabantur, & solem non valde videbat. Quum autem parum disces-

fisset, extra se ipsum erat, & collum convulsus est. Postquam autem domum deportatus est, vix suspexit, & ipse vix sui ipsius erat. Primum autem collustrabat circumstantes, & corpus perfrigeratum est, vix vero recalesfactus est utriculis, & fomentis adhibitis. Postquam autem ipse intra se ipsum esset, & exurgeret, non volebat exire, sed timere dixit. Si vero quis de gravibus morbis differeret, subducebat se præ timore. Quandoque etiam caliditatem sibi ad præcordia allabi dixit, & oculorum splendores comitari, & alvi egestio multa, & sæpe, & similis hyeme contigit. Facta est venæ sectio, datum est veratrum, bibit lac bubulum, prius autem asininum contulit, & alvi egestionēs sedavit. Aquæ potus ab initio, deambulationes quoque, & capitis purgationes.

Anæcheti filio hæc contigerunt, hyeme in balneo dum ungeretur ad ignem: calefactus est, & statim in comitiales convulsiones incidit. Postquam vero multæ factæ essent convulsiones, circumspexit, non apud sese erat, quum autem intra se ipsum esset, rursus postridie mane correptus est, ac convulsus, spuma non valde. Tertia, lingua inarticulata. Quarta per linguam significabat. Quinta loqui non poterat, sed in principiis nominum hærebat lingua valde, & convulsio fiebat, & extra se erat. Quum vero hæc remitterent, lingua vix in suum statum restituebatur. Sexta abstinebat ab omnibus, & forbitione, & potu, & a nulla amplius affectione corripiebatur.

Cleocho ex lassitudinibus, ac exercitiis melle per dies aliquot utenti, tumor ad genu dextrum obortus est: Immo potius ad infernam partem circa tendines sub genu, circumibat subelaudi-

cans, & fura intumefcebat, ac dura erat, & ad pedem, & ad malleolum dexterum, & tubercula ad gingivas circa dentes magna, velut uvæ acini, livida, nigrefacta, doloris exfortia, ubi cibum non caperet. Sed & crura doloris exfortia erant, fi non exfurgeret. Venit enim & ad finiftrum tumor, verum minus livefcebat. In tumoribus circa genua, ac pedes, velut fuppuraciones erant. Tandem vero fieri non poterat, ut ftaret, aut calcaneis infilteret, fed in lecto decumbebat. Calores manifefti: quandoque cibum averfabatur, non valde fiticulofus, neque ad fedem surgebat, anxius, & quandoque etiam puſillanimitas tenebat. Veratrum exhibitum eſt, & capitis purgationes. Ad os pharmacum ex manna thuris cum aliis admixtis profuit. Ad ulcera in ore, forbitio lenticulæ commoda erat. Circa ſexageſimam ſedati ſunt tumores a ſecundo veratro, dolores tantum ad genua decumbenti venerunt. Humor autem, & bilis abſceſſit ad genua, etiam pluribus diebus ante veratrum.

Piſiſtrato humeri dolor, & gravitas diuturna decambulanti, & alias ſano, hyeme vero incidit multus lateris dolor; & calor, & tuſſis, & exſecretio ſanguinis ſpumofi, & in faucibus ſtertebat. Verum facile ferebat, & apud ſe ipſum erat, & calor remiſit, ſimulque exſecretio, & ſtridula aſperitas, & circa quartam, aut quintam diem ſanus.

Simonis uxori in partu concuſſæ dolor circa pectus, & latus, tuſſis, febres, exſecretiones purulentæ: tabes, ad ſex menſes febres, & alvi profluvia ſemper. Ad finem febres ceſſaverunt, poſt ceſſationem ſubſtitit alvus, & poſt ſeptem dies mortua eſt.

Euxeni uxorem ex fomentis ut videbatur, ca-

lores" nullo tempore relinquebant, magis tamen ad vesperam augescebant, sudores fiebant per totum corpus. Febre ad augmentum tendente, frigiditas pedum, quandoque etiam tibiarum, & genuum nebat: tussicula sicca ad modicum tempus, febre exacerbari incipiente, deinde cessabat, per multum autem tempus etiam totius corporis rigor fiebat. Sitis exfors semper. Ubi medicamentum bibisset, & serum, magis læsa est. Ab initio omnino sine dolore erat, & bene spirabat. Medio vero tempore lateris dextri dolor fiebat, & tussis commota est, & anhelatio, & excreationes parvæ albæ, ac subtenues, & horror non amplius ex pedibus, sed de collo, & dorso, & alvus liquidior, remisit febris cum multo sudore, & perfrigerata est. Anhelatio vero erat variâ, mortua est post remissionem septima die, quum esset mente prudens.

Polemarchi uxor ætate incepit febrîre, dimisit autem ipsam febris sexta die; titubans obambulabat; ad noctem calores. Rursus interposito tempore corripuit febris, & non dimisit tribus fere mensibus. Tussis multa, excreatio pituitæ. Postquam vero viginti durasset diebus, spiritus semper densus, in pectore strepitus, plerumque sudor; mane febris mitior, & horrores quandoque corripiebant, somni fiebant, & alvus aliquando humectabatur, & rursus restitabat. Moderate cibum gustabat; at medio tempore ad genua, & tibias dolor, & ad flectendum ac extendendum alio opus habebat. Perseverabant crurum affectiones usque ad finem jam propinquum, & intumuerunt pedes usque ad tibias, & ad contactum dolebat, & sudores, ac rigores desierunt. Febris autem semper intendebatur. Ante obitum alvus erupit; prudens permanebat; tri-

bus ante obitum diebus in faucibus stertebat, & spiritus revertebatur. Mortua est.

Hegeipolis filiolus quatuor fere mensibus dolorem circa umbilicum corrodentem habebat. Progressu temporis augebatur dolor. Percutiebat ventrem; vellicabat, calores corripiebant, contabescebat, ossa reliqua erant, pedes tumeabant. Testes, venter, partes circa umbilicum induratae. Num & quibus futurum est, ut alvus exturbetur? cibum averfabatur, lac solum admittebat recens, & alvus liquida erat, & subcruenta faecies subibat, male olens, alvus ardebat. Mortuus est, ubi vomuisset modicum pituitosum, adeo ut quis genituram putasset.

Plateæ filio, ubi mortuus esset, futura capitis valde cavata est. Quum autem ægrotaret, semper manu sinciput contingebat, maxime morti propinquus. Non dolebat autem caput, & in femore sinistro sub inguen partes inferiores lividae. Testes autem graciles erant. Similia etiam Hegetoridæ filio. Mortuus est. Præterquam quod vomitus plures sub obitum contigerunt.

Hippiæ soror hyeme phrenitica, mente aberrans, manibus negotium exhibens, lancinans se ipsam. Quinta, & sexta, ad noctem voce destituta, soporosa, inflans in maxilla, & labia, velut dormientes. Septima mortua est.

Osander ubi inhorruit, lateris dolor, & ad genua dolor, itemque ad femur. Ubi comedisset, delirabat. Brevi mortuus est.

Cleotimo futuri, alvo liquefacta multo tempore, & calore oborto, juxta hepar tumor tuberculofus ad imum ventrem descendit, & alvus liquida fiebat, & aliud ipsi tuberculum juxta hepar sursum ad præcordium. Mortuus est.

Quibusdam capitis dolor vehemens cum calo-

re: quibusdam quidem ad dimidiam capitis partem, & secundum nares humor quidam decedit tenuis, aut maturus, aut ad aures, aut ad fauces ex capite securius. Quibusdam vero hæc sicca. At marcor vehemens periculosus est. Si vero adfuerit anxiosus, aut biliosus vomitus, aut stupor oculorum, aut vocis interceptio, & raro quid loquitur, aut delirium, lethalia hæc sunt, & convulsoria. Quicumque vero ex destillatione dimidiam capitis partem dolent, & humore secundum nares decedente insuper febriunt leniter, in quinta, aut sexta perfrigerantur.

Echecrati cæco capitis dolor vehemens magis ad posteriorem partem, & colli quo loco connectio est, & ad verticem procedebat. Progrediente tempore, & ad aurem sinistram, & dimidia capitis pars dolorosa erat. Mucosa semper procedebant leniter combusta, & calor comitabatur tenuis, & cibum averfabatur. In die melius habebat, ad noctem vero dolebat. Postquam autem pus per aurem erupit, cessaverunt omnia, erupit autem circa hyemem. Num & omnibus suppurationibus, & affectionibus circa oculum dolores ad noctem?

Quibus tussēs hyeme maxime austro spirante crassa, & multa exscreantibus, febres accedunt, leniter autem quinta die sedantur. Tussēs vero circa quadragesimam, velut Hegesipoli.

Quibus calores multi quandoque sedantur, hi non per totum corpus, sed aut circa cervicem, aut sub alis, aut capitē sudantes, liberantur.

Chariti hyeme ex tussicula populariter grassante febris adventans, acuta corripuit: Stragula rejiciebat: sopor cum dolore. Urinæ erant

rubræ velut ervi lotura, subsidencia statim ab initio multa, alba, postea etiam subrubra. Septima a glande subdita pauca prodierunt, sopor detinuit sine dolore, humiditas in fronte, somnus ad noctem, & calor mitior. Octava fucum admisit, soporosus permansit usque ad undecimam. Hac autem die etiam calor maxime cessavit. Postquam vero tussis erat, excreatio perseverabat semper multa, facilis, primum viscosa, alba, crassa, postquam autem concocta esset, similis purulentis. Urinæ ab undecima die puriores, subsidencia aspera. Decima tertia dolor ad dextera usque ad lateris mollitudinem, ad imum ventrem. Urina supprimebatur. Potus calliphylli contulit. Decima quinta rursus dolor. Decima sexta ad noctem magis dolor præcordii incipiebat ad ventrem. Mercurialis aqua subduxit. Calor intra vigesimum evanuit, & excreationes sequutæ sunt crassæ. Melius habuit ad quadragesimum.

Subpurgandi sunt ventres in morbis, ubi purganda matura fuerint. Inferni quidem, ubi confidisse videris: signum habes, si non anxii fuerint, neque capite gravati, & quum calores mitissimi, & quum post exacerbationes cessarint. Superni vero, in ipsis exacerbationibus. Tunc enim & hi eleuantur, quum anxii, & gravati supernis partibus fuerint. Propterea vero in principiis purgandum non est, quoniam sua sponte in his temporibus expurgantur. In cubiti processu ex casu fauciatio, cubitus marcore corruptus suppuratur; maturatione vero fiente, viscosa sanies, ac glutinosa exprimitur, & brevi supprimitur, velut & Cleogenisco, & Demarcho Aglaotelis filio. Similiter autem, & valde ex iisdem pus nullum, velut

Æschyli filio contigit. At ubi suppuratur, plurimis horrores, & febres accedunt.

Alcmani ex renum affectionibus se recolligenti, & sanguine deorsum detracto, sursum ad hep-
par conversus est morbus, & ad cor dolor vehemens, & spiritus præ dolore detinebatur, & alvus difficulter egerebat parva, caprini stercoreis pilulis similia. Anxietas non inerat; verum rigor quandoque, & febris corripiebat, & sudor, & vomitus, & in dolore non conferebat aqua marina per clysterem infusa. Verum fursurum decoctum infusum contulit. A cibo abstinuit ad dies septem, aquam mulsam meraciorem bibit, postea lentis succum, quandoque vero ex lentiscula fresa decoctum. Inde bibit aquam, postea catulum coctum, & mazæ parum, quæ potissimum diu antea confecta esset; progressu vero temporis aut cervices bubulas, aut extremas partes suillas coctas una cum priore aquæ potu. Quies, tegmen, ad renum affectionem infusum per clysterem ex cucumere sylvestri.

Parmenisci filio surditas: contulit clysterem auricularium non adhibere; verum lana expurgare, & solum oleum, aut netopum infundere, deambulare, mane surgere, vinum album bibere, oleribus abstinere, pane, & piscibus petrosi nutriri.

Aspasii uxori dentis, & maxillæ dolor vehemens. Castorium, & piper colluens, ac in ore tenens, remisit. Et stillicidii urinæ affectionem ipsi sedavit farina cum rosaceo. Capitis dolores ex utero sedat castorium. Plurimas uteri affectiones, flatu faciunt. Signum sunt ructus, & strepitus circa ventrem, & lumborum tumores, & dolores circa renes, ac coxas. Ad hos autem confert, aromatum tertiam partem, farinæ

duas, in vino odorato albo coquere, & linteolo illita cataplasmatibus modo imponere, qua parte ventris dolores ab utero affligunt.

Callimedontis filio contulit ad tuberculum, quod habebat in collo durum, & magnum, & crudum, ac dolorosum, venæ brachii sectio; & feminis lini torrefacti cataplasma, vino albo, ac oleo subactum, ac imbutum, ita ut neque calidum, neque valde coctum deligatur. Aut cum aqua mulsa coquatur fœni græci, aut hordei, aut tritici farina.

Melissandro, quum gingiva dolore corripere-tur, & vehementer intumesceret, sectio venæ brachii, & alumen Ægyptium in principio sedabat.

Eutychidi ex cholericis affectionibus, ad nervorum in cruribus distentionem desivit, una cum secessu deorsum. Bilem multam abunde coloratam vomuit ad tres dies, ac noctes valde subrubram. Sub vomitum bibit, & impotens erat, & anxius. Nihil autem continere poterat neque ex potibus, neque ex cibis; & urinæ, ac transitus deorsum suppressio. Per vomitus fex mollis prodiit, & deorsum quoque erupit.

Regio morbo correpto prodest laborare, sudare, panem edere, bibere non multum, lavare caput calida multa, sed potius tepida, vinum album, somno non multo uti.

Calligeni circa vigesimum quintum ætatis annum destillatio, tussis multa: quod defluebat, per vim educebat, nihil infra persistebat, annos quatuor perseverabat. Ab initio calores tenues fiebant. Veratrum non profuit, sed modicus cibus, & comprimi corpus, edere panem, bibere vinum nigrum, obsoniorum quorumcumque esus, abstinentia ab acribus, falsis, pinguibus,

fucco silphii, oleribus crudis, multa deambulatio. Lactis potus non contulit, sed sesamum purum, crudum, acetabuli mensura bibere, cum vino molli.

Timochari hyeme destillatio, maxime in nares. Quum Venere usus esset, resiccata sunt omnia. Lassitudo, calor successit, caput grave, sudor a capite multus, defluebat autem & per totum corpus. Erat autem etiam sanus sudare adfuetus. Tertia die sanatus est.

Cleomenis filius hyeme initio facto cibum averfabatur, & ejus fastidio citra febrem vexabatur, & vomebat cibos, ac pituitam. Duobus autem mensibus cibi fastidium durabat.

Coco in spina gibbositas facta est ex phrenitide. Huic nulla medicamenti potio contulit. Verum vinum nigrum, & panis esus, & balneorum abstinentia, & unctio, & frictio ab unctioe, & fovere non valde, neque multo fomento, sed leni.

Quibus fluxiones in oculis tenues, ac diurnæ, si maturæ in nares processerint, profunt.

Quibus prægnantibus ex casu, aut convulsione, aut plaga dolores leniter fiunt, his in tribus diebus manifestum fit, an fetum corrumpet.

Cuidam, quæ circa vigesimum ætatis annum biberat ultro pharmacum ad fetum perdendum, accidit dolor, vomitus biliosorum, multorum, pallidorum, prasinorum, nigrorum. Quum bibisset, tertia die convulsio corripiebat, linguam commandebat. Ad quartam diem ad ipsam ingressus sum: lingua nigra, magna, oculorum albæ partes erant rubræ; vigilabat. Quarta mortua est ad noctem.

Pythocles ægrotantibus aquam, & lac multa aqua admixta dabat, & renutriebat.

Perniones pertundere oportet, & calefacere, ita ut quammaxime excalefacias igne, & aqua. Oculis incommoda sunt lenticula, fructus pomorum dulces, & olera. Doloribus circa limbos, aut coxam, aut crura, ex laboribus abortis, aquæ marinæ, acetique calidum fomentum confert, ita ut vel aspergas, vel spongiam his imbutam adhibeas. Deligare vero lanis oportet.

Origanum potum, oculis, & dentibus malum est.

Puella, quæ de rupe cecidit, voce destituta: jactatio ipsam tenebat; vomuit ad noctem sanguinem. Quum ad sinistram aurem impegisset, amplius inde fluebat, & aquam mulsam difficulter deglutiebat. Stertor habebat, spiritus densus velut morientium, venæ circa frontem intentæ, decubitus supinus, pedes tepidi, febris multa, aliquando acuta. Maxime expavescebat, septima vocem rupit, calores tenuiores erant, superstes evasit.

Nisantides humeri dolorem habebat, in æstate abortum ex abscessu: profuit ipsi corpus, & humerum in aqua marina madefacere ad multum tempus, & per tres dies vinum album aquosum bibere, simul ut in aqua marina decumberet, ita ut & in ipsa urinam ejiceret.

Fullo in Syro phreniticus: quum moveretur cruribus tremulis, corpus velut a culicibus compunctum. Oculus magnus, motus brevis, vox fracta, sed clara tamen, urina pura subsidentiam non habens. Num propter alvi ex thapsia egestionem, decima octava die morbus remisit, evanescens citra sudorem?

Nicoxenus in Olyntho similiter septima die videbatur a morbo liber esse cum sudore. Sorbitiones assumebat, vinum, botrum ex sole. Decima septima die ingressus sum ad ipsum. Lingua

ardebat, calor forinsecus non valde fortis, exfolutio corporis vehemens, vox fracta, ut operosum esset exaudire, clara tamen, tempora collapso, oculi cavi, pedes molles, ac tepidi, juxta splenem distentio. Infusum per clysterem non valde suscipiebat: sed resiliebat, prodiit stercus compactum modicum, & aliquid sanguinis, arbitrator ab infuso. Urina clara, pura, decubitus supinus, crura diducta, ac disparata ob exsolutionem, penitus vigil. Intra viginti dies calor evanuit. Potus erat aqua de farina crassa in ipsa macerata. Sed & de pomis simulque mali punici succus, & lentis torrefactæ, & farinæ lotura cocta, frigida, tenuis forbitio. Superstes evasit.

Fullonum inguina extuberant dura, & sine dolore, & circa pubem, ac collum similia erant tubercula magna. Febris ante diem decimum. Tussi vexabantur a ruptionibus. Tertio mense, aut quarto venter colliquefactus est. Calores successerunt. Lingua sicca, sitis, egestionis deorsum malignæ est. Mortui sunt.

Cholericæ bilis sursum, ac deorsum, eruptiones ex carnis esu, maxime suillæ crudioris, & excicere, & ebrietate vini odorati veteris, & insolatione, & ex sepiis, & locustis, & gammaris, & ex olerum esu, maxime porri, & ceparum. Insuper & a lactucis coctis, & brassica, & runcibus crudioribus, & a placentis, ac dulciariis, & mellitis libis, & a fructibus pomorum, & cucumere pepone, & vino lacte misto, & ervo, & polenta recenti. Cholericæ affectiones magis in æstate fiunt, & febres intermittentes, & quibus horrores accedunt. Hæ quandoque malignæ fiunt, & ad morbos acutos perveniunt. Verum cavere oportet. Judicat autem tales morbos maxi-

me quinta, & septima, & nona dies. Melius tamen est cavere usque ad decimam quartam.

Pherecydæ post solstitium hybernum, noctu lateris dextri dolor etiam prius fieri solitus. Cessavit; pransus est, & egressus horruit. Febris ad noctem; doloris exfors; tussicula quædam sicca. Urina non multa, subsidentia multa. Ab initio ramentosa, glabra, divulsa; post dies quatuor turbulenta subsidebant, & urina non decolor, subsidentiam habens, & collectio non apparebat in matula, ubi perfriguisset. Tertia die alvus sua sponte egressit. Quarta subdita glande, stercoracea, & biliosa prodierunt: fluxus erat liquidus. Somnus ad noctem non valde; verum interdiu aliquantum dormiebat. Sitis non vehemens. Quarta ad noctem maxime cutis circa frontem, & reliquum corpus mollis, semper superexcedens. Febris vincebatur ad manum, & sub ea humescebat. Pulsus in fronte valde obscurus, venarum gravitas in conversionibus, & in omnibus egestionibus ad modicum tempus, semper doloris exfors, ab initio anxius, & paulatim vomebat. Septima a glande subdita egressit ter biliosum, ac stercoraceum, liquidum valde, ac pallidum, & jam aliquantum delirabat, & humiditas modice quandoque circa frontem. Stragula in faciem ducebat, oculos frustra velut si quis videret, contrahebat, & rursus nictabat, & stragula rejiciebat. Nona die sudor mane obortus ad pectus, perseverabat, donec moreretur, & febris, & deliratio augescebat. Circa frontem sudor plurimus graveolens, color valde albus, cutis sub pilis interpuncta, præcordium dextrum elevatum, demisit a se ipso biliosa. Octava apparebant velut culicum morsus. Ante mortem tussiendo rejecit velut ex muco fungos, compa-

eta quædam, alba pituita circumdata. Excreaverat autem & antea parva, alba, lactea. Post cœnam in somno horruit, mane surrexit, capite gravatus horruit, vomuit, capite gravabatur, ad noctem remisit. Usque ad meridiem leniter horruit, rursus noctem graviter tulit. Sequenti die febris acuta, capitis torpor, vomitus multæ bilis, quæ plurima prasina erat. Cessaverunt omnia, somnus ad noctem. Mane perfrigerabatur; sudor, & humiditas per plurimam corporis partem. Juxta splenem manu indicabat ad modicum tempus collectionem doloris exsortem, Statim evanuit, ad noctem vigil. Circa fori tempus exacerbabatur febris, anxietas, vertigo, tormen, capitis dolor, vomitus prasinus, levis, viscosus velut pituita. Circa solis occasum cessaverunt omnia. Sudor capitis, colli. Post vomitum egressit per alvum stercorea, liquida, biliosa, neque nigra, neque inconvenientia. Noctem moderate habebat, itemque sequentem diem. Ad noctem rursus vigil. Vomitus mane similiter, & sequenti die, citra anxietatem. Dolores capitis post sudorem cessarunt; ad vesperam omnia remisferunt. Nona non amplius vomuit, magis calefactus est. Reliquis non videbatur febrire. Venæ in temporibus saliebant; doloris omnino exfors; sitis semper erat. Nona quum ad tellam surrexisset, valde animo linquebatur. A glande subdita egressit ramenta nigra, & biliosa colore, quantum stercorei destillabat. Vox fracta, in conversionibus gravis, oculi cavi, cutis frontis circumtensa. Alioqui bene spirabat, moderatus erat, ad parietem plerumque conversus, flexibilis in decubitu, incurvatus quiescens. Lingua alba, levis. Circa decimam & postea, urinae rubræ in circuitu, in medio exiguum quid

album. Duodecima ad glandem subditam, similia destillabant biliosa, & ramentosa. Post glandem animi deliquium, postea os resiccabatur. Colluebat semper, & si non valde frigida esset aqua, calidam esse dicebat. Nivem leniter gustabat, sitis non inerat, stragula semper de pectore repellebat. Chlamydem calefieri non sinebat. Ignis procul, isque parvus, utriusque maxillæ rubor. Postea lingua inarticulata. Recalescebat unum, aut duos dies. Cessavit.

Androphani vocis interceptio, ignorantia, delirium. His sedatis supererat multis annis, & recidivæ fiebant. Lingua permanebat per totum tempus sicca, & si collutione non uteretur, loqui non poterat, & plerumque erat valde amara. Aliquando etiam dolor ad cor. Venæ sectio solvit hæc, aquæ potus, aqua mulsa. Veratrum quoque bibit nigrum. Biliosum non prodibat, sed modicum. Tandem hyeme decubuit, & extra se positus mente motus est, & linguae affectiones similes, calor tenuis, lingua decolor. Vox peripneumonica, de pectore stragula rejiciebat, & se educi jubebat velut micturum. Quum nihil clare loqui posset, neque apud seipsum esset, educabant ipsum. Ad noctem mortuus est; duobus, aut tribus diebus decubuit.

Nicanoris affectio erat, quum ad convivium progredieretur timor tibicinæ: quum sub initium vocis tibie in convivio tibia canere audivisset, præ timoribus turbationes. Vix se sustinere posse dixit, quum nox esset, interdiu vero audiens nihil commovebatur, & hæc multo tempore ipsum comitabantur.

Damocles, qui cum illo erat, cæcutire, & corpore exsoluto esse sibi videbatur, & sane præruptum locum non accessisset, neque trans pontem,

aut minimæ altitudinis scrobem ausus fuisset transgredi, præ timore ne caderet, sed per ipsam scrobem ibat. Hoc ad tempus quoddam ipsi aderat.

Phœnicis affectio erat. Ex oculo dextro plerumque velut fulgur elucere putabat. Ubi vero non diu ipsum clausisset, dolor ad tempus dextrum vehemens oriebatur, postea etiam ad totum caput, & collum. Caput intumescibat retro ad vertebrae, & distentio, ac duritia erat circum tendines. Si itaque conaretur commovere caput, aut aperire dentes, non poterat, utpote valde distentus. Vomitus si quando oborti essent, re-
latos dolores avertebant, ac mitiores faciebant, & venæ sectio profuit, & veratrum duxit omnigena, & non minime prasina.

Parmenisco etiam prius incidebant tristitiæ, & desiderium excedendæ vitæ, quandoque vero rursus lætus erat. At in Olyntho aliquando autumnii tempore voce privatus decumbebat, quietem agens, ita ut parum saltem loqui conaretur, ac inciperet. Immo etiam si quid loquutus esset, rursus voce destituebatur. Somni aderant, quandoque vero vigiliæ, & jactatio cum silentio, & anxietas, & manus ad præcordia velut dolenti. Aliquando averfus jacebat quietem agens. Febris perpetuo, & facile spirabat. Postea dixit se cognoscere ingressos. Bibere quandoque tota die, ac nocte, etiam si potus exhiberetur, non volebat; quandoque vero urna derepente correpta, omnem aquam ebibebat. Urina crassa velut jumentæ. Circa decimam quartam remisit.

Cononis serva ex dolore capitis incipiente, extra se mente mota erat. Et clamor, & querelæ multæ, raro autem quies. Circa quadragesi-

num diem mortua est. Decem vero diebus ante mortem, voce destituta, & convulsa fuit.

Timocharis fervus ex atrabiliariis esse quum putaretur a tot, ac talibus viris, mortuus est similiter circa eosdem dies.

Nicolai filius circa solstitium hybernum ex potationibus horruit. Ad noctem febres, postridie vomitus biliosus, merus, modicus. Tertia die, quum concio adhuc fori plena esset, sudor totius corporis cessavit, & statim rursus calefactus est. Vomitus similis. Quarta ab aqua mercurialis, egressit stercoreacea, & liquida. Urina cineris specie, qualis est aqua mercurialis, non dissimilis; subsidencia non erat, neque urina multa; pauca quædam in medio vehabantur innatantia. Dolores præcordii sinistri, & lumborum. Putabat se ex vomitu insuper respirare, & insuper respirabat, quandoque dupla respiratione. Lingua alba, habens ex dextra parte concretionem adnatam instar lupini. Parum siticulosus erat, vigil, prudens. Sexta dexter oculus major dum videret. Septima mortuus est, Verum alvus ante mortem elevata fuit, & mortuo posteriores partes rube factæ sunt.

Metoni circa plejadum occasum febris, lateris sinistri dolor usque ad claviculam, atque is adeo vehemens ut quiescere non posset, & inflammatio tenebat. Alvi egestio multa, biliosa. In tribus fere diebus cessavit dolor. Calor autem circa septimum, aut nonum. Tussis inerat, exscreationes neque biliosæ, neque multæ fiebant, verum pituitosæ, tussiles comitabantur, cibos gustabat, quandoque velut sanus exhibat. Corripiebant autem aliquando calores tenues modico tempore, sudores fiebant ad noctem. Spiritus in calore densior, maxillarum rubor circa latus

gravitas, & sub alas, & ad humerum, tussēs tenebant, medicamentum per superna eduxit biliofa. Tertia a medicamento erupit pus, verum ab initio morbi quadragesima. Repurgabatur circa triginta quinque alios dies, & sanus evasit.

Uxori Theotimi in semitertiana anxietas, & vomitus, & simul horror incipiente febre, & fitis, progrediente tempore incipiente febre calor ingens. Ubi aquam mulsam bibisset, & vomuisset, & horror, & anxietas sedata sunt, & mali punici succum postea accepit.

Diopthis forori in semitertiana, cordis dolor gravis circa accessionem, & comitabatur is totam diem, & hujusmodi cordis, sive oris ventriculi dolor etiam aliis similiter aderat. Verumtamen sub plejadis occasum viris talia rariora fiebant.

Uxori Apomoti in semitertiana circa arcturum vehemens cordis dolor circa accessionem, & vomitus, & strangulationes ab utero simul instabant, & ad dorsum dolores juxta spinam. Quum autem huc ipsi pervenirent, cordis dolores cessabant.

Terpidæ matri a Dorisco, quum abortus factus esset mense quinto gemellorum, ex casu, ab altero quidem statim, velut in tunica quadam liberata est, ab altero vero prius, aut posterius quadraginta diebus. Postea autem concepit in ventre. At anno nono dolores vehementes circa ventrem ad multum tempus, quandoque incipiebant ex collo, ac spina, confidebant autem ad inum ventrem, & inguina; quandoque ex genu dextro, confidebant autem ad eundem locum. Et quum quidem juxta ventrem dolores essent, alvus cluebatur; quum vero sedarentur, cordis dolor coincidebat. Verum strangulationes non aderant. Sed frigiditas corporis,

velut in aqua jacentis. Tempore quo dolor fiebat, per totum corpus dolores spargebantur mitiores his, qui ab initio erant: allium, silphium, acria omnia non conferebant, neque dulcia, neque acida, neque vina alba. Verum nigra, & balnea rara. Ab initio quoque vomitus vehementes fiebant, & ciborum exclusiones, & circa dolores menses non apparebant.

Cleomenis uxori circa favonii flatus, ex nausea, & lassitudine, lateris sinistri dolor, ex collo, ac humero auspicatus, febris, & horror, & sudor. Incepit autem febris, & non desit, sed augefcebat, & dolor vehemens, tussis, excreatio subcruenta, palida, multa. Lingua alba, alvi egestionem moderatæ, liquidæ, urinæ biliofæ. Quarta ad noctem menses prodierunt multi, cessavit & tussis, & excreatio, & dolor, calor autem tenuis.

Epicharmi uxori ante partum dysenteria, dolor, alvi egestionem subcruentæ, mucosæ. Ubi peperisset, statim sana erat.

Polemarchi uxori in morbo articulari coxæ dolor derrepente, mensibus non prodeuntibus. Ubi betæ succum bibisset, vox suppressabatur per noctem, & usque ad meridiem, attamen audiebat, & sapiebat, & manu significabat, dolorem esse circa coxam.

Cliniæ sorori seniori vomitus, quicquid acciperet per quatuordecim dies, citra febrem. Crucientorum vomitionum rejectiones, & contracta strangulatio ad cor procedebat. Castorium, feseli, mali punici succus sedaverunt omnia, abscessit autem dolor moderatus ad lateris molliitudinem, bulbi succus & vinum lacte temperatum, austerrum, & panes quam paucissimi cum oleo.

Pausaniæ filiam ex fungi crudi esu anxietas

tenebat, strangulatio, dolor ventris. Aquam multam calidam bibere, ac vomere profuit, & balneum. In balneo fungum evomit, & ubi illa cessatura essent, exsudavit.

Epicharmo circa plejadum occasum, humeri dolor, & gravitas vehemens ad brachium, anxietas, vomitus multi, aquæ potus.

Euphranoris filio pustulæ velut a culicum morfu.

Post favonium siccitates fiebant usque ad æquinoctium autumnale. Sub canem, æstus vehementes, & venti calidi, & febres sudorificæ, & statim aliquantum recalescebant. Tubercula vero juxta aurem multis fiebant. Aniculæ a tussi vexatæ circa nonam diem. Adolescenti splenico ancillæ filio, alvo liquefacta, circa idem tempus. Ctesiphonti sub arcturum, fere circa septimam. Adolescenti solum suppurata sunt. Eratylli filio evanuerunt. Circa utraque tempora, nullæ exsudationes. Linguae præ siccitate blæsi. Recti venti spiraverunt multi, ac frigidi, & nives & clementi cœlo quandoque fiebant, & post æquinoctium, austrina aquilonaribus permixta, aquæ multæ fuerunt, & populariter grassatæ sunt tussis multæ, magis autem in pueros. Circa aures multis talia, qualia Satyri habent. Quandoque vero ante hoc tempus hyems valde hyberna erat, cum nive, & pluviis aquilonaribus.

Timonactis filio ferme bimestri pustulæ in cruribus, & in coxis, & lumbis, ac imo ventre, & tumores valde rubicundi. His autem sedatis, convulsiones, & comitiales fiebant, sine febribus, multis diebus, & mortuus est.

Polemarchi filio contigit quidem, ut priore tempore suppuratus esset, & exscrearet, postea vero calores ipsi erant, & hydropicus erat, & splenicus, & anhelosus ad locum adclivem, si

quando accederet, impotens, & siticulosus, quandoque etiam cibum leniter averfabatur, & siccae tussiculæ ad multum tempus ita fiebant, titubans obambulabat, & si non facile solubilis esset alvus deorsum, plena reddebatur, & anhelatio, ac strangulatio magis fiebant. Tandem autem defluxus, & excreatio supervenit, ac tussis. Excreatio crassa, pallida, purulenta, & febris vehemens cessasse videbatur, & tussis mitior, & excreatio pura. Rediit rursus febris acuta, spiritus densus, mortuus est. Verum antea riguerunt pedes, & postea perfrigeratus est. Spiritus magis interclusus est. Urina substitit, extremæ partes perfrigeratæ sunt, prudens mortuus est tertia die a recidiva.

Thyni filio in febre ardente inedia macerato, alvi egestio multa. Verum cum bile, & animi deliquio, & sudore multo fiebat, perfrigeratus est valde, & voce destitutus erat totam diem, ac noctem. Instillatum ptisanæ succum continuit, sapiebat, bene spirabat.

Epicharmi filio accidit ex via, & potu cruditas. Postridie mane anxietate oborta, ubi aquam, acetum, salem bibisset, evomuit pituitam, postea rigor apprehendit. Lavit febricitans. Pectus dolebat. Tertia mane statim sopor modico tempore tenebat, & delirabat, & febris acuta. Graviter morbum tulit. Quarta vigil, mortuus est.

Aristoni, ulcerato pedis digito, cum febre loquelæ obscuritas. Carcinoma adscendit usque ad genu. Periit. Erat autem nigrum, subaridum, graveolens.

Cui carcinoma in faucibus ustum est, sanus evasit a nobis.

Polyphantus in Abderis caput dolebat in febre vehementi. Urinæ tenues, multæ. Subfidentia

densæ, & conturbatæ. Quum autem non cessaret dolor capitis, sternutatoria decima die adhibita sunt. Postea ad collum dolor vehemens. Urina prodiit rubicunda, conturbata velut jumenti; mente motus est phrenitico modo. Mortuus est in vehementibus convulsionibus.

Consimiliter etiam Evalcidæ famula, quum multo tempore densæ urinæ prodissent, & capitis dolores adessent, phrenitica facta, mortua est eodem modo ex vehementibus doloribus. Nam urinæ densæ, ac conturbatæ certum signum sunt doloris capitis, & convulsionis, ac mortis.

Halicarnassensis, qui in domo Xanthippi diversabatur, aurem hyeme dolebat, & caput non mediocriter. Erat autem annorum circiter quinquaginta. Vena secta est juxta Mnesimachum. Læsum est caput evacuatum, ac perfrigeratum. Non enim facta est suppuratio. Phreniticus factus est, & mortuus. Urinæ erant & huic densæ.

In Cardia Metrodori filio ex dentium dolore corruptio maxillæ, & gingivarum vehemens carnis exfrescentia. Mediocriter suppuratio facta est, exciderunt dentes molares, & maxilla.

Anaxenor in Abderis erat quidem splenicus, & vitii coloris. Contigit autem ipsi ut tumor circa femur sinistrum obortus derepente evanesceret. Non multis vero postea diebus oborta est ipsi circa splenem velut pustula nocturna ab initio, insuperque tumor, ac rubor durus. Post diem quartum febris ardens oborta est, & livifacta sunt omnia circumcirca, & putrida videbantur. Mortuus est. Verum prius subpurgatus est, & intelligentiam habebat.

Clonigus in Abderis erat quidem nephriticus, mingebat autem sanguinem paulatim plerumque difficulter. Vexabat etiam alvus dysenterica. Huic

mane quidem dabatur lac caprinum, & aquæ quinta pars, ita ut ex ambobus compositum totum essent heminae tres. Ad vesperam autem panis valde allatus, obsonia, beta, aut cucumis. Vinum nigrum tenue. Dabatur etiam cucumis pepo. Hac vero victus ratione quum uteretur, & alvus substitit, & urinæ puræ prodibant. Bibit autem lac, donec urinæ restitutæ sunt.

Mulieri in Abderis carcinoma factum est circa pectus, erat autem tale: per papillam fanies subcruenta fluebat, intercepta autem fluxione, mortua est.

Dinii filio in Abderis umbilicum mediocriter fauciato, fistula parva relicta est, & quandoque etiam lumbricus per se ipsum fatis crassus penetravit, & quum febriret, vomebat biliosa, quandoque vero & hæc ipsa per fistulam prodibant. Adlapsum est & intestinum ipsi ad fistulam, & velut fistula corrodabatur, & rursus refringebatur, & tuiles permanere prohibebant.

Pythonis filio in Pella febris statim incepit multa, & in somnum collapsio, & cum vocis interceptione somni fiebant, & alvus dura per omne tempus. At glande ex felle subdita, multa egerebat, & statim remittebat. Verum brevi alvus rursus elevabatur, & febris exacerbabatur, & collapsio in somnum per eadem. Quum autem idem ductus esset, datum est medicamentum quoddam ex his, quæ cnico, & cucumere sylvestri, & peplo constant, & biliosa egestio erupit, & statim sopor sedatus est, & febris mitigabatur, & omnia leviora facta sunt, & iudicatus est die decima quarta.

Eudemus splenem vehementer dolebat: imperarunt ipsi medici, ut multum ederet, & vinum biberet modicum, tenue, & multum deambula-

ret, non mutatum est quidquam. Vena secta est; cibos, ac potus partus parce sumpsit, deambulationes fecit sensim augmento facto. Vinum bibit nigrum, tenue; sanatus est.

Philistidi Heraclidæ uxori cœpit febris acuta, rubor faciei ex nulla manifesta causa, paulo post in die rigorem habuit; quum non recalesceret, convulsio facta est in digitis manuum, ac pedum. Paulo post recalescens, minxit urinas compactis quibusdam innatantibus, nubeculosas, divulsas, noctem dormivit. Secunda die rursus riguit, paulo magis calefacta est, & rubor minor, & convulsiones fiebant moderatiores. Urinæ consimiles, noctem dormivit, parum vigilavit quum nulla molestia premeretur. Tertia die minxit coloratiora, modicam subsidentiam habentia. Eadem hora rigor apprehendit; febris acuta, sudor ad noctem per totum corpus. Verum vesperi color ad morbi regii modum permutatus est. Nocturno dormivit, ac per totum corpus sudavit. Quarta sanguis ex sinistra nare prope fluxit, & menses pauci comparuerunt ordinate. Rursus autem eadem hora febris exacerbata est. Urinæ compactis quibusdam innatantibus paucæ. Alvus natura quidem dura, verum multo magis substitit, neque quicquam prodibat, si non glandem subdidisset, nodumctem dormivit. Quinta febris mitior, & ad vesperam per totum corpus sudabat, & menses prodierunt, & noctem dormivit. Sexta minxit acervatam multam urinam, compactis quibusdam innatantibus, modicam subsidentiam habentem concolorem. Circa meridiem vero parum rigore tenebatur, aliquantum incaluit, sudavit per totum, noctem dormivit. Supina parum calefacta est, facile tulit, sudavit per totum. Urinæ boni coloris. Judicata sunt omnia.

Tychon in obsidione circa Datum ictus est capulta in pectus, & paulo post risus erat circa ipsum tumultuosus. Videbatur autem mihi medicus eximens lignum, reliquisse ferrum in septo transverso, & quum ipsi ita videretur, od vesperam infusum per clysterem adhibuit, & phannacum deorsum purgans dedit. Noctem primam transegit. Statim vero ubi dies illuxisset, & medico, & aliis melius habere videbatur, erat enim quietus. Prædictio facta est, quod ubi convulsio fieret, non tarde moriturus esset. Sequentem noctem moleste ferens, infomnis, plerumque in ventrem decumbens; tertia mane convellebatur. Circa meridiem mortuus est.

Eunuchus ex venatione, & discursu hydropticus factus est.

Quidam circa Elealcis fontem ad sex annos habuit ex equitatione inguinum tumorem, varices, & coxendicum dolores. Qui lateris mollitudine tabuit, septima die mortuus est. Præpotent crudi falsa cum melle.

Scortatio turpis, dysenterix medela est.

Leonidæ filix natura concitata, averfa est; averfa, in iram excanduit; ubi ira excanduit, reconciliata est. Medicus non intellexit, puella mortua est.

Philotimi filius puber venit ad me in lechina, calvarix os habens medicina destitutum, in quo videbam occultas ratiocinationes non esse constantes.

HIPPOCRATIS DE AFFECTIONIBUS.

P R Æ F A T I O.

DE meliori nota. Parum habet ratiocinii, bonarum adnotationum multum. Ad POLYBUM solent referre, quæ mera est conjectura. Misti est argumenti, quod passim vitium est auctorum HIPPOCRATICORUM. Incipit a morborum nonnullis historiis, ab iis diversis, quæ sunt in libris de morbis. Medicamenta vix ulla habet Auctor, & ad librum remittit πρὸς Φαρμάκων, qui dudum perit. Finis est in rebus ad victus rationem pertinentibus, & quæ hic habentur, ab iis differunt quæ traduntur in libris de dieta, mihiq; videntur perutilia, potissimum quæ ad qualitates & vires alimentorum spectant. Intercedunt de causarum ratione aliqua brevia & minime absona. Quatuor humores habet, sanguinem, pituitam, bilem, atram bilem.

ARGUMENTUM LIBRI.

Plurimi partium morbi, febres, & ulcera, eorumque causæ, signa, & curationes do-

centur; victus tum ægris, tum convalescentibus idoneus constituitur; alimentorum quorundam facultates & differentiæ explicantur.

S E C T I O I.

C A P U T I.

Que virum consultum in morbis curandis nosse deceat. Omnium morborum principium ac ortum a bile & pituita esse, & quomodo.

Virum, quicumque mentis sit compos, perpendentem, quod plurimi ab hominibus æstimanda sit sanitas, nosse oportet a sua ipsius intelligentia in morbis emolumentum consequi: nosse autem decet, tum quæ a Medicis dicuntur, tum quæ suo corpori admoventur, eaque dijudicare; sed eorum nosse singula, prout privato consentaneum est. Hæc igitur noverit maxime, si quis horum cognitione ac studio teneatur. Morbi omnes hominibus a bile & pituita oriuntur: bilis autem & pituita morbos excitant, quum in corpore supra modum vel resiccantur vel humectantur, vel incalescunt vel refrigerantur. Hæc vero pituitæ & bili a cibis, a potibus, a laboribus, a vulneribus, odoratu, auditu, visu, rebus venereis, & a calore & a frigore contingunt: eveniunt autem, quum ex his dictis quæque aut non opportuno tempore corpori exhibentur; aut insueta, aut copiosiora & valentiora, aut pauciora & imbecilliora. Ab his quidem morbi omnes hominibus oriuntur: ad hæc autem privatum nosse oportet, quæ

privatum cognoscere consentaneum est: quæ vero artifices nosse, adhibere, & pertractare decet, eorum etiam, quæ dicuntur & sunt, fieri potest, ut privatus ex intelligentia quadam conjecturam faciat. Jam igitur, unde horum quodque nosse oporteat, ego depromam.

CAPUT II.

De morbis a capite ex pituita ortum ducentibus, doloribus capitis & aurium, faucium inflammatione, uvula, dentium doloribus, polypo. & eorum curatione.

SI in caput dolores inciderint, hujus (ægri) caput multæ calidæ lotionē calefacere confert, & sternutamento excitato pituitam ac mucus subducere. Quibus, si dolore liberetur, hæc satis sunt: si vero non liberetur, caput pituita repurgandum: in victu autem sorbitio, & in potu aqua sit. Vinum autem minime offerendum, quoad dolor sedetur: vehementior enim dolor evadit, si caput, dum calidum fuerit, vinum attraxerit. Dolores autem ex pituita ingruunt, quum in capite commota, coacervata fuerit: quod si alias atque alias dolor & tenebricosa vertigo in caput incidat, hæc quidem admota profunt; juvat etiam sanguis ex naribus, aut ex vena frontis detractus. At si diuturnus & vehemens capitis morbus evadat, neque capite purgato tollatur, aut hujus caput scarificare, aut venas in circuitu adurere oportet; inter cætera enim ab his duntaxat sanum fore spes est. Ægroti statim per initia constitutio-

tutionis morborum spectandi sunt, qua re opus habeant, & quales sint ut pharmaco purgentur, aut ut aliud, quodcunque aliquis voluerit, exhibeatur: at si omisso principio, ad finem procedente morbo exhibueris, confecto jam corpore, veritus vehemens quiddam adhibere, periculum est, ne magis frustreris, quam successum consequaris. Si dolor ad aures irruerit, multa calida lavare & aures fovere confert; & si quidem ad hæc cesserit pituita attenuata e capite, dolorque cessaverit; hæc satis sunt: sin minus, cæterorum fuerit optimum medicamentum propinare, quod sursum pituitam purget; aut caput eo purgare, quo capitis pituita purgatur. Hic vero dolor etiam oboritur, quum intrinsecus ad meatum auditorium pituita ex capite illapsa fuerit. At si fauces inflammatione afficiantur, oris collutionibus utendum: hæc autem etiam a pituita nascuntur. Si vero gingivæ, aut pars quædam sub lingua inflammatione laboret, manforiis utendum: hæc vero a pituita etiam fiunt. Si uva suspensa fuerit, & suffocarit (gurgulionem nonnulli hoc vocant) statim quidem gargarismis apparatis, velut in medicamentis scriptum est, utendum. Quod si ex his gracilis non evadat, occipitio dextra cucurbitulæ duræ admovendæ, & sanguis plurimus detrahendus, pituitæque fluxus in posteriora revellendus: si vero neque his subsidat, scalpello, ut aqua educatur, incidito. Sectio autem facienda est, ubi summa ejus pars subrubra evaserit: ac nisi talis facta secetur, inflammari consuevit, interdumque derepente suffocat. Hoc vero etiam a pituita fit, ubi calefacto capite, ex eo confertim defluxerit. In dentium autem doloribus, si (dens) quidem erosus fuerit & mobilis, eximendus: quod si

neque erofus fuerit, neque moveatur, fed dolorem inferat, uftione reficcandus: profunt etiam quæ commanducantur. Dolores autem oriuntur, quum pituita fub dentium radices fubierit. Exeduntur autem & eroduntur, partim quidem a pituita, partim vero a cibis, fi natura debiles fuerint, & cavitatem habeant, ac in gingivis male infixi fint. Si polypus in nare innafcat, velut flatulentus tumor, ex nafo in obliquum refpirans difflatur, ac intumefcit. Eximitur autem laqueo ad os ex nafo pertractus: quidam etiam medicamentis tabefaciunt. A pituita autem nafcitur. Atque hi quidem morbi funt, qui a capite ortum ducunt, præter oculorum (morbos) de quibus feorfim fcribetur.

C A P U T III.

De morbis ventris acutis, hieme vehementiffimis, pleuritide, peripneumonia, febre ardente, phrenitide; ac aliis levioribus hieme in acutos tranfeuntibus; eorumque omnium mutatione, caufis, fignis, & curatione.

AT vero in ventris morbis hæc animadvertenda funt Pleuritis, peripneumonia, febris ardens, & phrenitis: hi (morbi) acuti vocantur; & maximi quidem & vehementiffimi hieme oriuntur; oriuntur quoque per æftatem, fed minus, & leviores. Quod fi tibi forte contigerint hæc faciens & confulens, maxime voti compos fies.

Pleuritis. Febris detinet, lateralis dolor, erecta cervice fpiratio, tuffis, & fputum per initia quidem fubbiliofum exspuit; poftquam

autem quintum aut sextum diem attigerit, etiam suppurulentum. Huic ad lateris dolorem, quod pituitam & bilem a latere deducat, dandum est; dolor enim sic levissimus fuerit: ventrem vero subducente & refrigerante clystere curare oportet. Sic enim universo morbo maxime confert. Exhibendus etiam potus, & sorbitio, & potiones acidiores propinandæ, quo sputum de latere repurgetur. Quum vero pus repurgari cœperit, latus extrinsecus calefaciendo, quæ circa latus sunt, maturare conducit; prius autem non confert, propterea quod resiccetur. Oritur autem hic morbus ex potibus maxime, quum quis humecto corpore, aut temulentus, aut sobrius riguerit; fit etiam aliter. Judicatur autem hic morbus, brevissimus quidem septimo die, longissimus autem decimo quarto; quo quidem si pus a latere per sputum rejectum & repurgatum fuerit, sanus evadit: si vero minime exsputum fuerit, purulentus fit, & morbus longior. Judicari autem in morbis est, quum morbi augeantur, aut exoleant, aut in alium morbum transeunt, aut desinunt.

Peripneumonia. Febris detinet, & tussis, & primum quidem pituitam crassam & puram excreat; sexto vero ac septimo die aliquantulum biliosam, & sublividam; octavo autem & nono, pure permixtam. Huic si dorsi aut laterum dolor oboritur, exhibeto quod in pleuritide ad lateris dolorem in medicamentorum tractatione scriptum est. Potibus autem & sorbitionibus, alvi etiam subductione ac refrigeratione, iisdem, quibus in pleuritide, curatio facienda est: ut autem sputum & pus ex pulmonibus sursum educatur, exhibenda sunt in potu medicamenta, quibus pulmo humectatur, & pus per superiora repur-

gatur. Hic autem morbus oritur, quum pituita ex capite confertim ad pulmonem defluxerit: interdum vero, quum ex pleuritide in peripneumoniam, & febrem ardentem transitus fit. Judicatur autem brevissimus quidem decimoquarto die, longissimus vero duodevigesimo. Hunc pauci effugiunt, & ex hoc morbo suppurati evadunt; nisi pulmo judicatoriis diebus purgatus fuerit.

Quum phrenitis prehenderit, primum levis febris detinet, & dolor circa hypochondria, magis autem dextra ad hepar: quum autem quartus aut quintus dies accesserit, tum febris vehementior, dolores augentur, colorque aliquantulum biliosus efficitur, & mentis læsio. Huic ad dolorem (eadem) quæ in pleuritide exhibenda sunt, & ubi dolor detinet, tepescientia admovenda: sed & alvus curanda, eademque reliqua excepto potu facienda. Potu quovis alio, præterquam vino utendum; aut acetum, & mel, & aqua exhibenda. Vinum autem mente læsa, neque in hoc morbo, neque in quibusvis aliis confert. In hoc autem morbo etiam caput multa calida lavare conducit: emollito enim corpore, sudor magis quoque oritur, & alvus & urina secedit, ipseque sui magis compos evadit. Hic morbus oritur a bile commota, ubi ad viscera, & septum transversum resederit, judicatur autem morbus brevissimus die septimo; longissimus vero undecimo: at hunc & pauci effugiunt; ipseque in pulmonis inflammationem transit; & si transierit, pauci effugiunt.

Quum febris ardens detinet, febris & sitis vehemens afficit, lingua aspera & nigra, spiritus calore redditur, color aliquantulum biliosus fit, & dejectiones biliosæ: atque ægro exteriora frigida sunt; interiora vero admodum calent. Huic refrigeran-

tia & ad alvum; & exteriorem corporis partem admoveere convenit, cavendo ne inhorrescat: potiones quoque, & sorbitiones crebrae, & paulatim, quam frigidissimæ exhibendæ. Alvus vero curanda; &, si quidem, quæ in ea continentur, non secedant, subluenda; per infusa vero quam frigidissima, vel quotidie, vel tertio quoque die refrigeranda. Hic autem morbus oritur ex bile commota, quum in aliquam interiorem corporis partem incubuerit. Consuevit etiam in pulmonis inflammationem transire: judicatur autem, brevissimus quidem nono die; longissimus vero decimoquarto. Et, si quidem in pulmonis inflammationem transierit, pauci effugiunt; si vero non transierit, multi evadunt. Atque hi quidem acuti (morbi) vocantur, eosque sic curare decet.

Quæcunque vero aliæ febres hieme, sive ex vino, sive ex lassitudine, sive ex alia quavis re oriuntur, diligenter observandæ sunt: interdum enim in acutos morbos transeunt; earumque transitus est ejusmodi. Commotis duobus (humoribus), tum bile, tum pituita, ubi quæ conferunt corpori, minime exhibentur; ipsi in sese collecti, tum bilis, tum pituita, in eam corporis partem, quamcunque fors obtulerit, incidunt: fitque aut pleuritis, aut phrenitis, aut peripneumonia. Febres igitur hieme cavendæ sunt: sit autem earum præservatio quies, extenuatio, & ventris evacuatio: sorbitionibus autem & potionibus immorandum, donec febris imminuta fuerit: Ex morbis acuti prope maxime & interficiunt, & maximos labores afferunt, atque tum præsertione, tum accuratissima curatione indigent. Et a medente quidem nullum malum inferri debet, (satis enim sunt quæ ab ipsis morbis adsunt)

sed bonum quodque pro viribus conciliari. Quod, si probe quidem curante Medico, morbi magnitudine superetur æger, hæc Medici culpa non est: si vero, cum recte non curet, neque morbum cognoscat, a morbo superetur, Medici (culpa est.)

C A P U T IV.

De æstivis morbis, doloribus, ac febribus, febre ardente, tertiana, quartana, eorumque symptomatibus, causis, signis, crisis, & curatione.

Æ State hæc contingunt. Febris vehemens detinet & sitis, quidam bilem vomunt, quibusdam etiam per inferiora secedit. His quodcumque tibi idoneum esse videbitur, potui & sorbitioni exhibeto. Quod si bilis aut pituita circa os ventriculi confideat, aqua frigida aut mulsa epota vomendum; &, si venter infra non deiciat, clystere vel glande utendum. Morbus hic ex bile oritur: liberantur autem maxime septimo vel nono die. Quod si febre detinente, neque per inferiora, neque per superiora purgentur: dolor autem insit toto corpore; tertio aut quarto die levi medicamento, aut potionem per inferiora purgandum; parandæque sorbitiones ex milio aut farina, iisdemque potionibus curandum. Hi vero affectus etiam ex bile contingunt. Si vero partes exteriores admodum incensæ non fuerint, sed interiores, linguaque aspera & nigra reddatur, & pedes, summæque manus frigidæ sint: huic medicamentum quidem ne dederis; sed curationem per refrigerantia &

ventri & reliquo corpori adhibita facito. Hæc febris ardens nominatur: judicatur autem maxime die undecimo & decimoquarto. Quod si febrisprehendat & dimittat, corporis autem gravitas detineat, hunc, donec quidem febris detinuerit, sorbitionibus, ac potionibus curato: quum vero minime detinuerit, etiam cibos dato: sed quam citissime purgato medicamento, sive sursum sive deorsum tibi eo opus esse videatur. Si vero febris quidem non detineat, os tamen amarum habeat, & corpus gravetur, cibumque aversetur, medicamentum exhibendum. Hæc autem a bile contingunt, quum ad venas & articulos decubuerit.

At quicumque alii dolores per æstatem circa ventrem contingunt, si quidem ad hypochondria & os ventriculi (feruntur), aquam mulsam aquosam paratam ad heminas tres, aceto effuso tepidam propinato; & ubi modico tempore eam continuerit, & igne & vestibus calefactus fuerit, vomat. Quod si a vomitu rursus urgeant & suffocent, rursus vomitum ciecto; aut multa calida loto alvum subluoto, & tepefactoria, si dolor detinuerit, admove-to: hæc autem præcipue ex pituita contingunt, quum commota ad os ventriculi irruperit. Qui vero hujusmodi doloribus vexantur, his etiam ea medicamenta exhibenda, quæ ad hujusmodi morbum sedandum in medicamentorum tractatione scripta sunt. At si dolor alias ad aliam ventris partem transierit, multa calida lavandum, si sit citra febrem, & ob dolorem ea potui exhibenda, quæ in pleuritide scripta sunt, aut aliud quodcumque tibi visum fuerit. Quod si dolore non liberetur, medicamento per inferiora purgandum: cibus vero, quoad dolor tenuerit, abstineat. Hujusmodi autem dolores, qui sic er-

rant, a bile oriuntur: quicumque vero dolores infra umbilicum grassantur, in his alvus est emollienti clystere subluenda; si vero non fedentur, medicamentum deorsum purgans exhibendum. Qui vero dolores derepente citra febrem corpori accidunt, in his multa calida lavare ac tepefacere confert. Pituita namque & bilis, coacta quidem, vehementia sunt, & praevalent, quacunque corporis parte constiterint, gravemque tum laborem, tum dolorem afferunt: diffusa vero, quacunque corporis parte se prodant, imbecilliora sunt.

At vero morbi, qui per aetatem contingunt, sic oriri solent. Quum corpus a sole incaluerit, humectatur; humectatum vero aegrotat, aut totum, aut ea parte, in quam pituita & bilis decubuerint. Eos igitur si quis per initia curèt, neque longi, neque periculosi redduntur; si vero non curet, aut male curet, & longiores esse consueverunt, & plerumque interficiunt: quinetiam ex talibus tertianæ & quartanæ febres oriri solent. Hæc morborum constitutio potissimum quidem per aetatem; nonnullis etiam per hiemem, contingit. Quum febris tertiana detinuerit, si quidem impurgatus esse tibi videatur, quarto die medicamentum purgans exhibeto: at si medicamento opus esse tibi non videatur, in potu ea medicamenta danda sunt, quibus febris aut transferatur, aut desinat: exhibenda autem, quemadmodum in medicamentis scriptum est. Et detinente febre quidem, sorbitione, & potu nutriendum; tempore autem intermedio, cibis alvum subducentibus. Detinet autem plerumque non longo tempore; nisi vero curetur, in quartanam transire & diuturna esse solet. Si autem quartana prehenderit, siquidem impurgatus fuerit, primum caput

purgandum; & tribus aut quatuor interjectis diebus, sub ipsam accessionem medicamentum sursum purgans exhibendum; rursus aliquo intervallo interjecto, aliud medicamentum deorsum purgans in ipsa accessione dandum. Quod si per hæc non sedetur, rursus intermissis aliquot diebus, multa calida loto, medicamenta, quæ scripta sunt, exhibenda. Potionibus autem & sorbitionibus, reliquaque victus ratione, velut in tertiana, utendum. Hæc autem febris plurimos quidem longo tempore invadit, quosdam vero etiam brevi: & oritur quidem tum tertiana, tum quartana ex bile & pituita; cur autem tertiana & quartana; alibi a me scriptum est. Harum autem febrium medicamenta hanc habent facultatem, ut his epotis corpus in consueta caliditate & frigiditate juxta locum consistat, neque præter naturam incalescat, neque refrigeretur: exhibenda vero, quemadmodum in medicamentorum tractatu scriptum est.

CAPUT V.

De pituita alba, & liene magno, duro, & suppurato, eorumque affectuum causis, in hydropem mutatione, symptomatibus, & curatione.

QUum pituita alba detinuerit, totum corpus tumore albo intumescit; eodemque die alia parte melius; alia deterius habere sibi videtur, tumorque alias alia corporis parte & major & minor est. Huic medicamenta deorsum purgantia exhibenda, quibus aqua, aut pituita purgatur: in victus autem ratione utendum cibus &

potibus, ac laboribus, ex quibus siccissimus; & maxime gracilis evadat. Morbus hic a pituita oritur, quum quis ex diuturnis febribus, pituita abundans, minime purgatus fuerit, & in ejus carnes pituita se recipiat. Et hæc quidem licet alia pituita nihilo albidior sit, cutis tamen color candidior apparet: sanguis enim pituitæ copia aquosior redditur, nec æque in eo bonus color inest; proptereaque candidiores apparent, morbusque pituita alba vocatur. Si igitur curatus initio morbi fuerit, convalescit; sin minus, in hydropem morbus transit, & hominem perimit.

Quicumque magnum habent lienem, qui quidem biliosi sunt, male colorati evadunt, pravis ulceribus scatent, ore graveolent, tenuisque sunt, lien durus est, semperque æqualis magnitudinis, cibique non secedunt: qui vero pituitosi sunt, hæc aut minus patiuntur, & lien alias major, alias minor redditur. His confert, si quidem minime purgati videantur, & caput & reliquum corpus purgare: quod si purgatione non egeant, victus ea ratio instituenda; ita ut pituitosis quidem corpus exsiccet, & extenuet, cibis, potionibus, vomitionibus, & exercitationibus quam plurimis, ac deambulationibus: quinetiam vere per veratrum sursum purgandum; biliosis vero confert victus ratione humectante alvum & vesicam subducere, & e vena splenica crebro sanguinem mittere: & medicamentis urinam cientibus uti, quæ lienem mollirescripta sunt, & pro anni tempore bilem purgare. Ex lienosis autem nonnulli medicamentis epotis minime juvantur, & ex reliqua curatione nihilo gracilior etiam lien redditur, sed quæ admoventur, a morbi magnitudine superantur: progressu vero temporis quibusdam morbus

in hydropem degenerat, & peremti sunt; quibusdam vero purulentus fit, & ulsi confanescunt; quibusdam etiam durior & magnus ad senectutem usque perseverat. Oritur autem morbus, quum ex febribus & vitiosa curatione, bilis aut pituita, aut utraque ad lienem decubuerint: & diuturnus quidem affectus est; minime tamen lethalis. Ex medicamentis autem, quæ ad lienem exhibentur, alia quidem per vesicam purgant, & molliorem efficiunt; alia vero purgant quidem, neque per vesicam quicquam, quod evidens sit, neque per aliam uspiam partem; lienem tamen emolliunt.

CAPUT VI.

De volvulo, & hydrope, & utriusque causis; prognosi, & curatione, & hydropis chirurgia.

QUum volvulus corripuerit, venter durus redditur, nihilque dejicit, dolorque totam inferiorem alvum detinet, & febris, & sitis: interdum etiam præ dolore bilem (æger) vomit. Hunc & intus & extra humectare oportet, & multa calida lavare, eaque bibere, quæ & alvum moveant, & urinam deducant; & (alvum) subluere, si admittat. Quod si clysterem non admittat, fistula propendulo utriculi petiolo alligata & inflata, multus flatus immittendus: quumque intestinum & venter a flatu elevata fuerint, exempta fistula, statim clyster injiciendus. Quem si admiserit, alvus dejiciet & convalescet: si vero ne ita quidem clysterem receperit, septimo potissimum die moritur. Oritur autem ejusmodi morbus, quum stercore acervatim combusto in inte-

stino, pituita circa hoc colligitur; intestinumque his nimirum confertim induratis, intumescit, nullumque ex his medicamentis, quæ per superiora bibuntur, recipit; sed vomitione rejicit: neque admota per inferiora infusa recipit; est autem morbus acutus & periculosus.

Hydrops autem plerumque oritur, quum quis ex morbo longo non purgatus, diuturno tempore moratur: carnes namque corrumpuntur, & liquantur, & in aquam vertuntur. Sed & fit hydrops a liene, ubi ægrotarit; & ab hepate, & alba pituita, & a dysenteria & lienteria: & si quidem hydrops ex purgationis defectu oboriatur, venter aqua impletur; pedes & tibiæ attolluntur; humeri vero, claviculæ, pectus, & femora contabescunt. Hunc, si (curandum) initio acceperis, priusquam aqua supra modum exscreverit, medicamenta propina, quibus aqua, aut pituita per inferiora purgetur: bilis vero minime movenda. Victus ratio instituenda in cibis & potibus, laboribus & deambulationibus, a quibus gracilis & siccus reddatur, & carnes robustissimæ. Hic vero morbus cum alias lethalis est, tum si venter jam aqua repletus fuerit. At quum a liene, aut hepate, aut alba pituita, aut dysenteria in hydropem transferit, per eadem quidem curare confert, neque tamen admodum evadunt: in morbis enim, qui alter alteri succedit, plerumque interficit. Quum enim corpori a præsentī morbo debilitato, alter morbus accesserit, præ imbecillitate prius perit, quam alter, qui posterior accessit, morbus desinat. Aqua sane sic gignitur. Quum carnes pituita, tempore, morbo, purgationis penuria, prava curatione, & febribus corruptæ fuerint, liquefcunt & in aquam vertuntur; neque in se quidem venter aquam distribuit: sed

in ejus ambitu ipsa consistit. Si igitur a medicamentis, ac reliqua victus ratione auxilium percipiat, ejusque venter evacuetur, fatis est: sin minus, sectione facta aquam educito: fit autem sectio vel juxta umbilicum, vel retro juxta ilia. Unde vero pauci etiam evadunt.

CAPUT VII.

De dysenteria, lienteria, diarrhœa, tenesmi, cholerae causis, signis, & curatione.

Quum dysenteria detinuerit, dolor totum ventrem occupat, & tormina, bilem, pituitamque, & sanguinem adustum per alvum dejicit. Hujus purgato capite, medicamentum, quod sursum pituitam purget, propinato; & alvo lacte cocto abluta, reliquum corpus curato. Et si quidem febris expers fuerit, ex alvo quidem unguinosi, pinguibus, dulcibus, ac liquidis, quæ insunt semper educito; & si dolor detineat, partes sub umbilico calida multa lavato; potiones, sorbitiones & cibos, prout in medicamentorum tractatione scriptum est, adhibeto. Oritur hic morbus, postquam bilis & pituita in venas & alvum decubuerint: ægrotat quidem sanguis, & corruptus secedit; ægrotat autem intestinum, & raditur, ac exulceratur. Longus autem hic morbus redditur, laboriosus, & lethalis: ac, si quidem robusto adhuc corpore curetur, effugiendi spes est; si vero jam colliquato, ventreque penitus exulcerato, vitæ nulla spes est.

Lienteria. Cibi dejiciuntur incorrupti, liquidi; dolor non adest; corpus autem extenuatur. Hunc iisdem, velut dysenteria detentos,

curato: hic morbus oritur, quum ex capite, & superiore ventre in inferiorem ventrem pituitæ defluxus inciderit: quum autem id fit, cibi ab eo refrigerantur & humectantur, eorumque in- corruptorum celer fit secessus; & corpus lique- cit, quum simul cibi non idoneo tempore in ven- triculo coquantur, & simul a ventriculo calido præter naturam incalescat. At quum diarrhœa detinet longa; primum quidem, quæ ingerun- tur, liquida per alvum secedunt: deinde vero pituita. Et probe quidem vescitur; verum a co- piofa alvi defectione debilis ac gracilis redditur. Hunc, veratro potui exhibito, & capite pituita purgato, supra resiccabis; & lacte cocto alvum eluito: deinde reliqua curato per cibos & potio- nes, quibus venter, & totum corpus exsiccetur. Morbus ab iisdem oritur, a quibus lienteria. Hi morbi, dysenteria, lienteria, ac diarrhœa, sunt congeneres; eosque sic curare oportet, ut defuxionem quidem a capite & superiore ventre intercipias, aut avertas; morbi namque natura inde manat, neque est, qui qua in re sententiam tuam coarguat. At fere & reliquos morbos sic considerare oportet, unde unicuique natura sit: quod, quum ita consideraveris, morborumque principium deprehenderis, minime aberraveris.

Quum tenesmus prehenderit, sanguis niger, & mucus secedunt, dolorque in inferiore alvo ori- tur, ac maxime ubi ad secessum devenerit. Huic alvum proluere, lenire, ac tepefacere convenit; quæque intus sunt subducere, & calida, excepto capite, lavare. Hic autem morbus plures cibos infumere consuevit: quum enim evacuatur ven- ter, a sanguine ac muco transeuntibus, & ad intestinum illabentibus, tormina fiunt: intus au- tem manentibus cibis, minorem intestino mor-

dacitatem inferunt. Ac fit quidem ex iisdem, a quibus & dysenteria; verum imbecillior, & brevis, minimeque lethalis.

Quum autem ex vino, aut ab epulis cholera prehenderit, aut diarrhœa: diarrhœæ quidem jejunium confert; &, si sitis detineat, vinum dulce exhibendum, aut uvarum dulcium retrimenta: sub vespere autem ea danda, quæ a medicamento purgatis dantur. Quod si non sedetur, sedare autem velis, vomitum post cibum, aut lenticulæ decoctum, excitato; confestimque per inferiora secessus sursum revellitur; ac si lentium aut cicerum cremore elueris, sic quoque quodammodo sedabitur. At cholæræ confert, si quidem dolor detineat, ea dare, quæ in medicamentis dolorem sedare scripta sunt: venter autem tum superior, tum inferior, portionibus humectantibus curandus, corpusque excepto capite, balneis calidis emollientibus; sicque proclivior vomitus contingit, & siquid humidi subierit, quæ molesta sunt, sursum revolvuntur, & per inferiora secessus magis prodit: quod si vacuaveris, violenter evomuntur, & violentius secedunt: sub vespere autem etiam huic dato, quæ ei, qui medicamento purgante usus est, exhibentur. At hi dolores, qui ex vini portionibus, aut epulis contingunt, oriuntur etiam, quum cibi & potus solito copiosiores in ventriculum subierint, quæque foris corpus supra modum calefacere solent, bilem & pituitam agitarint.

S E C T I O II.

C A P U T VIII.

De strangurie, ischiadis, arthritidis, & podagræ causis, signis, & curatione.

STranguriæ multi quidem & varii sunt modi. Confert vero, foris quidem corpus balneis calidis emollire; intus vero humectare, alvum quidem cibis, quidem quibus fluida reddatur; vesicam vero potionibus, a quibus urinæ quamplurimum profluit: ex medicamentis autem urinam cientibus, ea danda sunt, quæ in medicamentorum tractatu dolorem sedare scripta sunt. Hic morbus vero a pituita oritur, & quum quidem vesica reficcata, aut refrigerata, aut vacuata fuerit, dolorem affert; quum vero humida & plena, aut etiam distenta est, minus. Hic autem morbus senioribus quidem longior fit: junioribus vero, brevior; neutris tamen lethalis.

Quum ischias fit, dolor coxæ connexionem invadit, & extremam natem, & clunem; tandem vero per totum etiam crus dolor deerrat. Huic confert, quum dolor detinuerit, balneis, tepedificatoriis, ac fomentis emollire ad quamcunque cruris partem dolor forte decubuerit, alvumque subducere: quum autem levatus dolor fuerit, medicamentum infra purgans exhibere, & post hæc lac asinnum coctum potare: ad dolorem autem dentur, quæ scripta sunt in medicamentorum tractatione. Oritur hic morbus, quum bilis & pituita ad venam sanguineam decubuerit, aut ex alio morbo, aut alias, quicquid sanguinis a pituita & bile coactum, ægrotarit: istud enim

enim toto crure per venam sanguifluam vagatur; & ubicunque conftiterit: ibi etiam dolor maxime manifeflus & moleftus contingit: non tamen lethalis. Si vero in unum aliquem locum decubuerit dolor, & conftiterit, neque medicamentis expellatur, urito quocunque loco dolor forte confederit; fed eum lino crudo inurito.

Arthritis morbus quum detinet, corporis articulos ignis & dolor invadit:prehendit etiam acutus, & ad alium atque alium etiam articulum vehementiores & leviores dolores decumbunt. Huic, qua parte dolor detinet, refrigerantia admoveere confert, & quæ in ventre funt, per clyfteres & glandem fubducere; & quicquid tibi profuturum videbitur, forbendum & bibendum exhibere. Quum vero dolor remiferit, medicamentum deorfum purgans propinato; & poft hoc ferum coctum, aut lac alininum potui exhibeto. Hic morbus ex bile & pituita oritur, quum agitata ad articulos decubuerint; & brevis quidem & acutus eft: fed minime lethalis; junioribusque magis, quam feniorebus contingere folet.

Podagra vero ejufmodi omnium, qui circa articulos oboriuntur, (affectuum) violentiffimus quidem eft, ac diuturniffimus, quique ægerrime folvitur. Et eft hic quidem morbus fanguinis in venis a bile & pituita corrupti: quanto autem in tenuioribus fuerit venulis, ac in plurima corporis neceffitate conftitutis, & in nervis, & offibus multis ac denfis, tanto fane permanentior morbus eft, ac ægrius profligatur. Huic morbo eadem, quæ & arthritidi, conferunt, & longus quidem etiam hic morbus eft & moleftus; minime tamen lethalis. Quod fi in pollicibus dolor relinquatur, venas in pollice paululum fupra articuli

nodum inurito: ustio autem per linum crudum fiat.

C A P U T IX.

De icteri, & turberculorum causis & curatione; & de scedis affectibus, lepra, prurigine, scabie, impetigine, vitiligine, alopecia; favo, panis, furunculis, & carbunculis.

ICterus autem ita curandus est. Corpus quidem balneis calidis foris emolliendum; alvus vero & vesica humectanda, & ex urinam cientibus danda, quæ ante scripta sunt. Quod si vehementer fuerit, capite purgato, medicamentum, quod bilem per inferiora purget, propinato; postea vero urinam ducentibus utendum. Hic autem morbus oritur, quum bilis commota sub cutem fusa fuerit. Hæc autem si vir privatus noverit, haud similiter in incurabiles morbos incidit: solent enim morbi ex parvis causis, magni ac diuturni fieri. Et, quæ quidem ad cibos aut portiones spectant, vel forbitiones, vel medicamenta, quæcunque doloris gratia exhibentur, ea omnia semper sine periculo exhibentur, si, prout præscripta sunt, exhibueris: quæ vero medicamenta bilem aut pituitam purgant, in his pericula incidunt, & culpæ medentibus imputantur: hæc igitur maxime evitare oportet.

Atque ii quidem morbi sunt, qui circa ventrem oriuntur, suppuratis & tabidis, & muliebribus morbis exceptis hi enim seorsim scribentur. Quæ tubercula nascuntur, omnia a pituita aut sanguine nascuntur. Quum autem a vulnere, aut casu collecta fuerint, hæc sane confert partim quidem cataplas-

matibus inducere, & medicamentis epotis discutere; partim vero cataplasmatibus impositis maturare. Ex cataplasmatibus autem discutiunt, quæcunque calida humectant, neque ad se trahunt: maturant autem, quæ calefaciendo contrahunt. Quum vero aliquid sectum, aut sponte ruptum fuerit, medicamento humorem repurgato; quum autem pus effluere desierit, velut ulcus curato. Lepra, pruritus, scabies, impetigines, vitiligo, & alopeciæ ex pituita oriuntur: sunt autem ista foeditas potius, quam morbi. Favus, strumæ, pani, furunculi, & carbunculus, a pituita creantur. In his, ut eâ repurges, medicamentis ad hunc modum utendum. Quicumque biliosi quidem sunt, his ea exhibeto, quibus bilis repurgetur; pituitosis vero, a quibus pituita; melancholicis autem, a quibus bilis atra; hydropicis vero, a quibus aqua. Quæ medicamenta potui dantur, & non purgant neque bilem, neque pituitam, ea quum corpus subierint, facultatem suam exhibere oportet, aut refrigerando, aut calefaciendo, aut siccando, aut humectando, aut cogendo, aut diffundendo: quæ vero somnum conciliant, ea sanguini quietem per medicamentum præbere oportet

C A P U T X.

Quæ apud ægrotum medico animadvertenda ac inquirenda sint; ac de idoneis vulnerato remediis dieteticis, ac pharmaceuticis.

QUum vero ad ægrotum accesseris, quænam patiat, interrogare oportet, & quanam ex causa, & quot jam diebus, an etiam venter

secedat, & quo victu vivat; imprimisque animadvertere, utrum morbus a bile, aut pituita, aut ab utriusque ortus sit: probeque id nosse, quod ab horum altero, aut utroque ut oriatur, necesse sit: deinde utrum siccitate vel humiditate indigeat; aut aliæ quidem corporis partes siccitate, aliæ vero humiditate: postea an morbus per superiora an per inferiora curandus sit, vel per vesicam; & num morbus increseat, aut minuat; num solvatur, vel in alium transeat.

Vulneratos fame conficito, & ex alvo quæ insunt, aut per clysterem, aut dato medicamento, deorsum purgante subducito; aquam vel acetum potui exhibeto, aut sorbitiones dato. Inflammata cataplasmatibus refrigeranda: sint autem hæc cataplasmata, aut betæ in aqua coctæ, aut apium, aut oleæ folia, aut fici folia, aut rubi, aut quercus aut mali punicæ duleis: atque his coctis utendum est; crudis vero rhamni folia, aut viticis, aut salviæ, aut tithymalli, aut pulegium viride, aut porrum, aut apium, aut coriandrum, aut isatidis folia, (admoveto). Quod si horum nihil habeas, neque ullum aliud cataplasma, polentam aqua aut vino subactam ex cataplasmate imponito. Tandiu autem cataplasmata hæc juvant, quamdiu ulcere frigidiora fuerint; quum vero fuerint calidiora, aut æque calida, nocent. Pingua inflammatis minime conferunt, neque fordidis, neque putrescentibus: verum ad inflammata frigida conferunt; ad fordida vero & putrescentia, acria, & quæ morsum quemdam excitando purgant: quum vero carnem generare voles, pingua & calida magis conferunt; ab his enim caro succrescit.

CAPUT XI.

Sanorum victum aegrotis alterandum esse, & sorbitiones in omnibus morbis exhibendas; quæ esculenta & potulenta alvum subducant, & adstringant, & vires recreent; quæ purgatis, febricitantibus, & febris expertibus exhibenda; quæ humectent, & exsiccent.

Quibus cibis, aut potionibus in victu per sanitatem homines utuntur, ex his præsentibus ad ægrotos uti oportet, ita ut eos præpares calidos, frigidos, humidos, siccos; ex frigidis quidem calidos, & calidos ex minime calidis, & siccos ex non siccis, & reliquos ad eundem modum. Neque vero de præsentium facultatibus dubitandum, neque absentia investiganda, quæ nullam ægro utilitatem afferre possunt. Quod si probe consideraveris, præter hæc, pauca invenies, quibus apud ægrum utaris. Sorbitiones autem in omnibus morbis exhibendæ, aut ptisana, aut milium, aut farina, aut alica. Ex his quæ ad alvi dejectionem exhibueris, tenuia, & cocta magis, dulcioraque dato, quam salstiora, aut calidiora: quæ vero ad robur, aut virium refectionem, crassiora, & pinguiora, & moderate cocta. Potionibus autem utendum, si quidem alvum & vesicam subducere velis, vino dulci, aut aqua mulsa; si vero adstringere, austero, albo, tenui, aquoso; si roborare, austero, nigro. Qui vinum injucunde bibunt, iis potiones præparatæ & in medicamentorum tractatione scriptæ exhibendæ.

His, qui medicamentum biberunt, post purgationem exhibeto, febricitantibus quidem, aut lenti-

culam, aut milium tenue, aut ptisanæ cremorem. Ptisana autem danda quidem, & milium, ut quæ levia sint: alica vero, velut omnium robustissima; & farina, velut his valentior. Lenticula autem odorata paranda, & pauca secundo loco exhibenda, ut quæ levis sit forbitio, & ori ventriculi superiori grata: admisceatur autem aut sal, aut mel, & cuminum & oleum: ad lenticulam vero aut pullegium herbam, aut aceti parum admisceto.

Febre vero carentibus panis puri medullam jussulo intritam dato, aut mazam, aut (piscis) cocti (& sale conditi) frustulum, aut oviculæ tenerissimæ carnem, aut gallinæ, aut catuli coctam: & febricitantibus, aut betam, aut cucurbitam, aut blitum, & post cibum vinum vinosum, vetus, album, perquam dilutum propinato. Quibus lavari non confert, ii vino & oleo calido inungantur, & tertio quoque die detergantur.

Cum laborantis alvum cibis humectare velis, mazam & opsonia exhibeto; marinorum quidem piscium frustula cocta ex intrito; oviculæ quam tenerrimæ carnes, aut hœdi, aut catuli, aut volucris coctas; & betam, aut blitum, aut rumicem, aut cucurbitam, si anni tempus tulerit: olera vero apium, & anethum, & ocimum, & vinum mellitum, vetus, album, aquosum. Quum autem corpus siccare velis, panem dato, & opsonia assa & sicca, eaque omnia calidiora, & carnum partes carnosas, pisces saxatiles; olera, rutam, aut thymum, aut origanum; vinum autem nigrum austerum. Opsonia vero sale & cumino condito, reliquis vero condimentis quam minimum utitor.

CAPUT XII.

Quomodo convalescentes reficiendi sint, & in morbis, quæ conferat, siccitas, aut humiditas, concilianda; agris optata, si non noceant, exhibenda; paulatim victum addendum, aut detrahendum esse; copiosos cibos conficientibus, sorbitiones non exhibendas; alimenta & medicamenta, quæ in arte sunt, discenda. Quis victus imbecillis idoneus.

AT quum ex morbo vires reficere volueris, alia quidem eadem, quæ dum alvum humectas, exhibeto; sed pro lactentibus carnes validiores, & pro catulinis, volucrum & leporinas; & ex his assas quasdam tum carnes, tum pisces, & quam optime præparatos. Quibuscunque morbis siccitas confert, semel in die cibum capere conducit, & cibos ac potus pauciores, quam ut repleantur; insumere, eosque laboribus & deambulatione conficere, & quam minimum dormire. At quibus humiditas confert, inedia non est ferenda, neque cibo aut potu indigere (debent), neque laborare, at dormire quantum volent. Quoscunque cibos, aut opsonia, aut potiones, ægrotantes expetunt, ea suppetant, si nullum corpori nocumentum sit adfuturum. Quum cibos aut potiones addere vel detrahere cœperis, paulatim apponere & detrahere oportet. Qui copiosos cibos conficere queunt, iis sorbitiones ne dederis, cibum enim excludunt; qui vero non possunt, his dato. Siquid vero dare volueris refectionis gratia, alicam & ptisanam triticeam dato; hæ namque sorbitiones valentiores sunt; post cœnam autem exhibendæ.

Quæ potantur medicamenta, & quæ ad vulnera adhibentur, dicere omnino par est: non enim hæc homines ex consilio, sed potius ex fortuna inveniunt: neque artifices magis, quam plebeji. Quæcunque vero in arte Medica intelligentia discuntur, & inveniuntur, aut de cibis, aut medicamentis, ea ab iis, qui dignoscere possunt, quæ in arte sunt, discere oportet, si quid discere velis. Imbecillis post sorbitiones cibum dato, & vinum vinosum superbibendum: ante cibos autem & potiones vel sorbitiones, & postea, quodcunque tandem tibi videbitur. Et cibus & potus imbecillis offerendus, quum ad corpus & animum adtenderis: sic enim maxime profeceris.

C A P U T XIII.

Unde conjiciendæ sint cujusque cibi facultates; quæ cibaria levia, & quæ gravia; quæ cibaria & potulenta ad sanitatem, & quæ ad corporis robur optima; quæ ructus acidus, quæ tormina, & quæ flatus concitent; quæ dejectiones, & quæ urinas promoveant.

QUam ciborum quisque facultatem habeat, ex iis, qui manifestam facultatem exhibent, conjicere oportet: qui aut flatum, aut morsum, aut plenitudinem, aut ructum excitant, aut tormina, aut per alvum secedunt, aut non secedunt, idque manifesto efficiunt, ex his etiam alios considerare oportet: singula namque edulia, qua facultate tum juvent, tum lædant, habent: verum alia quidem, quæ efficiunt, apertissime efficiunt, alia vero obscurius. Cibos atque opsonia parare & dare infirmis oportet ejus-

temodi, a quibus neque flatus fiat, neque ructus acidus, neque tormina; & quæ neque admodum per alvum secedunt, neque admodum exsiccantur. Hæc autem sic fiunt: quæcumque quidem ventriculus superat, quæque corpus recipit, ea neque flatum, neque tormina excitant: at si ventriculus non superet, ab his & flatus, & tormina, cæteraque id genus contingunt.

Cibariorum, opsoniorum, & potionum levissima sunt, quæ moderata, aut paulo supra modum in corpus ingesta, neque plenitudinem, neque tormina, neque flatum, neque horum quidquam excitant, & celerrime concoquuntur, & concocta dejiuntur, & quæ toto die in ventrem ingesta, minime molesta sunt, etiamsi longe ante ingesta sint. Gravia vero sunt, quæ moderate aut infra modum assumpta, plenitudinem & laborem exhibent, & ipsa neque assumere, neque edere, neque bibere quis potest, sed laborem afferunt: at si quis ea per tempus aut biberit, aut comederit, sic quoque laborem exhibent, neque pro ratione per alvum secedunt.

Ad sanitatem optima sunt, quæ paucissima assumpta satis sunt, ut & famis & sitis medela sint; & plurimo tempore corpus ipsa recipit, etiamque pro ratione secedunt. Ad robur autem optima, quæ plurimam & densissimam carnem gignunt, sanguinem crassiores faciunt, & pro ingestorum ratione secedunt, plurimoque tempore in corpore continentur. Pinguia, unguinosa, caseosa, melle & sesamo condita, ructum acidum maxime cient, & choleram, & tormina, & flatum, ac repletionem: idem etiam evenit, quum qui plura comederit, aut biberit, quam ventriculus concoquere queat.

Imbecillis, si quæ das, pro morbi & cor-

poris ratione dederis, ea corpus absumit, & neque indigum est, neque plenum: si vero in temporis opportunitate, aut postea erraveris, ad utrumque noxa (consequitur). Quæcunque cibaria, opsonia, aut potus corpus recipit, ab iis maxime neque tormina, neque flatu neque ructus acidus contingit. Quum enim ventrem subierint, ex iis corpus, quod sibi idoneum est, trahit; & quod relictum est, jam imbecillius esse necesse est, ita ut tormina, aut flatum, aut aliud quid ejusmodi in ventre non excitet.

Vina dulcia, & austera, & mellei coloris vetera, ventrem subducunt, maximèque urinam movent, & nutriunt, & neque flatum, neque tormina, neque plenitudinem pariunt. Carnes excoctæ & assatæ, imbecilles quidem utræque ad robur firmandum: ad alvi secessum excoctæ quidem accommodatæ; assæ vero tardiores: quæ autem moderatam & coctionem & assationem habent, eæ ad robur, & ad alvi secessum moderate se habent: crudiores vero, ad robur quidem accommodatæ; ad secessum vero minime.

C A P U T X I V.

De usu cibi & potus salubri, & insalubri; de vitu exsiccante, humectante, roborante, & resistente; de cibis imbecillis & robustis, levibus, & gravibus; ac de differentiis panis, carniū, ac piscium.

Qui cibi ac potus corpori commodissimi sunt, & maxime sufficiunt tum ad nutritionem, tum ad sanitatem, ex his ipsis quoque, quum

quis non opportune, aut iusto pluribus utitur, tum morbi, tum ex morbis mortes contingunt: reliqui autem cibi ac potus, qui ejusmodi facultatem non habent, parum quidem juvant, etiam si quis semper iis opportune utatur, parum vero etiam nocent: imbecilli autem in utramque partem sunt, ut & boni aliquid, & mali faciant. At cibi & potus, qui hanc facultatem habent, hi sunt; panis, maza, carnes, pisces, vinum, & ex his certe alii magis, alii minus.

Qui sicco victu vivunt, his cum cibo potum ne exhibeto, sed multo post cibum tempore interposito. Et sic quidem siccus humor a siccis cibis ortum ducens, corpus siccatur: si vero una cum cibo bibat, alimentum humidius redditum, corpus humidius facit.

Panis calidus, & carnes calidae, si per se edantur, siccant: quod si cum humido, aut statim a cibo insuper potum exhibueris, non siccant. Panis purus ex farinis ad robur ac refecutionem magis confert, quam qui non est incerniculo perpurgatus, & recens quam hesternus, & ex farinis recentibus, quam ex vetustioribus. Polenta ex hordeo decorticato & circum adfusa aqua resperfo, valentior est, quam ex macerato, & recens vetustiore; & maza ante subacta validior est, quam non ante subacta. Vinum diffusum, & refrigeratum, ac percolatum, tenuius redditur & imbecillius. Carnes coctae, si percoctas quidem feceris, imbecilliores sunt & leviores; assae vero, si exassatae fuerint, & veteres sale & aceto conditae, recentibus imbecilliores sunt, & leviores.

Imbecilles cibi, & leves, ventriculum quidem non laedunt, neque corpus; quia calefacti non intumescunt, neque implent, sed cito emolliuntur, & cocti per alvum secedunt: humor autem ab ipsis

corpori debilis provenit, neque auget neque vires effatu dignas exhibet. Robusti autem cibi, quum ventriculum subierint, tum intumescunt, tum plenitudinem excitant, & tardius quidem concoquuntur, neque per alvum secedunt; humor autem ab ipsis valens & incorruptus proveniens, robur multum corpori, & incrementum præbet.

Carnium corpori levissimæ, catulinæ, volucrium, & leporinæ coctæ; graves vero bubulæ, & porcinae; moderatissimæ autem & coctæ & assæ ad flatum (sunt). Sanis & imbecillis, ovillæ: suillæ vero & ad bonum habitum & ad robur, laborantibus & exercitatis commodæ sunt; imbecillis vero & privatis, valentiores. Et ferinæ (carnes) cicuratis leviores sunt, quoniam non similes fructus edunt. Differunt autem & pecorum carnes, & eorum, quæ fruges edunt, & eorum, quæ non edunt; neque fruges idem in omnibus faciunt, sed quædam densam & robustam victimæ carnem reddunt: quædam vero tum raram, tum humidam, & imbecillam.

Ut omnia verbo comprehendam, pisces & cocti & assati, ipsique perse & cum cæteris cibis sumpti, leve sunt edulium: ipsi vero inter seipsos differunt; & palustres quidem, & pingues, & fluviatiles graviores sunt; littorales autem marini, leviores; clixique assatis leviores. Ex his cibis, quum aliquem reficere voles, valentes dato; leves vero, quum gracilem & tenuem facere oportuerit.

CAPUT XV.

De balnei usu, & quorundam olerum facultatibus, calidis, frigidis, humidis, siccis; urinas, dejectiones, & menstrua cientibus; adstringentibus, stomachicis, resicientibus, & attenuantibus.

BAlneum calidum, moderatum quidem corpus emollit & auget; quod vero tempestivum modum excedit, siccas quidem corporis partes humectat, humidas autem resiccant. Et siccae quidem humectatae, imbecillitatem & animi deliquium inducunt; humidæ vero exsiccatae, siccitatem & sitim. Ex oleribus alia, cocta & assata, & urinam promovent, & per alvum secedunt, & ad menstrua muliebria conferunt.

Cepæ ad urinas commodæ; succus enim acrimoniam quandam excitat, adeo ut per alvum secedat: his sic utitor, ne tamen imbecillis exhibeas. Apium, & coctum & crudeum, urinam ciet; ac palustre magis quam sativum, quod etiam facultatem habet majorem. Coriandrum tum coctum, tum crudeum, stomacho gratum est, & alvum movet. Ocimum humidum & frigidum est, ac stomacho gratum. Porra, cocta quidem urinam & alvum movent; cruda vero, incendium & inflammationem excitant. Malum punicum reficit & pituitosum est, & cum nucleo quidem alvum sistit; citra nucleum vero, subducit.

Cibi calidi, sicci quidem sistunt (quod enim in ventre est humidum, resiccant); humidi vero, caliditate humectantes, subducunt. Acerba corpus siccant & cogunt; sistendique facultatem habent. Acida extenuant & morsum faciunt. Salsa alvum & urinam cient. Pinguia

& unginosa, ac dulcia, humiditatem quidem, ac pituitam creant.

Reficiunt cucurbita, beta, blitum, & rumex, & humiditate dejiciunt. Brassica vero acrimoniam quandam habet, qua alvum subducit; simulque boni succi est. Caseus, & sesama, & uva passa, vires reficiunt & pituitosa sunt. Vina dulcia & mellita, utraque & vires reficiunt, & urinas cient, & pituitosa sunt: austera vero ad robur & licitatem commoda: urinam vero provocant etiam austera vetusta, quæ & alba & tenuia sunt. Oleum & quæ oleosa, reficiunt & pituitosa sunt.

Ex oleribus coctis per alvum secedunt, quæ natura sunt humidissima, aut acerrima, aut caliditatem habent: danda autem hæc, ad secessum conferunt, tepidiora & molliuscula. Cucumis pepo, & urinam, & alvum movet, ac levis est: alter autem pepo, refrigerationem quandam inducit, & sitim sedat. Ab horum neutro alimentum, nisi tenue quoddam, procedit; sed neque malum aliquod estatu dignum ab horum neutro. Mel cum aliis sumptum, nutrit, & coloris bonitatem facit; per se autem magis attenuat, quam reficit: nam supra modum & per urinas fertur, & expurgatur.

Quum urinam cientia calefiunt in ventre, & cito calefiunt, & calefacta marcescunt & contabescunt, ideoque celerem excitant per alvum dejectionem. Cibi ventrem morantes, & calefiunt, citoque calefacti resiccantur & consistunt, ideoque obdurati, minime secedunt. Quæ alvum subducunt, succosa sunt, & natura calida: quæ vero urinam cient, sicca & frigida.

CAPUT XVI.

De frumenti & vini differentiis; de cibis robustis ac imbecillis; in morbis consuetum panem exhibendum; vomitum a cibo aut potu uberiore conferre; poma & nuces post cibum obesse. Quod vinum nocumenta a cibo & potu illata emendet; cur alvus perturbetur, sistatur, dejiciat. Quæ cibaria imbecilla. Quando cibandi sunt febre laborantes; quando vinum & mel sunt optima; sanorum victum agris valentiores esse.

FRumentum & vinum suapte natura tum robore, & imbecillitate, tum levitate, & gravitate inter se differunt; etiam locusa loco, ex quo ista proveniant, quum alius aquis probe irrigetur, alius aquis careat, & alius soli probe expositus, aut umbrosus, & bonus, aut malus sit; ita ut hæc omnia ad hoc conferant, ut singuli cibi, tum robustiores, tum imbecilliores sint.

Qui sanitatis tempore panem edere consueverunt, his etiam in morbis dandus est. Quum quis, aut cibos aut potiones plures solito, sumpserit, nisi consuetis se impleverit, optimum est, ut statim vomat. Poma & nuces ideo post cibum, tum bene valenti, tum debili molestiora sunt, quod ejus quidem, qui cibum sumpsit, corpus ab ipsis humores trahit; si vero jejunos comederit, plures. Quicumque cibi aut flatum, aut ardorem, aut morsum, aut repletionem excitant, aut tormina, ab ejusmodi vinum merum insuper epotum liberat. Quum enim corpus vino calefit, calore eximuntur ea quæ insunt.

A cibis & potibus, etiam similibus, interdum quidem alvus perturbatur, interdum vero sistitur, inter-

dum alvus etiam pro ratione deijcit. Cur autem hæc accidant hæc causa est : primum quidem venter quum humidior fuerit , quumque siccior, cibum susceptum corrumpit ; deinde quum mutatio contigerit , sive ex frigore ad caliditatem , sive ex caliditate frigus , corrumpit ; adeo ut alvum ab iisdem cibis ac potibus propter hæc ipsa & molliorem & duriores fieri necesse sit. Ex cibis , & potibus , & opsoniis , pane excepto , & maza , & carniibus , & piscibus , & vino , & aqua , reliqua omnia ad incrementum , & robur , & ad sanitatem parva & debilia auxilia conferunt ; tenuia etiam & debilia ab his mala contingunt. Quosunque ægros febres non continentes detinent , sed intermittentes invadunt , his post accessionem cibi exhibendi , conjectura facta ut ne a recenti cibo , sed jam concoctis cibis , febris ingruat. Vinum & mel optima hominibus censentur , si pro natura & sanis & debilibus tempestive & moderate exhibeantur. Et bona quidem ipsa per sese , bona vero etiam permixta , tum alia , tum quæcunque effatu dignam utilitatem exhibent. Quæ sanis conferunt , ægrotis exhibita , valentiora sunt ; eaque vigore ipsorum detracto exhibenda , alioqui ea corpus non fert , sed magis nocent , quam juvant.



HIPPOCRATIS

LIBER DE INTERNIS ADFECTIONIBUS.

P R Æ F A T I O.

EX falsissimis. Manifesto Gnuidias sententias continet, subdivisi enim fere morbi per numeros hic distinguuntur, & ex solitariis morborum descriptionibus species conspiciuntur. Ita morborum nomina nascuntur, nullo symptomatum characteristicorum consensu distincta, morbi crassi, typhi, multae nephritides, multae hepatitides, multi lienis morbi. Et nimis raris, vix unquam occurrentibus signis morbi distinguuntur: quis enim credat, morbum crassum quartum dari, in quo egroti ab odore pluviae in terram cadentis collabantur. Sed etiam vehementia hic Gnuidiorum pharmaca offendas, grana gnidia, succum hippophos, lapidem magnesia. Elleborus hujus libri deorsum purgat. Victus ratio nimis vinosa, minus gymnastica. Symptomata morborum alia saepe ab iis, quae in reliquis libris hippocraticis traduntur, tetano fere excepto, cujus descriptio & medicamenta cum tertio libro de morbis conveniunt. Potus etiam hic ad pulmones delabitur.

Princip. Art. Med. Tom. II. C c

ARGUMENTUM LIBRI.

Internos partium morbos docet, asperæ arteriæ, vasorum, cordis, pulmonis, dorsi, pectoris, lateris, spinalis medullæ, renum, venarum dextri & sinistri lateris, abdominis, intestinorum, articularum, cutis, & universi corporis; eorumque causas, signa, & curationem.

S E C T I O I.

C A P U T I.

De asperæ arteriæ ulceratæ aut sauciata, vel alicujus vasorum pulmonis rupti causis, signis, prædictione, curatione, & convalescentis præcautione.

SI pulmonis arteria ulcerata, aut aliqua tenuium venularum, quæ in pulmonem infra dependent, rupta fuerit, aut fistularum ex his, quæ per pulmonem extentæ sunt, & inter se per-rumpantur, & sanguine repleantur: his de causis maxime divelluntur ac perrumpuntur, vehementi exercitatione, cursu, casu, plagis, violentis vomitibus, & febribus. Hæc itaque accidunt. Primum quidem tussis sicca detinet; deinde paulo post sputum subcruentum, interdum vero purum exspuit. (Hæc) ita (fiunt), si celeriter quidem morbus desinat; sin minus,

procedente tempore, copiosior sanguis, interdum quidem purus, quandoque etiam aliquantulum putridus prodit: plerumque vero fauces etiam non animadvertentibus sanguine replentur; deinde sanguinis grumos paulatim & crebro violenter exspuunt: quandoque vero etiam ab his gravis odor oritur; & fauces interdum quadam spuma implentur. Et rigor ac febrisprehendit, per morbi quidem initia vehemens; progressu vero levior, & alias atque alias corripit; dolor etiam quandoque pectori, dorso & costis insidet. Quumque sanguinem spueredesserit, sputum copiosum liquidum; interdum etiam viscidum exspuit. Atque his ita afficitur, donec dies quatuordecim præterierint: post hos vero nisi morbus sedetur, squamulas, quales a pustulis, ab arteria tussiendo avellit; & dolor in pectus, dorsum, & latus irruit, ac hypochondria contingens, tanquam ulcus, dolet. Huic morbo, ut quam maxime quietem internam habeat, conducit, si ita sit affectus: si quidenim laborarit, tum dolor acutior, tum tussis magis quam antea, premit, & rigor & febris magis occupat. Et si sternutaverit, dolor acutus adoritur: dolet autem & in lecto, quum circumvertitur. Huic cibos quidem eosdem, quos & suppurato; sed hos non multos, offerre oportet. Opsoniis vero his utatur: piscibus quidem, squatina, aut pagro, aut galeo magno glauco, aut aliis similibus, omnibus cum rhoë & origano conditis: galli autem carnem assam sine sale edat, aut capræ coctam; vinoque utatur austero quam vetustissimo & suavissimo, nigro, deambulationibus autem moderatis. Atque hæc quidem dum febris non detinet; si vero febris detinuerit, sorbitione farinæ aut milii utatur: si vero cibi

exhibeantur, pauci porrigantur, & opsonia per alvum secedentia. Quod si quidem medicamento tibi utendum esse videatur, cum grano cni-
dio, aut tithymalide aliquantulum purgato; & post purgationem, farinae elixæ pinguis duas he-
minas absorbendas dato: deinde quam maxime reficito, quo minimum tenuis sit: tenuem enim esse, ad hunc morbum minime confert. Deambulationes etiam paucæ primum faciendæ, ut ne lassitudo succedat: fomentum autem alias atque alias admovendum; quaque die admovebitur, sine cibo sit, nisi quod farinae coctæ uncias novem exforbeat; aquam vero bibat. Postero die minus quam pro consuetudine comedat, vinumque nigrum, suave, austerum, modicum bibat: de cætero, bis aut ter in die cibi dentur; sic autem ei paulatim exhibeto, donec ventriculum confirmaveris: ex febribus enim & inedia, si os quidem appetat, ventriculus vero recipere nolit, ubi confertim receperit, inflammatur: verum paulatim exhibere oportet. Si vero confertim dederis; parumque laborarit, ventriculus deambulationibus minime perfrigeratur; densatis nimirum sensim cibariis; hic autem febris succedere solet, ac hieme quidem minus dolet; æstate vero majus periculum est, ne delinquat. Hunc quam maxime reficere oportet, quo quam crassissimus sit; & deambulationibus moderatis utatur, minusque solito luctetur: ac primum parum laboret, deinde (paulo) plus; nunquam vero multum. Hæc si fecerit, citissime convalescet: quod si labore attenuetur, remittat & quietem agat. Hic ubi convaluerit, ad ventum ne celeriter currat, neque equum, neque currum conscendat: vitet etiam tum clamorem, tum excandescentiam. Periculum enim

est, ne morbus revertatur: verum hæc omnia vitanda sunt. At si cibum aversetur, orobum tostum, cortice repurgato; deinde tribus diebus aqua maceratum (quotidie aqua effusa, aliam affundito) postea quarto die excolato & resiccato; mox tenuissime molitum, cribrato, & lini semen tostum tundito ac terito; sesamumque etiam tostum, levissime tundito; polentamque insulsam, puram, tenuem (admisceto); sit autem orobi & polentæ utriusque æqualis portio, sesami vero tertia pars, sed lini partis unius dimidium. Hæc in caprino lacte cocta, quam liquidissima sorbeat. Post hæc autem in prandium cibos puros, & ex opsoniis valentiora ei exhibeto; vinum autem idem Libat. Centaurii etiam radices in vinum derasas, ad ejusmodi ruptiones facientes, ei exhibeto: dracontii etiam radices in vinum erasas dato: dato & tussilaginis radicem cum melle, & dracontium derasum delingendum. At si in lacte decoctum se sorbere posse neget, lac bubulum quam plurimum, aquæ mulsæ tertia parte admixta, bibat. Sicque citissime convalescet: hic autem morbus multa curatione indiget; difficilis enim est; si quis enim curatus & sanus jam factus sui curam non habuerit, plerisque revertens morbus, interitus causam attulit. Hic si quidem hac curatione sanatus fuerit, satis est: sin minus, ubi cum lacte crassiozem reddideris, & in pectore & in dorso inurito: si enim ultio bene successerit, morbum effugiendi spes est.

C A P U T II.

*De arteriæ aut vene pulmonis divulsione, ejusque
symptomatibus, signis, & curatione.*

AT si arteria, aut venarum ad pulmonem tendentium aliqua divulsa sit, hæc contingunt. Per morbi quidem exordia tussis acuta detinet, & rigor, & febris; & sputum tum copiosum, tum album ac spumofum, interdumque suberuentum exspuit; dolorque caput, & cervicem occupat. Hic morbus priore est vehementior; ac decem quidem primis diebus hæc ei contingunt: deinde plerique undecimo die pus crassum violenter exspuunt: die vero decimoquarto puriora exspuit, si evasurus sit, & dolore minus vexatur, brevique sanus evadit. Si vero diuturnus morbus futurus sit, & multo plus puris exspuit, & reliquus dolor in corpore longe major est; sed calores, quam antea, leviores detinent. Hunc si per initia curandum susceperis, scammoniaë succo, si febre careat, per inferiora aliquantulum purgato. Post purgationem autem eadem, quæ prius, exhibeantur; & reliqua eadem quieto quam maxime corpore assumantur, & molliter jacens dormiat. Et hæc quidem decem primis diebus faciat.

CAPUT III.

De pectoris suppurato, & pulmone rupto.

AT si suppuratus exstiterit, eadem etiam, quæ prius, faciat: si vero sanus evaserit, his cibis & potibus abstineat oportet acidis, acribus, falsis & pinguibus: labore etiam vehementiore, & iisdem, quibus prior, abstineat. Hæc si fecerit, citissime hoc morbo liberabitur: si quid autem eorum non fecerit, periculum erit reversionis, morbusque deterius detinebit; nam plerique pulmone rupto, quoad interiorint, perseverant. Hunc, nisi quis confestim curet, postea reverso morbo, non erit, quo juvare possis, nisi hæc feceris: lacte bubulo crassum redditum, in pectore & dorso inurito, si enim ultius successerit, juvabis. Hic autem morbus ab iisdem erratis, a quibus etiam prior, oritur.

CAPUT IV.

De pneumonidis causis, signis, & curatione.

Pneumonis autem ab his maxime fit. Quum ad sese pulmo sanguinem, aut pituitam salisam traxerit, neque rursus dimiserit, sed ibi collecta & coacta fuerint, ex his tubercula in pulmone gigni solent, & suppurari. Hic per initia & per totum morbum hæc patitur; tussis acuta, sicca, & rigor, & febris detinet; dolor pectori & dorso, interdumque etiam lateri insidet; & erecta cervice spiratio vehemens incidit. Hic ad quatuordecim usque dies hæc patiens

perseverat, plerumque etiam plures, quam quatuordecim dies: deinde pus erumpit, multumque exspuit; sæpe vero tanquam aranearum tunicas exspuit; crebro etiam subcruentum. Quod si pulmo quidem cito repurgatus fuerit, & gracilescat, interitum effugit: nisi vero advertat, morbus annum detinet, & mutatur, & varias (æger) subit affectiones. Huic per initia, priusquam pus erumpat, hæc adhibere oportet. Quum febris remiserit, multa calida lavet, & sorbitionibus multis utatur: ptisanæ cremorem coctum, melle affuso & cocto sorbeat; vinumque dulce album, aut aquam mulsam coctam bibat. Quum vero semel pus exspuere cœperit, eadem, quæ prior purulentus, bibat; iisdemque cibis, potibus, & opsoniis utatur; acidis abstineat, acribus, falsis, pinguibus, venere & meri potu, nisi morbo commodum fuerit: colorem autem inspicies, quorum tibi indigere videatur, curam habeto: reliqua autem eadem faciat. Lac bubulum & caprinum, pro tempore etiam bibat, prius tamen lacte asinino cocto deorsum purgetur: bibat autem quotidie mane & lactis equini excolati poculum trium heminarum. Si igitur ita curatus melius habuerit: atque si pus in pectus non eruperit, ipse sibi medeatur, corpus quam maxime quietum retinendo, concilians, & quæ sibi sunt commoda exhibendo. Si vero in pectus pus eruperit, qua parte de se tibi significationem præbere videbitur, illic præcipue sectione, aut ulatione facta, pus primum paucum educito; cætera vero eadem facito, quæ in priore suppurato scripta sunt

CAPUT V.

*De pulmonis varice, ejusque causis, signis,
& curatione.*

SI varix in pulmone fiat, per morbi quidem exordia, tussis sicca, rigor & febris vehemens admodum invadit; sed & erecta cervice spiratio derinet. In capite dolor consistit, & supercilia impendere videntur, tumorque ad faciem, pectus, & pedes descendit; sæpe vero & in caput incumbit, quumque labor detinet, præ dolore oculos attollere non potest: corpus est subpallidum, & venæ ipsum extendunt, aut rubræ, aut nigræ.

Huic, quum sic se habet & dolor maxime urget, primum quidem sanguinem detrahito; deinde multa & calida lavato; & quum sitis detinet, cyceonem ex vino nigro aultero quam suavissimo, æquali aqua temperatum, potui exhibeto; sed maxime frigidum bibere oportet. Ptilanæ cremore cocto, optimo melle affuso, pro sorbitionibus utatur. Hæc primis quatuordecim diebus offerenda sunt: quod si diutius morbus detineat, dolorque major in corpore, & virium impotentia adsit; huic sane sic habenti ea exhibeto, quæ & pulmone suppurato, quum quatuordecim dies præterierint. Hic morbus a vehementiore labore & sanguine & atra bile fit.

CAPUT VI.

De pulmonis plenitudine.

QUum venæ cavæ, quæ in pulmonem distribuuntur, sanguine aut bile atra repletæ fuerint, venulæ nimirum in angustiis interceptæ, inter sese rumpentur, quumque exitum non habeant, dolorem & ampullam in pulmone excitant. Hic morbus est difficilis, & multa curatione indiget: alioqui ægrum relinquere non potest, & plerumque in multis commoritur.

CAPUT VII.

*De inflammationis pulmonis causis, signis,
& curatione.*

SI inflammatio in pulmone oriatur; (oritur autem præcipue a vinolentia, & avido piscium capitonum, & anguillarum esu; hi namque pinguedinem hominis naturæ inimicissimam habent:) jam vero ortum habuit hic morbus a pituita, quum sanguini permixta ad pulmonem affluerit: incidit etiam ex carnis esu, & aquæ mutatione.

Hæc igitur patitur. Vehementer tussit, & sputum liquidum & copiosum exspuit, plerumque etiam crassum & album, tanquam a raucedine: dolor acutus premit pectus, dorsum, ilia, & costas; acidum eructat, & ex pectore ac pulmonibus velut ex ventre quid murmurat; pituitam acidam vomit, ac quod si vomitum est,

in terram effundas, terram tanquam infusum acetum radit, & dentes stupefcunt: rigor, febris, & fitis vehemens detinet; & si quid pingue comedere velit, in visceribus strepitus editur, & vomitum cietur, & totum corpus torpor occupat. Quum vero evomuerit, paulo melius habere videtur; deinde sub vesperam diei obortam venter strepit, contorquetur, & murmur edit.

Huic, quum sic habuerit, & tempestivum esse apparuerit, curationem sic adhibeto. Mel, lac, acetum, & aquam simul mixta & in ollam infusa tepefacito, & origani capitati furculis agitato, postea cum tepefactum fuerit, potui exhibeto, aut apprehensa lingua sensim per fistulam infundito; deinde vestibis convolutum quietem agere jubeto. Postea, si ipsi vomitus successerit, prompte vomat; quod si non successerit, subacta penna vomat; & siquid pituitæ vomuerit, idem per dies quinque facito: sic enim agens melius habebit. Hoc autem exercitatus, si possit, bibat, & calida multa lotus; sin minus, saltem lotus. Quum vero dies quinque præterierint, mane jejunos ex aqua mulsa, aut mulso, laserpitii succum ervi magnitudine bibat, & allium ac radículas jejunos edat, & vinum merum nigrum, aut album austerum insuper sorbeat: bibat autem & cum cibo & post cibum. Cibis autem siccis, & carnibus asininis aut catulinis coctis utatur; si rigor & febris non prehenderit. Hic si quidem ex ejusmodi in os infuso aliquantulum purgetur, (sat est;) sin minus, cum sursum per veratrum purgato: post purgationem vero, farinæ coctæ melle affuso duas heminas forbendas dato; vinum autem idem aquosum bibat. At si per initia morbo non ad-

fu-eris, eum lacte crassum redditum, in pectore ac dorso inurito; sic enim præcipue morbo liberabitur: at nisi ultius fuerit, permanet, neque fere deferit, sed ad senium usque perseverat: plerumque vero commoritur; nisi primis quadraginta diebus interierit. Verum quam maxima cura opus est; & serum ac lac bubulum, caprinum, asininum, & equinum, pro tempore bibat: sic enim facillime vitam deget: hic autem morbus difficilis est.

C A P U T VIII.

De pulmonis erysipellate, ejusque signis & curatione.

SI pulmo ab erysipellate tumuerit, hic tumor potissimum a sanguine ortum ducit, quum pulmo in se sanguinem attraxerit, & exceptum continuerit: hic autem morbus potissimum æstatis tempore contingit. Hæc igitur ab eo patitur. Tussis sicca accidit, rigor, febris, erecta cervice spiratio, dolor vehemens in pectore; tanquam equus a cursu; nares aperit; linguamque, uti canis æstare ardore spiritus incensus, exferit; tumor pectus occupat, torusque brevi perurit, ruborem in facie, prurium in corpore patitur; præ labore decumbere non potest; sed anxius seipsum jactat. Hic septem diebus moritur plerumque: at si hos effugerit, non fere moritur.

Hunc in principio, quum sic habuerit, his curetur. Betis aqua frigida irroratis, & corpori admotis, corpus quidem refrigerato, recenti præcipue dolore; aut lintea aqua frigida intincta & expressa, admoveto. Et si quidem sic melius ha-

buerit, (fatis est); sin minus, terram figulinam frigidam ex cataplasmate imposito, & sub dio dormiat; sic enim curatus, sæpe septem dies effugerit. Quum vero septem dies præterierint, & adhæserit dolor, dolentem intus partem oleo illinito; eosdemque præcipue foci, quos & pleuritidi, admoveto. Et potionem ei ex peplo, & meconide, & grano cnidio, ad purgationem propinato; & a purgatione, lenticulæ heminam sorbendam dato; aquam autem bibat. Postero vero die ipsum multa calida, capite excepto, lavato; deinde organum aqua multa maceratum propinato: potionibus quam calidissimis utatur; cibi iidem, qui pleuritide correpto, exhibeantur, nisi febris detineat. Hic morbus gravis, & pauci evadunt.

CAPUT IX.

De pectoris & dorsi ruptione, ejusque causis, signis, & curatione.

SI pectus & dorsum dirupta fuerint (disrumpuntur autem potissimum vehementi labore) his quoque afficitur. Tussis acuta detinet, interdum subcruentum sputum exspuit; crebro & rigor & febris invadit; in pectore & dorso dolor inest acutus, lateri lapis incumbere videtur, & dolore prorsus stimulatur, ac si acus aliqua pungeret.

Huic, cum sic habuerit, confestim lacte pinguefacto, pectus & dorsum inurito, & sic citissime sanus erit. De cætero vero quieto maxime corpore vivat: si quid enim laborarit, aut currum, aut equum adscenderit, aut humeros one-

ri suppositos fatigarit, periculum est, ne rursus morbus revertatur: quod si contingat, periculum est, ne intereat. Morbus enim reversus, magis quam ab initio, lædit. At si uestus non fuerit, iisdem forbitionibus, potibus & cibis, quibus suppuratum, curato. Ad summam vero, quietem agens idoneis cibis uestatur: si enim sic curatus fuerit, citissime convalescet: morbus autem gravis est.

C A P U T X.

De lateris tuberculo, ejusque signis & curatione.

SI in latere tuberculum oriatur, & purulentum fiat, hæc contingunt. Rigor detinet, & febris, & tussis sicca multos dies; latus dolet, dolorque in mammam, & claviculam & scapulas impetum faciens obsidet.

Hic, quum sic habuerit, primis decem diebus forbitionibus utatur, ptisanæ cremore percocto, affuso melle, quum sorbitio cocta fuerit: vino autem utatur albo, dulci, aut austero, & aquoso, & crebro vinum sorbentem exspuere jubeto; somnumque, quoad undecim dies præterierint, prohibeto: post hos dies, cibis quam maxime paucis utatur; carnibus catulinis aut gallinaceis calidis; hæc vero ex jusculo probe apparandæ sunt, & jusculum forbeat, & forbitionibus ante cibum utatur: neque sitiatur, quoad latus suppuratum evaserit; suppuratur autem maxime diebus quadraginta, aut paulo ante. Id autem dignoscet, ubi suppuratum fiat latus; pus enim non exspuit, neque evo- mit. Hunc, quum sic habuerit, ubicunque tu-

mor de se signum ediderit, secato aut urito; deinde pus paulatim mittito, & postquam exhausteris, linamentum ex lino crudo imposito; quo postridie rursus educto, pus sensim exhausto: deinde linamentum indito; ac rursus tertio die, cæterisque diebus, bis die, donec exsiccatum fuerit, extrahito. Et cibos & opsonia, quum appetiverit, exhibeto; modicum, non multum, sive vinum, sive aquam, bibat: organum vero tenellum quam plurimum melle intinctum edat. Quod si tenellum non habeat, saltem siccum tritum, & melle admixto lævigatum, quam plurimum exhibeto. Et neque frigeat, balneis lavet, & molliter dormiat. Hunc morbum si sic curaveris, citissime sanum effeceris. Quum vero sanus evaserit, frigus, calorem & solem vitet; & modicis deambulationibus utatur post cibum, ut ne corpus lassitudo prehendam. Hæc si fecerit, convalescet. Ex his morbis, quibus unctionem adhibueris, statim post unctionem porra multa tusa usturis ex cataplasmate imposito, & diem unum finito.

CAPUT XI.

De trium tabis specierum prima, ex pituita a capite in pulmonem defluxione, orta, ejusque symptomatibus, signis, & curatione.

TRes autem sunt tabis species. Prima: ipsa quidem a pituita oritur; quum enim caput pituita plenum ægrotarit, & calor accesserit, in capite pituita computrescit, ut quæ moveri nequeat, ut secedat. Deinde, quum crassior evaserit, & computruerit, & venulæ supra modum

impletæ fuerint, fluxio in pulmonem contingit; quam ubi pulmo susceperit, statim morbo afficitur, cum a pituita falsa & putrida mordeatur.

Hæc igitur patitur. Febris lenta initio invadit, & rigor; quum pectus, tum dorsum laborat; interdum vero & acuta tussis urget; & sputum copiosum, & liquidum, & falsum exspuit. Hæc quidem per morbi exordia patitur; in progressu vero corpus extenuatur, exceptis cruribus: hæc autem tument, & pedes, & ungues contrahuntur; ab humeris vero tenuis, & debilis est; fauces velut lanugine spuma implentur, & quasi per arundinem sibilum reddunt; vehementer sistit per totum morbum; multaque debilitas corpus tenet. Hic, quum sic habuerit, annum contabescens, miser emoritur: at quam maxime curare oportet, ac vires reficere: primum quidem veratrum propinare; per inferiora autem purgare epithymo, aut peplio, aut grano cnidio, aut tithymalide: hæc quater in anno exhibenda sunt, bis sursum, bis deorsum. Lac etiam asininum coctum ad blandam purgationem, aut bubulum, aut caprinum, exhibendum: lac etiam bubulum crudum, aquæ mulsæ tertia admixta parte, bibat, per dies quadraginta quinque, una etiam admixto origano: caput autem ipsius, admoto ad nares medicamento, ante purgato. Cibaria vero & opsonia, neque pingua, neque nidorosa, neque valde acria exhibeto. Signis autem morbum perpendenti hæc facienda; & ad cibos deambulationibus utendum, & observet, ne algeat: hieme vero juxta ignem mansionem faciat. Vinum bibat austerum, nigrum, quam vetustissimum & suavissimum, sed modicum. Quod si tibi videatur, ante medicamentum, fomentum admove-to, & sic medicamentum exhibeto: si vero ex-
hibere

hibere nolis, admoto fotu, vomitum ex cibis, velut ante scriptum est, promoveto. Deambulationibus, si huic conferant, utatur: at si non conferant, corpore quam maxime quiescat. Hic ita curatus corpore facillime deget; morbus autem lethalis est, ipsumque pauci effugiunt.

CAPUT XII.

De secunda tabe, a sanguinis sputo ob vas ex labore ruptum orta, ejusque signis, & curatione.

TAbes secunda. Fit autem a vehementi labore: eadem ut plurimum, quæ & prior, patitur: hic vero morbus priore magis intermittit, & per æstatem remittit. Sputum crassius quidem priore exspuit, & tussis maxime senes premit, & dolor in pectore vehementior, eique velut lapis incumbere videtur; dolet etiam dorsum; ipsiusque cutis madore colorata est, &, si quid laborarit, flatus & anhelatio detinet. Hic ex hoc morbo intra tres annos maxime moritur: iisdem vero, quibus etiam priorem, curare oportet. Hic morbus multis ad tres annos perseverat: verum moriuntur; est enim gravis morbus.

CAPUT XIII.

De tertia tabe (quem spinalem catarrhum vocat Hippocrates) a defluxione in spinalem medullam, ejusque signis, ac curatione.

TAbes tertia. Ab ea hæc patitur (æger). Ejus spinalis medulla sanguine bileque plena fit: tabescit autem similiter & a venis cavis; hæc vero
Princip. Art. Med. Tom. II. D d

pituita hydropiformi, & bile implentur. Eadem autem patiuntur, a quibuscunque tabes oboritur: atque homo statim niger & subtumidus evadit: & partes sub oculis cavæ pallidæ sunt; venæque per corpus pallidæ distenduntur; quædam vero valde rubræ sunt, maxime tamen manifestæ, quæ sub axillis; pallida exspuit, quæ ubi ipsum invaserint, suffocant interdumque, quum tussire vult, non potest; interdum vero præ suffocatione & tussiendo cupiditate copiosam bilem evomit, quandoque etiam pituitam; plerumque vero etiam cibos, cum comederit; quumque vomuerit, levior esse videtur; deinde rursus parvo interjecto tempore, in iisdem jacet doloribus. Hic acutius quam quum sanus esset, loquitur; & rigor & febris interquiescens, cum sudore invadit.

Hunc, quum sic habuerit, cibis, sorbitionibus, potionibus, medicamentis, cæterisque omnibus, quibus priores, curato. Hic autem morbus maxime annos novem perdurat; deinde perfert, contabescens: pauci vero ex eo evadunt, gravis enim morbus est: verum si velis, sic ipsum curato. Primum quidem fomentum admoveo; eoque admoto, postridie aquæ mulsæ semicongium, paucis aceto affuso, potui exhibito; idque unico haustu & spiritu bibere iubeto; deinde multis cum stragulis quam plurimo tempore convolvito; at si non perferat, sed vomere velit, evomat; si vero post aliquod tempus vomitus non accadat, aquæ tepidæ magno calyce superepoto, penna irritatus vomat: quum autem evomuerit, ut bene habeat, hoc die quietem agat: quum vero cœnæ tempus fuerit, mazam paucam cœnet, & fassamentum, & porra pro opsonio habeat; his autem quam plurimis vescatur; vinumque dulce bibat. Reliquo vero tempore quoti-

die statim ab aurora multa calida lavetur: & a balneo, ne frigeat, cavendum, verum decumbens diutissime dormiat: quum autem a somno surrexerit, eo die viginti stadia ut minimum obambulet; reliquis autem diebus, alia quinque superaddita stadia ambulet, quotidie addens, donec ad centum stadia pervenerit. Alvum autem quotidie aliquantulum purgare oportet betæ & brassicæ succis; utrisque separatim coctis, ita ut utriusque congio percolato; deinde admixto adipis ovilli ex renibus minæ quadrante, & simul cocto, amborum coctionem divides: quum autem bibiturus est, ad brassicæ quidem succum sale adjicias; ad betæ vero succum mel affundas: licet autem separatim utrumque bibere, aut melle ad alterum poculum affuso, bibere: ad alterum vero sale injecto: totum autem succum ebibere oportet. Et hæc quidem triginta diebus facere: secundo vero mense panem edat, & carnes fuillas pingues coctas, aliud vero nihil: vinum autem album austerum bibat; & ante cœnam non minus quam triginta stadiorum iter conficiat, post cœnam vero, decem, neque frigeat, sed contegatur. Hæc si fecerit, facilius morbum feret. At tertio mense cyceonem florulentum bibat, & apii radices, & anethum, & rutam, & mentham, & coriandrum, & papaver tenerum, & ocimum, & lentem, & mali punici dulcis ac vinosi succum: esse autem oportet dulcis duplum; esse vero oportet & utriusque succi simul heminæ dimidium, ac vini nigri suavis, austeri, heminæ dimidium, aquæ etiam, heminæ dimidium; deinde flores leviter tritos in hoc permixto diluere, & in calycem infundere: postea farinæ ervi acetabulum injicere, & polentæ tantundem, caseique

caprini veteris rasi parem ervo portionem: hæc commixta ebibat. Postea modico tempore interjecto prandeat panem, & opsonium habeat torpedinis frustulum, aut squatinæ, aut galei, aut raïæ; & carnes suillas coctas edat, & quam maxime quietem agens sese saginet; ac decimo quoque die sibi ipse leviter fomentum adhibeat. Quarto autem mense, quinto quoque die leviter foveatur; neque, quam plurimum opsonium edat, pro opsonio utatur caseis, & paucis carnibus ovillis coctis. Stadia, velut ante dictum est, deambulet: incipiens autem primo quarti mensis die a decem stadiis, incedat, & quotidie addat, usque dum stadia octoginta conficiantur; & per diem octoginta stadia obambulet; ante cœnam triginta, post cœnam viginti, mane triginta. Reliquo tempore maza & pane victitet, utraque comedens: opsonio habeat pisces cartilagineos; carnes vero omnes, præter bubulam & porcinam, edat: piscibus his abstineat, mugile, anguilla, & melanuro. Torpedinem autem edat, squatinam, raïam, galeum, pastinacam, & ranas; aliorum vero nullum: etiamsi innoxia esse videantur: cyceonem etiam bibat, quum dormire volet, vini nigri, suavis, veteris, duarum heminarum calicem bibat; & per diem eodem vino in cibo utatur. Et per diem centum quinquaginta stadiorum iter conficiat, ante cœnam nonaginta, post cœnam viginti, mane quadraginta. Hic, sic curatus, intra annum convalescit.

CAPUT XIV.

De quarta tabe, seu de medullæ spinalis ariditate a venarum in medullam tendentium, aut viæ a cerebro in spinam, obstructione, aut ab actu venereo orta; ac de ejus signis & curatione.

Medulla spinalis potissimum reficcatur, quum venulæ ad medullam tendentes obstructæ fuerint, quique a cerebro est aditus. Ob corporis autem vitium hisce afficitur, & ægrotat: reficcatur etiam maxime ab immoderata venere.

Hæc igitur patitur. Dolor acutus ipsi in caput irruit, in cervicem, in lumbos, in lumborum musculos, & in crurum articulos: ita ut interdum flectere nequeat; sterqus per alvum non secedit, sed sistitur; & urinæ difficultate laborat. Hic per morbi quidem exordia quietius degit: quanto autem tempus morbo producitur, tanto magis omnia dolent; & crura velut ab aqua intercute tument, ulcera ex lumbis erumpunt, & alia quidem sanescunt, alia vero enascuntur.

Huic ita habenti, hippophaes succo, aut grano cnidio caput purgato, primum prope admodum foto corpore: vesperi vero post purgationem, ptisanæ duas heminas melle affuso forbeat; vinum autem album, molle bibat. Postridie lactis asinini decocti, melle affuso, heminas octo ebibendas ipsi dato: quod si asininum non habeas, bubuli aut caprini cocti tres semicongios, affuso melle: & pro anni tempore, lac bibat, per quinque ac quadraginta dies, cum lacte ervum assumens. Cibis autem & opsoniis,

quam maxime alvum subducentibus utatur: vinum bibat album, molle, Mendesium. Quum autem crassissimus fuerit, ad ejus lumbos ab utraque vertebrarum parte, quatuor crustas iniurito, & ad dorsum utraque ex parte quindecim, & in cervice inter tendones, duas. Si enim ustio probe tibi cesserit, sanum reddes: est autem morbus gravis.

C A P U T X V.

De quatuor renum affectibus, ac primum de renum calculo, ejusque causis, signis, & curatione.

QUatuor, qui a renibus oriuntur, morbi. A primo (æger) hæc patitur. Dolor acutus in renem, in lumbos, & in testem ad renis regionem incidit, frequenter urinam reddit, & paulatim urina supprimitur, & cum urina arena egreditur; &, ubi per urethram arena exit, vehementem in urethra dolorem parit: quum autem ipsam cum urina ejecerit, remittit dolor; deinde rursus in iisdem jacet doloribus: quum vero urinam reddit, colem etiam præ dolore fricat. At plerique Medici ignorantes morbum, quum arenam videant, vesicam calculo laborare existimant: hæc autem minime, sed ren calculo laborat.

Hic morbus a pituita nascitur; quum ren receptam in se pituitam non rursus dimiserit, sed illic in tofum concalluerit, fiunt ex ea calculi parvi, velut arena.

Hunc, quum sic habuerit, scammonix succo, aut radice ipsa (toti corpori adhibito prius fo-

mento) per inferiora purgato: postridie vero ex cicerum alborum decocto, sale injecto, ad duos congiOS potui exhibito; per inferiora purgato. Post hæc potionibus eduliis, & balneis curato, iisdem datis medicamentis, quæ in urinæ stillicidio exhibentur. Quum autem dolor urget, multa calida lavato, & qua parte præcipue dolor est, focus tepentes admoveo. Quum vero intumuerit & extuberaverit, sub hoc tempus juxta renem secato, & extracto pure, arenam medicamentis urinam cientibus curato: si enim sectus fuerit, evadendi spes est; sin minus, morbus homini commoritur.

CAPUT XVI.

De secundo renum morbo, vel ruptione, a labore cum venarum renis ruptione, orto, ejusque signis, & curatione; ex hac nephritide tabes renalis.

SECUNDUS renum morbus. Dolores quidem vehementer, ut in priore, urgent: oritur autem morbus a vehemente labore, quum venulæ ad renem tendentes ruptæ fuerint; deinde quum ren sanguine repletus fuerit. Quum his æger affectus fuerit, per initia morbi sanguinem una cum urina reddit; deinde pus progressu temporis. Hic si corpore quieverit, citissime convalescit: si quid enim laborarit, dolores multo magis detinebunt. Quum igitur ren suppuratus fuerit, circa spinam intumescit.

Hunc, quum ita habuerit, qua parte tumor est, altissima quidem sectione ad renem secato:

quod si quidem sectionem affecutus fueris, confestim sanum reddes: at si aberraveris, periculum est ulcus linamentosum fieri. Si vero ulcus coaluerit, renis venter intro pus colligit. Et si quidem pus intro rumpatur, & ad intestinum rectum feratur, evadendi spes est: quod si alterum renem attigerit, periculum est, ne corruptione pereat. Medicamentis autem & iisdem omnibus, quibus & prior, curetur, eandemque victus rationem teneat. Hic autem morbus molestus est, ex eoque plures ad renum tabem devenerunt.

C A P U T XVII.

De tertio renum morbo, vel ulcere, ejusque signis, & curatione.

TErtius renum morbus. Urina velut a bubulis carnibus afflatis succus, egreditur. Oritur autem morbus ab atra bile, quum bilis ad venulas ad renem tendentes, confluerit; quumque constiterit, venas renemque exulcerat: ab exulceratione igitur tale quid cum urina elabitur. Dolores autem in lumbis, vesica, interfemineo, & in rene ipso parumper detinent: deinde remittit dolor, rursusque ex brevi intervallo acutus invadit, & in tenuem ventris partem nonnunquam dolor incidit.

Huic, cum ita habuerit, ventrem epithymo, aut scammoniae radice suppurgato; eadem, quae urinae difficultate laboranti, potui exhibeto; quumque dolor detinuerit, copiosa calida lavato, fomentis potissimum loco laboranti admotis;

pro forbitione farinam coctam affuso melle sumat, reliquaue victus ratione quam maxime alvum subducente utatur; vinumque bibat album Mendæum, melle permixtum, aut aliud album suavissimum, probe dilutum (hic morbus non fere deferit): si anni tempestas ferat, serum bibat, & lac bibat; serum quidem ad purgationem; lactis autem potione tempestive utatur, quinque & quadraginta diebus. Hæc si ita feceris, morbum meliore statu constitues.

CAPUT XVIII.

De quarto renum morbo, seu nephritide ex obstructione & venere orta, quæ in suppuratum degenerat; ejusque signis, & curatione.

Quartus renum morbus. Morbus hic a bile & pituita æstatis potissimum tempore generatur; quin etiam ex venere morbus oritur.

Hic æger hæc patitur: dolores cum ad hypochondrium, & ilia premunt, & ad lumbos, lumborumque musculos, & cruciatibus afficitur, quibus mulier in partu laborans; neque decubitus in sanam partem ferre potest, sed valde laborat; & de ilibus quædam velut abrupta suspensa esse videntur: at si pronus jaceat, non dolet. Ejus vero pedes & tibiæ semper frigent. Urina autem ob pituitæ copiam & crassitudinem suam vix egreditur: & siquidem depositam quoad resederit, parumper siveris, totum sedimentum crassum velut farinam videbis: at si quidem bilis superaverit, ipsum subfulvum videbis: si vero ex pituita morbus fuerit, album & crassum erit. Ac primo quidem in annum, aut paulo longius, aut brevius

tempus, talibus æger affectus perseverat: at si probucatur morbus, tum magis laborat, tum suppurat: quumque purulentus factus intumuerit, qua præcipue parte intumuerit, ad renem secato, & pus emittito; & si quidem sectio prospere cesserit, statim sanum reddes.

Hunc, quum sic habuerit, iisdem omnibus, quibus priores, curato: per morbi vero exordia purgare oportet, & ante purgationem fovere, & crebris balneis lavare: Inungatur vero & foveatur magis, neque frigeat; a soleque abstineat, neque venere utatur. Hæc si fecerit, neque citissime sanescat, haud novum; morbus enim perdifficilis. At si absque medicamentis curari desideret, per victus rationem crassum facere oportet, sive hoc morbo, sive superiorum aliquo laboret. Cibus nimirum, quos comedere consuevit, in decem partes divisus; deinde parte una subducta, reliquas comedat. Opsonium autem carnem suillam tritam habeat; & eo die decem stadia obambulet: sed postero die, & tertio adusque decem dies adjectione facta, portionem minus edat, & unoquoque die decem, aut plura stadia obambulet. Quum vero ad ultimam cibi portionem pervenerit, ad centum stadia iter faciat, & unam solam partem edat, eoque die centum stadia deambulet; ante coenam quadraginta, a coena vero viginti, mane quadraginta. Vinum autem vetus, album, austerum bibat. Hæc autem per tres menses faciat: reliquo deinde tempore subductis deambulationibus, plures cibos comedat, additione eodem, quo detraxerat, modo facta: deambulationem vero ad decimum usque diem subducatur; deinde quam maxime quiescat, cibisque puris vescatur, & quam pinguisimis opsoniis, dulciaque omnia ei conferunt. Ab

oleribus autem & acidis omnibus abstineat, acrisque & iis, quæ flatum excitant: calida quoque multa lavet, & non algeat. Hæc si fecerit, citissime sanus erit.

CAPUT XIX.

De magno venarum cavarum morbo nephritidi succedente, qui defluxio recurrens vocatur; ejusque causis, signis, & curatione.

A Nephritide invadit magnus venarum cavarum morbus, quæ a capite juxta jugulum per spinam, ad exteriorem pedis malleolum, & intermedium magni digiti locum feruntur. Oritur hic morbus a pituita quidem & bile, quum ad venas confluerint; hæc autem venæ sanguine plenæ sunt; si quid igitur alieni ad eas pervenerit, ægrotant. His itaque afficitur. Si dextra parte morbus sit, per exordia ex coxendicis acetabulo dolorem exhibere incipit: quo autem longius tempus processerit, & productum fuerit, eo dolor acutior ad inferiora descendit, quumque ad malleolum pedis externum, & intermedium magni digiti pervenerit, rursus ad caput ferri incipit: quumque in capite dolor constiterit, vehementer urget, & homo sibi caput dirumpi arbitratur, & oculi pituita implentur, totumque corpus.

Huic, quum ita habuerit, elaterium, aut thapsiæ radicem, aut veratrum, aut scammonii succum propinato: post purgationem vero eadem, quæ superioribus, offero. Si vero hac curatione non sedetur, ubi lacte crassum reddi-

deris, scapulam dextram inferiorem quatuor cruribus inurito, coxendicis dextræ acetabulum tribus, inferiores nates duabus, & medium femur duabus, genu superius una, & malleolum superiore parte, una: hic si ita uetus fuerit; neque sursum, neque deorsum morbum progredi finit. Si vero aliquam in partem dolor affatim, & cum impetu irrupere visus fuerit, si quidem priusquam uratur, in crus decubuerit, claudus erit; si in caput, surdus aut cæcus; si vero in vesicam, simul cum urina (aliquid) sanguinis maxime quadraginta dies progreditur; sed si in vesicam irruerit, eadem medicamenta, quæ & urinæ difficultate laboranti, exhibenda sunt; &, si aliqua in parte dolor coacervatus steterit, urito. Urendæ vero sunt carnosæ quidem partes ferramentis; ossæ vero & nervosæ, candelarum fungis; sed ante hæc, ista facienda sunt. Si morbi initio accesseris, vinum Mendæum album dilutius quam plurimum per diem potui exhibere oportet; & inebrietur, quoad sanguis e naribus erumpat: quum autem fluere cœperit, ut minimum tredecim diebus fluit: ubi vero hi dies præterierint, non amplius inebrietur, neque ubi semel fluere cœperit: in cibo tamen paulo plus vini bibat, ut sanguis fluat. Jam vero quibusdam sedato sanguine in vesicam irrupit, & sanguis & pus prodiit. Si igitur irruerit, eadem medicamenta, quæ & urinæ difficultate laboranti, exhibeto; & de eodem vino plus propinato. Hic si ita curetur, cibosque per alvum subducentes & opsonia assumat, citissime sanus evadit. Morbus autem gravis est.

CAPUT XX.

*De venæ cavæ sinistræ morbo, seu defluxione recurren-
tente, ejusque causis, signis, & cura-
tione.*

Alius a vena sinistra morbus. In reliquis quidem eadem multitudo, quæ etiam prior, patitur; sed in lienem statim, & per morbi exordia, dolor acutus decumbit. Et, nisi mature animadvertat, priusquam decubuerit, sed ad pulmonem (feratur,) lienis capite apprehenso, quam citissime crustis octo fingis candelarum inurito; & quocunque alius dolor decubuerit, urito; sicque confestim fanescet. At nisi ultus fuerit, sponte autem sanus evadat, plerisque post duodecim annos rursus morbus revertitur; ac, si lienem occuparit, multis hydropem attulit. Sed confestim velut priorem curare, & si videatur, sane etiam similiter ut priorem inurere oportet, si dolor in iisdem articulis constiterit. At nisi ita curatus fuerit, de cætero corruptus moritur: nam morbus gravis est.

SECTIO II.

CAPUT XXI.

De pituita, sive cacochymia, quibusdam speciebus, ac primum de pituita vulgaris curatione; fucus posiremas evomi.

DE pituita autem easdem, quas & de bile, habeo sententias, ejusque multas esse spe-

cies assero. Et hæc quidem vulgaris est; illa vero recentissima, cujus etiam facillima est curatio.

Vomitum enim post cibum duobus aut tribus diebus inducere oportet, insuperque prandere & quiescere, si prioribus diebus semel (in die) cibum sumere, & vehementibus laboribus uti consueverit: alioquin hac victus ratione utatur. Quum vero vomitum inducere voluerit, multa & calida lavetur; & mazam melle & oleo subactam, & panem exassatum hesternum edat; hæc enim magis pituitam trahunt. Opsoniis & oleribus acribus utatur; pingua, dulcia & acida, hæc omnia permixta, idonea assumantur; & oleribus omnibus viridibus utatur; inter epulas vinum dulce, paucum, crebro bibat; in fine placentam, mel & ficus comedat; quumque coenabit, pocula large ebibat. Quumque jam oppletus fuerit, paululum dormiat; deinde expectatus vini aqua tepida temperati magno epoto poculo, vomat; magis enim pituitam & humorem ex carnibus attrahit, corpusque magis exsiccat. Vomat autem, quoad ficus evomuerit: hæc namque postrenæ evomuntur. Hæc quidem eo (die): postero vero, sese ad cœnam usque contineat, & panem coenet, cui nihil fursurum decessit; opsonium autem sit ex valentioribus; vinum vero bibat nigrum, austerum. Hæc igitur vulgaris pituitæ medela est.

Quod si comedere & bibere possit, cibisque delectetur; deinde crura graventur, & color immutatus fuerit; pituitam hunc vexantem in ventriculo esse dicendum. Verum quum sic habuerit, melle, vino dulci, & oleo, nitroque ovilli tali magnitudine, permixtis, ventrem per clysterem subluere oportet: hæc enim in clystere, hominis naturæ mitissima sunt: suum autem cu-

jusque modum esse oportet, vini quidem heminam, olei heminam dimidiam, & mellis tantumdem. At si alvi infusum nolis, humido fomento admoto, perhumectum hominem reddere oportet: sic enim fortassis quoque stercus subduci poterit. Etenim hæc ex ciborum resiccatione ei contingunt: siquis igitur cibos valde succulentos comedat, ab his fortasse non ita vehementer afficietur; & si quandoque afficiatur, parva curatione indigebit. Hunc, ita si curaveris, citissime sanum reddideris.

CAPUT XXII.

De vetustiore pituita (que alba pituita vel leucophlegmatica vocatur, hydropis species) ac de ejus causis, signis, ac curatione.

AT si vetustiore esse pituitam contigerit (hæc autem pituita alba vocatur), his afficitur. Hominem magis gravat, speciemque ab epidemia diversam pallidiorem habere videtur; corpus universum laxo tumore intumescit, facies rubet, os siccum, sitis detinet; & quum comederit, crebra spiratio contingit. Hic eodem die interdum quidem melius habet, interdum vero derepente dolet, & sibi moriturus videtur.

Huic, si venter quidem sua sponte permotus fuerit, sanitati erit proximus: at si alvus sponte turbata non fuerit, cneoro dato, aut hippophae, grano cnidio, vel Magnesio lapide, purgare oportet; & post purgationem, lenticulæ acetabulum unum forbendum, vel duo dato: (in lenticula autem allium concoquatur) betæ etiam pinguis

non conditæ acetabulum, polenta super aspersa dandum: vinum autem bibat nigrum, austerum & valens. Postero vero die mane stadia viginti obambulet: at reversus panem exassatum parvum comedat, & opsonium allium coctum habeat, vini-que ejusdem paululum meracius bibat; deinde stadia triginta ambulet; quumque tempestivum fuerit, quantum prandere consueverat, cœnet. Pro opsonio potissimum quidem pedes suillos, aut capita habeat; sin minus, gallinaceis carnibus, aut suillis tritis utatur: piscibus vero, scorpio, aut dracone, aut cuculo, aut callionymo, aut gobio, aut aliis piscibus, qui similem vim habeant: ex oleribus, aliis solis utatur, neque olerum ullo alio: hæc autem quam plurima comedat, tum cruda, tum assa, & elixa, singulis diebus semper plura; & pro ciborum ratione ex parvo plus laboret.

Hic morbus potissimum per æstatem oritur ex aquæ potu, ad hæc etiam ex multo somnô; judicatur autem triginta diebus, lethalis sit, nec ne. Transactis autem triginta diebus, hæc quidem faciat: per primos autem dies sorbitionibus, lenticula cocta per acetum acidiores facta, & ptisana acida utatur: bibat vero aquam mulsam tepidam, modica polenta inspersa, quo sane corpus emollitum sit ad medicamentorum purgantium potionem; & per hosce dies sub dio dormiat. Quod, si visum fuerit sanguinem e lumbis detrahare, cucurbitulam admoveo, & venas in scroto crassissimas concidito. Hic ita curatus citissime sanus evadet.

CAPUT XXIII.

*De hydropē a cacochymia, seu pituita tenui orto,
ejusque signis & curatione.*

A Pituita in hydropem maxime hoc modo devenitur. Colliquatur pinguedo, & ab ardore, qui pituitæ inest, in aquam vertitur. At hoc, quis sanari possit, & quis non, cognosces: quamdiu enim quis in imo ventre pinguedinem habet, curari non potest. Sed an pinguedo in imo ventre insit, nec ne, his potissimum dignosces: si sane febres advenerint, & erectus stare nequeat, & umbilicus inflatus foras promineat, pinguedinem non amplius inesse dicito, eumque sanari non posse: (si vero febris non successerit, & erectus stare queat, & umbilicus foras non promineat, pinguedinem inesse, & curari posse asserito.) Huic ventrem siccare confert; & panem nigrum cibarium dare calidum non pridianum: opsonia vero asini carnes, canis adulti, & ovis, ac suis maxime assatas, & galli assas calidas, polypos etiam vino nigro austero incoctos edat: vinum bibat nigrum quam crassissimum & acerbissimum: piscibus utatur gobio, dracone, callionymo, cuculo, scorpio: & hujusmodi cæteris, elixis omnibus, pridie coctis, & frigidis (hi enim potissimum quam siccissimi sunt) ac in juscum non immergat, & insulsi pisces sint. Oleribus autem utatur, raphanis & apio: lenticulam vero tostam multo aceto temperatam edat; & interdium, & a cœna, & mane deambulet, vesperi dormiat, & mane exsurgat. Ac si quidem ab his restituatur, satis est; sin minus, ei cneorum aut hippophaes succum,

aut granum cnidium propinato; & post purgationem duas lenticulæ heminas superforbeat, & parvum panem comedat: vinum autem bibat nigrum, acerbum, modicum. Medicamentum autem bis die, quoad mollis sit (venter,) bibat. Quod si in scroto & femoribus, ac tibiis tumor constiterit, peracuto scalpello multis & crebris vulnufculis scarificato. Hæc si feceris, cito sanum efficies.

CAPUT XXIV.

De hydropē pulmonis aut pectoris, a copioso aquæ potu, aut tuberculo procreato, ejusque signis & curatione.

HYdrops autem ex his oritur. Quum æstatis tempore siti premente copiosam aquam biberis (quandoquidem inde maxime gigni solet) & pulmo expletus fuerit, rursus in pectus dimittit: quumque in pectore manserit, vehementem ardorem excitat, ita ut pinguedinem, quæ in arteriis inest, liquefaciat: at, si semel pinguedo multo magis liqueferi cœperit, hydropem brevi efficit. Gignitur etiam, ubi tubercula in pulmone exorta fuerint, & aqua repleta in pectus eruperint. Quod autem etiam a tuberculis oriatur hydrops, mihi argumento sunt boves, canes, & fures: in his enim quadrupedibus maxime pulmonis tubercula oriuntur, quæ aquam continent: sectione namque facta, citissime cognoveris, nam aqua effluet. Talia autem multo magis etiam in homine, quam pecoribus, fieri videntur, quanto morbosius magis etiam victus

ratione utimur: plerique vero exortis tuberculis, purulenti etiam facti fuerunt.

Hæc igitur per initia morbo oboriuntur; tussis sicca, & fauces exasperari videntur; & rigor, & febris succedit, & erecta cervice spiratio; corpus extuberat, pedes maxime tument, ungues contrahuntur; &, quamdiu quidem in superiore ventre hydrops fuerit, adest acutus dolor; quum vero ad inferiorem ventrem devenerit, melius habere videtur; deinde progrediente tempore, impleto ventre, eadem, quæ prius, patitur. Interdum vero ad latus intumescit, & qua parte secandum sit, indicat: quod si non indicet, multa calida lotum, humeris comprehensum concutito; deinde, utro in latere magis (materia) fluctuet, auscultato: hoc intellecto, tertiam ab ultima costam ad os usque secato; deinde terebra acuta ulterius perforato; quumque perforata fuerit, aquæ parum educito; quumque eduxeris, lino crudo obtura, & mollem spongiam supra apponito; deinde ne penicillus decidat, deligato. Per duodecim autem dies, semel die aqua educenda; post duodecim vero dies, decimotertio tota aqua educenda; & reliquo tempore, si ab aqua distentio fiat, exhaurienda, venterque cibus reficcandus.

Hæc autem post sectionem exhibenda. Succum filphii drachmæ pondere apparatus, & aristolochiæ tali cervini magnitudine crustulum derafum, & lentium ervique torrefactorum polentam, utriusque purgatæ choenidis dimidium, hæc melle & aceto subigito; deinde sexaginta trochiscos formato, & unum tritum quotidie, vini nigri austeri quam suavissimi heminæ dimidio diluito; mox jejuno; potui exhibeto: reliquam vero victus rationem & exercitationem eandem, quam

& priori tempore, habere iubeto: &, si pudentia ac femora intumuerint, audacter scarificato. Hunc, si ita curaveris, citissime sanum reddes.

C A P U T XXV.

De hydropse jecoris phlegmone œdematosa succedente, ejusque signis, curatione, & chirurgia.

HYdrops ab hepate. Hydrops ab hepate oritur, quum ad hepar pituita accesserit, eamque hepar exceperit, & humectatum fuerit. Quamprimum igitur ardorem huic præbet, & flatum excitat: deinde vero tempore, aqua impletur: posteaque in corpus morsus incidit, in tibiis & pedibus tumor est; hepar durum (reducitur) ac tumet, & claviculæ extenuantur.

Huic, quum ita habuerit, per morbi exordia, si hepar doluerit, organum tritum, & laserpitii succum cryi quantitate, in vini albi hemina dimidia macerata, potui exhibeto; & lactis caprini poculum quatuor heminarum, tertia aquæ mulsæ admixta parte. Primis autem decem diebus cibis abstineat: hi namque morbum, lethalis sit, nec ne, dijudicant: ptisanæ autem cremorem melle affuso coctum forbeat: vinum vero album Mendæum, aut aliud suavissimum aquosum bibat. Quum autem dies decem præterierint, cibos puros assumat, & pro opsonio galli carnes assas calidas habeat; sed habeat catulinas etiam coctas; pisce vero galeo & torpedine assatis utatur: vinum autem idem bibat. Ac

si quidem ab his (remediis) defierit, fatis est: sin minus, ubi certe ipse crassissimus evaserit, & hepar maximum, fungis candelarum inurito; sic enim citissime sanum reddideris: octo autem crustis inurere oportet.

C A P U T XXVI.

De hydrope ascite ab hepate aqua in ventrem erumpente, ejusque curatione.

AT si hydrops innascatur, & in ventrem erumpat, iisdem medicamentis, & potibus, & cibis, & exercitationibus, quibus priores, curato; vinum vero austerum nigrum bibat. Quod si ab hepate decedere tibi videatur, ubi apparuerit, ferramento inurito, & aquam paulatim educito, velutque reliquos priores curato. Si vero ex his non convalescat, tempore contabescens moritur: morbus enim gravis est, & pauci hunc effugiunt.

C A P U T XXVII.

De lienis inflammatione, & huic succedente hydrope, ejusque causis, signis, & curatione.

HYdrops a liene. At hydrops a liene hoc modo, & ab hac potissimum causa oritur; quum autumnus est, & ipse comederit ficus, multas, virides, & poma: plerique vero

jam etiam a multo racemorum cibo, & multo copioso, in morbum inciderunt.

Si quis igitur in morbum collapsurus est, confestim in doloribus jacet: acuti namque dolores in liene consistunt, & ad humerum, claviculam, manimam ac ilia transeunt, & febres vehementes detinent; venterque, etiamsi parum quid comederit, impletur, lien attollitur, & dolorem præbet. Hic morbus si diuturnus fuerit, reliquo quidem tempore minus dolet: quum vero pomorum tempus aderit, eaque comederit, magis quam antea dolet.

Hunc ita habentem per exordia curato, veratro supra exhibito, infra vero cneoro, aut hippophaes succo, aut grano cnidio, & lacte asinino ad heminas octo, melle affuso. Quod si quidem ab his restituatur, satis est: sin minus, ubi lien maximus fuerit, & maxime intumuerit, capitibus multis apprehensis, candelarum fungis inurito, aut ferramentis, cum multa cautione, & observatione, ne ulterius peruras. Hæc per morbi exordia facito, istamque victus rationem adhibeto, si febris non detineat; pane quidem utatur triticeo tosto, aut ex duro tritico, bis cocto: opsonium fassamentum Gaditanum, aut saperdam habeat, & carnem ovillam tritam, acida & salsa omnia comedat; vinumque austerrum Coum quam nigerrimum bibat: dulcibus vero abstineat. Quod si exsurgat validusque sit, summis humeris luctetur, & interdiu multis circuitibus exerceatur, ac ea quæ dicta sunt, in cibumumat. Quod si supervenerit hydrops, per eadem & iisdem, sicut etiam priores, curato.

CAPUT XXVIII.

De hydropē universali ab itinere, & aquæ statariæ potu orto, ejusque signis ac curatione.

HYdrops universalis. Hic hydrops ab his oritur. Quum quis per æstatis tempus ex longo viæ itinere in aquam pluviam & statariam inciderit, eamque avide copiosam biberit: si igitur carnes aquam ebiberint, & in se continuerint, nusquam autem secessus fiat, hæc contingunt. Si sane in carne fuerit, ardorem ventri & corpori exhibet, proindeque pinguedo ventrem ambiens colliquescit. Hic interea sane si incedat, nihil mali habere videtur; quum autem ab incessu cessarit, solque occiderit, confestim multum laborem exhibet. Progrediente vero morbo, admodum extenuatur; sique etiam cibi inappetentia succedat, multo magis extenuatur. Quod si cibos quidem edere possit, exerceri autem nequeat, amplius etiam læditur; horum plerisque tumor etiam toto corpore excitatur. Et extenuato quidem color lividus fit, & venter magnus, litis venemens detinet; viscera vero ejus præ calore inflammantur: temporis vero progressu ad edendum quidem proniptus est, & quicquid quis exhibuerit, comedit, & bibit, nihilque dolet. Quod si tumor detineat, ejus color pallidus fit, venæque nigræ crebræ per corpus distenduntur; ex re quavis irascitur & tristitia afficitur, quamvis novi nihil accedat; venter autem perhumidus & magnus, ac (pellucet) velut laterna; & procedente tempore cibos non admittit; sed videntur ipsi cucumerem agrestem olere præ fastidio.

Huic, quum sic habuerit, cneori, aut hippophaes succum, aut granum cnidium exhibeto: hæc vero medicamenta sic exhibere oportet: cneorum quidem sexto die, hippophaes vero succum octavo, & granum cnidium decimo: eaque dare oportet, quoad expurgetur & vacuatione mollis sit. Intermediis vero diebus eadem, quæ prior, in cibo sumat: potissimum vero ejus aquæ, ex qua morbus corripuit, quamplurimum propinato, quo ejus ventrem turbet, & multum deiciat: sic enim maxime sanum facies. Quod si tibi videatur crebro etiam clystere opus esse, ex cneoro trito ad dimidiâ heminam, mellis tertia heminæ parte admixta, & betæ succo ad quartam heminæ partem diluto; deinde sic clystere subluo; & lactis asinini cocti postero die affuso inelle octo heminas exhibeto, aut injecto sale propinato. Post purgationem iisdem, quibus etiam prior, utatur; & interjectis diebus cibos, & potus eosdem adhibeat, similesque deambulationes. Hic sic curatus, brevi hoc morbo liberabitur, intra tertium aut sextum mensem: quod si negligentia aliqua contigerit, neque statim curatus fuerit, cito moritur. Extenuatus quoque iisdem ad curationem uti debet: prius autem ejus corpus fomentis præhumeâre oportet, quo magis medicamentis obsequatur. Verum cito curatio adhibenda; sin minus, plerisque morbus confenescit. Ex his autem clysteres parandi sunt, utricumque morborum (mederi) volueris. Vini albi heminas duas sumito, mellis heminam dimidiâ, olei heminam dimidiâ, nitri Ægyptii torrefacti quadrantem, & succi foliorum cucumeris agrestis tusorum & expressorum heminam: his omnibus mixtis, in ollulam aliquam infusis & fervefactis, sic per infusum subluo.

CAPUT XXIX.

De morbo hepatico ab atra bile, seu de hepatis inflammatione scirrhusa, ejusque causis, signis, & curatione.

MOrbus hepaticus. Hic morbus oritur ab atra bile, quum ad hepar confluerit: adoritur autem potissimum autumnis, in anni mutationibus.

His autem afficitur ægrotus. Dolor ipsi acutus ad hepar incidit, & sub postremas costas, & ad humerum, & ad jugulum, & sub mammam, vehementique suffocatio detinet: interdum etiam bilem lividam evomit; & rigor, & febris primis diebus imbecillior tenet, dum tangitur, hepar dolet, illius color est sublividus; eumque cibi, quos antea comedebat, strangulant, & in ventrem irruentes incendunt, & tormina excitant. Hæc quidem per exordia patitur: at procedente morbo, tum febres remittunt, tum a paucis cibis impletur, & in hepate solus dolor remanet; isque interdum quidem vehemens, interdum minor & interquiescens: quandoque vero acutus invadit, ac sæpe derepente (æger) animam afflavit.

Huic confert, quum dolor detinet tum alia, tum sane fomenta eadem quæ pleuritidi, admove: quum autem dolor remiserit, ipsum multa calida lavato, & aquam mulsam & vinum album dulce, aut austerum, utrumcunque conduxerit, propinato, easdemque sorbitiones quas pleuritide correpto. Ad dolorem autem hæc potui exhibenda: vitellum ovi gallinacei cocti tritum, succi solani heminx dimidium, tum aquæ mulsæ semi-

heminae dimidium: hæc commixta potui exhibere, & dolorem sedabunt: quotidie autem exhibenda, quoad cessaverit dolor. Silphii etiam succum ervi quantitate, & origanum tritum vino albo dilutum, eodem modo jejunos bibat: medicamenta vero etiam, quæ in pleuritide doloris gratia exhibentur, superbibat: sed & lac caprinum, tertia mellis parte admixta bibat; sint autem lactis heminae quatuor: hoc mane bibat, quum alia non biberit. A cibis autem absteineat, quoad morbus judicatus fuerit; judicatur vero maxime diebus septem: in his enim lethalis sit, necne, manifestum sit. Quod si etiam suffocatio urgeat; hæc, uti revomat, exhibere oportet; mel, aquam, acetum & sales; hæc mixta in ollulam novam infunde; postea tepefacta, & origani capitati ramulis cum semine agitata, tepida ebibenda dato: deinde vestibis injectis, donec maxime exsudet, contextum finito; quumque vomitus prehenderit, levi penna proritus alacriter vomat: at si vomere nequeat, aquæ mulsæ tepidæ duarum heminarum poculo insuper epoto, sic vomat: & si quid bilis aut pituitæ evomuerit, rursus idem post horas quatuor faciendum, proderit enim. Post morbi autem judicationem, paucis cibis puris exhibitis curato: & si quidem panem edere consueverit, panem calidum & quam maxime purum edat: si vero mazam, (vino dulci) non subactam comedat, antea tamen subactam. Pro opsonio carnes catelli elixas habeat, aut columbi, aut pulli gallinaei, iisque omnibus elixis utatur: piscibus vero, galeo, torpedine, pastinaca, & parvulis batidibus, omnibus elixis. Lavet autem singulis diebus, frigus vitet, & parum obambulet, quoad in tuto sit. Hæc sane si observentur, haud metus est, rur-

sus morbum reverti: hujusmodi enim morbus molestus est, ac diuturnus.

CAPUT XXX.

De hepatico morbo, seu hepatis erysipellate, aut phlegmone erysipelatoſa, ejuſque cauſis, ſignis, & curatione.

Alius hepaticus morbus. Dolores quidem eodem modo ad hepar urgent; & color a priore differt, malicorio namque est ſimilis. Obo-ritur autem potiſſimum morbus æſtatis tempore: oritur vero a carnis bubulæ eſu, & ebrietate: hæc enim omnia iſto anni tempore jecori ſunt infeſtiſſima, & bilem maxime ad hepar adducunt.

His ſane afficitur. Dolores acuti ingruunt, neque hora ulla deferunt, ſed ſemper magis urgent. Interdum etiam bilem pallidam vomit; & ubi vomuerit, paulo meliuſcule habere videtur: quod ſi non evomuerit, bilis ad oculos pervenit, & admodum pallidi ſunt, pedesque tument. Hæc interdum quidem vehementer, interdum vero levius patitur: quum autem dies præterierint, in quibus morbus judicatur, ac dolor factus ſit mitior, ſi nihil peccatum fuerit; eandem quam prius, victus rationem inſtituere oportet: nam ſi intempeſtively inebriatus fuerit, aut venere uſus ſit, aut quid aliud minime commodum fecerit; ipſi conſeſſim hepar durum evadit, & tumet, & præ dolore pulſat; ac ſi qua in re feſtinarit, derepente hepar, totumque corpus dolet.

Huic, quum ſic habuerit, primique dies præterierint, fomentum admoveto; deinde ſcanno-

nio subpurgato. Quod si venter incensus fuerit, clystere proluendus, qui probe ducat, ex iisdem, quibus & in prioribus usus es: ac post clystere lacte asinino cocto ad heminas octo subpurga; melle autem affuso propina. Lactis etiam caprini poculum quatuor heminarum mensura, aquæ mulsæ triente commixto, mane exhibeto: lactis quoque caprini cocti heminas duas dato, aquæ mulsæ tertia parte admixta, aut solo melle affuso: lac etiam equinum eodem, quo asininum, modo exhibeto. Quod si his curatus morbus cesserit, satis est: sin minus, internam dextri cubiti venam secato, & sanguinem emittito. Si vero id tibi visum non fuerit, lacte asinino aut bubuli lactis crudi heminas duas, tertia mulsæ parte admixta, singulis diebus ad dies decem dato; deinde aliis duodecim diebus, aquæ mulsæ sextante affuso, potui exhibeto. De cætero vero, lac ipsum ad duas heminas, donec pinguior evaserit, exhibendum. At si neque sic sedetur, quum hepar maximum fuerit, maximeque prominuerit, inurere oportet: ure autem buxeis fuffis oleo fervente intinctis, eosque donec recte habuerit, ustioque perfecta fuerit, admoveto: aut fungis candelarum octo crustas inurito. Si enim ustio successerit, sanum reddes, ac reliquo tempore facilius deget; at si ustio minime successerit, de cætero per alia remedia non convalescens, contabescit & moritur.



CAPUT XXXI.

De tertia hepatitide ex bilis translatione ab hepate ad cerebrum, ejusque signis, & curatione.

Alia hepatitis. Cætera quidem multitudine eadem, quæ prioribus, contingunt: color vero niger est. Bilis autem hepatis, pituita & sanguini referta, velut ratiocinamur, erumpit; quumque eruperit, citissime insanit, indignatur, & stulta loquitur, & ut canis latrat; & hujus ungues puniceo sunt colore; oculis cernere non potest; pili capitis erecti stant; & febris acuta invadit.

Huic eadem, quæ prioribus, adhibere oportet; plerique vero intra undecim dies moriuntur; paucique evadunt.

CAPUT XXXII.

De primo lienis morbo, seu lienis intemperie calida cum bile, aut phlegmone erysipelatoſa; ejusque symptomatibus, signis, & curatione.

Lienis morbus primus. Gignitur autem ejusmodi morbus, bile ſolis calore commota, quum bilem ad ſe lien traxerit.

Hæc igitur patitur. Febris acuta per initia ſuccedit; progrediente vero morbo remittit, præterquam circa lienem ipſum; ſemper autem hic calor perſtat; dolorque acutus per intervallatum in ilia tum in ventrem incidit. Cibos autem

per exordia quidem admittit, non autem admodum secedunt: procedente vero morbo, color pallidus evadit, dolor vehemens ingruit, & claviculæ extenuantur, neque cibos, velut per initia, facile admittit, & paucis impletur. Lien autem interdum eodem die magnus, & interdum minor evadit.

Huic, quum sic habuerit, veratrum bibendum dato, tuncque grano cnidio subter purgato: post purgationem autem vesperi lenticulæ acidioris heminam forbendam exhibeto, & betarum mollium heminam, polenta inspersa. Postero vero & tertio die, parvum panem dato; pro opsonio, lenticula utatur; & carne suilla contusa cum lenticula cocta: vinum austerum, nigrum, paulo meracius bibat; & per hosce dies quietem agat; tamen intus in umbra paululum obambulet. Reliquo vero tempore hæc exhibere oportet; in cibo quidem panem cibarium; pro opsonio carnem canis majusculi, aut capræ, aut oviculæ tusam habeat, & fassamentum Gaditanum, aut saperdam, acidaque & falsa omnia, acerbaque exhibeantur: vinum Coum, subalstringens, quam nigerrimum bibat; dulcibus, pinguibus, & nidorosis abstineat; silphium minime exhibeatur, neque allia, neque caro porcina, neque mugil, neque recens, neque sale conditus, neque anguilla, neque olus ullum coctum sine aceto. Ex crudis eduliis, radicula & apio aceto intinctis utatur, polentam edat vino subactam; & vinum meracum forbeat: quod si velit, panem etiam in vino intritum, calidum comedat: ex piscibus vero scorpium, draconem, cuculum, gobium, callionymum, eosque elixos & frigidos exhibeto. Dato etiam singulis diebus, quæ lienem attenuare valent, asphodeli semen, aut visci folia, aut

foenum græcum, aut viticis semen, aut rutam, aut menthæ radicem: ex his quod volueris, tritum, in vini austeri hemina, jejuno exhibeto. Quod si validus fuerit, triginta diebus ipsum lingua secare cogito: summis quoque humeris luctetur, interdium obambulet; vesperti dormiat, mane vero surgat; & quæ dicta sunt, his vescatur. At si ne his quidem meliuscule habeat, lienem candellarum fungis, quum maximus lien & sublatus maxime fuerit, decem magnis crustis inurito: si enim, ut decet, ustio successerit, sanum reddes in brevi. Hic autem morbus curatione indiget; gravis enim est & diuturnus; nisi confestim curatio adhibita fuerit.

CAPUT XXXIII.

De secundo lienis morbo, aut lienis phlegmone scirrhusa, ac ejus symptomatibus, signis; & curatione.

Alius lienis morbus. Ab iisdem quidem, a quibus & prior, oritur: his vero ab hoc morbo afficitur: venter inflatur; postea vero lien tumet, durus est, & dolores acuti in lienem incidunt: color autem immutatur, & niger videtur, subpallidus malicorii instar; ex aure male olet; & gingivæ male olent, eæque a dentibus decedunt; & in tibiis ulcera, qualia pustulæ nocturnæ, erumpunt; membra extenuantur; neque sterqus per alvum dejicitur.

Hunc, quum ita habuerit, iisdem medicamentis, ac eduliis, & potu, exercitationeque, ac reliquis omnibus curato; quumque feces non dejiciuntur, his alvum subluo: mellis hemina dimidium, & nîtri Ægyptii tanto quanto ovillus talus,

hæc ex betarum coctarum aqua ad quatuor heminas terito & diluito; deinde hoc infuso subluo. Quod si his morbus non sedetur, ejus lienem velut prioris, inurito; &, si ustio successerit, sanum efficies.

CAPUT XXXIV.

De tertio lienis morbo, aut inflammatione a peculiari plethora, ejusque symptomatibus, signis, & curatione.

Alius lienis morbus. Quavis quidem anni tempestate; sed maxime verna, atque a sanguine oritur. Quum enim sanguine lien repletus fuerit, in ventrem erumpit; & in lienem dolores acuti, in mammam, jugulum, humerum, & sub scapulam irruunt: color autem corporis plumbeus, leves cutis lacerationes in tibiis habet, & ex iis magna ulcera oriuntur. Et quæ primum per inferiora secedunt, cruenta sunt, & æruginosa; venter durus subit, & lien tanquam lapis est. Hic morbus superioribus magis lethalis est, ex eoque pauci evadunt.

Hunc, quum ita affectus fuerit, iisdem quibus priorem curato, sed medicamentum sursum purgans ne dederis: deorsum vero cocco cnidio purgato: postero die quoque lactis equini cocti heminas octo, melle affuso (exhibeto): sin minus, lacti bubulo aut caprino cocto ad duos congios, melle in altero poculo affuso, & alternatim bibere oportet. Sub vesperum vero post purgationem eadem, quæ priori, exhibeto post medicamentum; sique visum fuerit, sanguinem ex interiore sinistri cubiti vena detrahito. Per reliquos

quos autem dies jejuno singulis diebus lactis bubuli quatuor heminas, tertia murræ parte admixta, exhibeto. Cibis autem, potibus, & reliquis aliis, iisdem, quibus priorem, curatum hic, tum superiores, venere & vinolentia abstineant. Quod, si tibi visum fuerit, etiam cum crassissimus & maximus lien evaserit, inuito. Et, si opportune ultio successerit, sanum efficies: at si sub hac curatione non convalescat, tempore contabescens moritur; nam admodum gravis est morbus.

CAPUT XXXV.

De quarto lienis morbo, vel tumore a pituita orto, ejusque signis, & curatione.

Alius lienis morbus. Hic etiam morbus vere potissimum contingit, quum lien in se pituitam exceperit, statimque tumidus & durus evaserit; deinde rursus subsidit. Et, quum quidem sublatus fuerit, dolores acuti incidunt; quum vero mollis est, abest dolor: quumque morbus inveteraverit, obscurior esse videtur, & assurgit, celeriterque deprimitur. Hic, quum sic habuerit, per morbi exordia cibos admittere non potest, & cito extenuatur, magnaque intemperie corpus afficitur. Morbus autem nisi statim curatus, aut sua sponte sedatus fuerit, quinque aut sex intermissis mensibus rursus exsurgit, per hiemem autem præcipue intermittit.

Hunc si per exordia curandum sumpseris, de
Princip. Art. Med. Tom. II. F f

cem crustis ad lienem inurito, statimque sanum reddes: quod si non ufferis, iisdem medicamentis, & eduliis, & potibus, ac laboribus, quibus superiores, curato: sic enim celerrime sanum reddideris. Hujus autem color exalbidus, nunc subpallidus, nunc squalidus est.

C A P U T XXXVI.

De quinto lienis morbo, inflammatione in scirrhum mutata, ejusque causis, & curatione.

Alius lienis morbus. Ab atra bile potissimum autumno oritur: fit autem ex olerum esu, quæ cruda comeduntur, & aquæ potu.

His igitur afficitur, ubi morbus prehenderit; lien valde dolet, & rigor & febris invadit, cibi inappetentia detinet, totumque corpus celerriter concidit. Lien autem magnus quidem admodum non evadit, sed durus, & ad viscera prolabitur, adjacensque (humores) fugit.

Hunc, quum ita habuerit, iisdem tum medicamentis, tum eduliis, tum potibus, tum laboribus, quibus etiam superiores, curato. Ac si (se) tibi commiserit, eum, quo alios, modo inurito. Hic morbus in plerisque, si confestim curatus fuerit, cito decedit,

CAPUT XXXVII.

*De iſtero primo, a bile æſtate commota orto;
ejuſque ſignis, & curatione.*

ICteri quatuor. Primus quidem æſtate maxime corripit, a bile commota: bilis igitur ſub cute & in capite colligitur, proindeque ſtatim corpus colorem immutat, pallidumque ceu malicorium evadit; oculi pallidi ſunt, & ſub pilis capitis velut lanugo ſubest; & rigor & febris prehendit; urinam mejit pallidam, in eaque craſſum ſubpallidum ſubſidet; mane quamdiu jejunos fuerit, ad os ventriculi & viſcera ſtrepitus editur; &, ſi quis eum adloquatur, aut interroget, ægre fert, ac triſtatur, neque audire ſuſtinet. Stercus autem progrediens, ex pallido albicat, & male olet: hic, quum ita habuerit, intra dies quatuordecim poſſimum moritur: ſi vero hos effugerit, convaleſcit.

Eum autem ita curare oportet: quum febris remiſerit, multa calida loto aquam muſam propinato, & ſorbitionibus utatur, ptifanæ cremore melle aſuſo (atque mel ne concoquas) quoad quatuordecim dies præterierint; hi namque, lethalis ſit, necne, decernunt. Poſtea autem bis die lavato, & in cibo exhibeto primum pauca, quæcunque maxime amiſerit; deinde tamen plura porrigito: vinum album quamplurimum interdum bibat; &, ſi procedente tempore pallidus ac imbecillus tibi videatur, a cibis vomitum fieri, velut in ſuperioribus morbis habetur, jubeto. Quod ſi his quidem ſedetur, ſatis eſt; ſin minus, veratrum propinato: poſt ejuſmodi vero purgationem, veſperi mazam mol-

lem, aut panis medullam comedat: pro opsonio pullum edat gallinaceum percoctum, cum cepa, coriandro, caseo, sale, sesamo, & uva passa alba probe elixum: vinum autem album, austerrum, quam vetustissimum bibat: alvumque inferiorem subpurgato. Postero die, cicerum alborum cremore, melle affuso, utatur, talisque succi heminas duas ebibat. Tertio vero die, singulis diebus hanc aquam, ex his decoctam, bibere incipiat: fœniculi radices tenues, quantum pugillo, aut tribus digitis comprehenditur, in duos aquæ congios immittito, & coquito, dum dimidium remaneat: & cicerum alborum chœnicem in duobus (aquæ) congiis, de quo dimidium bibat: hæc quum remanserint, colata sub dio exponito, & ambobus permixtis, vinum hac aqua diluat, & bibat; & aquam ipsam solam, si velit, quam plurimam potet, nec aliam aquam bibat. Quod si potum istum aversetur, hunc ita paratum exhibeto. Caricarum albarum chœnicem duobus congiis decoctam colato, & sub dio exponito; deinde aquam hanc solam, si velit, aut vino mixtam bibat; eam vero non confertim multam bibat, sed per intervalla dimidiam heminam, ut alvi perfluvium ei ne superveniat; parvoque interposito tempore, bibat. Optima vero & hæc quotidie jejuno potui exhibita, trita & vini albi veteris hemina diluta; apii semen, cucumeris semen, fœniculi semen, cuminum Æthiopicum, adiantum, coriandrum herba, uvæ passæ albæ. Hæc & illa si biberit, juvabitur, celerrimeque sanus evadet.

CAPUT XXXVIII.

De ictero secundo, hieme tum ab ebrietate & rigore, tum a bile per suppressionem coacervata orto, ejusque causis, signis, & curatione.

Alius icterus. Hic hiemis tempore ex temulentia & frigore invadit: primum autem invadere incipit rigor; deinde etiam febris detinet; & corporis humidum sub cute conerescit: ex his autem rem se ita habere proditur. Ejus corpus lividum est, & subdum; & quæ venæ per corpus distenduntur, sunt pallidæ, majores & crassiores quam antea; quædam etiam subnigræ subtenduntur. Ex his aliquam si quis secuerit, sanguis defluet pallidus, si pallidæ sint venæ; si vero nigræ fuerint, niger sanguis defluet. Et vestem corpori adjacentem præ pruritu ferre non potest; hic ad eundum & ambulandum promptus est, sed præ imbecillitate ejus crura titubant; & vehementer sitit. Hic morbus superiore non minus lethalis est, in longius autem tempus progreditur, nisi primis septem diebus sanescat: quod si morbus producatur, & ad octavum aut nonum diem extendatur, in lectum incidit, morbusque & dolor magis urget, neque exsurgere potest, & plerique intra hoc tempus confestim pereant.

Huic, quum sic habuerit, si ad eum initio morbi accesseris, ubi septem jam dies præterierint, veratrum propinato: inferiorem vero album (cicerum alborum) succo, velut in superiore (morbo), subpurgato, aliaque eadem medicamenta exhibeto: cantharidas etiam sine alis

& capite tritas quatuor, & ex vini albi hemina dimidia dilutas exhibeto; jam vero etiam pauco melle affuso, mox ita propinato; idque bis aut ter in die bibat. Procedente autem morbo, balneis & fomentis curato. Quæcunque vero expetit, edat; vinum album, austerum bibat; reliquaque eadem offerantur, quæ & priori. Hic morbus, nisi probe per initia curatus fuerit, diuturnus est & molestus.

C A P U T XXXIX.

De tertio ictero epidemio, ab hepatis obstructione ex satietate & ebrietate, orto; ejusque signis, & curatione.

Alius icterus. Hic popularis vocatur, quod omni tempestateprehendat: a satietate autem & temulentia potissimum oritur; & postquam riguerit, quamprimum sane corpus immutatur, & pallidum evadit, & oculi admodum pallidi; sub capillos & ungues illabatur morbus; & rigor & febris levis detinet, corpus debilitatur, caput dolor occupat, pallidamque & crassam urinam reddit. Hic icterus superioribus minus lethalis est, & curatus brevi sanatur.

Huic, quum sic habuerit, cubiti venas incidito, & sanguinem detrahito: deinde fotu admoto, elaterium propinato: tertio vero die, asinino lacte rursus deorsum aliquantum purgato. Reliquas autem forbitiones, potus, & cibos eosdem, quos & priori, exhibeto; ejus caput crebro purgato, & rupicis (jusculum) bibat, eumque multa calida lavato; & derafas rupicis

carnes ex vino albo propinato; & ad reliqua omnia iisdem utatur, & brevi convalescet.

CAPUT XL.

*De quarto ictero, hyberno, a pituita orto;
ejusque signis, & curatione.*

Alius icterus. A pituita quidem oritur; præcipueque per hiemem invadit: hujus color albus est; ejusque pectus pituita plenum est, & salivam multam exspuit; quumque exscreat, ei singultus contingit; & urinam albam & crassam reddit, in cujus imo velut farina subsidet. Hic icterus minime est lethalis, brevique sanescit.

Huic, quum ita habuerit, granum Cnidium propinato; postque purgationem, cremoris ptisanæ quatuor heminas, affuso melle sorbendas exhibeto: ventrem vero superiorem per vomitum, velut in superioribus, purgato: sic enim facillime pituitam ex pulmone & arteriis eduxerit: & gargarismum ei frequenter apparato. Hic aliquando levi febre febricitat, & horror tenuis oboritur. De cætero, iisdem, quibus superiores icteros, tum medicamentis, tum fomentis, tum balneis, eduliis, potibus, ac sorbitionibus curato: sic enim potissimum sanum efficies.

S E C T I O III.

C A P U T XII.

De typho primo, a bile per corpus commota cum sentiendi, movendique impotentia; ejusque symptomatibus, & curatione.

MOrbus, qui typhus vocatur. Typhus quidem appellatur hic morbus; invadit autem æstatis tempore, quum canis sidus oritur, bile per corpus agitata. Statim igitur cum febres vehementes corripunt, & acutus ardor, & a gravitate imbecillitas, crurumque ac manuum impotentia, quæ nullum ei usum præstant, venter perturbatur, & quæ dejiciuntur, graviter olent, vehementiaque tormina succedunt. His etiam afficitur; si quis eum erigere velit, rectus stare nequit, neque oculis intueri præ ardore; &, si quis ipsum interroget, præ dolore respondere non potest. Quum vero interiturus est, tum acutius cernit, tum audacter loquitur; & potum & cibum postulat; &, si quis cibum exhibuerit, brevi etiam, nisi evomuerit, animam emittit. Huic morbus septem aut quatuordecim diebus judicatur: multi vero etiam ad viginti quatuor perveniunt: hos igitur, si effugerit, convalescet; his enim diebus, lethalis sit, necne, declaratur.

Hunc ita se habentem ita curato. Primis diebus balneo quidem abstineat; vino autem & oleo tepido in cubili illinito: cibis abstineat; forbitiones autem tenues & frigidas exhibeto. Vinum autem, si ipsi conferat, nigrum, austerum

bibat; sin minus, album, aquosum, austerum: quod si vehemens sitis ex ardore urgeat, ubi confertim potum multum exhibueris, vomere jubeo, idque bis aut ter facito. Quumque ardor tenuerit, attrita lintea frigidae immerfa, qua præcipue parte ardere se dixerit, admoveto: at si horror corpus detinuerit, refrigerantia remittito. Hic, quum laboraverit, maxime periclitabitur, ne ex hujusmodi dolore derепente animam emittat: verum ei ad dolorem eadem medicamenta, quæ pleuritide laboranti, studiose exhibenda sunt. Quum vero surrexerit, cibo, potu, & balneis quam citissime recreandus est: morbus enim gravis est, paucique evadunt.

CAPUT XLII.

De typho secundo, a superflua corporis humiditate, ejusque causis, signis & curatione.

Alius typhus. Morbus quidem omni anni tempestate invadit: ob corporis autem humiditatem oritur, quum cibos humidos & copiosum potum carnes exorbuerint, & madidæ factæ sint; ab his potissimum morbus generatur.

Per exordia igitur febris tertiana aut quartana exoriri incipit, dolor vehemens capiti insidet, & interdum in corpore, sed intermittit; & salivam evomit, crebro ructat, & oculorum regiones dolet; vultus (ut apua) exalbescit, ad pedes tumor delabitur, interdum vero etiam totum corpus tumet; & ad pectus & dorsum aliquando dolor excurrit: venter turbatur; oculis acriter

intuetur; sputum copiosum & spumofum exspuit, quod faucibus adhærescere videtur, ipsaque exasperat, plerumque vero etiam fauces inflammantur. Hic, quum sic habuerit, sicque dolor presserit, eique vehemens erectæ cervicis spiratio inciderit; interdum, frequenterque, de repente intra septem aut quatuordecim dies præ dolore animam emittit: plerique vero etiam ad vigesimum quartum perdurant. Sæpe quoque de repente morbus remittit, & sanus esse videtur: verum diligenter cavere oportet, quoad quatuor & viginti dies præterierint; hos enim si effugerit, vix moritur.

Huic, quum ita habuerit, primis diebus forbitio, farina elixa, tenui melle affuso, exhibenda est: vinum vero nigrum paulatim potui dandum, prout voluerit, temperatum. At cibos, priusquam hi dies præterierint, ne porrigito: polypos ex vino coctos edendos dato; & jus forbendum; radículasque multas comedendas. Et nasturtii semen tostum, molitum, & tenuiter cribratum; deinde in vinum nigrum, austerum injiciens cum tenui, modica polenta mane bibendum dato. Balneo abstineat, quoad hi dies præterierint: vino & oleo tepesactis, in cubili illine, & absterge: ac preoniæ feminis grana decem ex vino nigro decocta potui exhibeto: & raporum probe decoctorum jusculum forbeat, casso insulso conditum, papavere, sale, oleo, silphio, & aceto. Quod si medicamentum propinare velis, granum Cnidium propinato: & post purgationem, farinæ coctæ, & pinguis duas heminas forbendas dato, idemque vinum bibat. Huic medicamenta, forbitiones, & poriones, quasunque dederis, sive singula per se, sive plura simul exhibueris, profuerint; sicque citissime

sanum reddideris. Morbus autem gravis est, paucique effugiunt.

CAPUT XLIII.

De tertio typho ex bilis putrefacta, sanguini permixta, in venas & articulos decubitu, orto, unde motionis difficultas; ac de ejus causis, signis, & curatione.

Alius typhus. Hic quidem hanc ob causam agnitur; quum bilis putrefacta sanguini per venas & articulos permixta fuerit, quum sanguis steterit; in articulis autem præcipue consistit; quandoque etiam in reliquum corpus universon decumbit, doloresque acutos exhibet. Plerique etiam ex hujusmodi morbo claudi evadunt, quum bilis in articulis intercepta in tofum obduruerit; dolor vero intermittens per tres & quatuor dies invadit.

Hunc, quum ita affectus fuerit, sic curato. Dolore in corpore exsuperante, fofus tepentes, oleo prius illito, parare & admoveere oportet. Quum autem remiserit, veratrum ipsi exhibeto, fofu prius universo corpori admoto. Postero autem die serum lactis caprini decoctum ad duos congios potui exhibeto, ad alterum congiunt melle affuso, ad alterum vero fale injecto; deinde vicissim alternatis poculis bibat, donec totum ebibat. Sub vesperum vero post purgationem, lenticulæ heminam forbeat, & betarum pinguium heminam, polenta aspersa, bibat: pulli gallinaei carnem, aut columbæ, aut turturis, aut oviculæ, aut suis, pinguem edat: veratrum autem sexto quoque die exhibeto. Et sicubi in

articulis tumor exoriatur, nec abscedere queat; admota cucurbitula sanguinem detrahito, compunctis ferri cuspide triangulari vicinis genu partibus, & genibus, in quibus tumor exstiterit; nullum tamen alium articulum compungas. Intermediis autem diebus cibum sumat, panem quidem maxime assatum, mazam autem quam maxime melle & oleo subactam: sed opsonium habeat potissimum volucrem assatam nullo sale conditam; sin minus, etiam cum jure coctam, absque caseo tamen, sesamo, & sale. At piscibus utatur maxime carnosus, assis tamen, ad eundem modum, quo carnes, coctis, origano consperso & oleo subunctis. Vinum autem si conferat, album bibat; sin secus, nigrum; & per circuitus interdium post coenam & mane se exerceat: serum autem & lac pro tempore semper bibat: quod si tibi visum fuerit, etiam asininum lac decoctum exhibeto. Et, si sanus evaserit, a frigore & æstu sibi caveat, neque cibis admodum repleatur; periculum enim est, ne rursus morbus revertatur. Sic igitur curatus hic morbus, sex mensibus sanatur: tot enim mensium intervallo, lethalis sit, necne, judicatur; qui etiam si confestim curetur, molestus tamen est, & plerisque commoritur.

CAPUT XLIV.

De quarto typho ex superflua humiditate a fructuum aut placentæ esu genita, factæ, ejusque signis, prognosticis, & curatione.

Alius typhus. Oritur quidem hic morbus fructuum autumnalium tempore, quum

quis se omni genere fructuum expleverit: plerisque vero inde etiam ejusmodi morbus oritur; ex inexplebili placentarum ex sesamo, aliorumque ex melle dulciorum esu. Mel enim coctum æstuosum est, & ventriculo adhæret; deinde, quum in ventriculo coctum fuerit, effervescebat; venterque derepente attollitur, incenditur, & disrumpi videtur. Postea vero diarrhœa continuo succedit; quumque semel (alvus) fluere cœperit, multos dies purgatur, multique post hanc purgationem sani evaserunt.

Quum igitur sponte purgari cessaverit, lentium cremoris, injecto sale, tres semicongios ipsum ebibere cogito. Post succi autem purgationem, sub vesperum, lenticulæ frigidæ insulse heminam, multo sulphio incocto sorbeat, & betæ non conditæ, pinguis, polenta aspersa, heminam. Vinum nigrum austerum paulatim bibat. Reliquo autem tempore eadem faciat, & cibos assumat, panem exassatum, & mazam quam maxime melle & oleo subactam. Primis autem diebus farinam coctam & melle affuso refrigeratam comedat: vinum bibat nigrum, austerum: quoad sedatus fuerit morbus, hæc assumat.

Qui vero ob autumnalium fructuum esum morbo correptus est, flatum habet, ac tormina, & dolorem; neque cibaria dejici queunt, venterque ei magnus & durus est, & rigor, & febris detinet. Huic, si sponte quidem venter turbatus fuerit, viginti (ut minimum) diebus purgatur, quumque purgatio cessaverit, confestim sanus evadet. At si minime purgatus fuerit, cum hippophaes succo, aut grano Cnidio purgato: sub vesperum autem eadem ac illi, qui sponte purgatur, exhibeto. Postridie vero si febris detineat, quietem agat; eique vinum idem ex aqua

frigidissima bibendum dato : quod si febris minime detineat , victu utatur non humido , sed validiore ; & ciborum ratione habita , deambulet. Ab hoc morbo plerisque jam hydrops obortus est : & , si clystere opus esse tibi visum fuerit , iisdem quibus in hydropico , alvum subluo. Quod si volueris , ex his clysterem parato. Thapsiam herbam in aquæ mulsæ hemina incoquito ; deinde sic (paratum) clysterem injicito. Hic , ita curatus , citissime sanus evadet.

C A P U T XLV.

*De quinto typho , a corporis putrida humiditate ;
& ab atra bile genito ; ejusque causis , signis ,
& curatione.*

ALius typhus. Gignitur quidem hic morbus , quum corporis humores putruerint , & plus æquo reficcati sint. Quum igitur morbo corripitur , fit specie humidus , subpallidus , pellucidus , & vesicæ urinæ similis apparet , sed non tumet ; verum tenuis est , aridus , ac debilis : maxime vero in corpore claviculæ extenuantur ; & vultu vehementer gracilis est , oculique admodum cavi. Hæc quidem a morbo patitur ; quod si corporis color niger exstiterit , hæc autem causæ sunt. Quum in venas & sub cutem bilis atra subierit , quumque his calor supervenerit , venulas a calore exuri & sicari necesse est , ac proinde sanguinem per venulas excedere.

Hic igitur his afficitur. Tenuis & admodum gracilis evadit ; oculis raro nictatur , & muscæ a stragulis venatur ; & ciborum magis edax est ,

quam quum sanus est; lucernæ extinctæ odore delectatur; frequenter noctu se polluit; plerumque vero incedenti ipsi semen effunditur.

Huic, quum sic habuerit, ventrem, superiorem videlicet veratro nigro purgato; inferiorem vero scammonii succo. At post purgationem, eadem quæ & cæteris dato, & serum, lacque bubulum, aut caprinum, tempore exhibeto: lac etiam asininum decoctum ad purgationem dato. Hic, ita curatus, intra biennium maxime sanus evadit. Cibos quos velit, accipiat; quam plurimum comedat, & pro ciborum ratione obambulet. Hic morbus non viginti annis majoremprehendit; quumque prehenderit, nisi per exordia morbi curatus fuerit, non deserit, priusquam viginti anni præterierint, sed perseverat; deinde a nonnullis, dum curantur, abscedit. Gravis autem morbus est.

C A P U T XLVI.

De ileo primo, laxo, a crassis, lentis, & frigidis humoribus, citra inflammationem, & dejectionum suppressionem, tenuia intestina non omnino obstruentibus, orto: ejusque causis, signis, & curatione.

Convolvuli appellantur hi morbi: ab his autem potissimum oriuntur; si quis calida & humida victus ratione per hiemem utatur, neque ciborum ratione ducta obambulationibus se exerceat, verum expletus dormiat; deinde derепente longum iter per frigus conficere cogatur; postea sub ossibus riguerit.

Hæc sane patitur: flatus in universo corpore oboritur, ejusque color fit plumbeus; & perpetuo riget, adeo ut calida ei affusa, minime calida esse videatur. Corpus autem ejus dum lavatur, sub calida desquamatur, præsertim vero scrotum; sique digito corporis partem aliquam comprimās, impressionem facies, & tibi vestigium apparebit, velut in farina aqua subacta; maxime autem in pedibus cavitas imprimitur. Ejus autem crura gravantur, & si deambulet, tremunt; sique per arduum locum iter faciat, vehementer spirat, & ulnæ suspendi videntur; sitis per noctem detinet, cibosque, quoscunque comedit, crudos dejicit.

Huic, ita affecto, fotu ipsi admoto, cneorum, aut hippophaes succum, aut granum Cnidium propinato: post purgationem autem eadem, quæ & superioribus, dato. At postridie lactis asinini cocti congiū, sale injecto, bis ebibendum dato: sub vespere autem panem in cœna sumat; opsonium habeat oviculæ carnes elixas, & polypos in vino nigro coctos, jusculumque sorbeat, lenticulamque sic apparatus habeat. Lentis heminam coctæ, probe terito; postea farinam commisceto, & silphium derasum & salem injicito, acetum infundito, & ad hæc allia simul coquito; deinde aqua affusa, bis aut ter fervefacito, & simul ipsa tudicula agitato; postea detracta (tudicula) elixetur sorbitio; sit autem non valde crassa, cuique boni odoris gratia pulgium (simul) coctum injectum sit. Interjectis autem diebus sexto quoque die vomitus excitet; per intervalla tamen ante vomitum & medicamenti potionem fomentum admoveere oportet. Tertio quoque die balneum, si conferat, adhibeatur; sin minus, inungatur; & si possit, pro cibo-

ciborum ratione deambulationibus utatur; & sambuci folia, conyzæque semper tenellæ decocta, edenda dato: sic enim curatus facillime deget; morbusque post annum deferet.

Multis vero jam sanatis, iterum post biennium morbus reversus est: verum si redeat, eadem curatione curare oportet. Quod si tertio revertatur, tumor quidem non contingit; tenuis tamen & gracilis evadit, & facies extenuari incipit, colorque fit exalbidus magis, quam antea.

Huic interdum hydrops in ventre subnascitur: si igitur exortus fuerit, eum minime fecare oportet: moritur enim; sed iisdem remediis curare, quibus a liene hydrope laborantem. Hunc maxime quidem per initia curare velis; sicque celeriter sanum reddes: morbus autem multa curatione indiget; est enim gravis.

C A P U T XLVII.

De secundo ileo icterico & bilioso, ex multi humoris biliosi collectione tenuia intestina obstruente facto, ejusque causis, signis, & curatione.

ALius ileus auriginosus. Hic maxime æstatis tempore, in palustribus locis invadit; ex aquæ autem potione magis: plerique vero etiam sub sole versati capitis dolore affecti, ejusmodi jam (morbo) correpti sunt.

Verum prioribus similia patiuntur, colore excepto: etenim hic fit pallidus ut malicorium, & oculi interdum auriginoso colore implentur.

Hunc, quum sic habuerit, iisdem, quibus superiorem, curare oportet. Cicerum etiam albo-

rum aqua decocta potui exhibenda, & vino mixto propinanda est, ejusque caput tetragono (medicamento) purgandum. Hic superiore minus lethalis; convolvulus autem auriginosus nuncupatur.

CAPUT XLVIII.

De tertio ileo hæmatite, vel cum hæmorrhagia, ejusque causis, signis, ac curatione.

Ileus sanguineus. Cætera quidem copia eadem, quæ prioribus, contingunt: morbus autem autumnino oriri ineipit, in eoque morbo hæc accidunt. Ore male olet, & a dentibus gingivæ abscedunt, & ex naribus sanguis effluit: interdum vero ex cruribus ulcera erumpunt, & hæc quidem fanescunt, alia vero exoriuntur; color niger est, cutis tenuis; ad deambulationem & exercitationem (haud) promptus est.

Hunc, quum ita habuerit, iisdem quibus superiores curato, & ex his alvum subluo. Cucumeris agrestis folia quinque tenuiter terito, & mellis heminam dimidiam admisceto, & salis quantum una manu comprehenderis, itemque olei heminam dimidiam, & betarum coctarum succi heminas quatuor. Dato etiam ad purgationem per inferiora lactis asinini cocti heminas octo, melle affuso; & (lac) bubulum, si tempus ferat, quadraginta diebus bibat. Mane quoque lactis bubuli heminas duas bibat, tertia aquæ mulæ parte etiam interpositis diebus admixta. Hic morbus multa curatione indiget; alioqui non decedit, sed cum homine commoritur: vocatur autem convolvulus sanguineus.

CAPUT XLIX.

De primo pachysmo, aut crassa ventris mole ex pituita & bilis collectione, vel defluxione, orta; ejusque causis, signis, & curatione.

MOrbi, qui crassi vocantur. Ex crassis morbis nuncupatis, hæc præcipue oriuntur. Quum pituita & bilis in corpore mixta fuerint, in ventrem defluunt, ac ubi in ventre collecta sunt, attolluntur, sursumque ac deorsum velut unda decurrunt; rigor & febrisprehendit, dolor in capite consistit; quumque ad viscera dolor pervenerit, suffocationem parit. Interdum pituitam acidam, quandoque etiam falsam vomit; quumque evomuerit, os ei amarum esse videtur. Latera rubor occupat; quippe quum pituita in ventre maneat, sanguis calore coacervatus ad latera fertur; & in lateribus rubores excitat, costasque calor maxime vexat, ipsique dorsum incurvatur. Quumque maxime dolet, corporis contactum non sustinet; dolet enim tanquam ab ulcere, carnes præ dolore palpitant, testesque contrahuntur, & ad sedem, ac vesicam calor quidam, & dolor irrupit, crassamque urinam, qualem hydrope laborantes, reddit; capilli ex capite defluunt, crura & pedes semper frigidi sunt, dolor maxime latera, dorsum, & cervicem premit, eique ad cutem aliquid adrepere videtur. Morbus autem interdum quidem urget; interdum vero remittit: at procedente morbo, assidue magis urget, cutisque capitis crassa & rubra evadit. Hic ad sex quidem annos hoc modo affectus perdurat; deinde sudor copiosus & graveolens effunditur; crebro vero per

somnum semen ejicit, illiusque semen genitale subcruentum exit, & sublividum. Hic morbus ex solis calore, & aquæ potione oritur.

Hunc igitur, quum sic habuerit, cneoro exhibito subpurgato, aut grano Cnidio, aut hippophaes succo. Dato etiam lactis asinini cocti octo heminas, melle affuso: postera diè post purgationem eadem, quæ aliis, exhibeto. Primis autem diebus eadem, quæ hydrope detentus, in cibo accipiat; & si possit, obambulationibus se exerceat: quod si non possit ob febres, neque cibos comedere queat, lenticulæ sorbitione utatur, & in potu vino nigro quam maxime austero. Hic morbus autumnoprecipue & autumnalium fructuum tempore invadit. Hic, si non intra sex annos curatus fuerit, ad usque decem annos perseverat; plerisque vero, nisi quamprimum curatus fuerit, commoritur.

C A P U T L.

De secundo pachysmo, aut crassa hepatis mole a bile, quæ jecoris inflammatio est; ejusque causis, signis, & curatione.

Alius morbus crassus. Crassi autem hujusmodi morbi a bile fiunt, quum ad hepar confluerit, & in capite sedem habuerit.

His certe afficitur. Jecur tumet, & præ tumore ad septum transversum expanditur, statimque dolor in caput: precipue vero in tempora irruit, neque auribus acute audit; sæpe vero & oculis non videt, horrorque & febris invadit. Hæc quidem per morbi initia ipsi contingunt,

& interdum valde quidem, interdum etiam minus intermittunt; quo vero tempus longius morbo processerit, eo & labor corporis major, oculorum pupillæ dissipantur, & cæcutit, sique digitum ad oculos admoveris, non percipit, quod non videat; hoc autem cognoveris cum non videre, quod admoto digito non nictet; & floccos ex vestibis avellit; si quos videat, pediculos esse ratus: quumque hepar ad septum transversum magis expansum fuerit, delirat, eique ante oculos reptilia & cujusvis generis variæ feræ apparere videntur, & milites pugnantes, cum quibus ipse pugnare videtur, & tanquam pugnas & bella videat, talia loquitur; irruit, & nisi quis eum exire sinat, minatur, sique surrexerit, crura attollere non potest, sed decidit. Ejus pedes semper sunt frigidi; quum dormit, a somno exsilit, & terretur, quum insomnia horrenda viderit: cum autem a somniis exsiliere, ex eo cognoscimus; terretur, & quum ad mentem redierit, insomnia enarrat, quæ corpore gesserit, & quæ lingua loquutus sit. Hæc quidem sic patitur: interdum vero per totum diem ac noctem voce captus jacet, multum spiritum confertum respirant: quum autem delirare desierit, statim e vestigio ad mentem redit; & si quis eum roget, recte respondet, & quæ dicuntur, omnia intelligit; deinde rursus paulo post in iisdem doloribus decumbit. Hic morbus maxime in peregrinatione accidit, & sicubi desertas vias peragrantem ipsum ex viso spectro terror corripuerit: sed & alio modoprehendit.

Huic, quum sic habuerit, veratri nigri pondus obolorum quinque propinato; sed ex vino dulci propinato: aut ei ex his clysterem injicito: nitrum Ægyptium ad tali ovilli quantitatem lævi-

ter terito, & mellis optimi decocti heminam dimidiam in pila admisceto, & olei heminam dimidiam, & ex betis coctis aquæ quatuor heminas, per noctem sub dio expositas; quod si velis, pro betæ (decocto) lac asininum coctum admisceto; eaque permixta, febris detineat necne, per infusum immittito. Sorbitionibus, ptisana cocta, melle affuso, utatur. Mel autem, & aquam, & acetum simul permixta bibat, quoad morbus judicatus fuerit. Judicatur autem quatuordecim ad summum diebus, lethalis sit, necne.

Multis vero jam sedatus ejusmodi morbus, rursus reversus est. Si igitur redierit, periculum est, ne æger consumptus pereat: judicatur autem morbus septem diebus, lethalis sit, necne; sed si hos effugerit, fere non moritur, sed in multis curatus decedit.

Quum vero cessaverit morbus, optima victus ratione utatur, sensim adjiciens, quæ ventriculus suscipiat, neque exurantur, neque alvi profluvium superveniat: utrumque enim periculosum esse videtur. Lavetur autem quotidie, & post cibos moderate obambulet; vestem vero levem as mollem induat; & lac ac serum per dies quinque & quadraginta bibat. Hæc, si fecerit, citissime sanus evadet: morbus autem gravis est, multaque cura indiget.

C A P U T L I.

De tertio pachysmo, seu crasso crurum tumore a pituita putri orto; ejusque signis, & curatione.

Alius crassus morbus. Fit autem a pituita putrefacta: id vero, unde oritur, putridum

esse, hinc manifestum est; eructat (enim) ab eo, quod odorem habet, qualem qui radículas ederit. Ejusmodi morbus a cruribus oriri incipit; deinde ab his ad ventrem adscendit; quumque in ventre constitit, rursus ad viscera recurrit; & ubi in his constitit, strepit, & vomitum ciet, simul pituitam acidam subputrem evomit; quam, quum vomuerit, sibi non constat (æger;) deinde anxietudo est circa viscera, interdumque acutus dolor repente capiti adhærescit; & auribus acute audire non potest, neque oculis præ gravitate videre; sudor etiam multus, graveolens effunditur, præsertim quum dolor detinet, morbi remissionem facit. Color autem ipsius auriginosus est. Hic morbus priore paulo minus lethalis est.

Huic, quum ita habuerit, ventrem inferiorem per hippophaes purgato, superiorem vero per veratrum; caputque tetragono purgato, quumque per veratrum purgatus fuerit, postridie lacte asinino cocto purgato; tertio autem die caprino cocto: eodemque, sane modo quarto, & quinto; at reliquis viginti diebus lac bubulum crudum, sive etiam caprinum dato, tertia aquæ mulsæ parte admixta: sed lactis congium bibat. Post inferiorem autem purgationem, eadem quæ hydrope detentis, medicamenta porrigito. Reliquo tempore quum lac bibit, cœnet panem exassatum; opsonium vero habeat, ex piscibus quidem scorpium, aut callionymum, aut cuculum, aut squatinæ frustum cum condimentis coctum; ex carnibus vero ovides, aut pullos gallinaceos, eosque coctos. Vinum bibat album, si conferat; sin minus, nigrum austerum; deinde obambulet, postquam comederit, ita ut non frigescat. Huic igitur prædictos cibos, si conferant, exhi-

beto; si vero non conferant, sorbitiones ptisanæ, & milii. In hoc morbo si triginta dies ager praterierit, sanus evadit: hi enim, lethalis sit necine, decernunt. Est autem gravis morbus.

C A P U T LII.

De quarto pachysmo ex alba pituita in alvo collecta, ejusque curatione.

Alius crassus morbus. Hic morbus a pituita alba gignitur; in ventre vero colligitur, ubi febres diurnæ corpus occuparint. Hic morbus initium sumit a facie, & facies tumet; deinde ad ventrem descendit, quo quum pervenerit, ventrem in magnitudinem attollit, corpusque velut ab exercitatione fessum, succumbit, & in ventre pondus est, & dolor vehemens, & pedes intumescant. Quod si pluvia in terram effusa fuerit, pulveris odorem non sustinet: si vero in pluvia forte constiterit, & terræ odorem senserit, derepente concidit. Hic morbus, quum intermittit, diurniorique tempore quam prior occupat, & tardius solvitur.

Eum autem iisdem quibus & hydropicum, curare oportet; fomentis videlicet, medicamentis, cibariis, & exercitationibus.

Hic morbus per sex annos maxime detinet; deinde probe curatis tempore decedit, etiamsi per exordia curatus non fuerit. Hic morbus molestus, multamque curam postulat.

CAPUT LIII.

*De quadruplici ischiade, arida, biliosa, pituitosa;
& sanguinea, ac de cujusque causis, signis, &
curatione.*

DE ischiade. Ischias autem ab his causis potissimum multis oritur; si quis per multum tempus in sole iter fecerit, & coxendices incaluerint, & humor, qui articulis inest, a calore fuerit resiccatus: quod autem resiccetur, & concreseat, hoc magnum signum est: æger enim articulos præ dolore articulorum vertere aut movere non potest, & eo quod verticula compacta sunt. Dolor vero lumbos potissimum obsidet, & vertebrae, quæ ad coxendices ex obliquo sitæ sunt, & genua: in inguinibus autem, simulque coxendicibus, dolor acutus & æstuosus plurimo tempore insistit; & si quis eum erigat, aut magnopere moveat, præ dolore quantum potest plurimum ejulat: interdum vero & convulsio, & rigor, & febris supervenit. Fit autem a bile & pituita, oritur quoque etiam a sanguine dolor consimilis, velut ab omnibus morbis, rigorque, & febris lenis interdumprehendit.

Sed eum, qui hoc morbo a sole correptus est, hoc modo curare oportet. Corpus ejus admoto fotu humectandum, & cibi ac potus, & quæ cætera exhibentur, tepida ac humida: eaque omnia cocta exhibenda. Panc autem, ac maza utatur molli, non subacta: vinum vero bibat album, aquosum; & corpore quietem agat, etiamsi exsurgere queat; parum tamen quotidie obambulet; neque frigeat; neque multum lavet. Quumque tibi probe habere, corpusque humectum esse videbitur, leni fomento multum fo-

veto, magis enim relaxat, & quod in articulis concretum est, perhumectat. Postero deinde die granum Cnidium propinato: quod si non juverit, hæc per clysterem huic injicere oportet; cumini triti heminam dimidiam, colocynthidem non dissectam, parvam & rotundam, in pila contusam, & tenuissime tritam, & nitri Ægyptii rubri, tosti & lævigati minæ quadrantem; hæc mixta in ollam conjicito, & olei heminam affundito, mellis heminam dimidiam, vini albi dulcis heminam, & succi betæ duas heminas; hæc quoad probam crassitudinem habere tibi videantur, coquito: deinde his per linteum excolatis, mellis Attici heminam admisceto; si mel simul coquere nolis: quod si Atticum non habeas, (mellis) optimi cocti heminam in pila admisceto: si vero infusum crassius fuerit, de eodem vino habita crassitudinis ratione affundito; eoque clystere alvum subluo. Deinde finire oportet ad tres dies usque purgari: quod si pluribus diebus purgetur, lactis bubuli aut caprini heminas tres ebibendas dato; postea betas pingues insulas, condimentis adpersis, comedendas præbeto.

Ex hoc morbo multi claudi evaserunt.

At vero si a bile morbus fiat, veratrum deorsum purgans, aut scammonii succum ei propinato: post ejusmodi vero purgationem, succi ptisanæ melle affuso heminas duas forbendas dato: postero autem aut tertio die, admoto fotu, lacte asinino cocto subpurgato: sub vesperum betæ pinguis heminas duas, polenta adpersa, comedat: vinum album, aquosum, dulce, & nunc, & post medicamento purgationem bibat.

Si vero a pituita ægrotet, ei granum Cnidium, aut hippophaen, post admotum fotum propinato: post purgationem autem easdem forbitiones,

& potus, & lactis potionem exhibere oportet. Interjectis vero diebus quam levissimo victu utatur. Et, si quidem ab his juvetur, (sat est;) sin minus, ipsum multis & altis crustis, in ossibus quidem partibus per candelarum fungos: in carnosissimis vero per ferramenta, inurito.

At si a sanguine ægrotarit, admoto fotu, & cucurbitulam admoveo, & venas in poplite secato: si vero tibi videatur, granum quoque Cnidium ei propinato. Quam siccissima autem victus ratione utatur: vinum quidem potius ne bibat; sed si sane bibere velit, quam minimum & dilutissimum dato; & modicum obambulare jubeto; aut si possit, plurimum.

A pituita etiam ægrotanti eadem facere confert.

Quod si stare nequeat, eum creberrime in lecto circumvertere oportet, quacunque ex causa ægrotet, & per omnia similiter, ut ne intus cartilago coalescat; si vero coaluerit, & articuli obriquerint, omnino hominem claudum fieri necesse est.

Et, si a sanguine ægrotanti velis alvum subluere, quo sanguinem & pituitam a coxendicibus revoces; ex his infusum parare oportet: falis pugillo trito, olei heminam, & de hordei decocto heminas duas admisceto; deinde sic infusum injicito. Ita curatum citissime sanum reddideris: morbus autem molestus admodum, ac diuturnus est.

CAPUT LIV.

*De tetano; ejusque causis, signis, &
curatione.*

Tetani tres. Si quidem ex vulnere tetanus (aut distentio) fiat, his afficitur. Maxillæ rigent, & os diducere nequit, oculique lachrymantur ac contrahuntur, & dorsum rigidum est, neque crura, neque manus; neque spinam inflectere potest: quum vero lethalis fuerit, potus & cibi, quos devoravit, interdum per nares redeunt.

Hunc, quum sic habuerit; fovere oportet, & pingui inunctum eminus ad ignem calefacere, & fomenta tepida; inuncto corpore, admovere. Et absinthium, aut lauri folia; aut hyoscyami semen tritum, & thus; deince vino albo macerata, in ollam novam infundito; deince vino per oleum affundito; quibus calefactis, multo calido corpus & caput ungit. Postea in folio reclinatum, sursum spina conversa, vestibis albis, mollibus & puris contegito, ut vehementer exsudet. Aquam vero mulsam tepidam, si eam quidem bibere possit; per os exhibeto; si vero non possit, per nares infundito. Vinum denique album, quam suavissimum & copiosissimum potui dato. Hæc quotidie facienda sunt, donec sanus evadat: morbus autem gravis est, & cita curatione indiget.

CAPUT LV.

De opisthotono, ejusque signis, & curatione.

O Pisthotonus. Opisthotono alia quidem eadem oboriuntur: fit autem quum posterioribus cervicis tendinibus ægrotaverit. Ægrotat autem aut ab angina, aut ab uva, aut locis ad tonsillas suppuratis; interdum vero etiam a capite febribus obortis, convulsio succedit; quinetiani & a vulneribus. Hic in posteriora trahitur, & præ dolore dorsum immotum est, & pectus protuberat, ac lamentatur. Hic vehementer convellitur, vix ut quidem adstantes eum contineant, ne e cubili excidat. Hic sæpius quidem interdum laborat; frequenter etiam levius degit.

Huic sic affecto, eadem quæ priori, sunt exhibenda: hic vero morbus ut longissime ad dies quadraginta detinet, si vero hos effugerit, convalescit.

CAPUT LVI.

De tetano ab exteriori causa potissimum facto, ejusque signis, & curatione.

Alius tetanus. Hic tetanus minus, quam priores, lethalis est: ab iisdem autem oritur: plerique vero & ex casu in posteriora, in hunc morbum inciderunt.

His sane afficitur æger. Corpus totum convellitur; interdum vero ad quamcunque corporis partem forte contigerit, ea convellitur. Et

primum quidem circum obambulat: deinde successu temporis in lectum decedit, rursusque dolor & convulsio remittit; quumque surrexerit, si forte paucos dies huc & illuc oberraverit, postea rursus iisdem vexatur doloribus. Atque hæc patitur, multoque tempore has subit mutationes: si quid comederit, id non nisi ægre & exultum per inferiora secedit; sed ad pectus cibus deferitur, & suffocationem excitat.

Hunc, si eodem, quo priores, modo curaveris, citissime sanum reddideris: infusum ex ptisanæ coctæ cremore cum melle, in alvum injicito.

'FINIS TOMI SECUNDI.

E R R A T A.

Pag. 3. lin. 10. *secutum*, lege solutum.

Pag. 41. lin. 5. *mucedine*, lege raucedine.

Pag. 103. Præf. lin. 6. *sexu*, lege situ.

Pag. 216. lin. 1. *inter*, lege intern.

Pag. 401. Præf. lin. 15. *minus*, lege nimis.



